

Iohannis Gottfried Zinn ... Descriptio anatomica oculi humani iconibus illustrata.

Contributors

Zinn, Johann Gottfried, 1727-1759.
Wrisberg, Heinrich August, 1739-1808.
Francis A. Countway Library of Medicine

Publication/Creation

Goettingae : Apud viduam B. Abrahami Vandenhoeck, 1780.

Persistent URL

<https://wellcomecollection.org/works/u6ny899a>

License and attribution

This material has been provided by This material has been provided by the Francis A. Countway Library of Medicine, through the Medical Heritage Library. The original may be consulted at the Francis A. Countway Library of Medicine, Harvard Medical School. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



28.B.2



Dr. B. JOY JEFFRIES.

JOHANNES GOTTFRIED ZORN
PROFESSOR OF PHYSIQUE IN THE UNIVERSITY
OF GOTHENBURG.

OCVLI HUMANI
ICONIVS ILLUSTRATA.

IN ALTERA VICE EDITA,
ET PHILIPPO BREWERIO,
PARISIENSIS IMPRENTA.

HENR. JACQ. WISDELL
ANATOMUS FRANCORUM CONSILIUS.

LIBER ET LIBERTATIBUS
LIBER ET LIBERTATIBUS

1

of small and
large


Dr B. Jay Jeffries

IOHANNIS GOTTFRIED ZINN
PROFESSORIS QVONDAM MEDICI IN VNIVERSITATE
GOETTINGENSI

DESCRIPTIO ANATOMICA
OCVLI HVMANI
ICONIBVS ILLVSTRATA,

NVNC ALTERA VICE EDITA,
ET NECESSARIO *SVPPLEMENTO*,
NOVISQVE TABVLIS AVCTA

AB
HENR. AVG. WRISBERG
ANATOMES PROFESSORE GOETTINGENSI.



GOETTINGAE,
APVD VIDVAM B. ABRAMI VANDENHOECK.
MDCCCLXXX.

JOHANNES GOTTFREDUS SING
ANATOMIAE CHONDRALIS ET LIVERATURAE
GOTTFREDI
DESCRIPTIO VITAM
OCULI IN VITAM
TECNOLOGIAE HISTORATA



PERILLVSTRI
ATQVE
EXCELLENTISSIMO DOMINO
DOMINO
GVILIELMO HVNTER
AVGVSTISSIMAE
ET AB OMNIBVS POPVLIS
DILECTISSIMAE MAGNAE BRITANNIAE
REGINA E
MEDICO
ET APVD LONDINENSES ANATOMES
PROFESSORE

MVLTIS EGREGIISQVE INVENTIS
PER VNIVERSAM EVROPAM
CELEBERRIMO

HANC NOVAM
DESCRIPTIONIS OCVLI HVMANI ANATOMICAE
EDITIONEM

cum annexo Supplemento

FOVET ET CONSECRAT

RENÆGUS ARG. WASSBERG.

PERIODICALS

...tumque invenimus ibi, cum nos usciamini ob-
seruare, quoniam hinc est modus, secundum
quem omnes qui in hoc opere laborant,
ad eum venient, ut possint, et non solum
magistris, sed etiam discipulis, et
LECTORIBVS
vel **S. D.**

HENR. AVG. WRISBERG.

Pauca mihi nunc praemonenda sunt, cum
mea praefatio cum *Supplemento* hujus descriptio-
nis proditura sit. Novarum tabularum elegan-
tia, cura, sollertia, et summus nitor, quem
illis conciliare studeo, moram, propter scul-
ptoris egregii absentiam, fecerunt, ut supple-

P R A E F A T I O.

mentum ipsum, cum nova hac Zinniani operis editione simul distribui nequeat, licet perfectum, plane exaratum, et talem in modum impressum sit, ut versus instantes nundinas Lipsienses, vel junctim cum b. ZINNII libro, vel seorsim vendi queat. Dab. Gottingae Mens. Mart. 1780.

HENR. AVIA MIRELLI

Puicis mibi rura pascionibus fuit, cum
pries bisectio cum supplicatione pueris delectio-
nis pueris ut Novembris pueris soler-
tis, chies, tollentis, et ruribus ruror, dum
ille coniunctus filio, monstra, pueris, puer-
is ergo spoliis, recessit, ut libello
dixi.

36

JOHAN-



JOHANNIS GOTHOFR. ZINNII

PRAEFATIO.

Cuius iam ante anni spatium publicam mentionem feci in epistola de vasis subtilioribus oculi ad ILL. WERLHOFIVM, Virum utraque arte Apollinea inclytum, cuius carminibus animum non minus refici, quam arte corpus iuuari dixeris, nunc prodit descriptio anatomica oculi humani. Nonnulla hic monenda esse duxi, quae ad sortem huius libri & occasionem illius conscribendi pertinent.

Ab illo inde tempore, quo ad Medicinam animum applicare coepi, ante omnes fere reliquas scientiae medicae partes, studii in primis Anatomici amore captum me fuisse fateor, cui proinde plurimum temporis non sine voluptate impendi. Cum ergo Berolini, quo copia cadauerum & frequens occasio secandi me inuitauerat, exercitiis anatomicis totum me tradidisse, inter omnes reliquas corporis humani partes pulcherrima fabrica oculi, organi in primis nobilissimi me allexit; ad quam accuratius inuestigandam cum ipse aggredierer, facile vidi, in subtilissimis oculi partibus diligentiam Anatomicorum nondum omnia ita iam occupasse, quin multa su-

per-

P R A E F A T I O.

perfici, quae vterius & accuratius examinari mereantur. Nec natura quaerentem deseruit. Postquam autem ad celeberrimam hanc Musarum sedem clementissimi nostri Regis natus vocatus sumus publice Medicinam docendi in me collatum suscepseram, eo maiori animo ad indagandam et describendam fabricam oculi humani accessi, quam praeterea nos adeo leuis spes mihi esset, fore, ut consilio et suppellefili librorum Venerandi Praeceptoris, ill. HALLERI usus, eo facilius et plenius librum hunc perficere liceret.

Discessus quidem Viri huius summi a nostra Academia et theatro Anatomico, non parum spem meam turbauit. Non tamen omnem tristescepsit passus est Illusterrimi Maezentis praesens semper & efficax in omnes literarum cupidos benignitas. Ipsius summa sapientia couit, ut in exercitiis anatomicis quodammodo ad hoc usque tempus pergere, coepitumque opus ad finem perducere licerit; quam quidem benevolentiam inter summa, quae in me extare voluit, beneficia librentissime refero, et gratissima mente veneror.

Longe tamen, omni locet adhibita diligentia, descriptio-
nem hanc anatomicam ab illo perfectione abesse sentio, quam
illi optaueram; et vicia certe ipse video, reprehensionem alio-
rum incursum. Sed ipsa fata, multa vterius persecuturo
obstiterunt, neque semper ea cadaverum copia ad manus
fuit, quam voto conceperam. Obstacula sese mihi obtule-
runt, quae vix, nec nisi summo huius studii amore superare
fuerint, eo maiorem tutem moram mihi fecerunt, quod neque
plane evitari, neque praevideri poterant. Quae quum ita
fuerint, spes mihi est, fore, ut aequi rerum iudices eo facilius
me excusent.

In ipso autem opere eas imprimitis oculi partes maiori pra-
reliquis diligentia et indefesso studio elaborandas mihi sumbi.
quas

P R A E F A T I O.

quas ab aliis minus accurate examinatas fuisse videbam; eamque ob caussam cuilibet fere parti breuem historiam praemittere, aliorumque virorum fide dignorum opinones interdum addere visum est, ut cum nostra descriptione conciliari, et quid prioribus inuentis addere nobis contigerit, facilius perspici posset. Fidem obseruationum ubique spondeo. Nihil attuli, nisi quae ipse, et iteratis vicibus, vidi, & interdum, qua administratione usus fuerim, monui, ut nostrae obseruationes eo melius repeti et examinari possent. Icones addidi, quae obseruationes aut nouas mihi visas, aut quas p[re]e aliis memoratu dignas esse credidi, exhibere, et descriptionem nostram illustrare possent, omnem ergo diligentiam adhibui, ut accurate naturam exprimerent, illis tamen in primis partibus intentus, quas in ea figura proponere visum fuit. Plurimae tamen fabricam exhibent magnitudine ultra naturalem aucta, ut partes subtiliores et saepe in oculo humano nimis exiguae eo facilius et distinctius exhiberi possent. Icones delineatas seruo summa arte factas, quae fidem meam confirmare possunt. Plures addidisse, si res et fata tulissent.

Vnica autem hoc in libro sisto descriptionem Anatomaticam, sine omni Physiologica theoria. Taedio mihi fuit, aliorum opiniones ex libro in librum transcribere, aut hypotheses experimentis non sat[is] suffultas lectori obtrudere. Nimirum multa superesse vidi in Physiologia partium oculi, quae ulteriori examine digna videntur. Facile perspexi, plura adhuc experimenta institui debere, plures obseruationes, in primis ex Anatome comparata repetendas, requiri, priusquam de actione iridis et processuum ciliarium, de usu choroidis, de motu muscularum oculi, et de diuisione neruorum, certius quidquam determinari possit. Eo maiori autem studio laboribus hisce insistam, oculos variorum animalium diligenterissime examinabo, omniisque ardore in id incumbam, ut alio tempore Physiologicam theoriam nostra descriptione aliisque

P R A E F A T I O.

obseruationibus fundatam peculiari tractatione lectoris iudicio submittam.

Animus mihi fuit & adhuc est, et oculi fabricam denuo accuratius perscrutari, et reliqua sensuum organa corporis humani eodem modo, anatomico examini subiicere; at vero hoc in consilio multa a tempore pendent. Amor quidem Anatomes nunquam me deseret; utinam occasio secandi amori responderet. Monendum praeterea est, maximam partem huius operis descriptam et typis excusam fuisse inter negotia domestica quidem sed grauissima, a quibus reliqua vitae salus nimis pendebat, ut non quotidie distractum me tenerent. Quum praeterea librum ob varias rationes diutius premere non liceret, lector benevolus humanissime excusabit, si quae cum sphalmatis typographicis, in ipsa dicendi ratione occurrant minus accurate dicta.

SYL-



SYLLOGE CAPITVM ET DIVISIONVM HVIUS LIBRI.

Caput I. De Tunica sclerotica.

- §. I. Bulbus oculi describitur.
- §. II. Fabrica scleroticae.
- §. III. Facies externa et interna.
- §. IV. Diuersa crassities scleroticae.
- §. V. De origine scleroticae sententiae nonnullae auctorum.
- §. VI. Nostrae obseruationes circa originem scleroticae.
- §. VII. Quomodo pia mater nerui optici in laminam internam scleroticae abeat.
- §. VIII. Num tendineae expansiones muscularum propriam tunicam, albugineam dictam, constituant.
- §. IX. Connexio scleroticae cum cornea.
- §. X. Fabrica corneae.
- §. XI. Crassities corneae.
- §. XII. Conuexitas et figura corneae, in facie externa et interna.
- §. XIII. Num coniunctiua & epidermis super corneam producantur.

SYLLOGE CAPITVM ET DIVISIONVM

Caput II. De Tunica chorioide.

Sectio I. De chorioide proprie sic dicta.

- §. I. Denominatio chorioidis.
- §. II. Facies externa eiusque connexio ope cellulositatis cum sclerotica, facies interna omni nexu libera.
- §. III. Nigredo, qua vtraque facies chorioidis tingitur.
- §. IV. Opiniones auctorum circa originem chorioidis.
- §. V. Connexio chorioidis ope cellulositatis cum pia matre nerui optici.
- §. VI. Descriptio fabricae chorioidis in oculo recenti obseruatae.
- §. VII. Fabrica chorioidis ex oculo, cuius vascula cera sunt repleta; reticulum vasculosum, quo ab interna facie obducitur.
- §. VIII. Vtrum tunica chorioidea ex duabus lamellis sit composita?
- §. IX. De annulo celluloso, qui sub nomine orbiculi ciliaris scleroticae chorioidem annexit.

Sect. II. De Processibus ciliaribus.

- §. I. Historia processuum ciliarium.
- §. II. Denominatio corporis ciliaris et processuum ciliarium.
- §. III. Descriptio corporis ciliaris.
- §. IV. Processus ciliares in oculo recenti.
- §. V. Num processus ciliares ex fibris musculosis sint compositi.

§. VI.

§. VI. Fabrica processuum ciliarium in oculo, cuius vascula cera sunt repleta.

§. VII. Connexio processuum ciliarium cum partibus vicinis.

Sect. III. De Iride.

§. I. Historia iridis.

§. II. Iridis figura, situs; pupilla; iridis tergum pigmento nigro illitum.

§. III. Fabrica striata iridis in oculo recenti.

§. IV. Nervuli et vascula iridis.

§. V. Sedes colorum variorum iridis.

§. VI. Num iris ad motum aptissima propago vera choroidis dici possit?

Cap. III. De Tunica retina.

§. I. Denominatio retinae.

§. II. Origo retinae a substantia medullari nervi optici.

§. III. Fabrica retinae.

§. IV. De connexione retinae cum partibus vicinis.

Cap. IV. De Humore vitreo.

§. I. Humoris vitrei situs, moles et pelluciditas.

§. II. Fabrica cellulosa humoris vitrei.

§. III. Membranula coronae ciliaris, cuius ope lens crystallina cum vitreо coniungitur, et canalis Petitianus.

§. IV. Vascula humoris vitrei.

SYLLOGE CAPITVM ET DIVISIONVM

Cap. V. De Lente crystallina.

- §. I. Situs, figura, color lentis crystallinae.
- §. II. Fabrica lentis.
- §. III. Capsula lentis.
- §. IV. Vascula lentis.

Cap. VI. De Humore aqueo.

- §. I. Humoris aquei sedes in duas cavitates diuisa.
- §. II. Natura et fontes humoris aquei.

Cap. VII. De Orbita.

- §. I. Caui orbitae descriptio.
- §. II. Ossa, quae orbitam componunt.

Cap. VIII. De Musculis bulbi oculi.

- §. I. Historia horum muscularum.
- §. II. De muscularum origine communi ex fundo orbitae.
- §. III. De ligamento communi, vnde oriuntur musculi adducens, deprimens, et abducentis caput alterum.
- §. IV. De origine musculi adducentis.
- §. V. De origine musculi deprimens.
- §. VI. De origine musculi abducentis.
- §. VII. De origine musculi attollentis.
- §. VIII. Insertio muscularum rectorum oculi.
- §. IX. Diuersa singulorum muscularum rectorum directio, longitudo, crassities.
- §. X. De origine, directione et insertione musculi obliqui superioris.
- §. XI. De musculo obliquo inferiori.

Cap.

Cap. IX. De Neruis oculi.

- §. I. Historia nerorum oculi.
- §. II. Nerorum opticorum iter et insertio.
- §. III. Fabrica nerui optici.
- §. IV. Descriptio nerui tertii paris.
- §. V. Iter nerui quarti paris.
- §. VI. Iter nerui sexti paris.
- §. VII. Duplex radix, situs & figura ganglii ophthalmici.
- §. VIII. Neruuli ciliares ex ganglio illo orti.

Cap. X. De Arteriis oculi.

- §. I. Descriptio arteriae ophthalmicae eiusque ramorum.
- §. II. Arteriolae ciliares breues.
- §. III. Arteriolae ciliares longae et anteriores cum circulo iridis.
- §. IV. De cornea vasculis, sed suspectis, et reliquis ophthalmicae ramis.

Cap. XI. De Venis oculi.

- §. I. Historia venarum oculi.
- §. II. Descriptio trunci venae eiusque ramorum.
- §. III. Venae ciliares in vasa sic dicta vorticosa abeuntes.
- §. IV. Venulae ciliares longae et anteriores.
- §. V. Num circulus venosus iridis in homine adsit.
- §. VI. Venula centralis et retinae.

Cap.

SYLLOGE CAP. ET DIVIS, HVIVS LIBRI.

Cap. XII. De Palpebris.

- §. I. Fabrica palpebrarum.
- §. II. Musculus leuator palpebrarum.
- §. III. Musculus orbicularis palpebrarum.
- §. IV. Glandulae sebaceae palpebrarum, Melbomianae dictae.


Cap. XIII. De Viis lacrymarum.

- §. I. Glandula & caruncula lacrymalis.
- §. II. Canaliculi lacrymales.
- §. III. Saccus lacrymalis.
- §. IV. Ductus nasalis in narium interiora apertus.



DE-

DESCRIPTIO ANATOMICA OCVLI HVMANI.



CAPVT I. DE TVNICA SCLEROTICA.

Oculi historiam anatomicam datus, initium sumere vi-
sum fuit ab ipsa descriptione globi, aut, vti vulgo voca-
tur, bulbi, earumque partium, quibus ille componi-
tur, et quas in sinu suo continet; vt demum, ea absoluta, ad
partes illi circumpositas accedere possimus *i*). Quum enim bul-
bus, oculi ipsas partes nobilissimas contineat, quae visus orga-
num in primis constituunt, ordo ille, qui incipiens ab ipsis par-
tibus essentialibus, ad reliquas minus nobiles nos dicit, maxi-
me naturalis mihi visus fuit; qua in re consentientem in primis
habeo *III. WINSLOWYM.*

§. I.

Bulbus oculi describitur.

Bulbus ergo, qui saepius proprius oculus dicitur, in ho-
mione perfecte fere globosus est (*2*), si cornea nempe protube-
rantiam demas, nisi quod anterius parum sit compressus, etsi
in plurimis vix illud aduerti queat, interdum longior paulum
quam latus (*a*); qui aliis in animalibus ab illa figura longe ab-
ludit, quum in piscibus et aquibus posterius sphaericus anterius
complanatus, in animalibus ruminantibus in primis multo latior
quam longus, in talpa autem anterius in conicam corneam pro-
ductus deprehendatur (*b*), si autem oculus plano imaginario ad
per-

(*1*) Suppl. Cap. I. §. 1.

(*2*) Suppl. C. I. §. 2.

(*a*) Conf. prim. lin. physiol. §. DII.

(*b*) Vid. Observat. nostr. de dif-
ferentia fabricae oculi humani et bru-
torum in Comment. R. Soc. Sc. Got-
ting. T. IV, p. 191.

perpendiculum descendente diuidatur, vt in anteriores et posteriores partem secedat, sectio semper erit perfecte circularis, quod in primis tenendum esse videtur, ne in errorem PETITI incidamus, cui sinus & depressiones leuiores a musculis in externa scleroticae facie excavatae ita imposuerunt, vt oculi bulbus sub musculis robustioribus paulum esse complanatum & polygonum fere crederet (c). Bulbus oculi recens in corpore viuo aut paulo ante mortuo ubique aequabiliter turgescit, & dígito comprimenti fortissime resistit; quod si vero magna humorum, et in primis humoris vitrei pars per ipsam scleroticam transfusando in auras auolauerit; a figura sphærica abludit, et sclerotica pone insertionem muscularum collabitur et rugas agit, quum anterior scleroticae pars figuram circularem facile seruet; quod non adeo scleroticae ante insertionem muscularum incrasatae, quam potius orbiculo ciliari, et in primis lenti ibi suspensae solidiori tribuendum esse crediderim, quae scleroticam ibi suffulcit, et satis semper distendit, ne, humorum licet magna parte difflata, collabi possit. Bulbus viri bulbo feminae semper maior est, et si femina virum statura forte aequet; et eo maiorem ad reliquias corporis partes oculus habet rationem, quo homo aut aliud animal origini est propior, vt in embryone teneriori dimidiā fere capitis partem oculi constituant, et in piscibus, etiam adultis, cerebrum oculis nihilo sit maius, quod in insectis nerui optici fere est appendix (d). Sed in homine quoque moles nerui optici & neruorum ciliarium, qui omnes soli globo, parti, si cum aliis corporis partibus comparaueris, satis exiguae, vnicice inferuiunt, molem nerui, linguam partem sensilissimam adeuntis, aut nerui organo auditus destinati, non solum superat, sed et ipsi moli neruorum cardiacorum non adeo multum cedit (3), vt vel inde summa huius partis nobilitas satis eluceat.

Pars illa nobilissima, vt eo facilius ab omnibus externis iniuriis conseruetur, sedet in osse cauo profundo, a quo vndique defenditur, et anterius, ubi cauum illud hiat, ligamentata sea praetensa sibi habet; sed vndique etiam suffulcit & excipi-

(c) Mem. Ac. R. Sc. 1726. p. 70.

(d) Conf. Comment. BOERHAAV.

T. IV. §. DXVI.

(3) Suppl. C. I. §. 3.

cipitur pinguedine mollissima, vt summa celeritate sine ulla iniuria aut incommodo facillime pro lubitu moueri possit.

Ipsum autem globum in primis constituunt tria inuolucra, quorum exterius sclerotica, medium choroides, et intimum retina dicitur; et tres denique, vti vulgo vocantur humores, aqueus, vitreus, et crystallinus, qui satis tamen improprie hoc nomine insignitur. Alii plura ac tria dixerunt inuolucra, quae iterum ad tres classes retulerunt, quorum alia dixerunt propria, quae tria modo dicta sunt, alia accessoria, quae partem tantum oculi inuoluunt, albuginea nempe et coniunctiua; alia capsula-
ria, quorum alterum capsula lentis, alterum humoris vitrei di-
citur (e). Cum autem neque inuolucris accessoriis, neque ca-
psularibus satis proprie nomen inuolucri conueniat, quae aut
non satis vera sunt, aut ad particulam tantum globi pertinent,
tres tantum tunicas, scleroticam, choroidem et retinam ad in-
uolucra bulbi refiero. Accedamus ergo statim ad descriptionem
scleroticae.

§. II.

Fabrica scleroticae.

Sclerotica a duritie dicta, Graecis *κερατοειδής*, recentiori-
bus et in primis Gallis cornea quoque appellatur, qui illam in
duas partes distinguunt, opacam corneam, quae nostra est scle-
rotica, et pellucidam, quae cornea proprie dicitur. Sclerotica
aut cornea opaca maior et posterior, ab altera cornea minori,
anteriori et pellucida, distincte nunc consideranda, primum et
exterius praebet oculo inuolucrum, ab ingressu nerui optici ad
corneam vsque pellucidam porrectum, in primis inseruit reliquis
partibus mollioribus defendendis, figurae formandae, musculis
sustinendis, vasis fulciendis (f). Membrana est satis tenax, ex
multis stratis lamellarum sibi incumbentibus et inter se concre-
scentibus composita, quorum fibrae ita sibi sunt intertextae et
intricatae, cutis fere instar, vt sine dilaceratione nunquam in
laminas integras possit separari, etsi duae diuersae plane origi-
nis

(e) *Vid. WINSL. Expos. Anat. Tr. de la tête. §. 208.*

(f) *Vid. BOERH. Inflit. Med. §. 518.*

nis tunicae, ad illam efficiendam conueniant; quarum altera exterior, crassior sclerotica proprie sic dicta dici potest; altera autem interior, tenuior, propago est piae matris cum neruo optico adlatae, quae a neruo circa originem retinae reflexa veram scleroticam, tamquam adscititia quaedam membrana, intus oblitus, de qua paulo post fusius dicetur (g). Lamina tamen illa interior cum exteriori tam arcte cohaeret et in unum iungitur in primis in adulto, ut legitime diuidi non possit, et sclerotica tunica simplex dici posse videatur. Laminae illae inter se concretae et arctissime iunctae formant folliculum, qui humores coercet, in homine viuo summe tensum et elasticum, ut, per vulnusculum, acu quo lentem opacam deprimit, inflatum, humor vitreus propulsus fuerit, quod PETITO saepius contigit (h), et in oculo hominis mortui paulo post mortem euulso, per scleroticam discissam choroidea et retina sola illius constrictione propullent. STENONIVS (i) quidem dudum iam creditit, *sclerodem tunicam magna ex parte ex fibrarum motricium tendinibus esse compositam, quandoquidem non modo durae tunicae vere tendineae sit continua, sed etiam tendines vere excipiat;* quem (k) VALSALVA ita est secutus, ut illam ex muscularum tendinibus et pia matre originem ducere docuerit; cum quibus Ill. MORGAGNIVS (l) ita consentit, ut non solum muscularum rectorum tendines ad anteriorem, obliquorum ad posteriorem scleroticam ex parte efficiendam conuenire credat; sed etiam membraneas illas vaginas, muscularis oculi, antequam in bulbum se insigant, nec paruum ad tractum et in primis tendini obliqui superioris adiuntas. Contra illam autem opinionem pugnare fatis videtur ipsa fabrica scleroticae peculiaris, fere coriacea, a tendinum fibris argenteolis diversissima, quae ad nimis pauca huius tunicae loca pertingunt, nec ullibi crassitiem tunicae ita augent, ut incrementum illud obseruari possit; in multis animalibus, in primis in piscibus et amphibiis tendines multo ac in homine tenuiores, in scleroticam crassissimam, cum tendinibus vix comparandam, inseruntur; membraneae autem illae vagi-

(g) Vid. infra §. VII.

(h) Mem. Ac. Roy. Sc. 1728.

(i) Can. carch. diff. cap. p. 113.

(k) Diff. II. §. 111.

(l) Epist. anat. XVI. §. 37.

vaginae in cellulosum inuolucrum abeunt, bulbo circumpositum, facili negotio, tum maceratione, tum scalpello vbique separandum, vt aequo minus, ac cellulosa tela musculis obuoluta, et, qua peritonaeum ambitur, pro peculiari tunica haberi posse videatur.

§. III.

Facies externa et interna.

Sclerotica, quo nomine semper vtramque laminam superius dictam comprehendimus, in externa facie candidissima et fatis leuis semper deprehenditur, in homine et aliis animalibus, si expansio cellulosa, qua obuoluitur, remota fuerit, quo etiam albo colore intima eius substantia gaudet, vti iam olim CELSVS (*m*) et VAROLIVS (*n*) tunicam hanc *albam* dixerunt, in interna autem facie, qua chorioidem attingit, fusco colore, sed in infante minus, tincta, in fetu rubella et laxior. In interiori substantia parum vasculosa, in externa autem facie plurimis vbi que pingitur vasculis, RVSCHIO iam dictis (*o*), arteriosis (*p*), quae a ciliaribus posterioribus, anterioribus, aliisque vicinis oriuntur, et venosis, quae partim cum neruulis adueniunt, partim ab ipsis trunculis venosis, scleroticam perforantibus, venulisque muscularibus in ciliares anteriores abeuntibus, originem ducunt, quae vascula in tela cellulosa ad omnem oculi ambitum diuiduntur. In facie interiori multa apparent foraminula, eaque in primis frequentiora, circa ingressum nerui optici, et prope originem corneae, vbi arteriolae ciliares posteriores et anteriores, breuissimo itinere, scleroticam perforant; nec pauciora in parte intermedia, vnde venulae in vasa vorticosa abeuntes et plurimi neruuli ciliares prodeunt, qui oblique illam pertundunt, ad aliquot linearum spatium inter laminas eius decurrentes (*q*), et nerui in primis in interna eius facie fulcos leuiter insculptos inueniunt, quibus excepti, et cellulosa laxiori scleroticae reuincti, ad iridem procurrunt.

§. IV.

(*m*) *De Medicina* l. 7. c. 7. n. 13.

(*n*) *Anat.* L. I. c. IV.

(*o*) *Thef. Anat.* II. *Aff. I.* n. VIII.

(*p*) Plura vide in *Ill. HALLERT*
Fasc. VII. Tab. art. oculi.

(*q*) *Suppl. C. I.* §. 4.

§. IV.

Diversa crassities scleroticae.

Postrema pars scleroticae circa ingressum nerui optici crassior semper est, vbi in homine ad lineae fere crassitatem accedit (q), in aliis animantibus, ut bovibus, adhuc multo crassior, quam in balaenae oculo ad digitum fere crassam delineauit et dixit RYSCHEVS (r); in plurimis tamen piscibus et avibus in fundo mollior et tenuior, si cum parte anteriori cartilaginea et fere ossea conferas, inuenta fuit (s). Sed in homine, quo propius ad corneam accedit, eo magis semper extenuatur, ut in infante ipsum pigmentum nigrum choroidis per tenuissimam scleroticam pelluceat, et candorem, quo corneam cingi videmus, ex albo coeruleum reddat, quod ipse DIEMERBROECKIVS (t) iam obseruauit. Etsi vero omnes Anatomici ab ipso CELSO (u), qui scleroticam albam satis crassam, pupillae autem loco extenuari tradiderat, et GALENO (x), in eo fere consentiant, scleroticam posterius esse crassiorum, prope corneam autem attenuari (y); RYSCHEVS (z) tamen scleroticam a tendinibus musculorum rectorum incrassari docuit, cui III. MORGAGNIUS ita adstipulatur (a), ut scleroticae quidem illam partem, cui ipsi tendines affiguntur, crassorem fieri; illarum autem affixionum interflitia eundem, quem in mediis lateribus habebat, crassitudinis modum seruare perhibeat, qua tamen in re obseruationes meae veterum sententiam accedere me cogunt, postquam in plurimis oculis humanis rem illam indagare visum fuit. Tendines musculorum rectorum, vbi scleroticae incumbentes circa bulbum trochleae instar se inflectunt, illam scleroticam paulo excauant finumque sibi parant, quo excipientur, ut, si contra affixiones tendinum

scl-

(q) Crassitatem in fundo veteribus non fuisse ignoratam, egregie demonstrat MORGAGN. Epist. XVI. §. 39.

(r) Th. II. T. I. f. I. 2. 6. Thes. Max. n. 51.

(s) Conf. MORG. Epist. XVI. §. 40. et praeter loca ibi allegata. Vid. Paris. Mem. pour servir à l'hist. naturel. p. 219. p. 375. Vid. quoque, quæ

diximus *Comm. R. Soc. Sc. Gotting.* T. IV. §. 2. p. 192. 193.

(t) *Anat. L. III. c. XVII.*

(u) *I. cit.*

(x) *de usu part. I. 10. c. 3.*

(y) Conf. MORG. Ep. cit. §. 38.

(z) *Thes. anat. II. Aff. I. n. 10.*

(a) §. 39.

scleroticae partem disseces, illam ibi certe tenuiorem inueniamus, ac in intersticiis tendinum. Qua in re consentientem habeo PETITVM (b), qui scleroticae partem, musculis rectis subiectam, prope illorum insertionem non solum planiorem, sed etiam eodem loco tenuiorem esse obseruavit. Nec vnuquam satius certo vidi, scleroticam insertionem tendinum circa ambitum corneae crassiorem factam fuisse, quae ad ipsam usque corneae originem eandem crassitatem, quam interstitia affixionum tendonum habuerant, seruare mihi videbatur. Incremento autem scleroticae ab affixione tendonum in primis repugnant oculi animalium, in quibus tendines tenuissimi, aut scleroticae, ad duas fere lineas iam crassae, quae ad insertionem tendonum non demum crassescere incipit, sed ibi iam est crassissima, aut cartilagineae et fere ossae inferuntur, ut illis collatis maior scleroticae in parte anteriori crassities tendonibus tribui vix posse videatur.

§. V.

*De origine scleroticae sententiae nonnullae
Auctorum.*

Ipsa ergo sclerotica postrema, qua parte est crassissima, pertunditur foramine orbiculari, quo nerui optici substantiam medullarem pia matre cinctam ad interiora oculi transmittit, eoque loco cum inuolucro nerui optici, et a dura et a pia matre fibi dato, coniungitur. Qua autem ratione haec scleroticae cum inuolucro nerui connexio contingat, vtrum dura mater in ipsam scleroticam continuetur, an sclerotica propria et peculiaris tunica sit, vaginae nerui arcte tantum connexa, inter omnes fere Anatomicos semper quae situm et pugnatum fuit. Plurimi nempe et veterum et recentiorum cum GALENO (c) adfirmant, duram matrem cum neruo adlatam in ipsam scleroticam demum abire, vti chorioidem a pia matre deducunt. Nonnulli autem inter recentiores, vti HEISTERVS (d), MAVCHART (e), ALBINVS, eiusque discipuli, KAVWIVS (f), LOBE' (g), HEV-

ER-

(b) Mem. Ac. Sc. 1726. p. 70.

(c) De usu part. L. X. c. 2.

(d) Diff. de tunica choroid. §. 2.

(e) Diff. de cornea. §. III.

(f) De perspir. Hippocr. §. 56.

(g) De oculo §. 31.

ERMANN (*h*), MOELLER (*i*), et inter Gallos, WINSLOWVS (*k*), SENNAC (*l*), aliique (*m*) contendunt, sclerotica esse tunicam oculo propriam, peculiarem, cum inuolucro nerui, a dura matre dato, arctissimo vinculo connexam.

Vt autem, quae de illa fabrica sunt dicenda, eo facilius possint intelligi, pauca prius circa inuolucrum nerui optici praemittenda esse videntur. Nerui nempe vagina durae matris propago, de qua alibi dicta fuit, in duas iterum facillime diuidi potest laminas, vti RVSCHIVS (*n*) iam docuit, quarum interior, neruo, quem arcte complectitur, ope multae cellulose subtilioris adhaeret; exterior vero, vti omnibus aliis C. H. tunicis per pinguedinem decurrentibus contingit, multa cellulositate cingitur, eo stipatori, quo neruo est propior, qua neruuli et arteriae ciliares in situ rite firmantur. Illa autem cellulosa cum neruo ad bulbum allata, super illum quaqua versum expanditur, et cum vaginis cellulosis musculorum, inprimis obliqui utriusque, confusa adscititiam quandam bulbo praebet tunicam, posterius circa insertionem nerui optici vasculorumque ciliarium densiorem et fortiores, iuncta autem cum vaginis membraneis musculorum rectorum in illam cellulosam, laxam, inflabilem continuatur, quae coniunctiuam a palpebris descendente cum sclerotica iungit, multisque vitiis oculi sedem praebet.

Plurimi quidem Auctores WINSLOWVS, KAVWIVS aliique ALBINI discipuli antea dicti, ipsum inuolucrum nerui optici a dura matre datum in illam tunicam accessoriam abire, et scleroticae, membranae oculi propriae, obduci perhibent. Observationes autem meae saepissime iteratae satis superque mihi persuadent, ipsam veram vaginam nerui optici a dura matre natam, integrum postremae scleroticae inferi, et illi firmissimo nexu iungi.

§. VI.

(*h*) *Physiol.* T. II. §. 727.

(*i*) *Obseru. de retin.* §. VI.

(*k*) *Expos. anat. de latete* §. 225.

(*l*) *Anat. d'Heister.* p. 691.

(*m*) v. g. LUDWIG. *Instit. Physiol.* §. 515. p. 199.

(*n*) *Epist. XVI. f. 4. expl.*

§. VI.

Nostrae obseruationes circa originem scleroticae.

Remota enim cellulosa illa laxiori, neruum ambiente, et vasculis neruulisque circa ingressum nerui optici in illa ludentibus, manifesto semper vidi, exteriorem vaginae nervi laminam, priusquam ipsum bulbum attingit, colligi in multas fibras, solidas, splendentes, firmulas, quae limiti posteriori, crassiori, prominulo scleroticae, ubi neruus per illius crassitatem penetrat, eodem modo, ut alibi in corpore humano ligamenta, inseruntur. Lamina autem interior, crassior exteriori, inter sclerotica et neruum amplius progreditur, utriusque multa cellulositate annexa, donec ad intimam scleroticae partem, in cellulosam resoluta euaneat.

Nec limites inter vaginam nerui optici et originem scleroticae ita sunt obscuri, ut dubitationi locum relinquere posse videantur. Sclerotica enim in fundo crassior, non ex mutata et sensim incrassata dura matre nascitur, sed leuiter prominulo, rotundo, neruum versus conuexo, ad minimum octies crassiori inuolucro nerui, circa eius insertionem oritur, neruo, quem, ut annulus digitum, arcte amplectitur, sic adaptata, ut ea ratione, qua neruus ad retinam properans contrahitur, contractior quoque appareat, et hanc ob caussam posterius multo maiori foramine pertusa neruo circumponatur, eo semper minori, quo neruus ad intimam oculi cavitatem penetrans in minorem diametrum constringitur. Praeterea sclerotica nunc nascitura facilissime se prodit colore suo albo, et fabrica densa, stipata, fortiori, cuius fila vario modo sibi sunt intertexta, quibus notis ab inuolucro nerui tenui, laxiori, et leui maceratione in cellulosa disfluentem facilissime redigendo, optime distinguitur, quae ipsa utriusque partis fabrica diuersissima WINSLOWVM et SENNA CVM aliasque permouit, ut circa ortum scleroticae a dura matre nerui optici dubitarent (o) (5).

§. VII.

(o) Conf. Comment. R. Soc. Sc. Gotting. T. III. p. 118. (5) Suppl. C. I. §. 5.

§. VII.

Quomodo pia mater nerui optici in laminam internam scleroticae abeat.

Ad hanc autem veram scleroticam, circa ingressum nerui optici demum natam, eiusque inuolucro iunctam, accedit tunica quaedam alia, piae matri, quae substantiae nerui optici fuerat circumdata, ad oculum continua, veteribus plane incognita. Ipsa enim pia mater, ubi neruum opticum ad summam sui contractionem, et, perforata lamina cribrosa, sphaericam nunc futuram expansionem comitata fuerat, subito, facto prius circulo quodam crassiori, & in oculi cavitatem aliquantum prominulo, in omni nerui ambitu circumcirca reflectitur, et ad scleroticam vicinam accedit, cuius faciei internae ita fese applicat, ut intimam illius tunicae laminam constituat. Paulo solidior et firmior nunc facta intra scleroticam concentrica inde ad corneam usque expanditur, aequali ubique crassitie mihi visa, intus ubi choroidem attingit, satis fusca, cum qua et vasculis multis et cellulosa aliqua tela, cum vasculis huc allata, coniungitur; scleroticae autem ipsi, cum qua in unam eandemque tunicam abit, multis fibris transuersis arctissimo nexu iuncta et agglutinata, ut, maceratione vel longissime protracta, nunquam sponte ab illa secedat, cultro autem anatomico, suspensa manu summaque diligentia adhibita, vix, nisi difficillime, a sclerotica vera, integra et sine laesione in adulto possit separari. In fetu autem, cuius partes omnes laxius inter se cohaerent, tunica illa adsciticia laxiori etiam vinculo scleroticae iungitur, ut, vulnere per scleroticam inflicto, facilis negotio, vel ipso manubrio scalpellii, integra ab ipso ortu ex inuolucro nerui optici ad corneam usque possit separari, ut eodem certe iure ac Ruyshiana inter proprias oculi tunicas referri posse videatur. Inuentum fabricae huius elegantis uice debetur NICOLAO le CAT (*p*), etsi descriptio, quam de hac tunica dedit, multum sane a nostris observationibus discrepat. Ille enim piam matrem, post summam nerui optici contractionem, in duas diuidi laminas affirmat, quarum altera in choroidem ipsam abeat, altera autem vera et so-

Iida faciei internae scleroticae sese applicet, illamque intus obliniat, quam huius nouae tunicae cum pia matre continuacionem, et ad corneam fere usque expansionem coram Academia Regia Scient. Paris. publice se exhibuisse asserit. Post illum mentionem quoque, paucis licet verbis, diserte tamen, illius fecit Ill. DE HALLER (q), qui *pia matre in neruo optico distincta, fusca tota et tenui, scleroticam intus obliniri tradidit*. Num VALSALVA forte iam simile quid vidi, ubi *scleroticam non ex duræ matre, sed ex pia meninge, tendinibusque muscularum oriri*, scripsit? (r)

§. VIII.

Num tendineae expansiones muscularum propriam tunicam, albugineam dictam, constituant.

Sclerotica ergo illa opaca, ex duabus lamellis inter se concretis, composita, ad corneam sensim accedit, et anterius in omni ambitu corneae, splendido candore per tenuissimam coniunctiuam, a palpebris demissam, pellucet, ubi plurimi autem Anatomici praeter coniunctiuam aliam propriam membranam scleroticae adnasci credunt, cui candorem illum tribuunt, quam sub nomine tunicae albugineae et innominatae COLVMBI venditare solent; quo in loco opportune mihi visum fuit, exponere, quae circa tunicam illam albugineam sic dictam obseruationes meae me docuerunt.

GALENVS (s) iam pridem diserte docuerat, *tendines quatuor muscularum rectorum ad anteriora oculi in unum circulum lati tendinis conuenire, et propriam ibi membranam constituere*, post quem etiam CAROLVS STEPHANVS (t), eandem ab aponeurosisbus muscularum natam tunicam iam olim commemorauit, vt sane COLVMBVS (u), qui ipsam illam tunicam tanquam haec tenus incognitam proposuit, multumque in eiusmodi membrana

(q) *Primi. lin. Phys. §. DIV.* Eandem iam descripsi et delineandum curau. *Comm. Reg. Soc. Sc. Gotting. T. III. commentat. de tunicis & muscularis oculorum, §. V.*

(r) *Diss. II. §. 3.*

(s) *De usu part. l. X. c. 2, et 8.*

(t) *de diff. part. C. H. l. 3. c. XL.*

(u) *De re anat. l. X.*

na inuentionis laudem quaesuit, eo maiori iure censuram CASSERII (*x*), RIOLANI (*y*), aliorumque meruerit. Ab ipso tamen illo COLVMB, plurimi Anatomicorum tunicam illam, ab expansione tendinum natam, tanquam rem nulli dubitationi obnoxiam, receperunt, inter quos SPIGELIVM (*z*), VESLINGIVM (*a*), qui vel iconem huius tunicae exhibere voluit, MARCHETTVM (*b*), PLEMPIVM (*c*), DIEMERBROECKIVM (*d*), WILLISIVM (*e*), TAVVRY (*f*), ex veteribus commemorare sufficiat; inter recentiores autem neque RYVSCHIVS (*g*) ab illorum sententia plane abhorret, sed et ipse WINSLOWVS (*h*), eandem tunicam, expansione tendinum factam, sub nominet tunicae albugineae proposuit, quem pro more plurimi Galli (*i*) sunt secuti, et si SENNACVS (*k*), et LIEVTAVD (*l*), hac de re dubitare videantur. MORGAGNIUS (*m*), nonnisi timidus hac de re loquitur, qui *tendines circa corneam in unum quidem iungi et sese contingere, multo tamen propius, ac plerique putent*, affirmit (*n*). E contrario autem olim iam CASSERIVS (*o*), eiusmodi continuam veram tunicam ab expansione tendinum formata negauit, qua in re STENONIVM (*p*), CHARRIERE (*q*), VALSALVAM (*r*) et ALBINI in primis discipulos (*s*), sibi consentientes habet, qui tunicam illam, ex tendinibus muscularum compositam, nullam esse, et, quae Stenonis sunt verba, *praeparationi tantum deberi*, afferunt, quibus assentiri, observationibus meis ductus, non dubito. Tendines illorum muscularum singuli, et si ad insertionem latores euadant, distincti tamen semper

(*x*) *Pentaeith. t. 5. Sect. I. c. 8.*

(*y*) *Anthropogr. l. 4. c. 4.*

(*z*) *Anat. C. H. L. X. p. 326.*

(*a*) *Synt. Anat. C. XV.*

(*b*) *Anat. p. 214.*

(*c*) *Ophthalmogr. C. VIII.*

(*d*) *L. III. c XIV.*

(*e*) *De anima brutorum C. XV.*
p. 126.

(*f*) *Anat. raisonn. p. 327.*

(*g*) *Epist. Probl. XIII. p. 10.*

(*h*) *Expos. anat. de la tête. §. 240.*

(*i*) v. g. PETIT. *Anat. Chirurg. Pafsyn. T. II. p. 419.*

(*k*) *Anat. d'Heister. p. 690.*

(*l*) *Eff. Anat. p. 127.*

(*m*) *Epist. anat. XVI. §. 25.*

(*n*) *Defensoribus huius tunicae praeterea sunt accensendi PLATNER Institut. Chir. §. 275. et PORTERFIELDS Med. Eff. Vol. III. p. 167. et multi alii.*

(*o*) *I. cit. c. 22.*

(*p*) *Diss. cap. carct. p. 103.*

(*q*) *Anat. de la tête p. 270.*

(*r*) *Diss. II. n. 3.*

(*s*) *v. g. LOBE' de oculo humano §. 74.*

per manent, et, vbi immissis in scleroticam fibris, illi tam intime iam affiguntur, vt sine manifesta laceratione ulterius diuidi non possint, satis magno inter se distant interuallo, nec ulli bi sese contingunt, vt, nunquam in unum iungi, aut propriam tunicam continuam constituere posse, affirmari possit. Sed, et si haec omnia, aliter ac diximus, sese haberent, splendidus tamen ille candor, quo corneam cingi videmus, eiusmodi expansioni tendinum tribui vix posse videtur, ut plurimi illorum, modo dicti, qui albugineam tendinibus muscularum factam esse docent, tradiderunt. Candor enim ille multo maius comprehendit spatium, ac ab ea expansione potest sperari, et, si oculum versus alterutrum canthum dirigas, tanto a cornea interuallo iam appareat, vbi nulla plane valet suspicio, tendines in unum iam confluxisse circulum, quod argumentum in primis urget MORGAGNIUS (*t*). Nec meliora docere videntur, qui post GALENVM (*u*) cum CASSERIO (*x*), RIOLANO (*y*), DIONIS (*z*), CHARRIERE (*a*) et aliis sedem illius candoris in ipsa coniunctiuia aut adnata ponunt; cum ipsa illa propago sit tenuissimae et pellucidissimae membranae, palpebrarum internam faciem obtegentis, et candor ille semper adhuc supersit, si coniunctiuia ubique iam fuerit ablata. Etsi autem opinio illa de sede candoris oculi ab omnibus reliquis ita fuerit excepta, vt neminem fere deprehendere liceat, qui album aut innominatae, aut coniunctiuiae, aut utriusque simul non tribuat; unum tamen inueni, qui a communi sententia discedere non dubitauerit: Is est CI. LIEVTAUD (*b*), qui per albugineam, quam continuationem cellulosa vaginae muscularum dicit, scleroticam albam pellucere afferit, vt nulla alia sit albuginea ab expansione tendinea nata, nec est, cur ipse dubitem illius sententiam amplecti. Mirari autem interdum subiit, cur alii candorem illum scleroticae denegare voluerint, quae, cellulosa oculum ambiente ablata, ubique candidissimo et splendido illo colore ornata appetet, et per coniunctiuam tenuissimam optime hic pellucet.

Vascula

(*t*) Epist. Anat. XVI. §.

(*u*) De usu part. L. X. c. XI.

(*x*) Pentaepl. de oculo, c. XXI.

(*y*) Anthrop. p. 415.

(*z*) Anat. C. H. demonstr. VIII.

p. 376.

(*a*) Anat. de la tête p. 324.

(*b*) Eff. Anat. p. 127.

Vascula autem, quae in albo oculi sic dicto saepissime ludunt; et paululum inflammata multum de illa pulchritudine detrahunt, qua oculi sanissimi, in quibus iris versicolor purissimo candore cingitur, omnibus se commendant, non omnia ad coniunctivam, vti vulgo quidem traditur, attinent, sed, duplicitis ibi sunt generis, quod in primis in aqua submersis aut alio modo suffocatis, experientia optime me docuit. Vascula enim ipsa coniunctivae in eiusmodi hominibus plurima quidem vidi, sed tenuissima, et itinere parallelo ad corneam delata, et rarius ramis lateribus inter se iuncta, quae vna cum coniunctiva volsella arrepta attolli, variasque in partes moueri possunt. Alia autem maiora, eaque in primis conspicua pone coniunctivam in ipsa sclerotica decurrent, vascula nempe ciliaria anteriora, tum arteriosa tum venosa, plurimis arcubus more fere vasorum mesentericorum inter se iuncta, quae scleroticam ibi perforant, et longe interdum ipsam radicem cornea legunt, et ad credendum fere adducor, omnem fere ophthalmiam in primis grauiorem non adeo vasculis coniunctivae, sed potius inflammatis vasculis scleroticae deberi (6).

§. IX.

Connexio scleroticae cum cornea.

Quae autem ad ipsam usque cornea originem attenuabatur sclerotica, ad ipsum ambitum iterum paululum incrassari mihi visa est, ubi fibrae illius in corneam abire incipiunt. Est autem cornea pars scleroticae quidem continua, sed magis convexa et pellucida. De origine et connexione autem cornea non parum inter Anatomicos fuit disputatum. Etsi enim plurimi Anatomici in eo consenserunt, ut cum CELSO (c) et GALENO (d) docerent, ipsam scleroticam in corneam abire, illique sic continuari, ut cornea pro scleroticae parte, et utraque pro una eademque sit habenda tunica, quod in primis Gallis (e) placere videtur, qui et scleroticam et corneam eodem nomine insignire

(6) Suppl. C. I. §. 6.

(d) *De us. part. l. X. c. 3.*

(c) *l. c.*

(e) Vide WINSLOW. SENNAC.

PETIT loc. cit.

signire solent, aliam corneam opacam, aliam pellucidam appellantes; iam olim tamen FALLOPIVS (*f*) illam continuationem in dubium vocauit, affirmans, *se sibi persuadere non posse, corneam esse tunicae durioris partem, quae a dura cerebri meninge erigitur, cum non solum substantia, sed et crassitie et figura differat, et per se sola quasi sphaericam aliam cavitatem constituens extra superficiem durae erigatur, nouumque veluti tuberculum efficiat;* quam etiam opinionem inter recentiores BRISSEAV (*g*), et MAVCHARTVS (*h*) sunt amplexi, quorum vterque vrget, *corneam a sclerotica esse partem plane distinctam et diuersissimam, neque eiusdem substantiae continuum efficere, arctissime licet illi nexam; cum interea omnes reliqui receptae doctrinae fauere videantur.* Nec ipsae meae obseruationes a veterum sententia recedere me sinunt. Origo enim corneae pellucidae non ita definita est, vt locus, vbi cornea incipiat, possit accurate determinari (*7*). Sed limites inter se confluunt et fibrae scleroticae albæ, opacæ, corneæ nunc proximæ, paulatim et sensim in pellucidam corneam transeunt. Si ergo argumentum inuertere liceat, incerti eiusmodi limites corneæ et scleroticae eadem ratione euincere poterunt, alteram in alteram abire, et vtramque eiusdem esse substantiae continuum; ac certa et definita origo scleroticae, limbo prominulo, limitato, oriundae, argumentum nobis suggestit, sclerotica a dura matre non oriri, sed esse tunicam oculi peculiarem. Ipsam illam originem corneæ ex sclerotica recentiores, et in primis Galli accuratius sunt rimati. PARISINI (*i*) enim in dissectione Lupi Ceruarii iam obseruarunt, corneam et sclerotica sic inter se iungi, vt et in fine altero attenuatae et fibi inuicem ad duas lineas applicatae crassitiem tamen iunctæ non augeant, quam obliquam vtriusque partis connexionem BRISSEAVS quoque confirmauit, et MAVCHARTVS (*k*) affirmat, se a BRISSEAO nondum admonitum, singularem illum mechanismum Auditoribus demonstrasse, et MORGAGNIUS (*l*), priusquam de illa connexione

ex

(*f*) *Obseru. anat.* 265. *a.*(*g*) *Tr. de la catar.* p. 9.(*h*) *De tunica cornea.* §. 3.(*7*) *Suppl.* C. I. §. 7.(*i*) *Memoir. diff. des anim.* p. 128.(*k*) *Vid. loc. cit. CASSEBOHM*
eandem describit. *Meth. sec.* p. 318.(*l*) *Epist. anat.* XVII. §. 10.

ex Commentariis Regiae Academiae Parisinae quidquam intellexisset, eundem obseruasse se affirmat. PETITVS (*m*) autem subtilius et accuratius adhuc coniunctionem illam scleroticae cum cornea descriptione et figuris expressit, illamque duobus in primis modis fieri obseruavit, altero, quo cornea in cuneum producta, a sclerotica incisa, sibique adaptata, recipitur; altero, quo obliqua adfixione duae illae partes sunt inter se iunctae, quod iterum triplici contingit ratione; Aut enim linea coniunctionis, quae ab extremo corneae descendit, cum chorda corneae angulum obliquum, aut rectum, aut acutum intercipient. Primum coniunctionis modum, quem PETITVS in homine rarissimum esse asserit, quo cornea in cuneum producta a sclerotica adaptata recipitur, frequentius, ac vulgo putant, in primis in oculis infantum, obseruavi, ut sclerotica exterius et interius longius procurrat, et in parte intermedia citius in corneam degeneret, quo bifurcato fine cornea in cuneum producta excipitur. Connexio autem, quam frequentissimam vidi, ita sese habet, ut fibrae scleroticae, quo sunt interiores, eo citius in corneam pellucidam degenerent, et ita corneam exterius angustiorum reddant, quae ipsa tamen non ita accurate contingit, quin interdum particula alba scleroticae longius in corneae substantiam immittatur, et utriusque partis fibrae se excipientes eandem fere figuram exprimant, qua pictores usi flammam ignis delineare solent. Quae quum ita sint, illis ad stipulari non dubito, qui corneam scleroticae continuationem esse credunt. MORGAGNIUS (*n*) praeterea tendines muscularum, ad scleroticae compositionem conuenire credidit, qui et in pisce tendinem in membranam mutatum a cornea auulsit, et BRIGGSIO (*o*) cornea nihil aliud esse videbatur nisi fibrae motrices e sclerotica transeuntes. Sed hanc opinionem non necesse erit refutare, qui superius iam docuimus, tendines neque in continuam tunicam expandi, neque ad corneam pertingere.

§. X.

(*m*) M. A. R. Sc. 1728.(*n*) Epist. XVI. §. 26.(*o*) Ophthalmogr. c. 3.

§. X.

Fabrica cornea.

Constat autem cornea eodem modo ac sclerotica plurimis laminis, sed euidentius distinctis, quae in plures diuidi possunt lamellas, illisque interiecta substantia cellulosa, cuius areolae aqua pellucidissima semper sunt ebriae. Fabricam illam lamellatam optime notam iam habuerunt veteres, vti RUFFVS EPHE-
SIVS (*p*), AVICENNA (*q*), THEOPHILVS (*r*), et VESALI-
VS (*s*), qui multis laminis illam compositam esse docuerunt, quam fabricam lamellatam FABRICIVS (*t*), CASSERIVS (*u*), PLEMPIVS (*x*) aliique fere omnes ab illis receperunt; indu-
stria autem recentiorum illam in multo plures diuidi posse la-
mellas nos docuit. Quam animaduersionem nonnulla confirma-
runt vitia cornea, vti ambustiones et abscessus, quibus factum
est, vt cornea sensim in plures lamellas fuerit separata (*y*). La-
minis illis interiecta est cellulosa quaedam subtilissima, qua ar-
ctissime ita inter se vniuntur, vt extima tamen lamella faciliter
scalpello separari queat, interiores autem arctius inter se cohae-
reant, in cuius areolas aqua pellucidissima in homine integro
effunditur, omnibus fere praeteruisa, quae a VALSALVA (*z*)
nomine *substantiae spongiosae* proposita esse videtur, a qua ipsa
cellulosa, aqua ebria, pelluciditatem corneae vnicice pendere fe-
re crediderim. Dum enim areolae illius aqua turgent, cornea
pellucidissima deprehenditur, interstitiis eius fluido homogeneo
repletis, et opaca redditur in mortuis, si aqua difflata in auras,
lamellae illae arctius sibi incumbentes lumini viam praecluserint,
vti humor vitreus, subtilissima cellulosa compositus pelluciditate
integerrima, dum aqua turget, se commendat, qui exsiccatus
in pelliculam opacam transit. Areolae illae cellulosae omnes
apertae

(*p*) *De appellat. part. C. H. L.*
II. c. 3.

(*q*) *Canon. L. 3. Fen. 3. tr. 1. c. 1.*

(*r*) *De corp. hum. fabr. l. 4. c. 19.*

(*s*) *De corp. hum. fabr. L. VI. c. XIV. p. 805.*

(*t*) *De oculo P. I. c. 2.*

(*u*) *Pentaesth. L. 5. sedl. I. c. 23.*

(*x*) *Cap. IX.*

(*y*) *Vid. CASSEBOHM Meth. sec.*

p. 318.

(*z*) *Epist. XVI. §. 30.*

apertae sunt, et per lamellarum poros ita inter se consentiunt, ut aquam facilis exsudent, et audie iterum bibant, experientia nunc notissima, quo constat, ad singulas compressiones, saepius licet iteratas, corneae faciem madore quodam, quasi opaco velo, obduci, qui in guttulas demum confluit (a), ut post PETITVM nemo facile negabit, corneam sic compressam, aqua facilis iterum turgere, cui immissa fuerit. Ros ille humidus ad singulas compressiones rediens tam in interna, quam in externa facie corneae apparet. SENNACVS quidem credit, humorem illum potius sub adnata, corneae imposita, extitisse; cui opinioni guttulae in interna corneae compressae facie plane repugnant, nec hanc ob causam poros rectos fingere oportet, qui humorum ex camera humoris aquei transmitterent, ut Cel. MAVCHARTO placuit (8). Humor enim ille, quem cornea, oculum integrum comprimendo, exsudat, eodem modo ex illa, a bulbo oculi iam ablata, exprimi potest, et saepius abstersus, a compressione semper tamen reddit, donec omnis aqua, cellulis illis contenta, elicta fuerit; ut taceam, corneae illud esse commune cum plurimis aliis corporis humani partibus, quae compressae, laticem aqueum in omni superficie effundunt, quo phaenomeno ad credendum fere adducor, aquam illam potius ex ultimis arteriolarum extremitatibus in cellulosam illam deponi, quam ex humore aquo prouenire. Praeterea cellulosam illam corneae laminis interpositam multi certe probant morbi, qui oriuntur, si particulae alienae intra substantiam illam cellulosa intrusae et aceruatae fuerint, quod in vngue oculi, ubi pus inter lamellas corneae colligitur, et aliis oculorum vitiis contingit (b). Sic ipse interdum in cornea mortuorum punctula alba, intra substantiam corneae latentia, arenularum instar observauit; etsi adeo felicem mihi esse non contigerit, ut, quoniam vitio oculi homines illi laborauerint, accipere liceret. Cellulosa autem structura ad res hasce intelligendas commodissima est, et maxime apta, ad eiusmodi particulas continendas.

§. XI.

(a) STENO primum illud animadvertisit, quod omnes, qui secuti sunt, confirmarunt, *de musc. et gland.* p. 48.

(8) Suppl. C. I. §. 8.

(b) Vid. MAVCHART *de vngue oculi*. PLATNER. *Instit. Chirurg.* §. 310.

§. XI.

Crassities corneae.

Cellulosae illi fabricae diuersa etiam crassities corneae deberi mihi videtur. Semper autem cornea, eodem modo, uti MORGAGNIO (c), scleroticae parte anteriori crassior mihi inuenta est, et si non satis certe videre me memini, corneam in medio, quam ad ambitum esse crassiorem, quae, ni plane fallor, ubique eundem crassitudinis modum seruare mihi visa est, si illud crassitiae incrementum, quod ab adnata in ambitu prouenit, non attendas, qua crassitudine multum decrescit, si post mortem magna aquae pars fuerit exhalata. In foetu tamen multo adhuc crassior, ac in adulto, deprehenditur*, roseo colore, uti humor vitreus et ipse neruus opticus, egregie tincta, sed minus conuexa, minusque pellucida, et cellulosa, laminis laxius inter se connexis, interposita, aqua turgidissima et ultra lineam crassa mihi visa fuit, ut cameram anteriorem humotis aquei angustissimam redderet, et iridem sere contingenter, scleroticae tenuissimae annexa; ad dimidiam tamen illius crassitudinis partem facile redigi potuit, postquam repetitis vicibus digitis compressa, et ros exsudans abstersus fuerat. Atque haec omnia iam adnotata habebam, postquam in Commentariis Regiae scientiarum Acad. Paris. legi, PETITVM (d) in primis parcissimae copiae humoris aquei, et crassitiae corneae tribuere, quod infantes recens nati obscure et minus accurate videant; qui sensim distinctius videre incipiunt, si, quantum amplitudine camera humoris aquei augetur, tantum crassities corneae decrescat; ad quam lippitudinem infantum roseum colorem humoris vitrei, et ipsius lentis, et corneae laxitatem non parum facere arbitror.

§. XII.

*Conuexitas et figura corneae, in facie externa
et interna.*

Conuexitas corneae demum maior est, quam scleroticae,

quod

(c) Epist. XVI. §. 39.

edit. Wrisb.

* BRENDL. opusc. T. I. p. 133.

(d) M. A. R. 1727. p. 246.

quod olim iam vidit **FALLOPIVS** (e) et **FABRICIVS** (f); quae humore aqueo et aqua inter laminas latente in viuo distenta, in rugas demum collabitur, aqueo illo humore educto. **PETITVS** (g) accuratius illam conuexitatem definiuit, et arcum sphaerae esse dixit, cuius diameter septem circiter linearum est, aliquando 7. et dimidiae, rarius ultra citraque illam mensuram diameter consistit. Figura corneae in facie interiori aliter sese habet, ac in facie exteriori (h). Intrinsecus enim circulum semper repraesentat, cuius ambitum fulcus quidam definit, ut accurate limitem inter corneam et scleroticae intrinsecus ponat, cui fulco, nigro colore a proxima scleroticae parte distincto, iridis lamella anterior accrescit, vbi lamina interior scleroticae, piae matris nerui optici propago, desinere videtur. Num idem vidit **MORGAGNIUS** (i), vbi asserit, *ad internum corneae ambitum scleroticae intus prominere, quod vel unguis affidus manifestat?* Praeterea facillime ex illis, quae superius iam sunt dicta, potest intelligi, cur ambitus corneae interior maior semper, quam externus deprehendatur. Opaca enim scleroticae substantia, pellucidae corneae substantiae sic imponitur, utraque vero sensim, quo magis progreditur, extenuata, sic inter se committitur, ut quantum exterius sclerotica excrescens corneae anteponitur, tantum interius cornea producatur ad scleroticae occupandam. Extrinsicus autem cornea, ut ob allatas modo rationes minorem habet ambitum, ita ellipticam potius figuram obtinet, cuius ellipsoes maior axis a latere interno ad externum tendit, quod **PETITVS** (k) quidem primus descripsit, **MORGAGNIUS** (l) autem se illam ellipticam figuram tum in bove tum in homine visam sibi esse affirmat. Ill. **HALLERVUS** (m) autem non adeo exakte ellipticam, sed ad nasum circularem, ad tempora oualem scribit. Ellipticam illam figuram, (talem enim, et si ab **HALLERO** non dissentiam, dici posse crediderim), **MORGAGNIUS** (n) scleroticae ipsi super corneam productae,

PE-

(e) Vid. l. supr. cit.

(i) Epist. XVII. §. 10.

(f) FABRIC. de oculo III. c. 2.

(k) M. A. R. à Par. 1726.

(g) Mem. Ac. Roy. Sc. 1728.

(l) Epist. XVII. §. 10.

(h) Vid. MORG. Epist. XVI. §.

(m) Prim. lin. Physiol. §. DV.

PETITVS autem et MAVCHARTVS vnice coniunctiuae et superius et inferius super corneam procurrenti tribuunt, vt tamen latiori zona a superiori parte super corneam ex crescatur, vbi secundum mensuras PETITI ad lineam dimidiam, ad duas tertias lineae, quin ad lineam integrum interdum cornea se imponit; ab inferiori autem ora ad dimidium angustiori, ac superne, corneam protegat; qua remota cornea etiam ab exteriori facie circulum imitatur; quae eadem fere inueni. Si enim et viui hominis corneam accurate inspiciam, lunula, quae et superne et inferne corneam opaca albedine occupat, occurrit, sed a parte superiori multo maior; quam ad coniunctiuam potius quam ad scleroticam pertinere crediderim, quod cornea per illam tenuissimam pelluceat, et, si oculum oblique sursum versus adspiciamus, longius infra lunulam illam progredi facile videatur.

§. XIII.

Num coniunctiuia et epidermis super corneam producantur.

Ad ambitum corneae inter illam et scleroticam fini proximam cellulositas maiori copia, ac in reliqua parte anteriori oculi congesta esse mihi videtur, in qua et vascula ipsius coniunctiuae et propagines ciliarium anteriorum repunt, et in plurimos tenuissimos furculos, ad corneam abeentes, diuiduntur. Ipsa autem coniunctiuia non hic subsistit, sed porro per corneam, sed pellucidissima nunc facta producitur. Veterum quidem iam nonnulli post RVFFI (*o*) obscura quaedam verba, *epidermidem cornea obduci*, tradiderunt; inter quos FABRICIVS (*p*) *cornea epidermidem reliquis tunicis longe tenuiorem obduci*, quam serpentes quotannis deiiciant, scribit et PLEMPIVS (*q*), *tenuissimam corneae cuticulam reliquis subiectis corticibus esse impositam*, docet; non adeo tamen proclive est videre, num de ipsius coniunctiuae productione, an potius de tenui quadam corneae cuticula locuti fuerint; Recentiorum autem industria et morbi rem illam extra omnem

(*o*) *De appellatione part. corp. hum. L. I. c. 5.*

(*p*) *De oculo P. I. c. 2.*
(*q*) *Ophthalmogr. c. X.*

omnem dubitationem posuerunt. Sic WINSLOWO (*r*), CASSEBOHMO (*s*), HALLERO (*t*), AMMANNO (*u*), MORGAGNIO (*x*), et aliis contigit, vt adnatam vel solo cultro ab altero latere ad alterum aequabili diuisione perducerent, quod et mihi quoque interdum, etsi rarius, successit. Alii autem, vt ALBINVS secundum LOBE' (*y*) et BONHOMME (*z*), membranam corneae, coniunctiuam continuam, vesiculis eleuatam viderunt, et BOERHAAVIVS (*a*) eodem tumore super corneam ducto probare studet, et adnatam eo se extendere. Sed ipsa illa coniunctua corneae agglutinata obtegitur altera membranula tenuissima, verae epidermidis propagine, et per corneae faciem externam expansa, quam Ill. HALLERVIS habet (*b*), PORTERFIELDS (*c*), PLATNER (*d*) et qui phlyctaenas pustulas esse definiunt, quae, leuata epidermide, corneae, et frequentius huius extremo, ubi adnata finitur, insident. Quin pellicula illa, quae post mortem corneae obducta omnem illius splendorrem obscurat, nihil aliud, nisi ipsa continuatio epidermidis et forte etiam coniunctuam mihi esse videtur. Cornea enim in omnibus oculis aliquot ante dies mortuis obducta reperitur, pellicula obscura, opaca, ubique aequa craffa, et rimas veluti agente, corneae ipsi firmissime agglutinata, vt nullo quidem modo aqua abstergi, sed scalpelli acie, suspensa manu, sensim possit abradi, qua remota cornea ipsa subiecta, splendida et laevissima, et, licet non plane pellucida, multo tamen ac antea pellucidior, obseruatur. Quam quidem membranulam opacam potius epidermidem et coniunctiuam morte obscuratam esse crediderim, quam nouam quandam pelliculam, ex concreto humore per corneam transudante, et inspissato smegmate glandularum sebacearum, conflatam, quum ubique arctissime corneae verae sit annexa.

(*r*) *Tr. de la tête.* §. 274.

(*y*) *De oculo hum.* §. 31.

(*s*) *Meth. sec.* p. 306.

(*z*) *Cephalotom.* p. 128.

(*t*) *Comm. Boerhaav.* T. IV. §.

(*a*) *Prael.* T. IV. p. 198.

DXVIII. n. d.

(*b*) *Prim. lin. physiol.* §. 496.

(*u*) *ibid.* §. *DXXIX.*

(*c*) *Med. Eff. Vol. III. Obs. XII.*

(*x*) *Epist. anat.* §. 28.

p. 161.

(*d*) *Infl. Chirurg.* §. 310.

CAPVT II.

DE TVNICA CHORIOIDE.

SECTIO I.

DE CHORIOIDE PROPRIE SIC DICTA.

§. I.

Denominatio choroidis.

Secunda oculi tunica scleroticae subiecta dicitur chorioides, siue choroides, a similitudine fabricae, quae inter hanc oculi tunicam et membranam foetum inuoluentem, Chorion vulgo dictam, intercedere veteribus visa fuit, quod illa tunica oculi eodem modo, ac membrana fetum inuoluens, vnice fere ex venis et arteriis conflata sit, et, vti membrana chorion vtero, ita illa plurimis vasculis scleroticae adhaereat (*a*); dicitur etiam Graecis φαγοειδής, siue tunica vuae acino similis, aut vuea, quod instar acini vuae, illam in exteriori facie laevem, in interiori autem asperiusculam crediderint, quae quidem est opinio GALENI (*b*) circa etymologiam huius denominationis; vel quod eandem sere figuram habeat, ac vuae acinus, cui pedunculus auulsus fuerit (*c*), eodemque nigro colore tincta deprehendatur (*d*). Multi tamen iam inter veteres duas inter eas denominations distinctionem fecerunt, vt partem posteriorem scleroticae subiectam, choroidem; anteriorem vero pone corneam positam, vueam dicerent (*e*), qui etiam mos inter recentiores ple-

(*a*) Conf. GORRAEI *Defin. Med.* lat. part. C. H. L. 2. c. 3. L. 1. c. 23
p. 513. CASSERII *Pentaefl. de* VESAL. L. VII. C. XIV. p. 803.
oculi fabrica. L. V. C. XXV.
(*b*) *De usu part.* L. X.
(*c*) Vid. RVFF. EPHES. *de appet-*
(*d*) Vid. THEOPH. L. 4. c. 19.
(*e*) Conf. CASSER. loc. cit.

plerosque inualuit; et si Galli in primis nostro aevo vueae nomine partem posteriorem huius tunicae insignire adhuc soleant.

§. II.

Facies externa eiusque connexio ope cellulositatis cum sclerotica, facies interna omni nexu libera.

Choroides ergo illa tunica est mollis, tenerrima, et, quod ad primum statim intuitum appetet, conflata ex innumeris vasculis, quorum maiuscula sanguine semper plena deprehenduntur (*f*), quae ab insertione nerui optici ad originem corneae usque concentrica intra scleroticam expansa, faciem eius interiorem oblitum, cum qua et cellulosa tela et multis vasculis coniungitur. Idem tamen hic, quod in omnibus reliquis partibus corporis humani contingit, ut nempe cellulositas illa in infante, maiori copia, ac in adulto, huc congesta, et laxior deprehendatur. Cellulosa illa tela vtramque membranam ubique arcte inter se coniungit, copiosior autem deprehenditur secundum ductum vasculorum et neruorum ciliarium, quos scleroticae annexit, in homine tenerrima, ut flatu inter vtramque tunicam immisso, facile choroides a sclerotica secedat, et vnicce vasculis scleroticae adhaereat; in bove autem aliisque animalibus satis fortis et tenax est, et vinculum inter vtramque tunicam arctissimum constituit, ut, si scleroticam remouere velis, saepe facilius laminae chorioidis externae laciniae faciem illius interiorem sequantur, aut chorioides plane rumpatur, quam vinculum illud solui possit. In eandem cellulosam in bove STAEHELINVS (*g*) pinguedinem effusam vidit, quod etiam MORGAGNIUS (*h*) nonnullis in piscibus obseruauit. Quo propius autem chorioides ad originem iridis procedit, eo maiori copia faciem eius externam cellulosa illa obducit, et demum semper aucta album illum circulum, qui orbiculus ciliaris dicitur, efficit.

Post

(*f*) Eadem ob rationem iam olim VALLA choroidem sanguinolentam dixit, vti CASSERIUS adnotauit, loc. cit.

(*g*) *Theses Anat. Bot. quae inseruae leguntur Diff. ab Ill. HALLE RO collect. Vol. VI.*

(*h*) *Epist. anat. XVI. §. 41.*

Post mortem inter utramque tunicam in hac cellulositate colligitur humor aqueus, qui eo maiori semper deprehenditur copia, quo longius post mortem oculus euulsus et sclerotica aperta fuerit, et si in homine viuo interstitium illud, quod fingi potest inter tunicam sclerotican et choroidem, plenum sit, ut duae illae tunicae ubique sibi contiguae sint; quod quidem huic inter utramque tunicam spatio imaginario commune est cum omnibus fere cavitatibus, vti dicuntur, corporis humani, ut ventriculis cerebri, spatio imaginario inter pleuram et pulmonem, et inter tunicam vaginalem et albugineam testiculi et aliis, in quae spatia eodem modo in homine viuo et sano vapor tantum halat, ut omnes illae partes arctissime inter se congruant, nullo interuerso vero intercedente, qui vapor naturalis aut ex morbo interdum aut post mortem in aquam cogitur (*i*). Aquula illa in cadavere in illud spatium effusa olim ROLANO (*k*), qui illa observatione ductus humorem aqueum non tantum humoris crystallino obductum, sed et humoris vitreo circumfusum esse credidit, quod ille accurate innuit, ubi alio loco (*l*), humorum aqueum effluere, tradit, si oculum parte postica, intacta choroide, secueris, ut hanc ob causam iam olim PLEMPII (*m*) reprehensionem incurseret. Quemadmodum autem choroides intra sclerotican concentrica expanditur, ita facies illius interna, laevis, ab ingressu nerui optici ad originem corporis ciliaris usque retinae ita incumbit, ut illi ubique contigua, neque ullo spatio dirempta sit, et duae illae tunicae in homine sano exactissime ubique inter se congruant, quod quidem spatium imaginarium naturaliter vapor replet, qui impedit, quo minus duae illae tunicae inter se concrescere possint; interdum autem ex vitio in aquam coactus repertus fuit (*n*), quae maiori copia in illud spatium effusa retinam ubique sua sede in medium compulsa in cylindri formam

(*i*) Vid. Ill. HALLERI prim. lin. phys. §. 293. 362. 776.

(*k*) Anthropol. L. 4. c. 4.

(*l*) Animadu. in Veslingium p. 203. Huc autem non est referendus locus DREMERBROEKII, Anat. c. XV. ubi, laesa parte postica bulbi

humorem viscidum erumpere, afferit; statim enim apparet, phaenomenon illud deberi humoris vitreo, per vulnusculum choroidis erumpenti.

(*m*) Ophthalmogr. C. XVI.

(*n*) Num simile quid vidit VERE, qui etiam inter retinam et choroidem

mam contraxit (*o*). Nullibi autem altera tunica alteri adhaeret; neque cellulositate quadam, neque vasculis ab altera in alteram transeuntibus duae illae tunicae inter se cohaerent, et iterata experientia fretus cum Ill. HALLERO ausim affirmare, a facie interna choroidis ab ingressu nervi optici inde usque ad coniunctionem processuum ciliarium cum corona sic dicta ciliari, ne vnicum quidem vasculum in retinam transire, et crediderim, vascula illa ex choroide in retinam transeuntia, dicta FABRICIO AB AQVAPENDENTE (*p*), WEPFERO (*q*), AMBROSIO BERTRAND (*r*), ST. YVES (*s*), aut HOVIO (*t*), et ANTON. MATTREJEAN (*u*), si vere adessent, non adeo plane oculis meis subducere se potuisse, post iniectiones non infeliciter ope mercurii factas, quae circulos et arteriolas iridis fere microscopicas in oculis animalium maiorum facile mihi detexerunt, cum tamen ne vestigium quidem vasculi in choroidis facie interna in retinam transeuntis vnam mihi occurreret. Praeterea ipsa facies illa interna tapeto inferius describendo, levi, ubique aequali, tecta, et pigmento nigro obducta contra ipsum illum transitum vasculorum omnino pugnare videtur.

§. III.

roidem humorem aqueum ponere videtur, ubi puncta choroide, vel prope nerum opticum, humorem aqueum emanare scribit. Vid. *Oculi artif. anat.* (Amstel. 1680. p. 31)

(*o*) Vid. MORGAGN. epist. anat. XVIII. §. 138. Intra hoc quoque spatium sedem habuisse videtur morbus ille mirus, quem Ill. HALLER. in *Programm. de induratis corporis humani partibus, annexo dissertacioni Cel. SPROEGELII*, sistenti experimenta circa varia venena in viuis animalibus instituta, §. VIII. graphiche descripsit. Vbi chorodi suberat lamina lapidea, illi concentrica haemisphaericō cauo similis, quae

perforabatur rotundo foramine, quo nerus opticus subit, intra quam caueam nerus quasi, alba nempe cylindrus, ex foramine nerui optici orta, et corruptae lenti crystallinae adhaerens, repertus fuit, vestigium forte compressiae retinae et membranae humoris vitrei. (recusa in oper. min. T. III. p. 366.)

(*p*) *de oculo et vis.* L. I. e. 4.

(*q*) *De cicuta aquatica* p. 117.

(*r*) *Diss. de oculo* p. 60. n. 27. p. 61. n. 29.

(*s*) *Tr. des maladies des yeux* p. 26.

(*t*) *T. III. fig. 6. T. IV. f. 4. 5. 6.*

(*u*) *Traité des maladies de l'osil,* p. 29.

§. III.

Nigredo, qua utraque facies choroidis tingitur.

Facies autem externa & interna choroidis in adulto ex rubro fusca semper appetet. In oculo hominis adulti non solum fuscitas illa totam faciem externam choroidis obtinet, sed et ipsa scleroticae facies interna, quae choroidi incumbit, et cellulosam tela utramque tunicam connectens, illa fuscitate tincta deprehenditur, quae facies externa in fetu alba & fere rubella semper reperitur (x). Sedes autem huius fuscitatis in facie externa sita esse videtur in ipsa choroidis cellulositate, neque materiae cuidam nigrae extrinsecus choroidi insidenti, aut laminae eius externae subiectae, et per illam translucenti, tribui posse videtur (y). In oculo enim recenti neque digitos, si externam faciem attingas, fere tingit, neque choroides aquam turbidam reddit; sed et illa cellulosa choroidis, per plurimos dies in aqua maceratae, pertinacissime nigrum colorem conseruat, etsi, si laminae exteriori foret subiecta, per lacerata choroidis loca nigra materia posset exire. Post aliquot autem dies, cellulosa illa tenuissima, putredine resoluta, in minimos flocculos & pulvifculos nigros abit, quae aquulam, ex vapore coacto inter utramque tunicam ortam, nigro colore tingit & turbidam reddit. Manifestiora omnia illa apparent in oculis animalium maiorum, in quibus tela cellulosa maiori copia inter sclerotican & choroidem deprehenditur, et fortioribus fibrillis facta ubique accurate illas coniungit (z), quae tamen, licet choroides ad putredinem

vsque

(x) Omnis choroides, abluto pigmento nigro in fetu et infante alba est, et sane experientia pugnat contra TAYLORVM, qui *externam quoque faciem in infante fuscam esse, et in senio sensim albescere dicit.* *Tr. du mechanisme de l'oeil, p. 23.* In omnibus autem animalibus quadrupedibus, et in avibus externa facies choroidis fusca est, in piscibus autem plurimis, e. g. in lucio pisce elegantissime colore argenteo fulget,

et in rana anterius micis fere aureis conspersa est. In perca marina huius faciei colorem argenteum iam adnotauit Ill. HEISTER in *diff. de choroidea* §. V. not. b.

(y) Conf. MORGAGN. epist. anat. XVII. §. 12.

(z) Vid. sermonem de *differentia fabricae oculi humani et brutorum* in *Comment. Soc. Reg. Sc. Gotting.* T. IV. p. 196.

usque macerata fuerit, a nigro colore in dilutiorem & magis albescentem nunquam mutatur. Ne autem mirum facile cuidam videatur, cellulositati ipsi nigredinem illam tribui, plura habemus in corpore exempla telae cellulosae nigrae, vbi nulla valet suspicio, nigredinem pigmento cuidam nigro, propriis glandulis secreto, deberi. Sic & in homine & in boue, & porco cellulosa, quae funiculos medullares nerui optici distinguit, & illa, quae glomerulos minimos glandularum conglobatarum neget, & in thorace & in inguine fusca interdum in adultioribus mihi visa fuit. Sed et reticulum Malpighianum nigrum quodammodo huc pertinet (a).

Aliter autem sese res habet in facie interna, cui insternitur verum pigmentum nigrum, aut pullum, in infantibus crassius, solidius, saturatius tinctum, & fere instar pastae choroidi obductum, prope ingressum autem nerui optici vix illum, vbi circulus albus apparet, et anterius crassius, quod in fetu, teste VESLINGIO (b), iam adest, palpebris nondum formatis, &, vti DIEMERBROECKIVS (c) iam obseruavit, per tenuorem scleroticam ibi pellucet, cui inde color ex albo coeruleus conciliatur. PETITVS (d) cum MORGAGNIO (e) optime monet, colorem illum nunquam esse prorsus nigrum, sed potius ad eum, quem tabaci vocant, vergere. Crassities quoque huius pigmenti incremente aetate ita sensim diminuitur, ut transpiciendo per humorem vitreum vasa choroidis sanguinea retro illud nunc aquosius factum videri possint, quae in infantibus eo tanquam lamina nigra omnino tecta latebant (f). In omni autem aetate color

(a) Multa alia in oculis brutorum sunt loca, praeter choroidem, vbi cellulosa nigra deprehenditur. In scleroticae externa facie oculi suilli in utroque latere maculae duae nigrae apparent, cum ipsa sclerotica subiecta candidissima sit. Oculi cervini coniunctiva circa corneam nigerrima quoque apparet. In oculo felino et caprillo linea nigra limites inter corneam et scleroticam ponere

fere videtur. Vid. in *Comment. Soc. Reg. Sc. Gotting. loc. modo cit.*

(b) *Syntagm. anat. C. XV.*

(c) *Anat. C. H. L. III. C. XVII.*

(d) *Mem. Acad. R. Scient. Paris.*

1726. p. 79.

(e) *Vid. loc. modo cit.*

(f) In plurimis animalibus ex quadrupedum genere choroidis interna facies non ubique spadicea aut pigmento nigro obducta est, sed magna

color ille in posteriori parte choroidis, quae verae retinae incumbit, aquosior est, minusque pertinaciter illi adhaeret, vt aqua calidiori facile, in primis si vasa cera fuerint repleta, abstergi possit (g), ac in facie posteriori vueae, & coronae ciliaris, ubi multo crassius, solidius, magisque nigrum, ad pastae naturam proprius accedit. Vueae in primis in adultis arctissime adhaeret, eiusque substantiae ita iungitur, vt in viuo homine, et si iris aqueum humorem vbique contingat, in eoque tam crebro agitetur & moueat, ipsum tamen colore non inficiat (h); sed & in mortuo, vix, nisi choroide macerata, aqua plane detergi possit. In infantibus autem tota fere illa lamina nigra, quae vueam oblinxit, taeniae nigrae instar, leui maceratione inde sedecit, vt iris candida appareat. Corpori autem ciliari non aequali vbique modo illinitur, quum valleculis inter processus ciliares intermediis arctiori vinculo sit agglutinatum, & saturatiore solidiorique pasta illas obducatur, apices autem prominentes liberas fere & nigredine puras relinquunt, vt striae illae candidae nigris valleculis alternis vicibus interpositae annulum eleganter ex albo & nigro varium efficiant, quod quidem pigmentum vix nisi difficillime ex illis valleculis abluitur, si oculus ex corpore hominis adulti euulsus fuerit. Semper tamen magna pars huius pigmenti fusci, quod corpus ciliare obducit, humor vitreo agglutinata haeret, dum hic a corpore seiungitur, annulumque format, quo lens crystallina cum humore vitreo deposita, circum circa ornata appet. In infantibus non raro con-

magna saepe ex parte, in primis prope ingressum nerui optici pulchris potius coloribus, argenteo. aut ad splendorem matris perlarum accedente, viridi, coeruleo, aut flavo fulget. In lucio pisce autem facies choroidis retinae obuersa coerulea instratam sibi habet pastam fere nigrum solidiusculam, in laminae cohaerentis speciem extensam, cui pastae demum pigmentum e rufo fuscum, facilime ab aqua solubile, vbique illinitur. Conf. T. IV. Com-

ment. Soc. Reg. Sc. Gotting. obseru. de differentia fabricae. &c.

(g) Vid. Comment. Boerhaav. T. IV. §. DXXII. not. e. Vix ergo video, cur nonnulli ex antiquioribus, vti SPIGELIUS Libr. X. pag. 326. PLEMPIVS Ophthalmogr. C. X. FABRIC. AB AQVAPENDENTE de oculo P. I. C. IV. pigmentum nigrum faciei choroidis internae innatum et inseparabile dixerint.

(h) Idem iam adnotauit MORAGN. epist. anat. XVII. §. 12.

tingit, ut omne pigmentum a corpore ciliari secedat, et pro-cessuum ciliarium apices non solum, sed etiam valleculas inter-positas albas & puras relinquat, quod humori vitreo circa len-tem agglutinatum radiati fere floris discum ex nigris petalis compositum egregie exhibet (i).

Illud pigmentum, quo vueae facies posterior, & corpus ciliare obducitur, nigri muci ex ultimis forte villis laminae in-ternae secreti naturam referre fere videtur. A facie autem po-steriori iridis & corporis ciliaris oculi recentis & inprimis infan-tis laciniae saepe maiusculae, choroide in aqua huc et illuc agi-tata, facile secedunt, quae in aqua fluitantes et membranae te-nuioris instar inter se cohaerentes naturam peculiarem, & in-dolem ab omnibus reliquis succis secretis diuersissimam, facilli-me produnt. Aequo minus tamen ac in fuscitate faciei exterio-ris ad glandulas proprias, quae illud pigmentum secernant, con-fugere necesse habemus, & certe glandulae CHIRACI (k), MERYI (l), BRISSEAV (m), & corpuscula rotunda VALSAL-VAE (n), quibus secretionem illam peragi credebant, iam an-tea obsoluerunt (o), et ingeniosa magis quam vera sunt, quae de huius pigmenti atri generatione recentiori tempore LE CAT (p) proposuit. Omnibus autem probe expensis, pigmentum illud nigrum ad naturam reticuli Malpighiani proprius accedere mihi videtur, cum quo indole pulposa, semifluida, & quasi ex muco concreta plane conuenit, &, ut illud rete, ex coacto ali-quo humore fusco de tapeto villoso choroidis exhalante compo-ni

(i) Idem vidisse videtur CASSE-RIVS, ubi *Pentafih. de organo vi-jaz T. V. f. 7. et 9.* corpus ciliare plane album et partem posteriorem choroidis fuscum fere pingit. An-nulum nigrum in humore vitreo circa lentem relictum idem delineat. *T. cit. f. 21. et 28. et RUVY SCH. T. XVI. f. 1.*

(k) WOOLHOVSE in epist. Fran-cof. ed. p. 46.

(l) Mem. Ac. R. Sc. Par. 1707.

p. 664.

(m) *De la cataracte* p. 12.

(n) MORGAGN. ep. anat. XVII, §. 4.

(o) Conf. Comm. Boeth. T. IV. §. DXXII. not. e.

(p) *Traité des Sens.* p. 159. Con-tra hunc iam dixit Cel. CAMPER. in dissert. de quibusdam oculi parti-bus cap. III. quaeſt. I. quae in ſerta legitur Volumini IV. Differt. Anat. ab H. HALLERO collat. p. 291,

ni videtur (*q*), quae quidem sententia ex inferius dicendis non parum confirmabitur.

§. IV.

Opiniones Auctorum circa originem choroidis.

Circa originem choroidis eadem fere valent, quae superius de sclerotica dicta sunt. Omnes enim fere Anatomici, qui scleroticam durae matris propaginem esse perhibent, eodem modo choroidem a pia matre nerui optici prognatam et formatam esse docent (*r*), quae quidem sententia, postquam Ruysschius choroidem in duas diuidi posse laminas monuit, eo fuit aucta & ornata, ut ex arachnoide exteriorem laminam, choroidem proprie dictam, ex pia matre autem internam, quam Ruysschius a suo nomine *Ruyshianam* dixit, efformari plurimi crederent (*s*): nec multum ab ludunt, quae de huius tunicae ortu tradidit Cel. LE CAT (*t*), qui piam matrem nerui optici ad originem retinae in duas laminas secedere scribit, quarum altera in choroidem, altera in laminam interiore scleroticae accessoriā degenerare videatur. Etsi autem paulum differant, quae nonnulli ex antiquioribus de origine huius tunicae docuerunt, qui piae matris alteram laminam quidem in choroidem abire, alteram autem ad constituendam cum substantia medullari retinam inseruire crediderunt (*u*); in eo tamen omnes consentiunt, choroidem propaginem piae matris nerui optici videri. Quae quidem sententia de continuatione piae matris in choroidem in primis a MARIOTTI asseclis aude fuit arrepta, quorum nempe theoria, quae choroidem verum esse visus organum docet, praecipuo illo fundamento ita subnititur, ut, illo sublato, omnis illa hypothesis sponte corruere videatur. E

con-

(*q*) Vid. §. Praeterea conf. verba de reticulo Malpighiano III. HALLEMI §. 427. Cl. MOEHRING pigmentum illud iam cum rete Malpighiano comparat, et vasculosum esse credit *Diff. de visu* p. 38.

(*r*) Vid. sup. de sclerotica, §. V.

(*s*) Coniecturam hanc iam proposuit III. MORGAGNIUS ep. XVII. §. 4.

(*t*) *Traité des Sens.* p. 153.

(*u*) Conf. loca, quae collegit MORGAGNI, epist. anat. XVII. §. 34.

contrario autem, quotquot fere, scleroticam esse propriam oculi tunicam, nec ex dura matre natam, perhibent, eodem modo, choroidem esse tunicam peculiarem, & a pia matre nerui optici plane distinctam affirmant, quod in primis ALBINVS eiusque discipuli, MOEHRING (x), APPEL (y), DE MAFFE' (z), LOBE' (a), MOELLER (b), HEVERMANN (c), & praeter illos HEISTER (d), WINSLOW (e), & qui illum sequuntur, ut TAYLOR (f), & alii urgent (g), quibuscum meae etiam observationes consentiunt.

§. V.

Connexio choroidis ope cellulositatis cum pia matre nerui optici.

Tunicae choroidis facies exterior, quo propius ad ingressum nerui optici accedit, eo arctiori vinculo cum lamina interna scleroticae coniungitur, vbi, plurimae arteriolae ciliares posteriores, & copiosior cum illis allata tela cellulosa utriusque tunicae accuratiorem coniunctionem efficiunt. Vbi autem circa ipsam primam originem retinae pia mater in omni ambitu laminae cribrosae, per quam substantia medullaris transit, a neruo optico reflexa, circulo facto in oculi cavitatem aliquantum prominulo ad scleroticam accedit, ut intimam illius lamellam constituat, quam fabricam supra descripsimus (h); ibi choroides illi circulo piae matris arctissime adhaeret ope breuissimae & densissimae cellulositatis, & foramine circulari & margine inte-

(x) *Diss. de visu*, §. 22.

(y) *De oculi humani fabrica*, §. VII.

(z) *De oculi constructione*, §. VIII.

(a) *Diss. de oculo hum.* §. 38.

(b) *Obseru. circa retinam*, §. VI.

(c) *Physiol. T. II.* §. 733.

(d) *Diss. de choroidea*, p. 5.

(e) *Expos. anat. de la tête* T. IV.

§. 225.

(f) *Tr. de l'anatomie du globe*

de l'oeil. p. 26.

(g) Praeter Albinianos discipulos, aliosque modo laudatos paucissimos esse crediderim, qui choroidem piae matris nerui optici propaginem esse negare velint. VALSALVA, qui choroidem ab Arachnoide deducit, festinans scripsisse videtur, *diss. II.* n. 6. ab MORGAGNIO ep. XVI, §. 16. iam correctus.

(h) *De sclerotica* §. VII. v. (v)

gro papillam medullarem, vnde retina originem trahit, arcte ambit (i). Manifeste illud apparet, si neruus opticus ad vsque insertionem per longitudinem discissus fuerit. Inter extremum enim illius finem, aut potius inter circulum, ad scleroticam accedit, & inter ipsam originem fuscae choroidis deprehenditur linea aut in neruo disco dissecato semicirculus albus, qui inter choroidem & piam matrem accuratissime limites ponit (k). Nexus autem illum choroidis cum pia matre sola fieri cellulositate, nec veram adesse piae matris in choroidem continuationem, optime suadet maceratio. Illa enim adiuuante, vincula illa cellulosa sensim ita soluuntur, vt leuissima tractione, & discisis, suspenfa manu, vasculis ciliaribus posterioribus, choroides, ora posteriori integerrima & illaesha, ab extreto fine nerui optici saepe secedat, quod eo facilius adhuc contingit, si choroides, vasculis, quibus scatet, innumeris cera repletis, paulo firmior & solidior facta fuerit, ne ipsa illius compages maceratione adeo facile solui possit. Quae quidem integritas orae posterioris perfecte circularis summi roboris argumentum praebere mihi videatur, quo euinci possit, choroidem propriam & peculiarem esse oculi tunicam. Si enim vera esset piae matris propago, sola maceratione a neruo optico separari vix posse videtur, nec vniquam fere fieri posset, quin hinc atque illinc disrupta & lacera ora, & laciniae ex choroidis substantia euulsae veram piae matris in illam substantiam proderent. Addi quoque posset, ne vnicum quidem vasculum, immediate, nisi salutata prius sclerotica, ex pia matre nerui optici in choroidem transire, cum in omni

(i) Plane ab obseruationibus meis ab ludunt, quae LOBE' diss. cit. §. 38. APPEL loc. cit. §. VII. MORH-RING. loc. cit. aliique Albiniani discipuli de origine choroidis tradunt, qui, *illam ex productis scleroticae vasibus ita oriri*, perhibent, *vt inter foraminulum, quo neruus in oculi canitatem intrat, et ortum choroidis nuda scleroticae portiuncula remaneat, quam retina conueniat.* Optime autem in oculo, cuius vasa cera sunt

repleta, apparet, oram nigram circularem, vnde choroides ortum dicit, retinae origini tam arcte esse circumpositam, vt ne minimum spatiolum supersit, vbi scleroticae lamina interna immediate retinam tangere possit. Circulus autem albus in fundo oculi circa foramen nerui optici neque semper adest, in primis in adulto, aut certe tamen repletis vasculis plane evanescit.

(k) Vid. Tab. I. f. I.

omni reliquo corpore vasa propagines membranarum ex altera parte in alteram transeuntes comitantur (*l*). Ipsam illam choroidis originem accuratius distinguit in oculo recenti circulus saturatiōi fusco colore tinctus, in oculo autem, cuius vascula cera sunt repleta, interdum arteriolae nonnullae ex ciliaribus posterioribus circulum circa originem retinae in ipsa choroidis substantia formant, vnde arteriolae parallelo itinere in interna facie conspicuae anteriora versus decurrunt (*m*). Ipsa denique piae matris & choroidis fabrica diuersissima, opinioni, choroidem esse tunicam propriam, ita fauet, vt nullam fere dubitationem relinquere videatur (*n*), ad quam adcuratius indagandam propius nunc accedemus.

§. VI.

Descriptio fabricae choroidis in oculo recenti obseruatae.

Choroides tunica conflata est ex innumeris vasculis, tam arteriosis, quam venosis, cellulositate subtiliori miro artificio in unam telam coniunctis. Fabricam illam vasculosam cum **GALENO** (*o*) & **RVFO EPHESIO** (*p*) omnes fere, qui secuti sunt, Anatomici agnouisse videntur, in eo consentientes, huic tunicae denominationem choroidis hanc obcaussam fuisse datam, quod instar chorii plurima vasa inter se colligaret. Nonnulli tamen fuerunt inter recentiores, qui praeter vascula fibras peculiares atras in ea sibi visas fuisse docuerunt, & ipse **MORGANIVS** choroidem in primis ex fibris rectis atris, quas a vasculis sollicite distinguit, componi affirmat (*q*). Praeter illum autem **ANTONIVS MAITREIEAN** (*r*) quoque describit fibras,

(*l*) Idem fere argumentum vrget
APPEL de oculi hum. fabrica. p. 14.

(*m*) *Vid. T. I. f. I.*

(*n*) Conf. quae iam diximus
Comment. Reg. Soc. Scient. Gotting.
T. III. serm. de tunicis et musculis
oculi. §. V.

(*o*) *De usu part. L. X. c. 2.*

(*p*) *De appellat. part. corp. hum.*
I. 1. c. 23. l. 2. c. 3.

(*q*) *Epiſt. anat. §. XVII. §. 2.*
Adu. anat. VI. animadu. 70.

(*r*) *Traité des maladies de l'oeil,*
p. 23. 24.

a membranosis distinctas, & ab ingressu nerui optici recta antrorum tendentes, quorum tamen plurimas in itinere viam rettam deserentes in vortices circumflecti affirmat. Facile quidem appareat, hunc nihil aliud nisi ipsa vasa vorticosa vidisse, & accuratior fabricae choroidis descriptio optime docebit, choroidem vnicet ex vasculis tela cellulosa inter se coniunctis componi.

Primum choroidem recentem examini subiiciamus, & quomodo illa sese habeat, priusquam ullum artificium anatomicum accesserit, paululum dispiciamus.

Si ergo choroidis recentis, detracta sclerotica, faciem externam examinemus, praeter tenuissimam cellulosam, scleroticae & chorodi interpositam, omnium primi apparent neruuli ciliares, in latiusculas taeniolas explanati, qui omnibus reliquis choroidis vasculis instruti per cellulosam illam in conuexa choroidis facie antrorum decurrent, ut extimum fere stratum efficere videantur, de quibus infra. Praeter illos neruulos in extimo illo strato in conspectum veniunt vascula frequenter duo, raro plura, singula in utroque latere, fere semper sanguine plena, quae posterius scleroticam penetrantes recta fere longitudinem choroidis metiuntur, vix nisi minimis ramulis ad eam emissis, & anterius demum in orbiculum ciliarem se demergunt, arteriolae nempe ciliares longae, quae NUCKIO, HOVIO & aliis pro ductibus aquosis imposuerunt (s).

Illis autem neruulis & arteriolis, vti vulgo dicuntur, longis, subiecta videmus vascula diuersi generis; alia enim & maiora, orta in media fere choroidis parte, ex trunco, unde rami in omnem fere ambitum, in primis autem anteriora & posteriora versus sparguntur, & post aliquam ab origine distantiam paralleli inter se procurrunt. Vascula illa, vasa vorticosa vulgo dicta, & ab omnibus Anatomicis ad nostra usque tempora pro arteriis habita, venas choroidem adeuntes esse, summa peritia III. HALLERI primum nos docuit (t). In oculo recenti & trun-

(s) Vid. III. HALLERI *descriptio* 4. et 5. *onem arter. oculi p. 45. et fig. adiect.*

(t) Vid. loc. mod. cit. p. 47.

ci & surculi inde oriundi sanguine rubro semper turgent, in choroide autem in spiritu vini asseruata album colorem fere semper induunt, vt a subiectis aliis vasculis facillime dignosci possint. Surculis enim ex truncis venarum natis & retrorsum ad neruum opticum tendentibus, parallelis occurunt, & spatia, vasis vorticosis interposita, vbiique occupant, vascula alia, quae scleroticam posterius perforarunt, plurima, ad acutos angulos ramosa, quorum surculi, fere paralleli & inter se & cum surculis venosis, antrorsum decurrunt, quae vascula in oculo recenti sanguinolenta sunt (*u*), in choroide autem in spiritu vini asseruata fibras fuscas, rectas, albis surculis venosis intermistas, reserunt. Dicimus autem arteriolas ciliares posteriores, quae posterius in conuexa choroidis facie conspicuae, sensim sub vasa vorticosa sese demergentes concavam illius tunicae faciem petunt, vt ante trunculos venosos numero multo pauciores, & tenuiores inter surculos venosos, fibris fuscis similes, deprehendantur (*x*). Omnia illa vasa inter se tunicam formantia connectuntur ope cellulositatis tenuissimae, mollis, lubricae, quae in fetu & infante candida & pura est, sensim autem rubello, & in adulto fusco colore, nulla maceratione delendo, imbuitur.

Facies autem choroidis concava, retinae obuersa, ablato pigmento fusco, in oculo recenti, infantis rubella & sanguineo colore tincta, & adulti ex rubro fusa, dilutioris tamen coloris, ac in externa facie, apparet, ita tamen, vt semper, et si omnia reliqua vasa colore sanguineo infecta sint, pars choroidis postrema, circa originem retinae, exsanguis & pallida reperiatur, & annulum album, qui nerui optici ingressum cingit, fere referat (*y*). Quod si faciem illam internam accuratius adspiciamus, vbiique in conspectum veniunt vascula innumera, nempe arteriolae

(*u*) In suffocatis, et infantibus difficili partu mortuis tenuissimos illorum surculos sanguine saepe rubro ita plenos vidi, vt aequa facile, ac vascula cera repleta, obseruari potuerint.

(*x*) Vid. Ill. HALL. loc. modo cit.

(*y*) Annuli huius albi in primis mentionem faciunt discipuli Albiniani supradicti, qui inde choroidem oriri statuunt.

riolae illae ciliares posteriores, inter se parallelae, recta anterius tendentes, in quorum interuallis hic & illic ramuli vasorum vorticorum transuersim incedentes, & pone illas latentes apparent; quae in oculo recenti maxima ex parte sunt sanguinolentae, in spiritu vini autem sensim contractae fibras atras fere mentiuntur (z). Facies illa, in choroide in spiritu vini detenta, albido fere tenui colore illita apparet, vt vascula in interna facie conspicua, subobscure tantum oculis se fstant, & lamina tenuissima & pellucida obduci fere videantur (a). Cuius quidem phaenomeni causam microscopium, quod obiecta multum auget, optime in homine nos docet. Si enim lente faciem illam examinemus, apparet, illam vbiique obduci villoositate quadam, quae vndique emittit flocculos innumerabiles in aqua fluitantes, & breuissime eminentes. In brutis & in primis in animalibus maioribus nudus oculus eos distinguit, vbi choroidis faciem internam (b) tegi videmus lamina fere peculiari, leui, villosa, cuius flocculi in aqua conspicui fluitant, & splendorem coeruleum & viridem & eleganter argenteum, qui choroidem animalium magna ex parte occupat, reddunt (c), cui villoositati in leaena visae Parisini primum nomen tapeti imposuerunt (d).

La-

(z) Infantis suffocati choroidis interna facies sindonem tenuissimam, sanguineo colore vbiique aequabil modo tintam, refert.

(a) Vid. noſtr. Tab. I. f. r.

(b) In omnibus fere animalibus pars tantum choroidis posterior, aut ab uno tantum latere, vt in bove, aut in omni ambitu, vt in veruece, fele et aliis, splendore eiusmodi viridi, coeruleo, flavo, aut argenteo fulget, vbi anterior, villosa quidem, nigros autem flocculos emittit. In illis autem nunquam pigmentum nigrum faciei internae choroidis illatum est, neque ob crassitatem laminae villosae vascula vlla apparent. Alter autem seſe res habet in cuniculo, vbi rubra vasa choroidis, vix

ab interna parte villosae, per pupillam, pellucidamque lentem et corpus vitreum ita pelluent, vt ab eo singulari certe colore, LINNAEVS illud animalculum, leponem pupillis rubris, dixerit. Causa huius coloris, cum morte expallescens, vnicce in pleno defectu nigri pigmenti esse videtur, cuius nullum vestigium in eo animali supereſt. Vide III. HALLERI opuscula anatomica. pag.

343.

(c) Num hanc villoositatem forte voluit HOVIUS, vbi intimam choroidis lamellam, quintam sibi dictam, papillosam esse tradidit? libr. cit. p. 37. Tab. III. f. I. fere suadet.

(d) Mem. pour servir a l'histoire naturel. des anim. p. 23.

Lamina illa villosa non solum in choroide, sed etiam in processibus ciliaribus apparet, vbi flocculi longiores & in areolas fere quadrangulas ficti sunt, in bove in primis manifestiores, vbi eos humor ater obfuscatur, elutus autem puros & albos relinquit. In homine autem flocculi illius villositatis breviores, abluto pigmento fusco, albi sunt & inanes; nec unquam splendorem, quem in brutis saepe videmus, reflectunt, qui nudo oculo visi, faciem internam choroidis, in primis in adultioribus, pallidiorrem & in senio fere exalbidam reddere videntur (e). Facillimum autem huius phaenomeni explicationem ab illa villositate choroidis peti posse crediderim. Cum enim flocculi illi, qui in fetu & infante, si non verum sanguinem, liquorem per vasorum cum rubris continua delatum, continebant, iam aetate sensim elisi & inanes facti fuerint, quid obstat, quo minus innumeris eiusmodi flocculis albis, elisis, pallidum colorem, quem choroidis interna facies induere obseruatur, tribuamus (f)?

§. VII.

Fabrica choroidis ex oculo, cuius vascula cera sunt repleta.

Alia autem plane facies surgit, si vascula choroidis materia ceracea repleta fuerint. Cum enim semper facillime cera repletis arteriis in venas transeat (g) tota facies externa, si injectio rite successerit, tot vascula pressim sibi adiacentia, & per strata

(e) PETITVS primum choroidis internam faciem cum senio expallere obseruavit. *Mem. Ac. Roy. Sc. Paris. 1726. p. 79.* quem omnes fere, qui post illum scripsérunt, sentiunt.

(f) In ipsa certe cellulositate choroidis degeneratio illa coloris ex fusco in pallidiorem vix quaeri posse videtur. Omnes enim obseruationes in eo consentiunt, choroidem totam, quae in infante alba fuerat,

cum aetate fusco colore ita imbui, ut nulla maceratione fuscitas illa elui possit.

(g) Idem adnotanit III. HALLE-RVS *descr. art. oculi p. 47.* Aliter autem certe se res habet, si venae repletæ fuerint. Etsi enim vel minimi surculi venosi iridis ad oram pupillæ usque cera turgeant, vix unquam tamen contingit, ut arteriolæ ceram recipient, quod iterata certe experientia me docuit.

strata fere sibi incumbentia, ante oculos fistit, vt plura recipere non posse videatur. Praeter arteriolas ciliares longas in primis in conspectum veniunt venulae, vasa vorticosa vulgo dictae, quae trunculis amplioribus, & decursu facile ab aliis se distinguunt, & surculis copiosissimis in arcum inflexis medium choroidis partem in primis occupant (*h*). Partem autem posteriorem oculi, & interualla inter vortices venosos in media choroidis relictam, vnicce constituunt praeter surculos venosos, parallelo itinere retrorsum tendentes, arteriolae ciliares posteriores, innumerae, ad acutiores angulos ramosae, & prioribus & inter se paralleliae, quae partim sub vortices venarum se demergentes ex conspectu se subducunt, partim per interualla venulis libera, densissimo ordine paralleliae, iter anteriora versus prosequuntur, & sensim concavam choroidis faciem petunt. Plurimae tamen ad anteriorem quoque choroidis partem veniunt, quibus, vti surculis venosis iridem adeuntibus, se paralleliae ramuli ex arteriolis ciliaribus anterioribus orti, qui ex orbiculo ciliari emergentes retrorsum aliquatenus procedunt, & arteriarum ciliarium posteriorum, quae non omnes huc pertingunt, vicem supplent (*i*). Si repletio ex voto successerit, vascula turgentia omnem locum ita occupant, vt vix cellulositatis fuscae vascula connectentis vestigium appareat (*k*). Praeter vascula autem ne vnicam quidem fibram atram, rectam, vasculis intermistam inueniemus, vt inieccio felicior nullum dubium relinquere videatur, choroidem esse telam vnicce ex innumeris vasculis ope cellulositatis conflatam. Longe maximam partem huius tunicae constituunt arteriolae ciliares posteriores & vascula venosa, quae in externa facie choroidis diuersam directionem obseruant. Posterius arteriolae, earumque ramuli alii maiores, alii minores, antrorsum pergunt inter se paralleli, intermisti surculis venosis itidem parallelis & recta retrorsum decurrentibus, vbi vascula arteriosa & venosa in eodem strato posita esse

vi-

(*h*) Vid. icon. nostr. quae venulas per choroidem ludentes, exhibit, T. I. f. I. & III, HALLERI fig. 5.

(*i*) Egregie illas delineauit III,

HALLER. Tab. art. oculi f. 4.

(*k*) Vid. RUVSCHII Tab. XVI,

sp. XIII. adiect. fig. 2.

videtur. In media autem fere oculi parte surculi arteriosi, recti, sensim concauam choroidis faciem petentes se subiiciunt ramulis venosis, quorum plurimi ex origine in omnem ambitum sparsi longa via per choroidem transuersim incedunt, & arteriosos surculos, saepissime decussant. Eo ergo loco vascula venosa, & arteriosa in dupli strato posita sunt, ut exterius stratum venulae, interius arteriolae, prioribus tectae, occupare videantur (*l*), quae quidem fabrica, cum exterius stratum ab interiori aliqua ex parte auferri possit, RYSCHEM mouit, ut duas tunicas choroidis adesse crederet (*m*). Haec quidem sunt, quae apparent in exteriori choroidis facie. Aliud autem spectaculum oculis sese exhibit, si choroidis faciem internam adspiciamus. Si enim injectio in oculo infantis ex yoto successerit, tota illa facies interna macula rubra vuniformis oculo nudo esse videtur, ac si materia ceracea ruptis vasculis in cellulosam effusa fuisset, ut vix trunculi nonnulli arteriosi maiores, recti, per illam hic & illic pelluceant (*n*). Nec annuli albi circa originem retinae in recenti oculo conspicui vestigium superevit, cuius locum plurima vascula anastomosibus inter sese iuncta ad extremam usque oram choroidis vbiique occupant. Vbi autem lens vitrea, quae obiecta plurimum auget, adhibita fuerit, fabrica nobis occurrit elegantissima, qualis in toto corpore humano reperitur, quae vnumquemque harum rerum non plane incuriosum non potest non voluptate adficere. Innumeræ apparent arteriolæ rectæ, maiores, minores, repetito sub angulis acutissimis ramosæ, inter sese parallelae, & densissima serie sibi applicatae, quae innumeris anastomosibus inter sese communificant, & plurimas insulas inter sese intercipiunt. Arteriolæ illæ rectæ obducuntur in interna superficie reticulo pulcherrimo vasculorum subtilissimorum, omnium fere eiusdem magnitudinis, in areas quadrangulas & fere rhomboideas fictorum, ut retis venatorii formam fere referant, & structura inde euadat reticularis illi simillima, quam ultima vascula in pulmone, itidem in

(*l*) Vid. iconem RYSCHE. Epist. prohl. XIII. f. 9. 10. et HEISTER.

(*m*) Conf. epist. modo cit. p. 13. (*n*) Vid. nostr. T. I. f. 1. & HALLE. de choroide adiectam Tab. f. 6. Tab. arter. oculi f. 7. 8.

in retis speciem intertexta, constituunt. Pulcherrimum est illud reticulum & densissimum, vt areolae minores vix distingui possint, in posteriori choroidis parte ante locum illum, vbi in oculo recenti annulus albus ingressum nerui optici cingit, qua in origine choroidis tenuius minusque conspicuum deprehenditur. Quo proprius autem ad plicas processuum ciliarium accedit, eo rarius & laxius euadit illud reticulum, & areolae eo maiores apparent, & in anteriori choroidis internae faciei parte sensim fere euanescit, vt arteriolae rectae, densissime sibi applicatae, & inter se parallelae, quae confertim processus ciliares adeunt, illorum origini proximae, nudaee, nec vlo reticulo teatæ incedant. Pulcherrima tamen haec fabrica nunquam verbis satis describi potest, quam autem icon a peritissimo artifice summa diligentia facta optime exprimit. Inuenti huius plane noui laudem equidem mihi non omni ex parte arrogo, sed illam deberi solertissimo LIEBERKÜHNIO publice lubentissime hic profiteor, inter cuius pulcherrima praeparata anatomica primum fabricam illam reticularem videre mihi contigit (n). Ex vasculis illis in retis speciem intertextis, vti anterius ex surculis ipsis processus ciliares adeuntibus, vndique exeunt flocculi, illi superius descripti (o), qui in oculo recenti albi & inanes faciem internam choroidis albam & villosam reddunt, ab oleo tamen terebinthinae cinnabari tincto non aegerrime replentur, vt totam illam faciem rubro vniiformi colore tingant (p). Quae quum ita sint, coniectura non parum inde confirmari videtur, ex iisdem flocculis secerni pigmentum nigrum, chorodi obdutum (q), in infante crassius, vbi flocculi laxiores, & vti omnes corpor-

(n) Vid. *T. I. f. 2.* Monendum praeterea esse duxi, iconem nostram ad exemplar choroidis, ab humanissimo LIEBERKÜHNIO felicissime repletae mihiq[ue] donatae, a nostro KALTENHOFERO delineatam fuisse.

(o) Neminem reperio, qui ante editam meam epistolam, *de vasculis subilioribus oculi*, flocculos illos ex choroidis interna facie exeuntes in

homine diserte dixerit, vbi illorum iam mentionem feci. vid. p. 18. BERTRANDVM nondum vidi, qui eos habere legitur in III. HALLERI *descript. arter. oc.* p. 48.

(p) *Conf. loc. modo cit.*

(q) Pigmentum illud ex vltimis secerni arteriolis iam credit Ap. PEL *diff. de oculi humani fabrica* §. X. p. 18.

corporis glandulae secretioni aptiores, in senio tenuius & dilutius, vbi omnes secretiones tardius procedunt. De usu reticuli inferius in parte physiologica pluribus agemus.

§. VIII.

Vtrum tunica choroides ex duabus lamellis sit composita?

Qua choroidis fabrica perspecta, disquirendum nunc esse videtur, num tunica illa pro simplici haberi, aut an potius ex duabus lamellis composita dici possit. **Rvvschivs** (r) liti occasionem dedit, qui primus choroidem humanam ex duabus lamellis esse compositam docuit, quarum alteram, *Ruyfchianam*, ipse vocavit, nomenque a filio impositum, recepit; alteri nomen antiquum choroidis reliquit, et si ipse primus non fuerit, qui diuisionem choroidis brutorum in duas lamellas tentauerit. Nam ante ipsum **Gvenellonivs** (s) iam in piscibus asellis duas choroidis laminas a se animaduersas & delineatas proposuit, & **Morgagnivs** (t) de se ipso profitetur, sibi a prima olim adolescentia oculos brutorum dissecanti plura se obtulisse indicia, choroidem non ex una lamina constare, & **Parisini** (u) laminam interiorem villosam splendentem, quam in Leaena separari posse viderant, nomine nunc omnibus recepto, *tapetum, le tapis*, vocarunt. Cum autem **Rvvschivs**, in choroidem humana, cuius vascula cera erant repleta, interdum portionem quandam laminae interioris ab exteriori separari posse, &, attentius fabrica illa examinata, utriusque laminae vascula diuersa directione ferri videret, vt laminae exterioris vasa ex trunco in omnem ambitum spargantur, interioris autem recta a posterioribus anteriora versus decurrant; facile sibi persuasit, choroidem tunicam esse geminam, & ex duabus laminis compositam, quarum interiorem, nouam sibi vimam, *Ruyfchianam* ipse

(r) Epist. probl. XIII.

(t) Epist. anat. XVII. §. 3.

(s) Observationes illius adferunt

MORGAGN. epist. XVII. §. 3. &
HEISTER. diff. cit. §. VII.

(u) Memoir. pour servir a l'hist.
natur. des anim. p. 23.

ipse dixit, eaque denominatione, a filio tunicae illi imposita, & ab omnibus fere recepta in omnibus scriptis, nemine fere contradicente, usus est; exteriori autem nomen antiquum choroidis reliquit (*x*). Praeterea, ut nouae tunicae, a RAVIO impugnatae, maiorem conciliaret auctoritatem, illam non solum tam in balaenae (*y*) oculo quam in humano praeparatam & in thesauris anatomicis seruatam, egregie descripsit (*z*), sed etiam icone ad exemplar humanum facta proposuit, ut in media fere oculi parte, portione quadam strati exterioris, quod vascula vorticosa ex trunco in omnem ambitum sparsa constituunt, ablata, decursum vasculorum interiorum recta antrorum tendentium, & exteriora decussantium sisteret (*a*), quam demum iconem HEISTERVS quoque recepit. Ab illo demum RYSSCHIO diuisiōnēm choroidis in duas laminas, nouamque nomine suo insignitam tunicam, receperunt praeter discipulos, HEISTERVM (*b*), BERGERVM (*c*), PAVLI (*d*), plurimi recentiorum, vti BOERHAAVE (*e*), WINSLOW (*f*), SENNAC (*g*), LIEVTAVD (*h*), LE CAT (*i*), BONHOMME (*k*), PETIT (*l*), ST. YVES (*m*), TAYLOR (*n*), & inter nostros ciues CASSEBOHM (*o*), FABRICIVS (*p*), LUDWIG (*q*), & quot non alii? Nec MORGAGNIVM ab illa opinione alienum esse supra vidimus. HOVIUS (*r*) autem binis laminis choroidis non content-

(*x*) Epist. probl. XIII. p. 13. 14.

(*y*) Vide Thes. II. Aff. I. n. 9.

(*z*) Thes. II. Aff. I. n. IV. VI. VII. not. 4. Aff. II. n. XVII. not. 2. Aff. VI. n. XI. not. 4.

(*a*) Vide Epist. XIII. adiectam T. XVI. f. 9. et 10.

(*b*) De tunica choroidea. §. VII.

(*c*) De natura humana, c. XXIX. p. 403.

(*d*) Annot. ad HORNII Microcosm. §. 54. not. k.

(*e*) Institut et Praelect. §. DXX.

(*f*) Expos. anat. de la tête, §. 218.

(*g*) Libr. cit. p. 692.

(*h*) Epist. anat. p. 240.

(*i*) Libr. cit. p. 154.

(*k*) Cephalotom. p. 142.

(*l*) Edit. de Palfyn. anat. T. II. p. 421.

(*m*) Libr. cit. p. 10.

(*n*) Libr. cit. §. 48.

(*o*) Meth. sec. p. 320.

(*p*) Idea anat. pract. p. 132.

(*q*) Institut. Phys. §. 517.

(*r*) Libro cit p. 181. Num forte simile quid vedit in oculis quorundam animalium maiorum, equi aut balaenae, vbi choroides in plures laminas, spurias licet, nec ab ipsa natura diuisas, diuellere interdum licet? Sed in primis homo ille in eo peccasse videtur, quod obseruationes, neque satis certas, neque sat-
F 2

tentus, reliquorum mortalium industriam ita supergressus est; ut quinque choroidis faceret laminas, nouitatis potius quam veri studiosus.

Etsi vero opinio illa RvVSCHII primum omnium fere communi applausu fuerit excepta, nostro tamen in primis aevo non defunt, qui illam infringere, &, ad veterum opinionem recedentes, choroidem esse membranam simplicem affirmare non dubitant. Ipso iam RvVSCHII tempore acrem opinio illa facta est aduersarium, RAVIVM, contra quem ipse RvVSCHIUS fortiter illam defendit (*s*), & VERHEVENIUS (*t*) iam tunicam interiorem ab exteriori in oculo humano separari posse negauit, etsi in oculo ouillo diuisionem illam sibi successisse fateatur. In primis autem nostro aevo ALBINVS, testibus illius discipulis, APPEL (*u*), LOBE' (*x*), & HEVERMANN (*y*), sati ostendit, choroidem simplicem tantum esse membranam, & utriusque faciei vascula vbique intime inter se iungi, vt sine vi illata & laceratione choroides in duas tunicas diuidi vix possit, etsi vel ipsius RvVSCHII industriam superans in recenti oculo diuisionem illam felici successu tentauerit (*z*), quibus demum omnibus accedit testimonium III. HALLERI, qui itidem in homine choroidem in duas laminas separari posse negauit (*a*).

Quibus expositis, quae mihi hanc circa rem obseruata fuerint, paucis exponam. In brutorum nonnullorum oculis choroidem in duas laminas separari posse, post MORGAGNIVM, VERHEYENIVM & alios propria certe me docuit experientia, ut eo facilius & RvVSCHIO & HeISTERO fidem adhibeam, choroidem in oculo balaenae absque ullo artificio in duas separari posse laminas. Vix tamen ausim experimentum in oculis bubulis & ceruinis captum huc adferre. Etsi enim saepe mihi

contingit

tis accuratas, in oculis brutorum factas ad fabricam humanam temerario anisu transtulerit.

(*s*) Vid. epist. cit. probl. Et Advers. anat. dec. III. p. 5.

(*t*) Anat. corp. hum. Tr. IV, c. 14.

(*u*) Diff. cit. p. 12.

(*x*) Diff. cit. §. 39. 40.

(*y*) Physiol. T. II. §. 732.

(*z*) Vid. LOBE' diff. l. modo cit.

(*a*) Descript. arter. oculi, p. 46.

contigerit, vt, in oculis illorum animalium, in primis in oculo ceruino laminae internae in ceruo eleganter coeruleae portionem satis magnam, vbique aequa crassam, membranae peculiariis instar a subiecta nigricante lamina auellere, & inuertere liceret; et si saepe viderim, scleroticam sublatam oculi bubuli sequi laciniam choroidis, ita adhaerentem, vt scalpello esset detrahenda, dubius tamen semper haesi, num hac ex obseruatione pro confirmanda opinione de choroide dupli multum dici possit. Inter omnes constat, in toto corpore humano, vbi partes ex pluribus laminis compositae adsunt, inter duas laminas distinctas semper intercedere telam cellulosam modo laxiorem, modo tenuiorem, quod fabrica intestinorum, ventriculi, durae matris, & pericardii apprime docet. Inter faciem autem internam choroidis villosam, & subiectam nigrum tunicam nulla plane interposita est cellulosa, vt tapetum illud ex ipsa altera pronasci, eiusque substantiae continuari, facile appareat (*b*). Quae demum laminae sequuntur scleroticam sublatam, laciniæ sunt choroidis vi illata auulsa, nec quidquam probare videntur. Pluris autem valere videntur obseruationes in oculo equino institutae, vbi in facie exteriori choroidis vera lamina vasculosa cohaerens & integra a subiecta itidem vasculosa, cuius vascula diuersum tenent decursum, ope cellulositatis a priori distincta, facili negotio integra fere separari potest, cui interiori demum lamina villosa crassiuscula continuatur (*c*).

Quomodo cunque autem in oculis animalium illa se habeant, multum tamen abest, quin inde elici posse credam, in oculo humano itidem choroidem ex duabus lamellis aut pluribus esse compositam. Etsi enim forte in media oculi parte lamina pertenuis, quam surculi venosi ex trunco modo orti & in ambitum sparsi, sibique adhuc vicini, & ope tenuissimae cellulositatis inter se connexi, constituere videntur, a subiectis vasculis rectis

(*b*) Vid. *Comment. Soc. R. Scient. Gotting. T. IV. obseru. de differencia inter fabricam oculi humani et brutorum*, p. 196.

(*c*) *Duas tunicas choroidis inter*

se distinctas in oculo equino adeesse iam monet BOVRGELAT in elemens d'hippiatrique, quem citatum videbis nou. litt. Gotting. p. 248, anni 1754.

rectis arteriosis aliqua ex parte in oculo, cuius vascula cera turgent, seiungi possit, quod RUVSCHIO interdum successisse videtur; ipsi tamen illi surculi venosi cum arteriosis vasculis rectis & posterioribus & anterioribus nimis cito ita confunduntur, vt, in eodem plano, cum illis decurrant, & illis intermixtae, itinere parallelo ferantur. Praeterea plurimae arteriolae & posterius & anterius & in media oculi parte scleroticam perforantes concavam choroidis faciem petunt, quae omnia in diuisione choroidis discindi oportet, & plane impediunt, quo minus sine vi adhibita & laceratione partium sibi continuatarum choroïdes in duas laminas diuidi possit (*d*). Reticulum autem superius descriptum, & quae inde exit villostas in choroidis facie interiori conspicua, non solum vera est propago arteriarum reticulorum antrorum tendentium, quam sine laceratione & discissione partium separare nunquam licet, vti modo diximus, sed etiam tantae subtilitatis est, vt, illam seiungere, supra vires mortalium positum esse videatur. Nec multum certe fauet Ruyschianae opinionis asseclis argumentum, ex ipsa diuisione naturali & separatione spontanea choroidis in iridem & processus ciliares desumtum. Inferius enim docebimus, iridem esse partem a choroide distinctam, totamque choroidem simplicem in plicas processuum ciliarium vnice abire.

§. IX.

De annulo celluloso, qui sub nomine orbiculi ciliaris scleroticae choroidem annexit.

Choroides ergo illa tunica, vbi proprius ad originem pellucidae corneae peruenit, in vtraque illius facie tam in exteriori quam in interiori non parum mutatur. Quemadmodum autem choroides vbiique praeter vascula multa cellulositate, quam secundum ductum vasorum copiosorem deprehendimus, scleroticae adhaeret; ita anterius ad lineae fere distantiam a corneae origine sensim obduci incipit cellulosa alba, breui, molli, lubrica & aqua semper turgida, posterius tenuiori, & laxiori, an-

(*d*) Vid. LOBBE' diff. cit. §. 40.

teriora versus sensim aucta & densiori, quae annulum album refert, & arctius in primis vinculum constituit (*e*), cuius ope choroides accurate cum sclerotica coniungitur, ut flatus per vulnusculum scleroticae inflictum nunquam vinculo illo soluto in cameram anteriorem humoris aquei penetrare possit, et si facillime per omne interuallum scleroticae & choroidi interpositum diffusus choroidem a sclerotica depellat (*f*). Arctissime scleroticae adhaeret vinculum illud cellulosum ad circumflexum illum nigrum, cuius supra mentionem fecimus, cui a facie interiori corneam limitanti lamina anterior iridis agglutinatur. Vbiique autem multo arctius iungitur ipsi substantiae choroidis, quae sub illo annulo celluloso subtilior & tenuior facta introrsum versus lentem se flectit, ut, nisi suspensa & exercitata manu omnia tractentur, cellulositas illa vix sine choroidis laceratione auferri possit (*g*). Alba & pura semper est, et si omnis reliqua choroidis cellulosa fusco colore tincta sit. Cingulum illud in homine vix ultra lineam latum in oculis brutorum, duas tresue lineas latum saepe deprehenditur, in omnium autem animalium oculis, quos dissecui, tam hominis quam brutorum semper obseruaui, latitudinem illius latitudini corporis ciliaris non omnino respondere, et si enim, quo longiores plicae processuum ciliarium in vlo animali reperiuntur, eo latiore annulum cellulosa illa constituat, striae tamen in processus degenerantes in omnibus fere ultra orbiculum cellulosum retrorsum longius extendi videntur. Ille demum ordinat & excipit neruulos & arterias ciliares, anteriores & longas, earumque surculos inde ad iridem abeuntes, circumflexum iridis arteriosum magna certe ex parte tegit (*h*). Cingulum illud cellulosum plerique nunc **Anatomici post MAITREJEAN (*i*) vocant orbiculum ciliarem,**

a

(*e*) Primum cellulosam natrnam huius annuli optime nos docuit III. HALLERVS in *prim. lin. phys. §. DVI. & descript. art. oculi p. 45.*

(*f*) Vide WINSLOW. *Tr. de la tête, §. 48.*

(*g*) Ductus quotidiana certe experientia Cel. FERREIN ad stipulari

non possum, qui illum annulum a sclerotica non solum, sed ab ipsa choroidi facile separari posse afferit. *Mem. Acad. R. Scient. Par. 1741. p. 378.*

(*h*) Confer iconem III. HALLERI *art. oculi, f. 5. 6.*

(*i*) *Libr. cit. C. XIII.*

a multis (*k*) autem ligamentum ciliare, & a **FERREINIO** (*l*) circulus choroidis dicitur, quod Cel **LIEVTAVD** sub nomine plexus ciliaris tela ex plurimis surculis nerui tertii paris formata esse videtur, vnde ad omnes partes vicinas propagines mittantur (*m*), vti **ST. YVES** (*n*) orbiculum illum ex fibris tendineis conflatum esse credit.

Eo quidem loco choroidem in iridem produci, ab interna autem facie processus ciliares emitti, plurimi Anatomici perhibent, cum aliis iris exterioris tantum eius laminae propago, vti corpus ciliare interioris continuatio esse videatur, quae quidem opinio illis in primis probatur, qui choroidem ex duabus lamellis compositam esse sibi persuadent. Re autem accuratius examinata ipse orbiculus ciliaris intercedere mihi videtur, quo minus choroides in ipsam iridem degenerare possit. Ut enim diuersam iridis fabricam, crassitatem, & directionem, decursumque vasculorum illam perreptantium diuersum nunc taceam, qua de re inferius pluribus agemus; non solum in homine sed adhuc manifestius in plurimis animalibus appetet, laminam anteriorem iridis, a corneae interno ambitu ortam, sic ante cellulosam illam descendere, vt ipsa iris, tota crassitie orbiculi ciliaris interposita plurimis in animalibus satis magna, a vera choroide dirempta esse videatur. Ipsa autem choroides sub orbiculo ciliari extenuata, a sclerotica, intra quam ad hunc usque locum concentrica expandebatur, sensim introrsum secedit, & in plicas processuum ciliarium abit, de quibus statim agemus.

(*k*) v. g. **WINSLOWO**, §. 218.
CASSEBOHM. libr. cit. c. *XIX*. §.

15.

(*l*) *Loc. modo cit.*
(*m*) *Eff. anatom. p. 128.*
(*n*) *Vid. libr. saepè cit. p. 114.*

DE
TVNICA CHORIOIDE.

SECTIO II.

DE

PROCESSIBVS CILIARIBVS.

§. I.

Historia processuum ciliarium.

Ab antiquissimis iam anatomicis, qui ante Galenum fuerunt, processus ciliares fuisse animaduersos, & ab illis denominationem a pilis palpebrarum, siue ciliis, originem duxisse, GALENVS testatur, qui ipse illos processus pro vasis tenuibus, ab vuea venientibus, crystallino humoris insertis, & vitreum, ne ad anteriora excurrat, coërcentibus, habuisse certe videtur (a). Post GALENV M VESALIVS, eadem comparatione facta, processulis, ab vuea enatis, & nigra cilia, seu palpebrarum pilos forma insigniter exprimentibus, tunicam formari scribit. anteriori humoris vitrei parti obductam, aut septum humoris vitreo, & aquo interiectum (b). Minus autem cognitos, parumque accurate obseruatos sibi fuisse ex rudi figura, quam de illis dedit, satis appareat, vbi crasso certe errore septum illud nimis latum, & in medio oculi centro ab iride longe disiunctum ita pingit, vt oculi cauitas inde in duas partes aequales diuisa videatur (c); quem errorem inde in librum suum transtulit SALOMON ALBERTI (d), qui intersitio ciliari oculum medium in duos semiglobos ita diuidi scribit, vt anterior tamen minor sit.

(a) *De usu part. L. X. c. 2.*

(b) *De corp. hum fabrica. p. 804.*

(c) *L. VI. c. XXIV. f. 1.*

(d) *De part. C. H. p. 23.*


sit. Ob ipsum illum errorem VESALIVM a plurimis illius temporis anatomicis acriter fuisse reprehensum, mirum non est, et si fatendum sit, COLVMBVM (e), FABRICIVM (f), & CASSE-RIVM (g) in contrarium incidisse errorem, qui tunicam illam nihil aliud esse crediderunt, quam nigra vueae tunicae vestigia, in crystallinum, aut potius in retinam impressa. CASSERIVS tamen ipse se corrigere videtur, dum alio loco vueam reuera ad crystallinum reuerti, eique per vasorum insignem contextum annexi scribit (h). Ad redarguendum errorem illum VESALII factae fuisse videntur figurae EVSTACHII, quibus corpus ciliare ad naturae normam iridi connexum ex anteriori parte chroidis ortum exhibet, & processus ciliares tanquam striae convergentes pingit (i), in eo CASSERIO minor, qui illos tanquam corpuscula oblonga, ad cauum ambitum crassiora, optime delineat (k). Vti autem EVSTACHIVS & CASSERIVS icona, ita FALLOPIVS descriptione errorem Vesalianum corrigit, qui reiecto nomine tunicae Vesaliano, annulum ex processibus ciliariis compositum, corpus ciliare vocari maluit, illumque nexum modo esse & ligamentum, quo vuea iungatur extremae membranae crystallinae, monuit (l), quem in eo fere secuti sunt plurimi alii, vti C. BAVHINVS (m), DIEMERBROECKIVS (n), PLEMPIVS (o), THOMAS BARTHOLINVIS (p), qui itidem processus ciliares tantum esse filamenta tenuia, quae lentem vueae annexant, tradiderunt. Ab aliis autem, vti TAVVRY (q), ANDREA LAVRENTIO (r), & SLADO (s) vnice pro vasis lentem nutrientibus habentur, vti quoque post illos HOVIO (t), de la HIRE (u), PETITO (x) vnice fere vasculosa videntur.

(e) *De re anat. l. X.*(f) *De oculo. P. I. c. 4.*(g) *Pentaesth. l. 5. sect. I. c. 26.*

sect. 3. c. 8.

(h) *Sect. I. c. 25.*(i) *T. XL. f. 9. & 11.*(k) *T. V. f. 7. et 9.*(l) *Observ. anat. p. 265. a.*(m) *Anat. L. III. c. 39 p. 400.*(n) *Anat. L. III. c. XVII.*(o) *Ophthalmogr. c. X.*(p) *Anat. reform. L. III. c. 8.*(q) *Anat. raisonn. l. III. c. 8. p.*

346.

(r) *De oculo c. 4.*(s) *Vid. BLASII annot. ad VES-*
LINGII Synt. Anat. C. XV. p. 240.(t) *Libr. cit. p. 44.*(u) *Opinionem de la HIRE adserit*
PLATNER in progr. de motu ligamen-
tis ciliaris, quod extat in Tom. II,
opusc. ubi vide p. 114.(x) *Mem. Ac. R. Scienc. Paris.*
1730.

tur. Recentiorum demum industria multum eorum historiae addidit, & in primis MORGAGNIUS utilissima, circa illorum verum situm, connexionem, originem & fabricam nos docuit (y). BOERHAAVIUS (z) corpus ciliare esse dicit tenuissimam membranulam, instructam fibris muscularibus, a choroide ortam, & lenti insertam, quam quidem sententiam ita receperunt Albiniiani discipuli, vti LOBE' (a), HEVERMANN (b), vt illis fibris musculosis plurima vascula & filamenta neruea admista esse affirment. Utilia quoque sunt quae WINSLOWVS (c) illorum historiae addidit. Optime de num placet eorum descriptio, qui post VESLINGIVM (d) processus ciliares plicas choroidis esse statuunt, quae quidem sententia in multis recentiorum libris, WINSLOWI (e), SENNACI (f), BONHOMME (g), HEISTERI (h), CASSEBOHMII (i), LUDWIGII (k) & ILL. HALLERI (l) legitur.

Pauci sunt, qui icones, quae usui esse possint, de illis derunt. Post EVSTACHIVM & CASSERIVM supra dictos illos quoque satis bene delineat VERLE (m). HOVIUS non solum corpus ciliare ex bove (n), sed etiam plicas singulas, decursumque vasorum, per illas ludentium (o), nobis exhibit. RVSCHIVS itidem corpus ciliare ex homine & vitulo & plicas nonnullas singulas ex vasculis maioribus arcu inter se iunctis compositas depingit (p). PALVCCI figura, quae annulum processuum ciliarium in situ nobis sistit, optime naturam exprimit

(y) *Epist. Anat. XVII. §. XI.*
ad XVI.

(z) *Instit. med. §. 522.*

(a) *Diff. cit. §. 47.*

(b) *Physiol. T. II. §. 738.*

(c) *Tr. de la tête §. 221.*

(d) *Synt. Anat. C. XV.*

(e) *Loco modo cit.* Si tamen eius verba accurate consideres, processus ciliares non adeo plicas choroidis quam potius laminae posteriores vueae esse scribit.

(f) *Anat. d'Heister. p. 692.*

(g) *Cephalotom. p. 142.*

(h) *Diff. cit. § VII. VIII.*

(i) *Method. sec. p. 325.*

(k) *Instit. Phys. §. 518.*

(l) *Descr. arter. oculi. p. 28.* Ipse eandem sententiam proposui in *progr. de ligam. ciliar. §. II. et III.*

(m) *Anat. Artif. oculi. f. 11. et 12.*

(n) *T. 2. fig. 4. et T. 4. fig. 3.*

(o) *T. 3. fig. 1. 2. T. 5. f. 2.*

(p) *Thes. IL T. L. f. 4.* fabricam humanam, & 7. vitulinam sistit.

mit (q), & Ill. HALLERI icon (r), et si alio scopo facta, utilissime quoque nobis inferuire potest (*).

§. II.

Denominatio corporis ciliaris et processuum ciliarium.

Priusquam autem ad ipsam descriptionem harum partium accedimus, nonnulla circa illorum appellationem monenda esse duxi, in primis cum Anatomici permutatione nominum, eandem rem diuersis nominibus appellantes, res per se ipsas haud ita omnibus perspicuas, non parum obscurauerint. Quam enim partem VESALIVS *tunicam ciliarem*, alii *ligamentum ciliare*, FALLOPIVS autem & longe post illum MORGAGNIUS *corpus ciliare* vocare maluerunt; plicas autem singulas alii cum VESALIO *processus ciliares*, alii, vti ipse FALLOPIVS, VIDIVS, FABRICIVS AB AQVAPENDENTE, CASSERIVS & recentiori tempore praeter alios HEISTERVS (s), & Ill. HALLERVS (t) *ligamenta ciliaria* dixerunt, quae iterum noua appellatione LIEVTAVD *radii ciliares*, & PALVCCI *fibrae pallidae* vocantur. In primis autem RYYSCHIVS inconstantius his nominibus vsus est, qui certe eandem partem modo *ligamentum ciliare*, modo *processum ciliarem*, & plicas corporis ciliaris plerumque *tendines ligamenti ciliaris* dixit (u). Ut ergo eo facilius omnes me de hac re loquentem intelligent, nomine *corporis ciliaris*, totum annum, ex plicis singulis compositum, vocabulo autem *processuum ciliarium* ipsas plicas singulas constanti vsu semper appellabo. Primum ergo considerabimus corpus ciliare seorsim visum.

§. III.

(q) *Methode d'abatre la cataracte.*
T. II. f. 1. 2.

et ipse ita dixi in *progr. de ligamentis ciliaribus*.

(r) *Tab. art. oculi. f. 8.*

(u) Sic diserte in *epist. problem.*

(*) Ex boue illos pingit BIDLOO
T. XI. f. 13.

XIII. *respons.* corpus ciliare nomi-

(s) Vid. *Diss. cit. et comp. anat.*
§. 276. qui et *fibras ciliares* vocavit.

ne ligamenti ciliaris designat, in

(t) In omnibus libris anatomicis,

Thef. II. Tab. I. f. 4. et 7. explic.

eodem nomine vtitur. *Thef. eodem*

tamen *Aff. I. n. XV.* idem sub no-

mine *processus ciliaris* velle videtur.

§. III.

Descriptio corporis ciliaris.

Remota sclerotica, choroide & retina haemisphaerii superioris, sectione ducta ab ingressu nerui optici ad distantiam duarum circiter linearum pone originem corneae, ita ut, illaeso nexu celluloso choroidis cum sclerotica, lens & humor vitreus in situ maneant, introspiciendo per pellucidum humorem vitreum, in conspectum venit in anteriori parte choroidis annulus niger elegantissimus, floris radiati disco similis, qui coronae instar lentem circumcirca ambit, in homine adulto tempora versus duas fere lineas latus, ad nasum semper, & interdum satis manifeste angustior, quam latitudinis inaequalitatem Rvvs SCHIVS iam figura ex vitulino oculo expressit (*x*), et si in descriptione nullam eius mentionem faciat, & praeter illum MORGAGNIUS (*y*), & WINSLOWVS (*z*), eodem modo in oculo humano & in primis in fetu obseruarunt. Annulus ille, cuius ambitum maiorem & conuexum ora ferrata & vndulata accurate limitat, & a posteriori choroidis parte distinguit, in parte posteriori & ampliori vbique nigerrimus appetet, ad lineae autem a lente distantiam plurimae lineae albæ, cum interuallis nigris alterne positæ, apparent, ut duo fere inde annuli formentur, alter posterior & amplior, vbique aequabiliter nigro colore tinctus, alter anterior & angustior, ex lineis albis & nigris alterno ordine positis eleganter varius (*a*). Lineæ illæ albæ, ex striis vix conspicuis origine pallidiori ortæ, lentem versus sensim latescunt, & proprius ad se inuicem accedentes, ultra circulum maximum lentis ad conuexitatem eius anteriorem produci videntur, ut satis magna pars illarum ante lentem ipsam sita sit, nec nisi transspiciendo per eius substantiam

(*x*) *Thes. II. T. I. f. 7.*(*a*) Sic etiam MORGAGNIUS corpus ciliare in duos dividit annulos, ubi CASSERII figuram explicat. *epist. cit. § II.*(*y*) *Epiſt. anat. XVII. §. 14.*(*z*) *Mem. Ac. R. Sc. Par. 1721,*
et Tr. de la tête. §. 227.

tiam pellucidam in oculos incurrat (*b*). Quod si autem fabrica illa paulo proprius & attentius inspiciatur, ita tamen, ut omnia adhuc illaesfa, & partes modo dictae in situ suo maneant, tunc optime animaduertimus, lineas illas albas esse corpuscula, oblonga, eminentia, ad ambitum corporis ciliaris conuexum tenuiora & pallidiora, ad cauum crassiora & magis alba, quae sensim lento ortu ex striis vix conspicuis, parallelis, in corporis ciliaris ambitu ampliori, posteriori, ab ora illius extrema undulata, antrorsum incidentibus, oriuntur. Radios illos albos, per reliquam nigredinem & MORGAGNIUS & WINSLOW attingerunt, vti olim iam CASSERIVS, & recentiori tempore RVSCHIVS & PALVCCI, margines eminentes processuum ciliarium albicantes, interuallis nigris distinctos, delinearunt (*c*). Mirari autem fere subit, quomodo WINSLOWVS albedinem illam retinae, albae pelliculae instar processibus ciliaribus obductae, deberi crediderit (*d*), cum radii illi in oculo, vbi omnia adhuc sunt in situ naturali, iam conspiciantur, & totus annulus niger ambitus posterioris corporis ciliaris interpositus, radios albos satis longo interuallo ab anteriori ora retinae seiuungere videatur.

Alia autem occurrit facies, si humor vitreus cum crystallino depositus fuerit, qui quidem in oculo corporis ante aliquot iam dies mortui statim, ablatis tunicis, sponte secedit, in recenti

(*b*) Nonnulla hic monenda esse videntur, vt figura nostra eo facilius intelligi possit, et obiectioni occuratur. Vti ipsa enim figura docet, radii albi ad utrumque latus lentis positi, lentem ipsam non attingunt, vt inter eius marginem eorumque extremitatem spatium fere semilunare intercedat, per quod ipsa facies posterior iridis in conspectum venit. Sed causa huius phaenomeni ipsi præparationi tribuenda esse videtur. Ablato enim tunicarum et iuprimis scleroticae haemisphaerio superiori, et aequabili illa resistentia sublata,

humor vitreus pondere suo latera oculi extrosum vrget, et hac ratione figura oculi ex sphaerica in latiorem mutatur, quem humorem vitreum ad latera se expandentem processus ciliares eo facilius ab utroque latere sequuntur, cum lenti quidem non iuncti, ipsi autem humori vitreo artissimo vinculo cohaereant, ita vt extremitates eorum a margine lentis remota et diuulsae appareant. Vid. Tab. II. fig. 1.

(*c*) Vid. loca et figuræ modo citatae.

(*d*) Tr. de la tête. §. 237.

centi autem difficilius, omnibus partibus integris & illaesisis, inde auferri potest. Maxima semper pars humoris atri, corpori ciliari illiti, & in infante omne illud pigmentum, corporis vi-trei faciei anteriori adhaerens relinquitur (e), quod annulum ibi format pulcherrimum, cuius ipsa facies concava inspiciendo per humorem vitreum in conspectum venit, aequo latum fere ac corpus ciliare, & eodem modo tempora versus tamen paulo latiorem (f), ora tam anteriori, quam posteriori eleganter ser-rata circumscriptum, qui vltro humorem vitreum ipsam faciem anteriorem lentis adscendit (g). Figuram autem eleganter striis parallelis sulcatam, & radiati floris disco similem ipsi pro-cessus ciliares illi imprimunt.

Depositus ergo cum humore vitreo humor ater corpus ci-liare in infante plerumque album plane & purum relinquit, vt corpus illud annulum album, inter atram vueam & fuscam cho-roidis partem posteriorem interiectum, referat. In adulto au-tem temere hic illic relictum leue pigmentum corpori ciliari ag-glutinatum relinquitur, & in primis valleculis, radios albos al-terno ordine excipientibus, pertinacissime adhaeret, vt nonnisi maceratione & crebra in aqua agitatione inde ablui possit. Ab-sterso autem omni illo humore atro optime appetet, corpus ci-liare esse veram continuationem choroidis, nec membranulam peculiarem ab illa tantum ortam dici posse, etsi propago illa choroidis mutationem quandam subeat. Annulum ibi fere re-fert, cuius pars posterior coloris fere cinerei, pallidioris tamen,

ac

(e) Vid. supra *Se^t I. §. III. p.*
34.

(f) Conf. CAMPERI *diss. de qui-busdam oculi partibus. cap. II. §. VI.*

(g) Vid. RYYSCHII *epist. XIII. adi. Tab. XVI. f. 1. et III. HALLE-RI Tab. art. oculi f. 7. et 8.* Annu-lum autem illum nigrum humoris vi-treo circa lentem illitum plurimi au-ctores pro vera corona ciliari habu-isce videntur, optime ab III. HAL-

LERO *descr. arter. oculi p. 43.* re-futati, qui vere monet, illorum co-ronam ciliarem merum coagulum nigri muci esse. Vera autem corona ciliaris alibi iam nobis dicta *Progr. de ligam. ciliar. §. IV.* sub humore illo atro latet, quae vera est membranula peculiaris ab humore vitreo orta et lenti inferta, et ablu-to demum coagulo illo nigri muci in conspectum venit.

ac ipsa pars posterior fusca choroidis, appareat, anterior autem pars ob translucentem cellulosam albam orbiculi ciliaris, dilutioris est coloris & fere carnei aut ex cinereo albicantis (*h*). Corpus illud ciliare posterius quidem scleroticae concentricum progreditur, anterius versus sensim, interposita cellulositate orbiculi ciliaris, superficiem illius tunicae interiorem deserit, & introrsum lentem versus deflectit, ita ut choroides in corpus ciliare hic continuata, humori vitreo potius quam scleroticae concentrica esse videatur.

§. IV.

Processus ciliares in oculo recenti.

Accuratori demum examine adhibito in parte posteriori corporis ciliaris in conspectum veniunt striae aut lineolae tenuissimae, plurimae, in homine vix conspicuae, inter se parallelae, quae ab ambitu conuexo posteriori corporis ciliaris incipiunt, & ultra lineae spatium vix in itinere auctae procedunt (*i*). Striae illae ad lineae fere distantiam ab origine iridis sensim in crescunt, & prope ipsum nexus iridis cum corpore ciliari eleuantur in plicas, in quarum singulas saepe binae tamen striae coalescere videntur, argutas & in aciem extenuatas, finem versus sensim latescentes, & crassiores, magis prominentes, & aqua fluitantes, extra illam collapsas, quae, inspicio per humorem vitreum nondum depositum, exceptae sulcis coronae ciliaris, sibi respondentibus, erectae & eleuatae conspiciuntur. Sic processus illi ciliares semper in itinere in crescentes compnunt partem corporis ciliaris magis extantem, & humori crystallino propriem, & eo in loco iridis limbo, se ad corneaे ambitum alliganti, frenulo quodam membranoso & vasculis hinc

(*h*) Vid. *Progr. nostr. cit. §. II.* et *MORGAGN. epist. cit. §. 14.*

(*i*) In multis animalibus, in primis in illis, quorum lens crystallina ad figuram sphaericam proprius accedit, statim ab origine in plicas maiores,

in aqua fluitantes, augentur. In piscibus autem vix apparent. Vid. *Progr. nostr. cit. §. II.* et *Comment. Reg. Soc. Scient. Gotting. Tom. IV. Obseruat. de differentia inter fabri- cam oculi humani et brutorum.*

hinc & inde transeuntibus aliqua ex parte a tergo sunt annexi, ex quo coniunctionis angulo lineae rectae per faciem iridis posteriorem versus pupillam contendentes producuntur (*k*). Extrema tamen processuum ciliarium, humori crystallino proxima, ab iride disiuncta & libera (*l*), retrorsum paulum inclinata, in oculo, cuius humores nondum sunt depositi, super humorem vitreum, sulcis coronae ciliaris excepta, ad lentem eiusque conuexitatem vsque anteriorem progrediuntur, sensim magis conuergentia; humore autem vitreo cum lente remoto, in corollae, ex plurimis filamentis candidissimis constantis, formam disposita, in aqua egregie fluitant, nulla membranula inter se se iuncta, adeo extra faciem iridis posteriorem prominentia, ut sine laceratione vlla attolli, & huc & illuc volui & reuolui possint (*m*). Etsi autem non negauerim, processuum ciliarium partem, quae ab iride disiuncta lentem versus fertur, esse satis breuem, vt vix dimidiā lineam superare videatur; ipsa tamen illa extrema, libera, camera posteriori humoris aquei ab iride se iuncta, ad lentem non solum pertingunt, sed etiam ultra eius circulum maximum progressa, & conuexitati eius anteriori incumbentia, fine pendulo, libero, integro, aut leuissime bifido, fere triangulari, nec vnquam in tenuiora capillamenta diuiso, ita terminantur, vt omnes simul tenuem annularem zonulam constituant, quae non adeo paruam partem conuexitatis anterioris lentis a tergo contiguam sibi habet (*n*).

Haec

(*k*) Monendum hic esse videtur, RYSCHEM ad designandas illas lineas per faciem posteriorem iridis decurrentes fere semper vocabulo processuum ciliarium usum fuisse.

(*l*) Optime iam monuit WIT-BRECHT. *Comment. Petrop. Tom. XIII. p. 352.* corpus ciliare dici vix posse faciem posteriorem iridis, sed a processibus ciliaribus componi annulum maiorem ipsi chorodi ab orbiculo ciliari continuatum, qui iridis annulum minorem concentricum suu suo comprehendit.

(*m*) Vid. MORGAGNI epist. anat. XVII. §. 15.

(*n*) In eo ergo peccant omnes ferre figurae & descriptiones, quod processus ciliares ipsi margini lentis insertos pingant et doceant. Vid. fig. PETITI, TAYLORI, HEISTERI, CATII et aliorum. HEISTERVS autem diff. cit. §. XII. et III. CAMPERVS diff. de quibusdam oculi partibus C. II. §. V. C. III. quaeſt. 4. n. 3. ne ipsam quidem lentem attingere, sed circa eius ambitum

Haec fere sunt, quae nudo oculo circa processus ciliares docemur. Si autem lente, quae obiecta non adeo multum auget, illos examineamus, plura occurunt attentione digna, antea nobis ignota. Etsi vel nudo oculo, examine attentiori, binæ interdum striae in singulas plicas confluere videantur, microscopium tamen manifestius & melius docet, omnibus processibus ciliaribus eandem fabricam esse communem, ut plicae albae fluitantes multiplici origine orientur, si, abstergo humore nigro, in choroide in aquam iniecta, illos adspiciamus. Vbi enim corporis ciliaris annulus posterior, colore vniiformi fusco praeditus, leuiter striatus in annulum illius corporis anteriem plicatum mutari nunc incipit, ad constituendas singulas plicas maiores plures semper, duae, tres, quatuorue radiculae pallidae siue plicae tenuiores conueniunt, quarum laterales tenuiores ex ipsis valleculis emergentes ad medium maiorem accedunt, & in vnum demum processum ciliarem vniuntur (*o*); & tantum sane abest, ut singulæ striae in singulas plicas maiores abeant, ut plures semper striae in vnicum processum ciliarem coniungantur. Eodem modo in fine anteriori saepe singuli processus iterum in extremitates binas diduci, & et extremo bifido terminari videntur (*p*). Praeterea optime apparet, processus omnes non esse eiusdem magnitudinis, sed maioribus & longius extantibus minores & breuiores esse intermixtos, id quod alterno fere ordine contingere frequentissime videre memini, prouti plures aut pauciores radiculae ad constitutendos singulos processus conueniunt. Quum ergo saepe breuiores & tenuiores plicae longioribus interpositae illis fere obtegantur, in primis si, corpore ciliari ex aqua exempto, plicae collapsae fuerint; mirum non est, de certo processuum numero Anatomicos

tum in tunicam humoris vitrei inferi eos tradunt. Ipse tamen PETITVS in descriptione plicas corporis ciliaris super anteriorem partem lentis produci affirmat. *Mem. Ac. R. Sc. 1730. p. 438.* uti CASSEBOHMIUS libr. saepe cit. p. 325. apices processuum ciliarium faciei anteriori

lentis incumbere tradit, & SHARP processus ciliares in faciem anteriem lentis insertos pingit *Treatise on the operations of Surgery. Tab. X. f. D.*

(*o*) *Vid. Tab. II. fig. 2.*

(*p*) *Conf. MORGAGN. epist. cit. §. II, et fig. nostr. mod. cit.*

micos non omnino inter se se conuenire, etsi facile concedam, naturam certae legi circa numerum eorum se se adstringere non luisse. Sic EVSTACHIVS (*q*) septuaginta circiter, & VERLE (*r*) octoginta tam fibras quam semifibras numeravit, RY SCHIVS (*s*) & in oculo vitulino & humano ultra nonaginta, PALVCCI (*t*) quadraginta quatuor iconem proposuerunt. Ex iteratis meis experimentis elicio, septuaginta circiter (*q*), plerumque paulo plures, in oculo humano reperiri, si, qui sponte in oculum incurruunt, numerare tantum velimus. Omne autem corpus ciliare, tam in interuallis siue valleculis, quam in ipsa omni superficie plicarum, leuiter rugosum apparet, quae rugae opere reticulato in areas quadrangulares factae vnde villos siue flocculos tenuissimos, albos, fluitantes emittunt. Nunquam tamen reticulum vasculosum, ex areolis quadrangularibus compositum, vasculis processuum ciliarium instratum esse vidi, quae vascula parallela, vti superius iam monui, nuda plane procedunt, etsi in eodem oculo, vnde reticuli vasculosi choroidis icon desumpta fuit, in fabricam processuum inquisiuem. Flocculi processuum, qui satis facile oleo terebinthinae repleri possunt, in valleculis longiores, in dorso eminenti plicarum breviores esse videntur (*u*). In bove aliisque animalibus maioribus rugae multo manifestiores, & villosiores, in quadrangularibus areolas eleganter dispositae, oculo se fistunt (*x*).

§. V.

(*q*) Tab. anat. 40. f. 6. 9. 11.

tilioribus oculi. pag. 18. Eosdem villos confirmat III. HALLERVIS descr. art. oculi. p. 48.

(*r*) Anat. artif. oculi. Fig. 10. et

12.

(*s*) Thes. anat. II. T. I. fig. 4. et 7.(*t*) Libr. cit. T. II. f. 1. 2.(*q*) Suppl. C. II. §. 9.(*u*) Vid. supra. Sect. I. de choroi de §. VI. VII. et epist. de vasibus sub.(*x*) HEISTERVS non solum in bove processus ciliares villosos esse vidit, sed etiam in homine aliquatenus illud patere monuit. diff. de choroid. §. XIII. not. b. In oculo bubulo fabricam illam villosam expressit HOVIVS lib. cit. T. II. f. 4.

§. V.

*Num processus ciliares ex fibris musculosis
sunt compositi?*

Priusquam ad descriptionem fabricae, qualem artificium anatomicum, vasculis materia ceracea repletis, exhibit, accedamus, quaestio discutienda mihi esse videtur, num musculosae fibrae in processibus ciliaribus adesse videantur. Notum autem est, a KEPLERO inde, post CARTESIVM, WILLISIVM, BRIGGSIVM omnes fere Anatomicos, quicunque situm aut figuram lentis ope processuum ciliarium mutari posse crediderunt, fabricam musculosam in illis agnouisse (y), et si plurimi fibras musculosas, ex theoria potius, quam propriis obseruationibus, deduxisse videantur. Plurimi nempe tradunt, ex orbiculo ciliari, tanquam ex punto fixo, oriri fibras musculares, membranula inter se connexas, quae super humoris vitrei faciem anteriorem ad lentem ferantur (z). Neque tamen desunt, qui ipsas illas fibras in corpore ciliari sibi vias fuisse affirmant (a), cum interim WINSLOWVS nonnisi timidus de fabrica musculosae pronunciet, & optime moneat, alios tantum credidisse, fibras musculosas sibi obseruatas fuisse, ita ut ipse dubitationi locum relinquere videatur (b). Cui merito iungimus Ill. HALLERVM, qui nonnisi dubius pro candore suo in prioribus libris de fabrica musculosa corporis ciliaris locutus (c), in nouissima de-

(y) Vid. *sup.* §. I. vbi quosdam huius sententiae affectas adduximus. Conf. praeterea *Comm. Boerh. T. IV. §. DXXII. not. c.* vbi Illustr. HALLERVS historiam usus processuum ciliarium tradit, et PLATNER. *progr. de motu ligamenti ciliaris, in Tomo II. opusc. n. XIV.*

(z) Vid. BOERHAAVIVM, PLATNERVM, LOBE'. *loc. sup. cit.*

(a) v.g. LOBE' *dissert. cit. §. 47.* HEVERMANN *Physiol. T. II. §. 738.* Quin iam olim CASP. HOFMANN *Apolog. pro GALENO L. 2.*

Seft. 4. c. 232. et recentiori tempore SANTORINI *Obseruat. Anat. C. IV. n. 4* et MORGAGNIUS *Advers. Anat. VI. Animadu. 70. Epist. anat. XVII. §. 16. XVIII. §. 19.* ipsam capsulam lentis pro tendinea expansione processuum ciliarium se-re habuisse videntur.

(b) *Tr. de la tête. §. 222.* Sed omnino nihil tribuit fibris illis musculosis nulli certa fide visis Mem. Ac. R. Sc. 1721. p. 318.

(c) *Prim. lin. Phys. §. DXVI.*

descriptione processuum ciliarium nullam plane fibrarum muscularium mentionem facit (*d*). Neque ipse vñquam, et si microscopio, obiecta maxime augente, in fibras illas musculosas inquisuerim, vel vnicam fibram muscularum reperire potui, quae vix tamen, quam pallidae sint, oculo armato omnino subducere se posse videntur (*e*). Difficiles sumus in agnoscenda fabrica musculosa aliarum partium corporis humani, vbi microscopii ope nullas fibras musculares reperire possumus, & eandem ob caussam merito negamus fibras orbiculares musculares iridis; cur hic musculos singamus, vbi microscopium illos renuit (*e*)? Et multum certe hic facit exemplum iridis, quum & summa, quae inter vtramque partem intercedit, fabricae affinitas, & alterius in alteram continuatio, in eo fere consentiant, fabricam musculosam in processibus ciliaribus adgnosci non debere, si in iride non reperiatur. Optimo autem iure argumentum ab iride ad corpus ciliare transferri posse videtur, quum alii ex eadem ratione fibras musculares in corpore ciliari afferere velint, quod in iride fibras musculares se deprehendisse crediderint (*f*). Sed neque ipsa theoria fabricam musculosam requirere videtur, vt alibi iam ostendi, & inferius pluribus patebit. Si demum iniectio ex voto succedat, tanta in processibus ciliaribus copia vasorum appareat, quae ex choroidis facie interna illos adeunt, vt ad eorum sententiam accedere non dubitem, qui cum **Hovio** illos vnice esse ex vasculis compositos affirmant.

§. VI.

(*d*) *Deser. arter. oculi.* p. 48.ciliaris admittere videtur, *ibid.* §.(*e*) *Suppl. C. II.* §. 10.

16.

(*e*) Sic **MORGAGNIUS** fibras annulares iridis negat, *Advers. Anat.* *VI.* *Animadu.* L. XX. *Conf.* quae iam *VI.* *Animadu.* 69. *Epiſt XVII.* §. 9. sed fabricam musculosam corporis(*f*) Vid. **MORG.** *Adu. Anat. VI.* *Animadu.* L. XX. *Conf.* quae iam diximus in *Progr. de ligamentis ciliaribus.* §. X.

§. VI.

Fabrica processuum ciliarium in oculo, cuius vascula cera sunt repleta.

Post illos enim superius dictos, qui processus ciliares unice pro vasculis lentem nutrientibus habuerunt, Hovivs primus vascula, quibus processus ciliares constant, tam arteriosa (g) quam venosa (h), ope microscopii aucta, satis commode depinxit, et si obseruationes nostrae non parum ab illa fabrica differant, & diuersum plane vasculorum decursum, ac figurae illius exhibent, in oculo humano nos doceant; minime autem placet, quod vascula illa ex circulo vueae deduxerit, vnde recentiori quoque tempore BERTRANDVS illa deriuat (i). Proprius certe ad naturae normam accedit descriptio Rvvschii (k), qui ea vascula recte a Ruyfchianae suae vasculis deduxit, iconem autem duos trunculos maiores parallelos, & in fine arcu facto inter se vnitos, cum vasculis teneroribus transuersis bene delineauit (l). PETITVS (m) & FERREIN (n) vascula processuum ciliarium, sibi visa, breuiter tantum attigerunt; WINSLOWVS (o) autem intra duplicaturam plicarum reticulum vasorum subtilissimum obseruatum sibi fuisse tradit, & CASSEBOHMIVS (*) processus ciliares ex vasculis subtilissimis, quae non nisi lente obseruari possunt, conflatos esse docet. Ill. HALLERVS (p) vasa demum in fetu felicissime repleta minorum quidem generum, crassiuscula tamen, copiosissima, a choroide retro vueam, non ex uno circulo, orta esse obseruavit (q), quae & ipse saepe in fetu sanguinea videre mihi contigit. Excitatus autem in primis fabrica pulcherrima choroidis, eo maiori studio & attentione indagandam mihi sumsi naturam processuum ciliarium,

(g) T. 3. f. 1. 2.

(h) Tab. 5. f. 2.

(i) Vid. ill. HALLERI descr. arter. oculi. p. 48.

(k) Thes. III. n. 51.

(l) Epist. problem. XIII. respons. adiecit. Tab. XVI. f. 14.

(m) Mem. Ac. Sc. Par. 1730.

(n) Ibid. 1741, p. 379.

(o) Tr. de la tete. §. 221.

(p) Libr. cit. p. 325.

(p) Comment. Boerh. T. IV. §. DXXII. not. a.

(q) Plura de illis vasculis dixit in descr. arter. oculi, p. 48. vbi in primis illa esse propagines arteriarum ciliarium posteriorum docuit.

nium, verae nempe propaginis choroidis, quos in oculo, cuius vasa optime materia ceracea erant repleta, accuratori examini subieci, vsus crystallo, quae obiecta maxime aucta ostendebat.

Superius monui, in facie choroidis interna apparere arteriolas innumeratas, rectas, parallelas, densissime sibi appositatas, quae, propagines arteriarum ciliarium posteriorum, ad processus ciliares demum abeunt, quorum origini nunc proximae, nullo reticulo superius descripto testae, nudae plane incedunt (r). Plurimae illae arteriolae in facie interna antrorum delatae pulcherrime producuntur in plicas processuum ciliarium, ultra viginti saepe ad singulas plicas, in quarum superficie decurrentes sensim ab itinere parallelo deflectunt, & serpentino ductu miris flexionibus inter se intortae, procurrunt, vbi plurimis ramulis, quos vbique emittunt, transuersim decurrentibus inter se coniunguntur, qui itidem ramuli aliis minoribus sibi inuicem ita intertexuntur, vt pulcherrimum rete efficiant. Ipsi tamen trunculi, repetitis anastomosis inter se iuncti, versus apicem plicae fine extremo subito conflexi sui similibus occurunt, illisque arcu facto ita iunguntur, vt, quae in margine eminente & fluitante plicae accedunt, anastomosi facta, cum sui similibus coëant, quae ad radicem plicae in valleculis inter plicas intercedentibus ad processus ciliares pertingunt. In primis autem vasculum reliquis paulo maius semper incedit in margine eminente cuiuslibet plicae, & in dorso illius ad ultimam usque eius extremitatem, lentis faciei anteriori innatantem, procedit, vbi demum arcu facto, alteri (s) vasculo per valleculam accedenti, unitur. Fabricam illam pulcherrimam sistit icon, ab optimo artifice ope microscopii plurimum augmentis facta, vbi tres eiusmodi plicae vasculosae delineantur (t). Villo-

dibus

rum

(r) Vid. supra *de chorioide*, §. VII.

(s) Eandem fere descriptionem iam dedi in *epist. de vasis oculi subtillioribus*, p. 17.

(t) Vid. *T. nostr. II. f. 3. Hovv*
ergo *T. III. fig. 1. et 2.* quae trun-

cum, et ex illo orta innumera fere vascula, serpentina, transuersim intercedentia exhibet, quantum a nostra differat, facile patet, et propius forte ad fabricam in animale obseruatam accedit, vti ipse de figuris 4. et 5. ad oculum caninum factis fatetur.

rum ex plicis exeuntium rationem non habuimus, ne pulcherrima fabrica inde obscurior redderetur. Venosas propagines a vasis vorticosis ad processus ciliares abire saepe quidem obseruaui. Num autem similem plexum elegantissimum ibi constuant, propriis obseruationibus destitutus affirmare certe nequeo (*u*).

§. VII.

Connexio processuum ciliarium cum partibus vicinis.

Quum ergo ex iis, quae modo dicta sunt, pateat, in processibus ciliaribus eandem obtinere fabricam vnice vasculosam, omni fibra musculari expertem, qua choroides gaudet, & ex hac in illos recto itinere vascula sine vlo circulo intermedio produci; optime inde elici posse videtur, processus ciliares nihil aliud esse nisi ipsas plicas choroidis, vti aliquoties iam innuimus. Choroides nempe, paulo retro illum locum, vbi in exteriori facie annulo albo cellulofo sub nomine orbiculi ciliaris sensim obducitur, in facie interna incipit contrahi primum in strias vix eminentes & conspicuas, quae ipsae demum in plicas latiores fluitantes & eminentes abeunt (*x*), quae quidem fabrica a priori fere necessaria videtur. Vbi enim choroides sub orbiculo ciliari relicta sclerotica, introrsum sensim secedit, fieri vix posse videtur, quin illa choroidis pars, quae oculi circulum maximum intus succingit, ad circumuestiendum lentis crystalinae marginem, circulum nempe circulo maximo oculi tanto minorem, in spatium multo minus redigenda, sensim in ipso itinere contrahatur in plicas eo maiores magisque eminentes, quo propius ad lentis marginem circulum nempe minorem accedit.

(*u*) *Hovivs* eiusmodi reticulum venosum in plica processuum ciliarium exhibet. *T. 5. f. 2.*

(*x*) Initia processuum ciliarium retrorsum magis extendi, quam orbiculus ciliaris iam obseruarunt

MORGAGNIUS in epist. cit. §. 16. et *III. HALLERVS* Comm. Boerk. *T. IV. §. DXXII. not. a.* vt inde pateat, illos certe minus vera docuisse, qui eorum originem ab orbiculo ciliari deducunt.

cedit. Illam autem duplicaturam choroidis in corpuscula eminentia processuum ciliarium plicatae ingreditur cellulosa alba, tenuissima, simili fere fabrica, quam in valuulis intestinorum tenuium, explicata ampliori tunica villosa factis, anatomicorum industria detexit (y). Interna haec sic striata et plicata choroidis facies incumbit parti anteriori humoris vitrei, ita tamen, ut praeter pigmentum nigrum membranula peculiaris vtrique partis sit interposita. Vbi nempe annulus ex humore atro conflatus, qui in humore vitreo deposito lentem tanquam corona cingit, subtilissimo penicillo a facie anteriori humoris vitrei, cui adhaeret, abstersus fuerit, ut omnia pura reliquantur; tunc accuratiori examine reperitur membranula aut zonula annulo nigro ante plane tecta, quae ab anteriori parte humoris vitrei tunicae orta, inter illam & pigmentum nigrum corporis ciliaris progeditur, & conuenientiati demum anteriori capsulae lentis ultra circulum maximum immittitur, quam zonulam laxiorem plurimae fibrillae breuiores, fortiores, pectinatim dispositae, ab humore vitreo ad lentem excurrentes, per interualla stringunt. Haec nempe est corona ciliaris alio in loco iam mihi dicta, ab annulo illo nigro diuersissima (z), cuius coronae fusiorum descriptio nem inferius dabo. Coronae ergo huic ciliari corpus ciliare operi glutinis tenacis potius, quam vera cellulositate ita agglutinatur, ut quaevis plica corporis ciliaris recipiatur fulco coronae ciliaris, fatto a fibris illis breuioribus zonulam illam stringentibus, cum interstitia inter fibras illas relista interuallis plicarum congruere videantur. Connexio illa corporis ciliaris cum corona ciliari satis accurata est, ut, nisi cultro anatomico vtramque partem separe, facilius particula corporis ciliaris a reliqua substantia diuelliatur, quam corpus ciliare a corona ciliari abscedat (a);

(y) Vid. III. HALLERI prim. lin. phys. §. DCCV.

(z) Vid. Progr. de ligamentis ciliaribus. §. IV. V. III. CAMPERVERS, a quo huius partis appellationera recepi, non satis accurate zonulam nobis dictam ab annulo nigri muci distinguere videtur. *Dissert.*

de quibusdam oculi partibus. cap. II. §. VI.

(a) Fortissima hac adhaesione explicari posse videtur, quomodo interdum in oculo recenti contingat, ut lens crystallina in situ suo maneat, corpori ciliari in omni ambitu iuncta, et si humor vitreus plane ab-

et si in oculo aliquot dies post mortem dissecato facillime sola leni tractione auferri possit, et humor vitreus sponte secedat, & cum lente per discissas tunicas erumpat. Illa tamen adhaesio non ad lentem vsque pertingit, sed breuissima processuum ciliarium extrema lenti nunc proxima libere coronae ciliari incumbere, & cum ea ad lentis vsque conuexitatem anteriorem progredi videntur.

In primis autem quaestio discutienda hic esse videtur, num processus ciliaris in capsulam lentis inferantur? Inter omnes autem Anatomicos ab ipso inde **GALENO** opinio iam inualuit, processus ciliares in capsulam lentis sese immittere, illique firmissime esse annexos, vt, de theoria huius partis necessaria sibi visa firmissime persuasi, de insertione corporis ciliaris dubitare ne illis quidem in mentem venerit. Etsi autem alii musculosam fabricam negauerint, processus tamen ciliares fibras ex choroide ad lentem missas dixerunt. Inter recentiores demum vix unus & alter est, qui a communi sententia recedere ausus fuerit. Sic post **HEISTERVM** (*b*) nostro tempore Illustris **CAMPERVS** (*c*) processus ciliares in capsulam lentis inferi negat, illosque vnice in tunicam humoris vitrei ad aliquam a lente distantiam implantari, nec ipsam lentem contingere affirmat, & **CASSEBOHMIVS** (*d*) extrema anteriora processuum ciliarium libera esse, & lenti circumposita, diserte afferit (*e*). Ipse quidem in schediasmate aliquot iam abhinc annis edito experimentis repetitis euincere allaborauit, extrema processuum ci-

latus fuerit, ita vt ipsi processus ciliares in capsulam inseri fere videantur. Corona enim ciliaris prope originem suam a tunica vitrea diuisa intermedium praebet vinculum, quo capsula lentis cum corpore ciliari firmissimo nexus coniungitur, et si processus ciliares capsule non innascantur.

(*b*) *Dissert. de choroidea. §. XII. XIII.*

(*c*) *Diss. cit. cap. II. §. V. cap. III. quaest. 4. n. 3.*

(*d*) *Liber. cit. p. 325.*

(*e*) **MORGAGNIVS**, et si alibi de insertione corporis ciliaris in capsulam lentis non dubitare videatur, ipse tamen fatetur, se in oculo bovillo congelato corpus ciliare ab humore crystallino solutum obseruasse, *epist. cit. XVII. §. 19.* Sed et ipse **WINSLOWVS** vbique insertionem processuum in lentem filet.

ciliarium coronae quidem ciliari iuncta ipsi tamen capsulae lentis libere incumbere, nec vlo vinculo immediate illi adnecti (*f*); cui sententiae non parum ponderis accedit ex testimonio grauissimo Ill. HALLERI, qui in recentissimo libro processus ciliares vitreo humori innitentia, lentem potius attingere quam lenti innasci tradidit (*g*). Nec plurimae ab eo tempore factae obseruationes animum mutare me sinunt, semper enim mihi contigit videre, cum cornea pellucida remota iridem transuersim discissam & volsella arreptam parum eleuarem & cautissime reclinarem, breuissima illa processuum ciliarium extrema, lenti incumbentia, iridem sic parum sublatam, facilime statim semper sequi, sine vlo connexionis cum lente indicio, nec illam vñquam tam lente tam parum posse eleuari & detrahi, quin illa extrema statim a lentis capsula disiuncta secedant, et si reliqua pars posterior coronae ciliari firmissime semper agglutinata maneat. Si autem alia præparatione, ablatis tunicis oculi haemisphaerii superioris ad orbiculum ciliarem vsque, per humorum vitreum in situ naturali superstitem transspiciendo, corpus ciliare intueamur, ipsa extrema alba processuum ciliarium ad utrumque latus lentis posita, sponte a lente disiuncta apparent, quum illi humorum vitreum, cui arctissime sunt iuncti, latera oculi pondere suo extrorsum urgenter sequantur, & lentis marginem deserant (*h*). Quae quidem experimenta tum in oculis humanis, quam primum post mortem fieri poterat, euulsis, ne initia putredinis aliquid forte turbarent, aut obiectionis ansam aliis forte præberent; tum in oculis animalium maiorum & auium, iteratis vicibus institui, & in primis in oculis auium rem illam indagaui, quod BIDLOVS (*i*) in auibus motum lentis ope processuum ciliarium ad oculum demonstrari posse afferit.

Quae quum ita sint, firmissime sum persuasus, extrema processuum ciliarium capsulae lentis libere incumbere, & in eius

(*f*) Vid. *Progr. de ligament. ciliar. §. VII. VIII.*


(*g*) *Descript. arter. oculi. p. 48.*

(*h*) Vid. *supra Sect. I. de choroid. §. III. not. b. et Tab. nostr. II. f. 1.*

(*i*) *Obseru. Physic. Anat. de ocul. et visu animal. varior. p. 30.*

ei⁹ facie anteriori paulo vltra circulum lentis maximum fine pendulo sic terminari, vt lentis capsulae anteriori conuexitati quidem contigua, ne vnica tamen fibra, aut vlo vinculo capsulae lentis adnectantur.

Accedamus nunc ad descriptionem iridis, alteram chorioidis propaginem.



DE
TVNICA CHORIOIDE.

SECTIO III.

DE
IRIDE.

§. I.

Historia iridis.

Iridis vocabulum iam extat apud antiquum & satis utilem auctorem RUFUM EPHESIVM (a), qui veram, licet non adeo plenam, illius dedit definitionem, vbi diserte tradit, quod inter pupillam et album interiacet, *iridem esse*; sic utique, quod colore eundem nominatum. Post hanc satis claram definitionem GALENVS (b) certe noua huius partis descriptione parum laudis meruit, qui iridem copulam tunicarum oculi & coronam esse dicit, conflatam ex septem circulis, veram autem iridem sub nomine tunicae coeruleae proposuit. Et si autem post illum meliora docuisse videatur POLLVX (c), secundum quem oculorum media pars pupilla, ambiens autem hanc circulus vel linea circularis, iris dicitur; satis infasto tamen omne INGRASSIAS (d) & CASSERIVS (e) definitionem GALENI in libros suos transfrentes eam tunicae coeruleae tribuerunt (f). VESALIVS (g) qui-

(a) Appellat. part. corp. hum. L.

I. c. 5.

(b) De usu part. L. X. c. III.

(c) Onomast. L. II.

(d) Lib de tumoribus. p. 293.

(e) Pentaesth. L. V. c. 28.

(f) Eo magis autem reprehensionem merentur illi Auctores, quod plane appareat, si GALENI locum accuratius inspiciamus, GALENV M

nullibi eam membranam, quae sedes est colorum, ex septem circulis conflatam dixisse, sed locum tantum, vbi septem tunicae inter se iungantur, non bona licet appellatione, iridis vocabulo significasse. Vid. loc. cit. cap. 2. 3.

(g) De corp. humani fabr. pag. 803. 804.

quidem & FALLOPIVS (*h*) formationem huius partis fatis bene docent, alio autem, ac nunc solemus, vocabulo eam significant, quum vterque vueam ad oculi circulum, qui iris appellatur, a cornea secedere, & introrsum pressam vario colore tingi, & in medio foramine nomine pupillae pertundi, affirmet, ita vt in primis VESALIVS vueam, vbi anteriori parte variis coloribus tingitur, ab ipsa iride distinguere, vti VAROLIVS (*i*), ipsum colorem, qui ibi ab vuea resultat, iridis nomine designare videatur. Vesalianam autem & Fallopianam doctrinam de origine iridis, omnes, quicunque sunt secuti, Anatomici ita receperunt, vt, inuecta iterum RVFFI appellatione, iridem eam partem vueae aut choroidis dicerent, quae ad originem corneae pellucidae a sclerotica secedit, & annulum in medio perforatum, variisque coloribus fulgentem, exhibet, inter quos COLVMBVM (*k*), VESLINGIVM (*l*), FABRICIVM (*m*), ex antiquioribus memorare sufficiat. RIOLANVS (*n*) vero iam monuit, ambitum pupillae sibi distinctam videri membranam ab vuea, cum habeat fibras peculiares & motum proprium. Nec quidquam fere historiae iridis ad recentiora vsque tempora additum est. Ante RVSCHIVM tamen DRELINCVRTIUS (*o*) circulum interiorem iridis breuioribus radiis factum describit. Artificio autem anatomico injectionis ceraceae vsi in primis HOVIUS & RVSCHIVS in fabricam iridis inquirere coeperunt, quorum ille ex oculis brutorum & circulos vasculosos, & laminas duas pingit & describit (*p*); hic autem non solum in brutis sed etiam in homine vascula minorum generum, eorumque circulos accuratius indagauit, illosque, vti fibras orbiculares & longitudinales, verbis & icone proposuit (*q*), quem plurimi certe ex recentioribus sunt secuti. BOERHAAVIVS (*r*) inuenta RVSCHII in usum suum optime conuertit. HEISTERVS (*s*) ex balaena

(*h*) *Instit. anat.* p. 283. a.

(*i*) *Anatom.* L. I. c. 4.

(*k*) *De re anat.* L. X.

(*l*) *Synt. Anat.* c. 15.

(*m*) *De oculo.* P. 3. c. 6.

(*n*) *Anthropol.* L. IV. c. 4. p. 416.

(*o*) *Praelud.* p. 195. op. omn.

(*p*) *Libr. saepe cit.* T. 2. f. 1. 3.

(*q*) *Epist. problem.* XIII. & adi.

Tab. XVI. f. 13. 17. 18. *Thes. Anat.* II. *Tab.* I. f. 4. 5. 6. 7.

(*r*) *Instit. med. et Praelect. acad.*

§. DXIX. DXX. DXXI.

(*s*) *Diss. cit. de choroidea.*

balaena aliisque animalibus maioribus fabricam iridis tradidit,
& Ruytschianam ubique sententiam defendit.

WINSLOWVS inaequalitatem latitudinis primum obseruauit & distantiam a lente, & figuram superficiei examini subiecit (*t*). PETITVS (*u*) autem accuratissima diligentia situm & figuram iridis rimatus, subtilibus experimentis eam planam esse, & interuallo quodam a lente distare demonstrauit. Inter Albinianos discipulos MOEHRING optimam iridis descriptionem dedit (*x*). MORGAGNI (*y*), qui nonnullas fatis utiles obseruationes VALSALVAE circa iridem nobis seruauit, de fibris, situ, colore, & motu iridis utilissima certe tradidit. FERREIN (*z*) vascula minorum generum iridis tanquam noua, quae sola ratione hucusque fuissent ostensa, proposuit. III. HALLERVS in prioribus libris vascula, situm, fabricam iridis vberius exposuit, fibras orbiculares reiecit (*a*), & in nouissimo opere, membrana pupillari melius confirmata, accuratissima descriptione et delineatione vasculorum & circulorum iridis immortalem fibi peperit gloriam (*b*). Si mea addere liceat, in epistola ad Illustr. WERLHOFIVM data, duas laminas iridis, villositatem laminae anterioris, veram sedem colorum variorum mihi visam, & circumulum minorem iridis attigi.

§. II.

Iridis figura, situs, pupilla, iridis tergum pigmento nigro illitum.

Iris ergo est annulus membranaceus, in humore aqueo fluitans, qui corneam tanquam segmentum sphaerae subtendit,

in

- (*t*) Mem. Ac. R. Scien. 1721, et
Tr. de la teste. §. 220, 221.
(*u*) Memoir. 1723, 1728.
(*x*) Diff. de visa. §. 24, 25.
(*y*) Acta Anat. VI. Animada. 69.
70. Epist. Anat. XVII. §. 4, 7, 8.
9, 10.

- (*z*) Mem. Ac. Sc. Par. 1747.
(*a*) Comment. Boerk. T. IV. sec.
ad §. DXX, DXXI. et prim. lin.
Physiol. §. DVI.
(*b*) Descr. arter. oculi in Faecie.
VII. icon. anat. et Tab. ad. f. 5, 6.

in medio perforatus, quod foramen pupilla dicitur, cuius superficies anterior varii coloris in varietate hominum a plurimis Anatomicis proprio nomine iris, posterior autem pigmento nigro obducta, vuea nominatur (c). Cum autem vueae vocabulum a multis nostri aeui scriptoribus chorodi ipsi tribuatur, maioris perspicuitatis gratia praestare credidi, MORGAGNIVM (d) fecutus, ipsum illum annulum membranaceum, iridis, & superficiem posteriorem, iridis vocabulo peculiari significare.

Annulus ille membraneus, iris dictus, scleroticae annexus ad ambitum internum corneae circularem, et ope cellulosis orbiculi ciliaris & vasculorum transeuntium choriodi iunctus, primo quidem intuitu in medio perforatus esse videtur, quae ad recentiora quoque usque tempora communis Anatomicorum sententia fuerat. Si vero figuram iridis accuratius intueamur, optime apparet, non exakte de medio circulum, quod foramen *pupilla* dicitur, fuisse ablatum, sed annulum versus tempora esse latiorem, ad nasum angustiorem, ut rectarum fibrarum, ab externo ambitu pupillam versus contendentium, multo longiores sint illae, quae ab origine iridis tempora respiciente, quam quae a latere naso propiori feruntur. Etsi autem inaequalitas illa latitudinis adeo conspicua & clara sit, ut statim in oculos incurrat, si in viuo homine iridem intueamur; ante WINSLOWVM (e) tamen, qui primus illam animaduertit, nemini observata fuisse videtur. Post illum plurimi nunc moniti Anatomici eandem sibi visam fuisse testantur, vti illius mentionem faciunt,

(c) Vid. III. HALLERI prim. lin. *physiolog.* §. DVI.

(d) Epist. VXII. §. 6.

(e) Primum illam proposuit in *Mem. Acad.* 1711. et repetiit. *Tr. de la tête.* §. 227. CASSERIVS tamen iam iridem ab altero latere angustiorem delineauit. *Pentaesph. de*

oculo T. V. f. 6. etsi nullam in explicatione eius inaequalitatis mentionem faciat. Quin ipse iam EVSTACHIVS inaequalitatem quandam latitudinis iridis expressit, vti patet ex *Tab. 40. f. 6. et 8.* et, VAROLIO illam notam fuisse, ex illius verbis, a MORGAGNIO allatis, coniici posse videtur. vid. epist. cit. §. 14.

ciunt, Ill. HALLERVUS (*f*), MOEHRING (*g*), HEVERMANN (*h*), & alii.

Ipse tamen circulus in medio ablatus, pupilla dictus, in homine semper exacte rotundus mihi visus fuit, et si alterius figurae absque visionis notabili noxa exempla non defint (*i*). In animalibus autem pupilla a circulari figura abludit, quae maxime oblonga in ruminantibus, minus oblonga in felium genere, si dilatata fuerit, & in luce in angustissimam rimam contrahitur.

Qualis sit huius annuli superficies, num conuexa, num plana, recentiori aevo in primis inter Anatomicos fuit disputatum, quorum alii, ut WINSLOWVS post nonnullos ex antiquioribus, illam antrorsum conuexam, alii, ut PETITVS, illam in quadrupedibus quidem animantibus conuexam, at in hominibus planam, statuerunt (*k*). Experimenta quidem PETITI, lubenter fateor, repetere non licuit. Cum autem via congelationis, & ipsa exhalatione humoris aquei nonnulla intra oculum mutari satis videam, ipsa fabrica tenerrima iridis, summe flexilis & obsequiosa, quae in humore aqueo ubique aequaliter inuenit resistentiam, & pigmentum denique nigrum tergo iridis illitum, fere me adducit, ut cum PETITO planam eam esse censem.

Duas ostendit iris superficies, quarum anterior variis coloribus fulgens, posterior autem semper & in omnibus animalibus

(*f*) *Comment. Boerh. T. IV. §. DXX. not. a. Prim. lin. Physiol. §. DVI.* HALLERVUS loc. modo cit. ex *Act. Hafniens. I. Obs. 30.*

(*k*) Historiam huius rei consignavit PETITVS *l. c. 1723.* & MORGAGN. epist. cit. §. 18. Ill. HALLERVUS in *Comment. Boerh. loc. cit.*

(*g*) *Diff. cit. p. 41.*
 (*h*) *Phys. T. H. §. 734.*
 (*i*) PLEMPIVS *L. I. c. XI. p. 15.* in matrona oualem vidit pupillam. Aliud exemplum citat Ill. iridem planam, in primis lineis autem *physiol. l. c. paulum antrorsum conuexam dicit.*

malibus nigro pigmento obducta deprehenditur. In anteriori plurimae striae magis minusue serpentinae, parallelae, aliae maiores aliae tenuiores apparent, quae ad minorem circulum conuergunt, ex obscurioribus radiis factum, de quibus mox pluribus agemus. Superficies nempe anterior in duos iterum abit annulos; exteriorem latiorem, qui in primis inaequalitatem latitudinis prodit, ex striis maioribus, & magis conspicuis factum, dilutioris semper coloris, qualiscunque etiam ille fuerit; & in alterum interiorem angustiorem, ex striis brevioribus, rarioribus minusque conspicuis conflatum, saturatioris semper coloris, in omni varietate iridis (*l*). Omnis illa superficies in homine & in plurimis animalibus explanata & laevis, in fele autem & lepore elegantissime striata, & fere plicata est, vt, monente iam MORGAGNIO, in lepore floris radiati coronam ex plurimis petalis compositam aemulari fere videatur (*m*).

Posterior iridis superficies semper et in omnibus animalibus obducitur pigmento fusco, crasso, solidiusculo, ad pastae naturam magis accidente, vt in infantibus interdum leui agitatione in aqua annulus fere niger inde secedere mihi visus fuerit, albo iridis tergo relicto, vti supra de corpore ciliari diximus (*n*). In adulto pertinacius quidem inhaeret, vt mace ratione tamen inde detergi possit. Nigredine autem illa abs terfa, in iridis tergo apparent plurimi radii recti, versus an nulum minorem conuergentes, diuersi omnino a striis ser pentinis faciei anterioris, qui ab ulteriori parte processuum ciliarium, vbi illi iridis limbo, se ad corneae ambitum alliganti, a tergo sunt annexi, ita oriuntur, vt ipsa illa corpuscula ali qua

(*l*) In omnibus animalibus, quae iridem alio colore, ac nigro tinctam habent, quicunque color ille fuerit, annulum interiorem saturatorem semper obseruaui. Vid. *Comment. Soc. R. Sc. Gott. T. IV. de differentia fabricae inter oculum*

humanum, & brutorum. Idem ob seruauit MORGAGNIUS epist. cit. §. IO. & III. HALLERVS *Prim. lin. Phys.* §. DVI.

(*m*) Vid. loc. modo cit.

(*n*) *Sect. super, I, §. III.*

qua ex parte per posteriorem iridis faciem, recta via produci, & pupillam versus pergere fere videantur (o). Radii autem maiores, vbi ad annulum minorem, siue zonulam, quae pupillam cingit, ventum est, ita diminuuntur, vt puram membranam ibi adspicere videaris. Attentiori tamen examine radii obscuriores, recti, ad pupillam conuergentes apparent, longiores tamen ac in anteriori iridis facie, qui annulum minorem in iridis tergo paulo latiore reddunt (p). In bove & balaena (q) radii illi annuli maioris plicas potius eminentes quam radios referunt, vti quoque radii minoris circuli facilis in oculos incurruunt. De fabrica interiori harum partium paulo post fusius dicam. Radios illos pictos iam a CASSERIO (r) post illum MAITREIEAN (s) & BRISSEAV (t) praeter plurimos alios dixerunt, multo autem magis innotuerunt in libris Anatomicorum, inde a tempore RVVSCHII, qui iridis faciem posteriorem striatam frequentius processum ciliarem dixit, cuius tendines in circulum minorem inserantur (u), iconem quoque illorum dedit tam ex oculo bubulo quam ex oculo humano (x); cui multum certe cedit figura BIDLOI (y), minus distincta, minusque accurate facta. Nec minus nitide eos ex humano oculo delineauit PALVCCI (z). Post RVVSCHIVM nullus fere est Anatomicorum, qui illorum mentionem non fecerit, in primis quum ab omnibus fere profibris musculosis habiti, & ad explicandum pupillae motum ab illis in auxilium vocati fuerint. Et haec fere sunt, quae nudo oculo, priusquam artificium anatomicum accesserit, in iride obseruari possunt,

§. III.

- | | |
|-----------------------------------|-----------------------------------|
| (o) Vid. epist. cit. MORGAG- | (s) Libr. cit. p. 25. |
| NII. §. 15. | (t) Libr. cit. p. 8. |
| (p) Conf. Comment. Boerh. T. | (u) Epist. XIII. p. 12. Thes. II. |
| IV. §. DXX, not. a. & RVVSCHII | Aff. I. n. 15. |
| Thes. Anat. II. Tab. I. f. 4. 7. | (x) Thes. cit. Aff. I. T. I. fig. |
| (q) Vide HEISTER Diff. de cho- | 4. 7. |
| roid. §. X. | (y) Vid. Tab. XI. f. 17. |
| (r) Pentaepl. L. 5. T. 5. fig. 9. | (z) Libr. cit. Tab. II. f. 1, 2. |

§. III.

Fabrica striata iridis in oculo recenti.

Pulcherrimum autem oritur spectaculum, si iridis faciem anteriorem in oculo recenti lente, quae obiecta vel parum auget, accuratius inspiciamus. In annulo enim maiori apparent fibrae innumerae, magis minusque albidae & gryseae, aliae maiores, quae plerumque magis candidae, aliae minores & tenuiores, minusque diluti coloris, omnes parallelae, & densissimo ordine sibi appositae, ut plures recipere non posse videatur. Ab ipso ergo ambitu exteriori iridis versus annulum minorem conuergunt, serpentino flexu incedentes, eo maioribus flexionibus, quo iris angustior & pupilla amplior fuerit, eo minus flexae, magisque ad lineam rectam accedentes, quo pupilla minor & iris latior fuerit. Vbi autem ad zonulam, quae pupillam proxime ambit, siue ad annulum minorem ventum est, fibrae maiores saepe in duos ramos abire videntur, qui ad angulum satis obtusum discedunt, nonnulla vascula minora, binis maioribus interposita, praeterlegunt & decussant, ut subito inflexae fibris similibus, quae itidem fasciculum fibrarum tenuiorum superant, arcu fere facto, aut potius ad angulum acutum conuergentes, occurrant, & vniuantur. Affirmare tamen non ausim, in omnibus fibris maiusculis illud contingere, ut fine bifurcato in duos ramos abeant, sed saepe singulae fibrae aut binae maiores sibi proxime vicinae & parallelae dextrorum aut sinistrorum super vicinas tenuiores ad oram annuli minoris feruntur, & simplifici trunco & indiuiso sui similibus occurrent (*a*). Fibrae autem tenuiores binis maioribus interpositae sub trunculos maiores ad alterutrum latus deflexos se demergere & ex conspectu subducere se videntur. Hic & illic autem inter fibras maiores & minores relinquitur interuallum saturioris semper coloris,

(*a*) Multum conueniunt, quae Acad. R. Scienc. 1741. p. 380. iam obseruauit Cel. FERREIN, Mem.

Ioris, vbi fibrae conspicuae deficiunt, nisi microscopium, quod obiecta plurimum auget, adhibitum fuerit. Ex mutua ergo coniunctione truncorum inter se ad angulos acutos coeuntium, & per arcus sibi vnitorum formari videtur circulus serratus & flexuosus, non tamen vndique continuus & clausus, cum saepe binae fibrae vicinae, parallelae, spatio triangulari disiunctae a se inuicem secedant, quin interdum nonnullae ex fibris maiusculis per annulum minorem pupillam versus produci videantur (b). Ex ora illa ferrata, quae circuli instar maiorem annulum terminat, & in primis ex conuexitate arcuum, ex duobus trunculis inter se vnitis factorum, oriuntur plurimae fibrae, tenuissimae, parallelae fere, rectae, in radiorum modum versus centrum pupillae conuergentes, rariores & saepe interuallo quodam inter se disiunctae, subtilissima cellulositate inter se connexae, quae annulum interiorem foramine circulari pertusum constituunt (c). Annulus ille minor, tenuior & subtilior, saturationis semper coloris plica fere aut ruga flexuosa ab annulo maior disiunctus esse videtur, quod in primis optime appetet in oculo in spiritu vini seruato. Colores enim varii, quibus iris in viuo homine splendet, sensim euanescent, & annulus maior in primis in infantibus obductus appetet velo opaco, albo, eo crassiori & opaciiori, quo propius annulus maior ad minorem accedit, quo testae fibrae obscurius in conspectum veniunt, vt decursum vasculorum, nisi ea probe sint repleta, aegrius oculis persequi & definire possis. Velum autem illud opacum subito ruga fere facta definit

(b) Fabrica haec pulcherrima vix satis verbis exprimi posse videtur, cuius iconem, quantum potui, diligentissime ad naturae exemplar factam dedi *Tab. III. f. 1.* quae forte melius sermonem meum illustrare poterit.

(c) RVVCHIVS ex oculo balenae eleganter expressit fabricam annuli maioris diuersissimam a fabrica annuli minoris, qui in maiori de-

lineat fibras copiosissimas, minores maioribus mixtas, omnes parallelas, vndulatas, & per arcus sibi iunctas, minorem autem exhibet pallidiorem, tenuissimum, & fibris multo rarioribus compositum. *Thes. II Aff. I. T. I. f. 6.* Conf. descriptio iridis, quae extat in *Description du Cabinet du Roi. Tom. II. p. 190.*

desinit ad oram ferratam, a trunculis maioribus per arcus iunctis factam, quae inter annulum maiorem & minorem accuratissimos limites ponit. Annulus autem minor, purus semper, nullo vnuquam velo albo obductus appetet, sed tenuissimam, aranea tela fere subtiliorem, & a pellucente per cellulosam tenerimam humore atro tergi viridis, saturationi colore tintam zonulam refert (*d*). Nunquam autem neque in oculis humanis, neque in oculis bubulis vidi fibras orbiculares, siue anteriorem siue posteriorem faciem iridis examinauerim, quales MAITREIEAN (*e*) iam dictas RVYSCHIVS delineauit & descripsit (*f*), etsi ipse dubius de illis loquatur (*g*), fas-sus fibras illas orbiculares non tam luculenter conspicere posse, quin oculi mentis in auxilium sint vocandi, & alibi moneant, se tan-tum circulum eum minorem praeditum esse existimare fibris orbicula-ribus (*b*). A RVYSCHIO tamen plurimi, illum secuti, illas receperunt (*i*), quae in nouissimis adhuc libris vigent. Qui-cunque tamen nulla theoria occupati propriis oculis iridem accuratius examinarunt, in eo consentiunt, nullas se vidisse fibras orbiculares, etsi neque macerationis neque microscopii adiumenta negligerent, vti post MERYVM (*k*) & VALSALVAM (*l*) MORGAGNIUS (*m*) & Ill. HALLERVS (*n*) diserte tradunt, neque FERREIN (*o*), qui elegantem vasorum iridem compo-nentium

(*d*) CASSERIVS iam annulum illum minorem saturationis coloris expressisse videtur Pentaesth. *de oculo.* T. V. f. 6.

(*e*) *Liber. cit. p. 26.*

(*f*) *Thes. II. Tab. I. fig. 5. Resp. ad epist. problem. XIII. Thes. II. Ass. 2. n. 7.*

(*g*) *Epist. cit.*

(*h*) *Thes. II. Ass. 4. n. XI.*

(*i*) Vide *Comment. Boerh.* T. IV. §. DXX. not. a, vbi ill. Au-
ctor nonnullos memorat, qui illas
fibras orbiculares habent, quibus
addi possunt SENNAC *Anat. d' Hei-
fler.* p. 692. & omnes fere Galli

WINSLOWVM secuti, discipuli
ALBINI LOBE', MOEHRING,
HEVERMANN, CASSEBOHM
libr. cit. p. 324. WEITBRECHT.
Comment. Petropol. T. XIII. p. 350.
ROB, WHYT *Essay on the vital and
other involuntary motions of ani-
mals.* p. 109.

(*k*) *Mem. Ac. R. Sc. Par. 1704.*

(*l*) Teste MORGAGNIO *ep.*
XVII. §. 4.

(*m*) *Loc. cit. §. 9. 10.*

(*n*) *Comment. Boerh. loc. cit. Prim.
lin. Physiol. §. DVI.*

(*o*) *Mem. Acad. 1741. p. 379.*

nentium dispositionem & implicationem vidit, vias in annuli modum circumductas adnotauit. Fibrae illae longitudinales iridis in oculo sano siue hominis viui siue mortui, subalbidae apparent. Neque vñquam aut fibras ex vesiculis compositas **VALSALVAE** (*p*), aut vasa lutea, continuata arteriis lymphaticis dicta **BERTRANDO** (*q*), obseruaui, si aliquid a vasis arteriosis ex circulo iridis exeuntibus diuersum intelligatur. Oculi animalium fabrica cum oculo humano maxima ex parte conuenit, nisi quod ibi omnia sint fortiora & crassiora, sic in oculis bubulis, ouillis, suillis, vvlulae aliarumque auium eodem modo nunquam fibras orbiculares reperire potui, neque **ILL. HALLERVVM** (*r*) neque **MORGAGNIVM** (*s*) feliores me fuisse intelligo. Num autem in balaenae oculis demonstrari possint, vbi **HEISTERVS** (*t*) seriem fibrarum annularium ad latitudinem duarum linearum adesse testatur, dicere non possum, cum nondum occasio oculos balaenae diffecandi mihi nata fuerit. Mirum tamen videtur, a **RVYSCHIO** in iconе iridis balaenae, quae fibras minimas annuli maioris & minoris exprimit, ne vestigium quidem fibrarum orbicularium adumbratum fuisse (*u*).

Fibras illas tam longitudinales quam orbiculares, quas sibi finixerunt Anatomici, plurimi illorum musculosas esse crediderunt, **DRELINCVRTIVM** (*x*) & **RVYSCHIVM** (*y*) in primis fecuti, vt pauci deprehendantur, qui illas negare, aut de illis dubitare sustinuerint. **MORGAGNIUS** tamen testatur,

se,

(*p*) *Epist. anat. MORGAGN.*
XVII. §. 4.

(*q*) Quem citatum vide in *Ill. HALLERI descr. art. oculi. p. 49.*

(*r*) *Comment. Boerh. Tom. IV.*
§. *DXX not. a. Prim. lin. Physiol.*
§. *DVI.*

(*s*) *Epist. cit. §. 9, 10.*

(*t*) *Diss. cit. de choroid. §. X.*

(*u*) *Theſ. anat. II. T. I. f. 6.*

(*x*) *Praelud. anat. opp. omn. p.*

195. vbi diserte fibris carneis muſculum pupillarem formari scribit.

(*y*) *Respons. ad epist. anat. XIII,*
Theſ. II, Aſſ. I, n. 15.

fe, ne crystallo quidem adiutis oculis, fibras musculosas videre potuisse (z), vti post illum & DVVERNOI & WEITBRECHT (a) fibras carneas negare videntur, et si alter fibras quasdam orbiculares recipiat, & Cel. FERREIN (b) vnicē fere vasculis iridem esse compositam afferit, nulla substantiae musculosae mentione facta, quibus accedit Ill. HALLERUS (c), qui de musculis iridis ita silet, vt dilatationem & constrictiōnem pupillae vnicē debiliōri aut fortiori adfluxui humorū in vasa decolora iridis tribuat. Neque ipse certe crediderim, fibras musculares vnuquam vlo microscopio demonstrari posse. Dum autem phaenomena, vascula, molem neruorum iridem adeuntium, eiusqne analogiam cum aliis partibus corporis humani musculosis attentius considero, parum abest, quin ad credendum adducar, fibras musculosas reliquis vasculis & neruulis in anteriori facie iridis intermixtas esse.

§. IV.

Neruuli & vascula iridis.

Iris autem tela esse videtur conflata ex plurimis neruulis & vasculis tam arteriosis quam venosis, ope subtilissimae cellulositatis inter se connexis. Neruuli nempe sunt propagines neruorum ciliarium, qui in surculos minimos tenuerrimos sub cellulositate orbiculi ciliaris diuiduntur, & ad anteriorem iridis faciem excurrunt (d). Etsi autem surculos maiusclos per aliquam itineris partem oculo & interdum scalpello quoque prosequi possis, post breue tamen spatium nimis mollescentes aciem scalpelli omnino eludunt, & cum reliquis

(z) Epist. cit. §. 9.

(a) Comment. Petropol. T. XIII.
p. 350.

(b) Mem. Acad. Par. 1741.

(c) Comment. Boerh. loc. cit. not.

b. Prim. lin. Phys. §. DXV.

(d) In vula in ipsa anteriori facie iridis obseruauit trunculum nervi maiuscolum in plurimos surculos parallelos fere diuisum.

liquis fibris exalbidis ita confunduntur, vt non amplius ab illis distingui possint. Neque microscopium nos docet, quomodo terminentur. In homine plurimi certe exteriorem eamque latiorem iridis partem adeunt, & in animalibus quoque plures ad eandem partem excurrere memini.

Arteriolae plurimae quidem, semper tamen multo pauciores, quam vascula processuum ciliarium, vti in eodem oculo optime apparet, omnes forte veniunt ex circulo maiori iridis, facto a duabus arteriolis ciliaribus longis singulis in duos ramos diuariantibus, & accendentibus ciliaribus anterioribus; cuius, siti in ipsa origine iridis, inferius fusiorem dabo descriptionem (e). Ex illo circulo iridis radiorum instar vascula plurima, alia maiora, alia minora, serpentina & flexuosa versus annulum minorem tendunt, & saepissime in medio itinere ramis transuersis emissis inter se iunguntur (f). Plurimae tamen & in primis maiusculae ad ipsa confinia annuli maioris cum vicinis ita coeunt, vt fere semper binae interfese in arcum inosculentur, & aliis transuersis ramis cum reliquis vniuantur, quae certe fabrica optime cum vasis mesentericis comparari posse videtur (g). Quae quidem factae per arcus & ramos transuersos anastomoses cum in omni ambitu iridis contingent, circulus fere inde formatur, quem vulgo minorem circulum iridis vocare solent (h). Certe tamen vidi,

circulum

(e) Vid. interim Ill. **HALLERI** illius descriptionem in *historia arter. oculi*. p. 46. & icon. adi. fig.

5. & fig. nostr. 2. Tab. IV.

(f) Facile autem arteriolae illae in primis in infante materia cerea possunt repleri; interdum tamen in infantibus, in ipso partu suffocatis, plurimas in ipsa iam iride sanguine, per villoositatem egregie pellucente, plenas vidi, vt inde elici posse videatur, in homi-

ne viuo vascula illa liquorem sanguine tenuiorem & decolorem vehere.

(g) Cum vasis mesentericis iam comparat **BERTRAND.** n. 30. p. 62. **MORGAGN.** epist. cit. §. 9.

(h) Circuli minoris iridis mentionem iam feci in *epist. de subtillioribus vasis oculi*. Ab eo autem tempore obseruationibus repetitis melius circa eius fabricam fui doctus.

circulum illum non vndique continuum clausumque esse (*i*), neque omnes arteriolas per arcus inter se coire, quarum certe semper plurimae, circulum illum minorem praetergressae, ramis tantum quibusdam lateralibus emissis, continuo annulum minorem adeunt; & Ill. **HALLERV**S (*k*) iam monuit, nunquam omnia vascula iridis in vnum circulum ad oram internam annuli majoris tanquam receptaculum commune coniungi & immitti, vnde ramuli annuli minoris oriuntur.

Ex conuexitate ergo arcuum, a vasculis iridis formatorum, & a vasculis solitariis circulo non vnitis, innumeri oriuntur surculi, quorum pauciores certe recta versus centrum pupillae tendunt, sed plurimi ad alterutrum latus se deflectunt, & itinere cum limbo iridis parallelo, in annuli modum circumducti, oram interiorem iridis legunt & perreptant. Vasculum eiusmodi annulare in itinere plurimos accipit ramulos ab arcibus, quos praeterlegit & ab arteriolis rectis, & demum inseritur, si per aliquod interuallum processerit, simili vasculo ex annulo majori adeunti & circa ambitum iridis ducto. Saepe in annulo illo minori duo triaue eiusmodi vascula oram pupillae legentia, parallela inter se incedunt, & non solum multis ramulis minoribus inter se anastomoses faciunt, sed & surculos rectos versus centrum pupillae emittunt (*l*). Nonne credibile est, Anatomicos, vti **RVVSCHIVM**, **HEISTERVM** & alios, qui fibras orbiculares circa ambitum pupillae ductas sibi visas fuisse affirmant, illasque pro musculosis describunt, obscure forte in oculo, cuius vascula non satis erant repleta, arteriolas illas annulum minorem perreptantes, & annulares fere obseruasse. In fetu ipsa vascula iridis ultra oram pupillae producta rete faciunt in membranula sic dicta pupillari, quae ad septimum usque mensem pupillam claudit, cuius

(*i*) *Clausum vndique illum pinxit RVVSCHIVS ex oculo balaenae Thes. II. Tab. I. f. 6. & ex homine Epif. anat. XIII, adi, Tab. XVI, f. 17. 18.*

(*k*) *Descr. arter. oculi. p. 47.*
vbi vide historiam fusiorem huius circuli minoris.

(*l*) *Vid. Tab. noſtr. IV, f. 2.*

cuius vberiorem descriptionem Ill. **HALLERVS** repetito dedit. Ipse autem in oculo infantis ante legitimum tempus nati, cuius vascula materia ceracea non erant repleta, postquam cornea & pars posterior bulbi ablata, & simul lens crystallina capsula inclusa cum humore vitreo deposita fuerat, certissime obseruauit membranulam ex ora interiori iridis enatam, tenerimam, omnique aranea tela subtiliorem, ex tenuissimis filis in opus fere reticulatum conflatam, quam in aqua fluitantem, & omnino vasculis conspicuis rubris destitutam, ab iride crassiori, rubella & sanguinea facillime distinguere licuit. Annulum referre videbatur iridi continuum, qui maxima ex parte pupillam occlusit (*m*).

Propaginibus illis arteriosis intermisti sunt plurimi surculi venosi, maxima ex parte nati a vasis sic dictis vorticosis, quibus demum accedunt multi ramuli, orti ab venulis ciliaribus anterioribus, & venulis longis, quae simillimae arteriosi ciliaribus longis, scleroticam posterius perforant, & sub celulositate orbiculi ciliaris in duos ramos ad angulum obtusissimum diuaricantur. A diuersis illis fontibus plurimi surculi iridem adeunt, quos ad ipsam vsque pupillam prosequi licuit. Maiusculi sunt, multo tamen pauciores, quam surculi arteriosi, quos neque ad ambitum conuexum iridis, neque ad oram pupillae in circulum iungi, affirmare ausim (*n*).

Etsi autem inieictio ceracea ex voto felicissime succedat, vbi vasa super modum aucta, maiorem partem spatii occupant, vt tota reliqua pars choroidis vasculis ita obducta sit, vt plura recipere vix posse videatur, inter vascula tamen multae fibrae

(*m*) Vberiorem membranae pupillaris historiam vide ab Ill. **HALLE** ZERO confignatam in *Act. Vpsal. 1742. Opusc. anat. p. 150.* & iconem ibi adiunctam *Tab. X. f. 3. 4.* & *Descript. arter. oculi. p. 47.* Conf. quoque figura **WACHENDORFII**, quae extat in *Commerc. Nor. 1740. bebd. 18. T. I. f. 7. 8.*

(*n*) Vid. *Tab. nosfr. III. f. 2.*

brae albidae, & membranea fere substantia, vasorum mole multo maior, supereft. Vix ausim omnes fibras superstites albidas, inanes, ad propagines nerueas referre, quae tanta non sunt copia, vt omne reliquum spatium occupare posse videantur, et si negandum non sit, plures neruos ad iridem mitti, molis nempe huius partis habita ratione, quam ad ullam forte aliam corporis humani partem, si cordis musculum forte excipiamus. Quum autem omnis anatome consentiat, partibus musculosis plurimis semper impendi neruos, vt, quo plures adsint fibrae musculosae, eo plures nerui partem illam adeant, partes autem maxima ex parte ex vasculis & tela cellulosa conflatas eo pauciores accipere neruos (o); dubius certe haereo, annon fabrica muscosa in iride agnoscenda esse videatur; & annon summa illius mobilitas fibris musculosis inter plurima vascula admistis tribuenda sit? (11).

§. V.

Sedes colorum variorum iridis.

Vascula autem & neruuli cellulositate inter se connexa & in anteriori & in posteriori facie obducta sunt villositate, quae in tergo iridis vbique illinitur pigmento nigro, pastae fere instar, eodem modo, vti de corpore ciliari diximus (p); in anteriori autem facie pura, in oculo recenti variis coloribus, aliis in aliis hominibus, fulget, in iride autem in spiritu vini seruata veli fere instar albi opaci appetet, quod vasculis instratum esse videtur, vti paulo ante diximus. A facie enim illa anteriori, si microscopio, quod obiecta vel parum auget, examinata fuerit, vndique secedunt flocculi, qui libere in aqua conspicui fluitant, a villis vasculosis plane distincti, & ex

(o) Sic paucissimi adeunt neruuli, pulmones, lienem & alia viscera. Conf. prim. Lin. Physiol. §. 377.

(11.) Suppl. C. II. §. II.
(p) Seez. II. §. III.

ex tela quadam subtilissima conflati, qui in humore aqueo fluitantes, varia refractione radiorum lucis in primis varios illos colores iridis efficere videntur (q). Variae autem sunt opiniones Auctorum circa sedem & causam variorum colorum iridis. Nonnulli ex veteribus, vti CASSERIVS & INGRASSIAS, ex nimia erga GALENUM veneratione, cuius sensum tamen minus recte assecutos fuisse, supra vidimus (r), colores iridis tribuunt septem illis circulis, quibus iridem conflatam esse tradunt, qui diuersis fulgentes coloribus & inter se micantes varium illum colorem iridis reflectant. Omittere enim visum est miras illas theorias, quas antiquiores de causa colorum iridis proposuerunt, de quibus PLEMPIVS (s), qui vndique omnia collegit, legi meretur. Plurimi autem, parum hac de re solliciti nihil omnino tradiderunt. VERLE (t) iridem ex variis filamentis colore tintatis et diuersimode contextis, & DRELINCVRTIUS (u) ex fibris multicoloribus conflatam esse docet. Parum certe a nostra, quam attulimus, opinione abludere videntur, quae tradidit BRIGGSIVS (x), qui scribit, tunicam vueam versus iridem in filamenta tenuissima, diuersimode hic illuc (ut in illo fere serici confecti genere, Tabby dicto) extantia transire, quae materiam lucidam, a diuersa reflexione, in tales colores undatim disponant. VALSALVA, teste MORGAGNIO (y), varietatem colorum iridis in primis a varia sanguiferorum vasculorum diuisione ac complicatione repetendam esse credit, vti MOEHRINGIVS (z) aliique discipuli ALBINI ab ipsis seriebus fibrillarum iridis, quae in quois homine diuersimode decurrentes, pro earum textura nunc hos, nunc alios reflectant radios. HEISTERVS (a) autem oculorum colores pro diuersitate pigmenti, quo facies anterior iridis induita est, variare contendit.

Me-

(q) Eadem fere iam proposui
in epist. de vasis subtilioribus oculi,
p. 23.

(r) §. I. not. f.

(s) Ophthalmogr. L. I. c. XII.

(t) Anat. oc. artif. p. 34.

(u) Praelud. anat. p. 155. Opp.
omn.

(x) Ophthalmogr. p. 51.]

(y) Vide MORGAGN. epist. anat,
XVII. §. 4.

(z) Diff. cit. p. 42.

(a) Diff. de choroid. §. IX.

Melius certe placet theoria BERGERI (*b*), qui varios iridis colores deducit ab ipsis radiis lucis, dum in multiplices illas fibrum vueae superficies incident, pro concursu vario eminentiarum et cauitatum, saepius varieque reflexis; & opinio Auctorum historiae naturalis, qui in descriptione Thesauri rerum naturalium Regis Galliarum optime docent (*c*), substantiam iridis villosam per fila & flocculos ita esse dispositam, ut flocculi interualla filorum radiatim fere versus centrum pupillae tendentium, occupare videantur, quibus elegantissime inter se contextis varii iridis colores formentur. Inprimis autem gaudeo, quod opinionem meam superius allatam, quam ante duodecim iam menes proposui, priusquam libros modo dictos peruvoluisset, confirmatam nunc videam testimonio grauissimo Ill. HALLERI, qui in libro nouissimo docet, vasa vueae decolora multa tegi cellulosa colorata villositate, quae flocculos faciat (*d*), postquam in prioribus libris fibras & vascula varii coloris in varietate hominum descripscerat (*e*).

Flocculi illi optime in conspectum veniunt, in oculo recenter euulso, si iridem in aquam iniectam, microscopio accuratius examinemus, ubi optime appetat, ab illis varie coloratis varios iridis colores in primis pendere (*f*). In oculo enim iam flaccido, incipiente sensim putredine flocculi illi sensim splendorem amittunt, & colores elegantes obfolescunt, et si humor ater ab iridis tergo nondum abstersus fuerit, ita, ut villositas illa plane expallescatur, & in spiritu vini album, opacum velum referat. Non solum autem in annulo maiori, sed in annulo etiam minori, & ipso pupillae limbo, ibi licet multo breviores, obseruari possunt. Sedes tamen colorum iridis in illis flocculis iridis non vnicet sita esse videtur. Pigmentum enim illud atrum,

- (*b*) *De natura humana.* c. XXIX.
p. 404.
- (*c*) *Histoire natur.* T. II. p. 190.
- (*d*) *Descr. arter. oculi.* p. 46.
- (*e*) *Comment. Boerh.* T. IV. §. DXX. Prim. lin. Phys. §. DVI.
DXVIII.

- (*f*) Mirum fere videtur, cur non omnes, qui tapetum ipsum choroidis varie coloratum esse viderunt, similis tapeto in facie anteriori iridis varios illius colores tribuere maluerint.

atrum, tergo iridis illitum, multum certe facere videtur ad diuersitatem illam colorum (*g*), quod, per interualla inter fibras longitudinales relicta, & tenuiorem fabricam annuli minoris melius translucet, vt eadem loca hanc ob causam saturationis semper coloris esse videantur. Illam autem rem sic se habere, obseruatio saepius repetita mihi persuadet, qua constitit, multum omnino de pulchritudine colorum iridis decedere, illosque colores fere euanescere, si pigmentum illud nigrum abstersum fuerit (*h*), vti nullum quoque illius vestigium supereft, si vascula materia ceracea repleta fuerint. Quin ab eadem inaequali crassitie iridis, & pigmento nigro alio in loco plus, in alio minus pellucente, in primis repetendam esse censeo in varietate hominum diuersitatem colorum. Omnes quidem oculi in eo conueniunt, quod fibrae maiusculae iridis dilutiori colore gaudent, & interualla saturationi colore tincta albedine sua egregie distinguant; in eo tamen differunt, quod in aliis color iridis magis ad fuscum vergat colorem, quod hominum genus nigris esse oculis dicere solent, in aliis proprius ad caesium & coeruleum accedat (*i*). In illis ergo, qui fuscos & nigros oculos obtinent, iris ex subtiliori cellulositate conflata esse videtur, quae nigredinem tergi iridis melius transmittit; in caesis autem oculis, cellulosa textura fortior & robustior fuscitatem coloris frangit, & dilutiorem reddit. Sed neque rara sunt exempla hominum, quae iridem dupli colore, fusco & caesio, gaudentem habent, quod crebra experientia me docuit (*k*).

§. VI.

(*g*) Idem iam monuit PETIT
Mem. Ac. Roy. Par. 1726. p. 79.

rana, lacerta, color iridis vnice a villofitate pendere videtur.

(*i*) Conf. de varietate colorum
Descr. du cabin. du Roi. T. II. p. 190.

(*h*) In multis tamen animalibus,
nprimis in illis, quae iridem micis
fere aureis conspersam habent, vtin

(*k*) Simile habet exemplum LO-
BE', *Diff. cit. p. 90.*

§. VI.

Num iris ad motum aptissima propago vera choroidis dici possit.

Ex data hac iridis descriptione optime colligi posse videtur, qua ratione iris propago choroidis dici possit. Ab antiquissimis autem iam temporibus ea inualuit opinio, cum olim iam RUFVS EPHESIVS (*l*) traderet, membranam oculi secundam, nempe choroidem, corneae annexam, medium dehiscere, & orbiculari foramine perforari. Nec alia docet VESALIVS, FALLOPIVS, & omnes fere Anatomici, qui post illos vixerunt, in eo consentiunt, choroidem in iridem degenerare. Plurimi demum recentiorum, qui a RUVSCHIO duplicem choroidis membranam receperunt, opinionem illam eo vsque ornarunt, ut laminam exteriorem in iridem, interiorem in processus ciliares abire perhibeant. Vix autem vnum aut alterum deprehendimus, qui a communi opinione recedere non dubitauerit; Occurrit tamen inter veteres iam RIOLANVS (*m*), qui ambitum pupillae distinctam esse membranam ab vuea credit, cum habeat fibras peculiares & motum quoque proprium, & nostro aeuo PALVCCI (*n*), continuationem choroidis in iridem dubiam sibi videri satetur, cum iris nec soliditatem nec crassitatem choroidis habeat. Et certe ipse fere persuadeor, iridem laminae choroidis exterioris propaginem dici nullo modo posse, cum non solum orbiculus ciliaris cellulosus interpositus iridem ab illa longe dirimat, sed etiam facies anterior iridis villosa diuersam plane a lamina exteriori choroidis fabricam facile prodat. Nisi autem iridem propriam & a choroide plane diuersam tunicam dicere placeat, facilius certe concederem LIEVTAVD (*o*), iridem esse laminae interioris propaginem, si duas choroidis lamellas agnoscere lubeat.

Quod

(*l*) *De corp. hum. part. appellat.*
Lib. II. p. 55.

(*m*) *Anthropol. L. IV. p. 416.*

(*n*) *Libr. cit. p. 12.*

(*o*) *Eff. anat. p. 139.*

Quod si vero omnia attentius perpendam, ipsa iris quidem duplicatura choroidis esse videtur, ita ut facies interna retinae contigua in anteriori parte extrorsum versa corneam respiciat (*p*). Vbi enim processus ciliares, verae propagines choroidis, iridis limbo, se ad corneae ambitum alliganti, a tergo sunt annexi. ibi choroides a plicis processuum continuata, ex angulo, vbi iris cum illis conuenit, tenerior facta, versus pupillam tendit, quo in itinere in homine quidem in plurimas strias tenuiores, in boue autem in plicas sat extantes contrahitur, eodem modo, ut processus ciliares a choroide formari diximus. Ab hac interna facie lenti crystallinae obuersa plurimus humor ater villositatem illius vbique aequaliter obfuscatur. Ad ipsum autem pupillae limbum choroides multo magis extenuata in aciem procurrit, vbi annulum minorem format, & inde contra se ipsam reuoluta, & prioris laminae vestigia relegens ad corneae internum ambitum alligatur, & fulco siue circulo nigro, corneae internam faciem limitanti, firmissime accrescit (*q*). Flocculi ab anteriori illa iridis facie secedentes semper & in omnibus animalibus puri & varie colorati in aqua libere fluitant. Intra duplicaturam illam vascula & fibrae nerueae decurrere, & in villos denique & flocculos terminari videntur. Etsi autem in boue lamina illa anterior succulenta villosa tanta crassitie mihi visa fuerit, vt vasa iridis mercurio repleta, turgentia quidem pone illam obseruare liceret, splendor tamen mercurii minime per illam pelluceret; quin, et si non solum in recenti oculo bubulo, sed etiam in homine abinde, in spiritu vini seruata, hinc inde lacinia illius villositatis auferri possit; idem tamen hic valet, quod superius de choroide diximus (*r*). Cum enim villositas in vtraque parte vasculis iridis per duplicaturam illam decurrentibus immediate continua sit, nec ullibi duae illae laminae vera cellulositate inter-

(*p*) Iridem pro duplicatura choroidis iam habuisse videntur DIERMERSBROECK L. III. c. XVII. et PLEMP. libr. cit. c. X. obscurius tamen loquuntur.

(*q*) Sic etiam HOVIVS pag. 43. WEITBRECHT. Comment. Petro-

polit. T. XIII. p. 350. et MOEHRING. diff. cit. p. 42. vascula iridis inter duas lamellas decurrere affirmant.

(*r*) Vid. de choroid. sect. I. §. VIII. p. 53.

interposita a se inuicem disiunctae sint, dici fere posse videtur; iridem esse membranam quidem simplicem, quae autem ab utraque facie, vti choroides tantum ab interna, villositate quadam obducitur, ita tamen, vt faciei posterioris flocculos humor ater obfuscet, anterioris autem flocculi pro varietate hominum variis colores reflectant. Sed etiam decursus vasculorum diuersissimus, moles neruorum iridi vnice inservientium, quorum nullus neque processus ciliares neque choroidem adire certa fidelis fuit, motus facillimus, & argumenta, quae fabricam musculosam adesse fere docent, in eo consentire videntur, iridem esse partem propriam, peculiarem, quae non satis accurate choroidis continuatio dici possit (s).

Inprimis autem summa iridis mobilitas, qua ad omnem lucis maiorem gradum constringitur, ad omnem minorem dilatatur, mihi persuadet, iridi datam esse fabricam a fabrica choroidis diuersissimam, in qua nulla irritatione simile quid deprehenditur, quoconque etiam modo irritata fuerit. Automaticus ille motus est, nec animi imperium expectat, & iris illud quoque cum omnibus reliquis musculis commune habet, quod in pueris eudentius moueatur & constringatur, sensim in senis occallescidente oculo pene immobilis reddatur (t). Communis hanc circa mobilitatem omnium fere est sententia, dilatationem esse statum naturalem, viribus remittentibus, quum illa a debilitate & syncope succedat; ad contractionem autem efficiendam nouam a neruis causam motus in iridem aduenire debere, siue contractio illa a fibris musculosis, siue a fortiori adfluxu humorum in vasa iridis pendeat. Observations autem meae paulo alia me docuerunt. Optime quidem animaduerti pupillam in syncope & agone ampliorem semper esse, & eo in statu dilatationis per aliquod tempus a morte persistere, quamdiu omnia in situ naturali sibi relinquuntur; In oculo autem bubulo & in primis leporino & felino iteratis experimentis edocitus fui, pupillam

(s) MOEHRING loc. cit. quoque monet iridem pro peculiari membrana inter oculi tunicas numeratam

nonnullis fuisse.

(t) Conf. prim. lin. physiol. §. DXV.

Iam post mortem sensim angustiorem factam fuisse, & iridem, quamprimum a nexu cum sclerotica liberata fuerit, ita sese constrictissime, ut in oculo bubulo pupillae ellipticae limbus dexter & sinister fere inter se contingerent, & in oculo felino iride latissima facta, pupillae foramen tantum non deleretur. Cum autem ad explicandum hoc phaenomenon neque vires contractiles fibrarum orbicularium, neque vis irruens humorum in animali diu ante mortuo in auxilium vocari possit, parum abest, quin ad credendum adducar, dilatationem multum omnino pendere ab elasticitate fibrarum iridis longitudinalium, contractionem autem fere esse naturalem & sponte sequi, si fibrae longitudinales plane relaxatae, & a puncto fixo, cui adnectuntur, diuise fuerint.



CAPUT III.

DE

TVNICA RETINA.

§. I.

Denominatio retinae.

Ad tertiam nunc accedimus oculi tunicam, retinam nempe, quam, dissentiente licet **GALENO** (*a*), ad oculi tunicas referre maluimus, tum, ne a communi loquendi more discedamus, tum, quod duabus reliquis concentrica in latam membranam expansa humori vitreo circumducta sit. **HIPPOCRATI** (*b*) autem iam notam fuisse, ex eius verbis colligi fere potest, vbi membranarum, quae oculos custodiunt, tertiam esse dicit tenuem, quae humorem conseruet, & omnino periculosam, si laedatur. Ex ipso enim hoc fonte, & hac retinae definitione **GALENVS** opinionem suam hausisse videtur, retinae nempe primariam esse utilitatem, ut humori vitreo alimentum adferat (*c*). **CELSVS** (*d*) eandem retinam arachnoidis nomine intelligere videtur, vbi docet, tenuissimam tunicam, quam **HEROPHILVS** *ἀραχνοειδῆν* nominavit, medium subsidere eoque cauo continere quiddam, quod a vitri similitudine, *υαλοειδὲς* Graeci vocant, vti neque cum crystallina tunica confundi potest, quum paulo post ipsius lentis crystallinae mentionem faciat, quod in primis confirmant verba **RVFI EPHESII**, qui diserte arachnoi-

dem

(*a*) *De usu part. L. X. c. II.* alio tamen loco *de Hippocrat. et Plat. decret. L. VII. c. 5.* suo iam tempore a plurimis tunicam dictam fuisse fatetur.

(*b*) *De loc. in homine, n. 5.*
 (*c*) *De usu part. L. X. c. II.*
 (*d*) *De Medicina. L. VII. c. 7.*

dem & amphiblestroidem eandem tunicam esse affirmat (e). **GALENYS** tamen arachnoidem & amphiblestroidem, vt singulas tunicas recenset (f), & semper amphiblestroidis vocabulo ad significandam retinam vtitur, qui eam ex nerui optici substantia dilatata eiusdemque naturae esse dicit, vt, si in vnum aceruum collapsa fuerit, cerebri portio exemta fere videatur (g); sed vascula plurima illi esse intertexta cum RVFO bene obseruauit. Deductam illam a retis similitudine appellationem, graeco vocabulo amphiblestroide in retinae vocabulum, barbarum licet, mutato, omnes, qui secuti sunt Anatomici, seruarunt, vt neminem esse credam, qui a communi loquendi more recedere ausus fuerit.

§. II.

Origo retinae a substantia medullari nerui optici.

Retinae autem historiam incipere animus est a nerui optici in crassitie scleroticae constrictione, eiusque per laminam cribrosam transitu. Nervus enim opticus in ipso nunc per sclerotica transitu, sensim contrahitur, eoque magis, quo proprius ad finem suam properat, ita quidem, vt ultra duas tertias partes prope illius finem constringatur. Eiusmodi constrictio-
nem **EUSTACHIVS** iam expressisse videtur, si diametrum nerui optici extra bulbum cum illius diametro in transitu per sclerotica comparemus (h). **MALPIGHIVS** (i) autem & nostro tempore plurimi Anatomici (k) illius constrictio-
nis diserte mentionem fecerunt; quam autem nimiam delineauit **LE CAT** (l), qui

(e) *De appellat. part. corp. hum.*

L. I. c. 23.

(f) *Method. med.* L. I. c. 6.

(g) *De usu part. loc. cit.*

(h) *Conf. T. XL.* nervus opticus
abscissus in fig. I. II. III. cum eius-
dem extremo origini retinae adhae-
rente. fig. IV. V. lit. D.

(i) *Exercit. de Cerebro.*

(k) v. g. III. **HALLER** prim. *lin.*
physiol. §. DIV. **MORGAGN.** *epist.*
XVII. §. 37. **CASSEBOHM.** p. 332.
WINSLOW. *Tom.* §. 226.

(l) *Traité des sens.* *Tab. VII.*
fig. 2.

qui neruum opticum prope finem filo fere strangulatum, & tan-
tum non elisum delineat, cui per angustissimum isthmum cor-
pusculum fere cordiforme adhaeret. Illa autem nerui contra-
ctio, non ita, vt vulgo creditur, contingit. vt nempe nerui vn-
dique aequabiliter contracti parietes proprius ad se inuicem acce-
dant, & lumina illius lente decrescentia cum prioribus maiori-
bus concentrica & eadem figura maneant. Sed lumina nerui
ita decrescunt, vt nerui paries interior nasum respiciens recta
fere linea ad finem procurrat, & paulo ante ultimum terminum
a via sua deflectat, paululum versus centrum nerui inflexa; ex-
terior vero citius, via recta relicta, versus latus oppositum se
inflectat, & dum ad centrum proprius accedit, lineam multo
maiorem in arcum inflexam describat. Et facile apparet, si
neruum per longitudinem dissectum inspicias, latus partis huius
dimidiae nerui dissecti tempora versus multo esse conuexus, &
nasum versus planius (m). In ipsis illis angustiis saepe in pro-
uectioris aetatis hominibus fuscitas quaedam tam exteriori nerui
faciei, quam intimae illius substantiae cellulosae, fasciculos me-
dullares distinguenti, ossunditur, quam in oculis bubulis &
illis saepissime, in homine autem vix unquam se animaduertisse
MORGAGNIVS testatur (*). In infantibus autem in primis ibi
substantia nerui semipellucida fere fieri videtur. Priusquam
autem nerui contracti substantia medullaris in retinam expandi
possit, offendit laminam tenuissimam, & pellucidam, positam
intra crassitatem scleroticae, circulo illi continuam, unde pia
mater a neruo reflexa ad scleroticae accedit (n). Plurimis fo-
raminulis, quorum numerus ad triginta usque surgit (o), per-
forata est, quae nerui substantiam medullarem, in fasciculos
minimos collectam, vna cum filis cellulosis, uti per cibrum,
trans-

(m) Eadem iam dixi in *Comment.*
Soc. Reg. scient. Gotting. T. III. ob-
seru. de tunicis et musculis oculorum
§. IV et icona expressi fig. I. Vid.
quoque hic adi. *Tab. I. fig. I.*

(*) *Epist. XVII. §. 37.*

(n) Discipuli ALBINI laminam
illam scleroticae continuam esse tra-

dunt. **MOELLER.** *diff. de retina* §.
XIV. XV. Superius autem iam
docuimus, laminam interiorem scle-
roticae, piae matris nerui continuam,
ubique intercedere, quo minus scle-
rotica retinam tangere possit.

(o) Teste III. **HALLERO** *Descr.*
arter. oculi, p. 42.

transmittunt, quod optime appetet, si, choroide & retina remota, neruus digito leniter comprimatur. Tunc enim substantia medullaris per foraminula illa minima instar punctulorum albicantium vbique propullulat, qui colliculi mox abstersi ad singulas compressiones semper redeunt (*p*). In medio autem semper foramen vnum alterumue reliquis maius supereft, per quod, si attentius inspiciatur, nulla substantia medullaris ad compressionem nerui prodit, vacuus nempe porus arteriae & venulae centralis non repletae, quem puncto iam expressit **EUSTACHIVS** in medio orbiculari ambitu, & quem circulus nigris lineolis distinctus ambit, & a vicina sclerotica distinguit, vt optime fere inde colligi posse videatur, **EUSTACHIO** iam laminam illam perforatam notam fuisse (*q*), qui itidem choroidem a margine illius laminae ortam delineat, eodem fere modo, vt ipsi supra docuimus. Nec aliam fabricam obseruasse videtur **MORGAGNIUS**, vbi affirmat, se neruum opticum in ipso insertionis loco impeditum vidisse structura quadam membranacea quasi cellulosa, instar eius, quae in axe est stirpium quorundam rioris medullae (*r*). Diserte autem laminam illam cribrosam ab **ALBINO** ostensam describit ex oculo bubulo & humano, icoⁿe ad oculum bubulum facta adiuncta, **MOELLERVS** (*s*), & post

(*p*) *Vid. Comment. Reg. Soc. Sc. Gotting. loc. cit.*

(*q*) Non possum, quin hic ab **III. ALBINO** dissentiam, qui in explicazione **EUSTACH.** *Tab. XL. f. XI. lit. G. fig. XII. litt. C. C.* orbiculatum ambitum nudam sclerotican esse dicit, ex cuius margine nigris lineolis distincto choroides originem sumat; foraminulum autem *fig. XII. litt. D.* porum esse scribit, vnde retina se explicet. Ex ipsis autem **EUSTACHII** verbis, ab **III. ALBINO** allatis, quibus afferit, se, soluto prius oculo in singulas membranas, foramen nerui visorii praesentibus ante oculos exposuisse, coniici iam posse videtur, illum foraminulo *fig.*

XII. lit. D. nihil aliud indicare voluisse, nisi porum arteriae centralis vacuum, respondentem puncto in medio neruo optico, quem pingit in *fig. I. sub lit. F. fig. II. lit. C. fig. III. D.* in primis quum in *fig. X.* ex eadem media parte nerui optici, et ex eodem puncto vasa retinæ deduxerit. **III. iam HALLERV** punctum illud in fundo oculi ab **EUSTACHIO** pictum pro poro arteriae centralis vacuo accepit. *Descr. art. oculi. p. 42.*

(*r*) *Epiſt. anat. XVII. §. 45.*

(*s*) *Obseru. circa retinam et neruum opticum. §. XIV. XV. Tab. adi. f. 1. 2.*

post illum repetit HEVERMANN (*t*). Sed & eandem notam iam habuit III. HALLERVS (*u*), vbi choroidis initium esse dicit album circulum, multis foraminibus perforatum, per quae substantia medullosoa nerui optici penetrat, eandemque sub nomine scleroticae circuli albi alio in loco describit (*x*).

Vbi demum substantia nerui medullaris per foraminula lamellae illius penetrauit, vt in retinam nunc sese expandat, tunc eo in loco statim abit in papillam conicam albam, neruo ipso angustiorem in medio instar scyphi depresso, quam, non nullis veterum (*y*) iam dictam, restituit in primis WINSLOWVS (*z*), post quem plurimi recentiorum eandem describunt (*a*). Etsi autem Viros summos erroris insimulare omnino non ausim, vix tamen possum, quin fatear, mihi nunquam papillam illam satis euidenter fuisse obseruatam, & vix satis distincte vidi ambitum circularem & leuiter prominulum, qui respondeat circulo, vnde choroides originem sumit. Introspicio autem per humorem vitreum nondum depositum, ablatis tribus tunicis haemisphaerii superioris, & neruo optico prope eius per sclerotican transitum abscisso, eo in loco, vnde retina originem sumit, apparet circulus in retina pellucidior, quantum patet lamina cribrosa, dum radii lucis in neruum opticum illapsi, per inuolucrum nerui eiusque substantiam medullarem ad humorem vitreum transmittuntur, qui circulus plane obscuratur, dum manus neruus opticus tegitur, & accessus lucis arcetur. Ab eo autem loco, fasciculis omnibus in tunicam collectis, medulla continua in haemisphaericam cupulam expanditur, vti iam GALENS retinam collapsam cerebri portionem exemptam fere videri scripserat (*b*), & alibi retinam definit esse substantiam nerui optici solutam & dilatatam, quae vitreum humorem amplectatur

(*t*) *Physiol. Tom. II. §. 739.*

(*u*) *Prim. lin. physiol. §. DVI.*

(*x*) *Descr. art. oculi. p. 42.*

(*y*) De quibus vide MORGAGN. *epist. XVII. §. 36.*

(*z*) *Tr. de la tête §. 223.*

(*a*) *III. HALLERVS Comment.*

Boerh. T. IV. §. DXXV. not. d,

ST. YVES libr. cit. p. 16.

(*b*) *De usu part. Lib. X. c. II.*

tur (*c*). Neque facile quendam inuenies, qui de origine retinæ a substantia medullari nerui optici dubitauerit, si a WINSLOWO (*d*) discesseris, qui recentiori tempore ortum illum in dubium vocavit, sibi persuasus, retinam nimis crassam videri, quam quae a medulla oriri possit; quin ipse MORGAGNIUS timide loqui fere videtur (*e*). Quod si vero neruum opticum ad insertionem vsque secundum longitudinem dissectum in oculo recenti adspicias, ipsos certe funiculos medullares nerui in retinam continuatos, ipsamque papillam cum retina continuum medullare corpus efficere facile videbis.

§. III.

Fabrica retinae.

Ab illa demum lamina perforata retina intra choroidem in similem chorodi concentricam sphaeram expanditur, in planam, aequalem, uniformem membranam diducta. In lepore quidem ad ingressum nerui optici obseruauit foueolam, vnde retina in tunicam formanda prodit; inde tamen retina non aequabili crassitie in omnem ambitum spargitur, sed in utroque latere ex fouea illa adscendit truncus medullaris reliqua parte crassior & solidior, qui ad anteriorem usque oram sensim leuiter attenuatus pertingit. Ex trunco illo, tanquam ex costa pennae aut folii, utrinque ad angulos acutissimos in omni longitudine producent fibrae albae, tenuissimæ, ad utrumque latus tendentes. In interuallo autem, trunco utriusque medullari interposito, ex ipsa foueola fibrae prodeunt, quae inde quasi a centro profectae, radiorum instar per retinam percurrent (*f*), quam elegantissimam structuram in oculis leporinis VALSALVA & MORGAGNI iam anim.

(*c*) *De Hippocr. et Galen. decret.*
L. VII. c. 5.

(*d*) *Tr. de la tête.* n. 228.

(*e*) *Epist. XVII. §. 37.* Sic du-
bii quoque hac de re loquuntur,
LIEUTAVD libr. cit. p. 129. BON-
HOMME libr. cit. p. 145. et alii.

(*f*) *Elegantissimæ huius fabricæ*
descriptionem, iconæ Tab. adi. fig.
3. illustratam, dedi in *Comment. R.*
Soc. Gott. T. IV. Sermon. de diffe-
rentia fabricæ inter oculum hum. et
brut. §. VIII.

animaduerterunt (g). Etsi autem BRIGGSIVS (h) ita de fibris retinae, ab optici nerui insertione radiorum instar se expandentibus, scribere videatur, ac si fabricam illam omnibus sere animalibus communem esse crederet, nec desint, qui illum secuti fibras illas in homine quoque agnoscant (i), vt ipse MORGAGNIVS fabricam illam latere potius, quam omnino non esse arbitretur (k); plurimi tamen recentiorum fibras illas in homine, & animalibus maioribus locum non habere, & rugis & complicationibus deberi maluerunt (l). Neque ipse in homine unquam fibras radiatas vidi, siue retinam ab exteriori, siue introspicio per humorem vitreum, ab interna facie spectarem. Quemadmodum autem fibris in retina humana nihil omnino tribuo, ita neque plicas quidem agnosco, si omnes oculi partes in situ naturali maneant, nisi quae ab ipsa praeparatione orientur (m). Quod si enim, detracta choroide, retinam integrum, humori vitreo circumductam, aspiciam, (id quod in oculo recenti non adeo difficile effici potest,) nullas omnino plicas distinguo, et si ablato haemisphaerio superiori retinae, alteram partem facile in plicas contrahi, &, deposito humore vitreo, in rugas ferre radiatas collabi, facile videam (n). In ea tamen retina, dum illam super vitreum humorem expansam, microscopio attentius examino, plures obseruo lineolas pellucidiores, nullo certo ordine ramis transuersis inter se iunctas, inter quas areolae opaciores magisque albidae intercipiuntur, quae nihil aliud nisi vascula per reliquam medullarem retinae substantiam pellucentia esse videntur.

Crassii-

(g) *Epiſt. cit. §. 40.*(h) *Ophthalmogr. c. 3.*(i) Sic v. g. PALVCCI simile quid docere videtur, *libr. cit. p. 18.*
Plura de fibris retinae vide in *Comment. Boerh. T. IV. §. DXXV.*

not. e.

(k) *Vid. loc. mod. cit.*(l) *Fibrias retinae reiicit III. DE*HALLER. *prim. lin. physiol. §. DVIII.*(m) Idem iam monuit PETIT *Mem. Ac. Roy. Scienc. 1726. p. 80.*
Plicas retinae quoque negat HEUERMANN. §. 741.(n) Rugas eiusmodi retinae pingit RUVSCH. *T. 16. f. 19. ad epift. XIII.* et earum quoque mentionem facit in *Theſ. II. Aff. II. n. 2.*

Crassities retinae vbique eadem & aequalis mihi visa fuit, nec illam anteriora versus extenuatam vidi, vt multi recentiorum anatomicorum affirmant (*o*).

Vt autem ad ipsam retinae fabricam proprius accedamus, ex superius allato GALENI loco iam apparent, illi retinam ex cerebri portione superne descendente atque amplificata conflatam videri (*p*), cum alii piam matrem ad substantiam medullarem accedere crederent (*q*). Postquam opinio illa plane obsoletuerat, post MAITREIEAN (*r*), RUVSCHIVS praeter medullarem substantiam membranosi quid in retina se deprehendisse testatus est (*s*), et si alibi doceat, membranosum illud sibi potius videri reticulum vasorum, tam arcte & intricate sibi connexorum, vt peculiarem membranulam repraesentent (*t*). Ill: autem ALBINVS vasa retinae omnino pro membrana propria numerat, quae a retinae medullosoa parte diuersa sit (*u*). Retinae nempe vascula, quae in infantibus in primis facillime possunt repleri, teguntur, qua chorioideum respiciunt, multa medulla nerui optici, qua vero vitreum humorem contingunt, ea sede nuda sunt, cellulositate inter se connexa (*x*). Ipse ergo ad indagandam tunicae huius tenerrimae fabricam accessi, & retinam, cuius vasa materia ceracea erant plenissima, aquae purae immisi, vt, quam mutationem maceratio & putredo facerent, de die in diem obseruare liceret. Retina per aliquot dies in aqua macerata, sensim extenuata & magis pellucida facta fuit, vsque dum, maceratione longius protracta, substantia medullaris omnino plane euanuit, vt denique nihil superesset, nisi tela cellu-

(*o*) v. g. discipuli ALBINI, vt MOEHRING. p. 59. LOBE' §. 49. HEVERMANN, physiol. T. II. §. 741.

(*p*) de usu part. L. X. c. II.

(*q*) Vid. MORGAGNI ep. XVII. §. 34.

(*r*) Lib. cit. cap. IX. p. 33.

(*s*) Thes. II, Aff. 6, n. XI, Aff. I. n. XII.

(*t*) Epist. problem. XIII. p. 15.

(*u*) Conf. MOEHRING. pag. 59. LOBE' §. 49. 50. HEVERMANN. §. 740. MOELLER. n. 19. Ill. CAMPER. de quibusdam oculi part. p. TAYLOR p. 25. 38.

(*x*) Conf. HALLERI descr. art. oculi. p. 42.

cellulosa subtilissima, vbi filis quibusdam maioribus fila innumerata minima erant intermixta, per quam vascula cera repleta egregie ludebant. A reticulo vasorum facile potest distingui tela illa cellulosa, positione & singulari textura filamentorum, quibus composita est, quae in omni directione ita sibi sunt intricata, ut optime appareat, vasa esse tantum accessionem telae cellulose, quae inter areolas reticuli vasculosi arte repletissimi vasorum multo maior semper supereft; Vti autem tela illa cellulosa reticulum vasorum a facie interna sustinet; ita ab externa substantiam quoque medullarem mollissimam & alias diffluentem sibi habet instratam, illamque firmat & ordinat, quae aliquam requirere videtur soliditatem, ut in tunicam expandi possit (*y*). Eiusmodi cellulositatem, quae extremitatem pulposam nerui & vascula coniungit, in aliis quoque corporis humani partibus, vbi nerui ad sentiendum sunt dispositi, summi Anatomici obseruarunt, qualem Ill. ALBINVS (*z*) & DE HALLER (*a*) in papillis cutaneis, & linguae sensui gustus praefectis; MORGAGNI (*b*) autem & CASSEBOHMIVS (*c*) in ipso molliissimo neruo auditorio animaduerterunt, ut vel ex ipsa analogia, neque illam hic deesse, colligi posse videatur.

Posse vero medullarem retinae laminam remoueri, ut vasculosum rete membranae figuram retineat, alteramque ab altera integrum detrahi, ultra hominum artem positum esse videtur, nec, ulli vñquam contigisse, legere me memini, et si, deleta macerando medulla, rete vasculosum laminam peculiarem referre videatur (*d*). Ex quibus omnibus elicio, retinam esse tunicam simplicem, ex cellulosa conflatam, quae vascula & substantiam medullarem sustinet, et si duas diuersas ostendat

(*y*) Cellulositatem retinae iam animaduertit Cel. LUDWIG Instit. Physiol. § 519. Conf. quam iam dixi in Comment. Soc. Scient. Gotting. T. III. de tunicis et musculis oculorum. §. VI.

(*z*) Conf. HINTZE diff. de papillis cutis taclui inseruientibus. §. VIII,

XIII. quae inserta est Vol. VII. diff. anat. ab Ill. HALLERO collect.

(*a*) Prim. lin. physiol. §. 425. 449.

(*b*) Epist. anat. XII. n. 55.

(*c*) Tract. de aure hum. Tr. V. n. 234.

(*d*) Conf. HALLERI descr. art. oculi. p. 43.

dat facies, alteram vasculosam interiorem, alteram medullarem exteriorem, vt hac ex parte cum choroidis fabrica quodammodo conueniat. De vasis retinae inferius dicemus.

§. IV.

De connexione retinae cum partibus vicinis.

Retina illa super humorem vitreum chorodi contigua & concentrica antrorum fertur, vndique libera, neque ulli harum partium coniuncta. A choroidis enim facie interna nullum plane vasculum retinam adire, superius iam docui (e) & Illustr. HALLERVS (f) quoque monuit. WINSLOWVS autem, qui illam chorodi agglutinatam dicit, paulo obscurius loquitur (g). Sed neque vnam in homine videre mihi contigit, retinam vlo vinculo cum humore vitreo coniungi, aut ex illa vascula in illum transire praeter arteriam ALBINI, ex centrali retinae natam (h). Optime quidem noui, MAITREIEAN (i) iam olim dictas fuisse fibras, quibus retina humori vitreo nectatur. Neque diffiteor, me ipsum olim in simili fere fuisse opinione, qui in alio loco docui (k), retinam humori vitreo anterius nexu indissolubili iunctam esse videri, neque facile contingere, vt illa integra vndique ab humoris vitrei tunica auferri possit. Experimenta autem ab eo inde tempore in oculis recentibus & humanis & animalium maiorum instituta, saepiusque repetita, mihi fatis superque persuaserunt, retinam etiam anterius ab humore vitreo esse liberrimam (l), quae integra omnino vndique ab illo separari possit.

Diffi-

- (e) *Cap. II. de choroid. Sect. I.
§. II.*
(f) *Descr. art. ocul. p. 42.*
(g) *Tr. de la tete. §. 223.*
(h) *Libr. cit. p. 33.*
(i) *Vid. Cap. de humore vitreo.
§. IV.*

- (k) *Vid. Comment. Soc. Reg. Sc. Gotting. T. III. Obseru. de tunicis & musculis oculorum. §. VI.*
(l) *Consentientem habeo BOERHAAVIVM. Praelect. Acad. T. IV. §. DXXIII.*

Difficilior autem est iudicium de termino anteriori retinae. Plurimi certe Anatomici ab ipso iam GALENO (*m*) retinam ad lentis usque circulum maximum ducunt, illique insertam esse perhibent, quod, ut veteres taceant (*n*), in primis nostro tempore WINSLOW (*o*), CASSEBOHM (*p*), FERREIN (*q*), LIEVTAVD (*r*), III. HALLERVUS (*s*) affirmant, cum alii, ut VESALIUS (*t*), & FALLOPIVS (*u*) vix eam ultra medianam oculi sedem extendi, alii ut PLEMPIVS (*x*), BRIGGSIVS (*y*), VERHEYEN (*z*), MARCHETTI (*a*), DIEMERBROECK (*b*), eam ad ligamentum ciliare terminari perhibent, quibus inter recentiores MORGAGNIUS (*c*) & discipuli ALBINI nonnulli ad stipulantur (*d*). Summa huius partis mollities, fabrica tenerima, in primis in oculo recenti, & mira mutatio, quam oculus in alcoholo seruatus induit, qua partes pellucidissimae in summam opacitatem transeunt, & maxime constringuntur, rem eo difficiliorem reddit, ut aegrius certi quid determinari possit. Plurimi tamen, si eorum verba paullo magis attendamus, coronam illam ciliarem inferius describendam (*e*), siue zonulam tenerrimam fibrillis brevioribus strictam, quae ab humore vitreus orta conuexitati anteriori lentis inseritur, pro ipsa continua-

(*m*) *De Placit. Plat. et Hippocr.*
Lib. VII. c. V.

(*n*) *Conf. quae habet MORGAGNIUS epist. XVII. §. 47.*

(*o*) *Tr. de la tête. §. 237.*

(*p*) *Meth. sec. p. 326.*

(*q*) *Observationes illius refert Cl. RAMSPECK in Tentam. I. §. 76. et HENCKEL in epist. ad KESSLER-RING *dissert. de methodo Fouertiana.* Contra illas nonnulla monuit Cel. BERGERVS, cui HENCKELIVS satis quidem acriter, sed parum anatomice respondit, et rem suam pessime defendit. Vid. Medic. Chirurg. *Jahrgänge. T. II. III.**

(*r*) *Ess. anat. p. 141.*

(*s*) *Prim. lin. Physiol. §. DVII. Hist. art. oculi. p. 43.*

(*t*) *De corp. hum. fabrica. L. VII.*
c. XIV.

(*u*) *Instit. anat. p. 283. b.*

(*x*) *Cap. XV.*

(*y*) *Ophthalmogr. c. 3.*

(*z*) *Tr. IV. Cap. XIV.*

(*a*) *Anat. p. 216.*

(*b*) *Lib. III. C. XVII.*

(*c*) *Epist. XVII. §. 47.*

(*d*) *MOEHRING. p. 59. LOBE' §. 49. MOELLER §. 17. HEVERMANN §. 741. BERGERVS quoque retinam non ultra originem processuum ciliarium deducit in *dissert.* quam contra HENCKELIVM scripsit, qua autem illibenter careo.*

(*e*) *Vid. Cap. IV. de humore vitreo. §. III.*

nuatione retinae habuisse videntur, quod in primis ex descriptione LIEVTAVD, CASSEBOHMII, & FERREINII (*f*) apparet, qui retinam ad aliquam a lente distantiam teneriorem & pellucidam factam, in conuexitatem anteriorem capsulae lentis immitti, & ad insertionem usque deduci posse affirmant. Nec membranam communem PALVCCII (*g*), quam retinae partem, & ab inuolucro nerui optici natam esse scribit, vt fibras medullares instratas sibi habeat, aliud quidquam esse, quam zonulam coronae ciliaris, data illius descriptio optime docet, quum & fulcos, qui plicas processuum ciliarium excipiunt, & eius in conuexitatem anteriorem insertionem in illa itidem animaduerterit, et si, non satis accurate locutus, illam cum ipsa retina confundere, & pro illius propagine habere videatur. Sed & alia sunt, quae dubitationem aliquam relinquunt, & assensum meum fere morantur, vt circa insertionem retinae in lentem nondum plane sim persuasus. Dum enim in oculo recenti, ubi & choroides & retina solidusculae sunt, choroidem & illi continuum corpus ciliare detraho, ipsa retina ad originem processum ciliarium margine tumidulo, in primis in oculo bubulo, terminatur, cuius oram in ova arteriola in circulum fere ducta legit, vt in boue integerrimo margine eleuari, & reuolui possit (*h*), & eloto muco nigro, inter illum marginem tumidulum & lentem humor vitreus appareat. Praeterea, si ad lentem pertingeret, aut inter choroidem & annulum nigrum, aut inter annulum nigrum & humorem vitreum illuc deferri necesse foret. Inter corpus ciliare & annulum nigrum non produci videtur, quam viam omnino intercipit mucus niger in zonulam continuam conflatus, quem ex ultimis villis choroidis, minime autem a retina secerni, quilibet facile concesserit. Sed neque inter annulum nigrum et humorem vitreum deferri crediderim. Annulus


(*f*) FERREIN, vt ex HENCKE-LII epist. mod. cit. apparet, retinam dividit in portionem medullarem et crystallinam, quarum haec in duas laminas secedit, quae lentem involvunt, eiusque capsulam constituant,

(*g*) Libr. cit. p. 16. sqq.

(*h*) Conf. Observ. de differentia fabricae in oculo humano et brutorum. Comment. Soc. Sc. Gotting. T. IV.

nulus enim niger, transpiciendo per humorem vitreum, aterrimus semper apparet, nec nulla omnino nebula tectus, aut leuissime dilutus conspicitur, sed marginem anteriorem retinae, per quam semipellucidam choroides obscurius pellucet, ad originem processuum ciliarium, non sensim euanescere, sed fine vbiique aequali & accurate limitato terminari videmus. Praeterea omnis fere analogia corporis humani repugnat, quum nullum sit in corpore humano exemplum, extremitatem cuiusdam nerui pulposam, medullarem, mutari in membranulam pellucidam, quae, omnis sensus expers, aut partem inuoluat, aut ligamenti instar inferuiat. Experimenta autem in oculis affuso alcohole seruatis instituta, paulo minus valent, quod ipso alcohole omnia ita opaca redduntur, & constringuntur, vt retinam neque ab humore vitreo & zonula coronae ciliaris satis distinguere, neque sine laesione auferre liceat. Quae quum ita sint, non possum, quin iis adstipuler, qui retinam ad originem corporis ciliaris terminari perhibent. (12).

(12) Suppl. Cap. III, §. 12.



CAPVT IV.

DE

HVMORE VITREO.

Absoluta ergo descriptione oculi tunicarum, uti vulgo dicuntur, accedamus ad expositionem partium, quae in cavitate sphaerae, tribus illis tunicis compositae, continentur. Ab antiquissimis nempe iam temporibus tres dicti sunt humores (13), quo praeter humorum aqueum solent referre solidum corpus, & alterum molle gelatinæ fere simile, et si plurimi Anatomici iam monuerint, illam appellationem, si accurate loqui velimus, soli humoris aquæ conuenire. Ne tamen vanis circa verba disceptationibus immoremur, a descriptione humoris vitrei initium statim faciam.

§. I.

Humoris vitrei situs, moles, et pelluciditas.

Humor vitreus et CELSO (a) & GALENO (b) aliisque antiquioribus Medicis optime iam notus, iisdem monentibus ita dicitur, quod fuso vitro simile fere videatur. Situs est in parte posteriori cavitatis oculi, & omne illud spatum ab insertione nerui optici ad lentem vsque crystallinam replet, maximamque partem caui sphaerae oculi occupat, ut VESALIVS (c), praeter nonnullos alios (d) iustam reprehensionem mereatur, qui hu-

mori

(13) Suppl. Cap. IV. §. 14.

(a) *De Medicina.* L. 7. cap. 7.
n. 13.

(b) *De usu part.* L. X. cap. I.

(c) *De corp. hum. fabr.* L. VII.
cap. XIV. fig. I.

(d) Sic VESALIVM nimis superstiose secuti errorem illum ab eo receperunt. PLATERVS de corp.
hum. struct. L. III. T. 49. f. 1. C.
BAVH. theatr. anat. L. 3. T. 22. f.
1. VIDIVS de anat. corp. hum. T.
78. f. 20. et alii.

mori vitreo dimidiā tantum oculi partem iconē sua assignauit. Quem tamen errorem & ipse fassus est VESALIVS (*e*), & alii, vti COLVMBVS (*f*), ARANTIVS (*g*) & VAROLIVS (*h*) correxerunt; nostro tempore lis illa omnino obsoluit. Etsi autem neque pondere ob nimiam diuersitatem ponderis specifici humorū oculi, neque mensura ob diffluentem eius mollitiem satis certe determinari possit, quantum moles humoris vitrei molem duorum reliquorum superet, primo tamen intuitu statim facile apparet, humore vitreo longe maximam cavitatis oculi partem occupari. In oculo congelato vltra molem naturalem expansus multo maius adhuc occupat spatium, vt fere semper corpus ciliare a lente crystallina solutum & remotum inueniamus, & ipsa lens crystallina antrōsum pressa iridem conuexam reddat, cavitate camerae posterioris humoris aquei summe imminuta (*i*). In homine adulto semper est pellucidissimus, neque, quod lenti crystallinae contingit, in senio facile in flauum aut alium colorē degenerat, etsi in morbis opacam & turbidam redi posse frequens experientia testetur (*k*), &, in oculo putredine incipiente, in rubrum colorem sensim degeneret. In fetu tamen semper eodem modo, vti cornea, roseo & fere dilute sanguineo colore gaudet, quem ruborem PETITVS non satis bene inflammationi laborioso & diffīcili partu ortae tribuit (*l*), cum in omni fetu, siue partu in lucem editus, siue ex matris vtero excisus fuerat, vbi nulla inflammationis suspicio adest, humor vitreus rubro colore tinctus, licet plane pellucidus deprehendatur. Liquor, quo humor vitreus semper est ebrius, humori aquo est timillimus, fluidissimus, qui per tunicam externam illaesam facile transpirat, ad ignem perfēcte difflabilis, aqua tamen, vti ipse humor aqueus, paulo densior (*m*).

§. II.

(*e*) Examen obseru. Fallop,

(*f*) De re anat. L. X.

(*g*) Anat. obseru. c. 20.

(*h*) Anat. L. I. cap. IV.

(*i*) Conf. PETIT, Mem. Acad.

1723. p. 53.

(*k*) MORGAGN. ep. XVIII. §.

37.

(*l*) Mem. Acad. 1727. p. 247.

(*m*) Prim, lin, phys. §. 509.

§. II.

Fabrica cellulosa humoris vitrei.

Humori huic vitreo fabrica est in cellulosa tenuissima, in cuius membranosis interuallis liquor pellucidissimus continetur, quam totam molem tunica tenerima vnde comprehendit. Veteres circa fabricam interiorum huius partis parum fuerunt solliciti; RIOLANVS (*n*) primum veriora docuit, qui optime asserit, tunicam vitream per substantiam humoris vitrei diffundi, cuius interiectu concretus appareat, nec fluidum reddi, nisi frequenti sectione solutis filamentis, tum in aquam fluentem liquefcere. Quo licet moniti Anatomici tamen, qui post illum vixerunt, ad recentiora usque tempora vix quidquam historiae humoris vitrei addiderunt. Praesenti demum saeculo MAITRE-JEAN (*o*), PETIT (*p*), MORGAGNI (*q*), & DES MOVRS (*r*) in primis experimenta ad indagandam fabricam huius partis instituerunt, & plurima ita iam occuparunt, ut vix, quod addi possit, superesse videatur. Variae autem sunt rationes, quibus praeparatus humor vitreus intimam cellulosam fabricam prodat, siue humorem vitreum in aqua acidula macerando, siue coquendo, siue, illum glacie concretum, examinando. Vti enim in acido liquore septula cellulosa ex summa pelluciditate opaca & exalbida redduntur, & in aqua fluitantia in conspectum veniunt; ita, cum gelidae humoris vitrei lamellae aliae ab aliis lenta diuellantur manu, ubique apparent tenuissimae membranularum portiones, fortiores, quam facile putares, quae speculo attolli, & a lamella congaciata remoueri possunt. Praeterea ex eodem experimento elici potest, cellulosam illam laminulis potius latiusculis, quam fibrillis linearibus compositam esse. In primis autem, experimentis Cl. DES MOVRS excitatus, indagare studui, quanam sint figura areolae, quas laminulae certa directione positae intercipiunt. Primum quidem, vti DES MOVRS

(*n*) *Anthropol. L. IV. C. IV.* p. 1728.
416.

(*q*) *Epist. anat. XVII. §. 27. 28.*

(*o*) *Libr. saepc cit. cap. 10.*

(*r*) *Histoir. Acad. Paris. 1741.*

(*p*) *Mem. Acad. Paris. 1723. §. p. 60.*

Movrs iam monuit, statim vidi, fragmenta glacalia in ambitu posita esse maiora, interiora & lenti propiora minora. Sed ipsa illa fragmenta squamas referunt, quarum exteriores duas, tres quatuorue lineas longae sunt, paulo minus latae, a parte posteriori crassiori in tenuiorem anteriorem finem cunei modo produetae; interiores autem & lenti propiores sensim minores sunt & breuiores. Omnes illae squamae ita sibi incumbunt, ut facies conuexa exteriorem ambitum humoris vitrei, facies concava lentem respiciat, & lenti proximae conuexitatem eius posteriorem sinu cauo excipiunt; segmenta enim circuli, cuius centrum in centro lenti forte positum est, referre videntur, quae a se inuicem separari possunt. Interualla illa laminarum corporis vitrei vndique sunt aperta, & per totam illius molem in vnam continuam cavitatem consentiunt. Optime illud demonstrant experimenta, quibus constitit, per leuissimum vulnusculum membranae exteriori inflictum breui omnem liquorem exsudasse, sacculosque inanes suisse relictos; cuius corporis autem moles multo diutius seruatur, priusquam humor per parietem externum transfudans in auras euaneat, si corpus vitreum vna cum lente sine vlla laesione depositum fuerit (*s*). Vti autem humor vitreus, oculis in aere suspensis, sensim pondere decrescit; ita, oculo in aquam immerso, breui pondere iterum auctum comprehendimus, vti cornea in aqua macerata turgescit (*t*). Congeriem illam cellulosam vndique comprehendit, & sacculum vnum membranum conficit tunica propria, vitrea vulgo dicta, quae fabricam lamellarum, cellulas intus efformantium, per humorum vitreum diffundit, illisque parietem communem praebet. Facile autem membrana illa demonstratur flatu, qui per vulnusculum immisso totum corpus in tumorem eleuat (*u*), vt quilibet

(*s*) Conf. experimenta DRS bone quadraginta auctum granis inuenit.
Movrs loc. cit.

(*t*) Idem experimentis suis iam docuit PETIT. Mem. Acad. 1728, qui oculis in aqua horas circiter quatuor viginti maceratis, humorum vitreum in homine plus decem, in

(*u*) Vid. Comment. Boerhaav. T. IV. §. DXXIII. not. a. WINSLOW. tr. de la tete. n. 228. MORGAGNI. epist. XVII. §. 25.

libet iure mirari queat, BRIGGSIO (*x*) tunicam illam fictitiam & nihil nisi concretionem a diurno aëris contactu arcessendam visam fuisse. Simplex vbique haec tunica est, vti idem in aliis tunicis viscerum, vt lienis, hepatis, cordis, contingit, & statim, vt credo, docere poterimus, quid WINSLOWO (*y*) impoſuerit, vt illam duplicem esse crederet.

§. III.

Membranula coronae ciliaris, cuius ope lens crystallina cum vitreo coniungitur, et Canalis Petitianus.

Diu autem ante WINSLOWVM iam olim COLUMBVVS (*z*), & STENONIS F. (*a*) tunicam vitream super anteriorem lentis faciem produci docuerunt, quam autem doctrinam WINSLOWVS ita auxit et ornauit, vt tunicae vitreae duas laminas, posterius arctissime sibi agglutinatas, anterius discedere doceret, quae lentem & anterius & posterius comprehendant (*), cum alii, vti MAITREJEAN (*b*), ST. YVES (*c*), BONHOMME (*d*), CASSEBOHMIVS (*e*), ipse PETITVS (*f*) & quot non alii, qui tunicam vitream simplicem esse affirmant, illam anterius in duas laminas secedere malint, quarum altera corpus vitreum pone lentem amicire pergit, altera super lentis faciem anteriorem producatur, vt interuallum, quod circulus PETITI dicitur, inter se relinquant. Omnes nempe illi viderunt, a parte anteriore tunicae vitreae secedere membranulam lenti insertam, quam alii modo dicti pro continuatione tunicae vitreae, alii supra allati pro ipsa retinae propagine habuerunt (*g*); quo etiam pertinet

(*x*) *Ophthalmogr. cap. 3.*

(*y*) *Loc. cit.*

(*z*) *De re anat. p. 218.*

(*a*) *Canis carchar. diffeſt. cap. p.*

105.

(*) Cum WINSLOWO duplicem humoris vitrei membranam, anterius in duas laminas lentis capsulam

efficientes, diuisam adgnoscit LIEV-TAVD. *Eff. anat. p. 130. 141.*

(*b*) *Libr. cit. cap. 10. p. 38.*

(*c*) *Libr. cit. c. 3. p. 14.*

(*d*) *Cephalotomie. p. 144.*

(*e*) *Method. sec. c. 19. §. 23.*

(*f*) *Mem. Acad. 1726. p. 80.*

(*g*) *Vid. cap. sup. §. IV.*

net obseruatio VALSALVAE a MORGAGNIO (*h*) seruata, qui in schedis reliquit, dum in bouini oculi dissektione ab humore vitreo crystallinus separatur, saepe succedere, ut quaedam membrana ab hoc diuidatur ad formam plani circularis, quae solam illius tegat partem anteriorem. Eadem autem est membranula, aliquot iam abhinc annis nomine coronae ciliaris mihi dicta, quam descriptionem huc transferre non inutile erit (*i*). Dum enim in oculis & humanis & bubulis in fabricam canalis Petitiani inquiero, iteratis experimentis demum edoctus fui, in eodem plano, vbi corpus ciliare ex choroide producitur, ex tunica vitrea oriri membranulam aut zonulam, ab illa statim liberam, illi licet contiguam, quae inter corpus vitreum & corpus ciliare progressa, sensim, quo propius ad lentem accedit, eo magis a corpore vitreo dimouetur, & in conuexitate demum anteriori lentis ultra circulum maximum capsulae illius inseritur, ut adeo spatum nascatur naturale exiguum triangulare curuilineum inter humorem vitreum & hanc modo dictam membranulam, cuius trianguli basin fistit illa portio conuexitatis anterioris lentis inter circulum maximum & insertionem eius membranulae intermedia. Illa autem zonula a prima origine ex tunica vitrea ad insertionem in lentem vsque percurritur fibris fortioribus, transuersis, & ipsa membrana multo breuioribus, quae illam per interualla sic stringunt & contrahunt, ut, per vulnusculum membranulae illi infictum, flatu in spatum illud triangulare immisso, canalis se fistat continuus, & lentem vndique ambiens, spatiis alternis immisso flatu turgentibus, & contractis, qui, si comparationem instituere liceat, figuram fere exprimere videtur intestini coli flatu repleti, a ligamentis longitudinalibus intestino breuioribus in rugas contracti. Membranula demum illa coronae ciliaris, fibris breuioribus distincta & flatu recepto eleuata, tenera licet, eius tamen roboris in oculo recenti est, ut inflationem in experimento aliquoties iterato facile sustineat; experimento autem saepius repetito, vel in oculo aliquot demum dies post mortem ex corpore euulso, facile rum-
pitur,

(*h*) Epist. XVII. §. 25.

(*i*) Vid. Progr. de ligamentis ci-
liaribus, §. IV.

pitur, vt tunc tantummodo corona fibrarum ex tunica vitrea radiatim lentem versus tendentium visui se offerat, quod Ill. **CAMPERO** (*k*) in primis imposuisse videtur, qui fibras hasce solas, musculosas sibi visas, adgnoscit. Gloria inuenti huius annuli debetur **PETITO**, qui illum inter duas laminas tunicae vitreae a se inuicem secedentes interceptum, & plurimis septulis diuisum esse affirmat, & vocabulo ab aurifabris recepto, lingua Gallica *canal godronné* appellat (*l*), plerumque autem in libris Anatomicorum ab inuentore canalis Petitianus dicitur. Post **PETITVM** Ill. **HALLERV** (*m*) & Perill. **CAMPERV** (*n*) praeter alios illum describunt, & hic quidem ex oculo bubulo iconem eius addidit, quae cum fabricam non satis exprimere videatur, sermonem meum icone ad exemplar humanum facta illustrare visum est (*o*). Eiusdem vbiique latitudinis est ac corpus ciliare, latior ergo ad tempora, minus latus ea parte, qua natus respicit. In oculo recenti vacuus semper & collapsus reperitur, quem mechanica necessitate factum naturaliter vapor replet, vti omnibus aliis cauitatibus contingit. Nunquam autem ex capsula lentis, fatus in eum penetrat, vti necessario contingeret, si annulus ille & capsula lentis duplicatura tunicae vitreae formarentur, et si vel ipsa insertio huius zonulae huic opinioni repugnet, quae non in circulo maximo, sed in conuexitate anteriori sese ad lentem applicat. Sed neque a retina pellicula facta parietem huius annuli anteriorem formatum fuisse vel inde appareat, quum optime tunc demum annulus ille inflari possit, si retina plane remota, & humor ater corpus ciliare oblinens abstersus fuerit. Annon autem ad veri speciem proprius accedit, ex tenerrima tunica vitrea nouam hic ortam fuisse membranulam, quam si quis persuadere nobis vellet, tunicae vitreae lamellas duas, posterius sibi agglutinatas, anterius a se inuicem ad constituendum illum annulum secedere, cum nullibi vel leuissimum vestigium duarum lamellarum obseruari possit, neque

(*k*) *Diff. de quibusdam oculi part.*
cap. II. §. VI.

(*m*) *Comm. Boerh. Tom. IV. §.*
DXXIV. not. b.

(*l*) *Mem. Acad. 1726. p. 80.*

(*n*) *Diff. cit. cap. II. §. VII.*

(*o*) *T. VII. f. 1,*

neque ab illa arte humana, in tunica vitrea duas demonstrari posse lamellas, expectari posse videatur? Flatus demum corpori vitreo immissus illud vnde sic eleuat, ut illius faciem quoque anteriorem, ubi sinu lentem excipit, tunica propria obduci, facile appareat.

§. IV.

Vascula humoris vitrei.

Pauca adhuc addam circa vasa humoris vitrei, cui GALENVS (*o*) & plurimi eum secuti, venas negarunt; & ipse RUVSCHIVS in membrana vitrea nulla omnino esse vasa affirmat (*p*); nec nisi recentiori aeuo demum ea innotuerunt. WINSLOWVS (*q*) vascula humoris vitrei in fetu vi iniectionis inuenit, sed illorum fontes filet. MORGAGNIUS (*r*) quidem vascula sanguifera in oculo congelato a retina intra humorem vitreum excurrentia sibi visa fuisse credit; Vereor autem, ut ipse suspicatur, ne retina antea corrugata ea ex parte suis cum vasculis intra congelascentem vitreum intercepta fuerit; retinam enim in oculo congelato semper arctissime humori vitreo agglutinatam vidi, nec unquam mihi contigit, ut illam integrum & illaesam a subiecta glacie auellere potuerim. ALBINVS, testibus III. HALLEERO (*s*) & LOBE' (*t*) in balaenae oculo vascula a ligamentis ciliaribus ad vitreum humorem delata demonstravit, in homine nulli unquam visa. Vascula autem ex retina ad humorem vitreum profecta LOBE' potius suspicatur, quam ipse obseruavit. III. HALLERVS (*u*) tamen in oue manifesta, ex retinae vasis orta, esse affirmat, & AMBROSIVS BERTRAND (*x*) describit vascula ex choroide in retinam, & inde in ipsas humoris vitrei cellulas euntia. Vix autem citare velim stellas vasculosas, quas

in

(*o*) *De usu part. L. X. cap. I.*

(*t*) *Diff. cit. §. 56.*

(*p*) *Epist. XIII. p. 10.*

(*u*) *Prim. lin. physiol. §. DVIII.*

(*q*) *Tr. de la tête. §. 301.*

(*r*) *Epist. anat. XVII. §. 28.*

(*s*) *Comm. Boerhaav. T. IV. §.*
DXXIII. not. a.

(*x*) *Quem citat HALLERVS in
descr. art. oculi. p. 49.*

in humore vitreo pinxit HOVIUS, natas a papillosa membrana choroidis (*y*), aut illa vascula, quae delineat serpentinulorum similia, capitibus modo sursum versis, modo deorsum (*z*). Omnia enim illa ita ex ingenio facta esse videntur, ut, num sit in homine illo aliquid serii, non sine iure dubitari possit. Quod ad meas attinet obseruationes, mihi nunc demum vascula humoris vitrei visa suisse fateor, postquam antea semper diligentiam & aciem oculorum effugerunt. In fetibus nempe caninis recens natis, quorum palpebrae adhuc erant conglutinatae, certissima fide obseruauit, ex arteriola sanguine plena, quae ex arteria centrali retinae nata per humorum vitreum recta ad lentem fertur, in itinere plurimos emitte furculos rubellos tenuissimos, in cellulas humoris vitrei distributos (*a*), & alios ramulos ex illo trunculo ortos per superficiem exteriorem humoris vitrei repentes. Praeterea in oculo veruecino optime detexi arteriolam ex centrali ortam, & per humorum vitreum diffusam, quae autem ad lentem pertingere mihi quidem non videbatur. Alia autem vascula ex ligamentis ciliaribus orta nondum vidi (*15*).

(*y*) *Lib. cit. T. 3. f. 6.*

(*z*) *T. 4. fig. 4. 5. 6. 7.*

(*a*) In primis hanc rem attentione dignam credidi, quum et LOBE' *l. cit.* et MOELLER. *diff. cit. §. 21.*

ramulorum ad vitreum humorum nullam faciant mentionem, quos tam

enim admittere videtur Ill. HALLE-
RVS descr. art. oculi. p. 52.

(*15*) *Suppl. C, IV. §. 15.*

CAPVT V.

DE

LENTE CRYSTALLINA:

§. I.

Situs, figura, color lentis crystallinae.

Ab antiquissimis iam temporibus inter humores oculi referunt lentem crystallinam, et si corpus solidum sit, ut, qui ante **GALENVM** scripserunt, duntaxat crystallini & vitrei humoris meminerint; **GALENVS** (*a*) autem tres primus proposuit humores, & tertium aqueum ipse adiecit. Corpus illud solidum, propria tunica inclusum recipitur parte posteriori depressione orbiculata, quam vitreum corpus anterius habet, anteriori vero parte natat in camera posteriori humoris aquae. Sita ergo est lens crystallina in media axi oculi per centrum pupillae trans-eunte, cum autem & iris & corpus ciliare annulum a latere interno angustiorem exhibeant, lentis crystallinae centrum pro-pius ad internum oculi angulum accedere, & intra planum, quod ad perpendicularm descendens oculum in dextram & finistram diuidit, in medietatem interiorem secedere videtur, monente iam **VAROLIO** (*b*), et si in plano, quod per medium axin oculi ab anterioribus ad posteriora horizontaliter oculum in duas partes secat, omnino ponatur. Immergitur in humorem vitreum ad usque oculi circulum maximum, qui lentem in duas conuexitates diuidit, multum certe inter se inaequales.

Olim quidem iam **GALENVS** crystallinum non esse sphæram absolutam & vndique aequabilem, sed globo compressissimi-

(*a*) *De usu part. L. X. cap. 5.*(*b*) *Anat. L. I. c. 4.*

similem (*c*), & RVFVS EPHESIVS (*d*), ob figuram a posteris lenticularem fuisse dictam monuerunt. Primus fuit THEOPHILVS (*e*), qui faciem anteriorem minus esse conuexam, &, vti verba eius sonant, instar lentis compressam, diserte affirmat, quae opinio in spurio quodam GALENI libro iam reperitur (*f*). Quae quidem descriptio in primis post FALLOPIVM (*g*) vnanimi consensu omnium fere Anatomicorum fuit confirmata, si a solo forte VESALIO discedamus, qui aequalem vtrinque conuexitatem delineat (*h*); vti in vniuersum in nulla alia Anatomiae parte, quam in descriptione oculi, minorem sibi laudem conciliavit. Quin inter recentiores BRISSEAV (*i*), quod fere mireris, posteriorem lentis faciem planiorem esse tradidit. Omnes certe meae obseruationes in eo consentiunt, lentis conuexitatis anterioris sectionem ad maioris circuli ambitum, quam posterioris, attinere; et si facile PETITO (*k*) fidem adhibeam, affirmanti, non solum aliquando aequalem vtrinque conuexitatem, quod ipse quoque WINSLOWVS (*l*) testatur, sed etiam, rariori licet casu, anteriorem conuexitatem maiorem inueniri. Vnice id volo, mihi nunquam in oculo humano simile quid visum fuisse. E contrario semper mihi contigit videre, vtramque faciem, habita ratione ad diametrum transuersalem, eo esse conuxiorem, quo propior homo est origini, vt in fetu aut infante recens nato ad figuram fere sphæricam accedere, & diameter ab anterioribus ad posteriora parum a diametro transuersali abludere videatur; quae lens in vtraque facie eo planior deprehenditur, quo homo adultior fuerit, post annum tamen tricesimum figura lentis parum amplius mutari, aut alterutrius faciei conuexitas ad maiorem planitiem, quam qua illa aetate iam gaudet, redigi videtur. Secundum elegantissima demum PETITI (*m*) experientia-

(*c*) *De Hippocrat. & Plat. decret.*
L. 7. c. 8.

(*d*) *De appellat. part. corp. hum.*

l. 1. c. 23. l. 2. c. 3.

(*e*) *De corp. hum. fabr.* L. IV. c. 59.

(*f*) Monente MORGAGNIO ep. XVII. §. 20.

(*g*) *Obseru. anat.* p. 215.

(*h*) *De corp. hum. fabr.* L. VII.

c. 13. fig.

(*i*) *Traité de la cataracte.* p. 14.

(*k*) *Mem. Acad. Paris.* 1726. p.

71. Ep 1730. p. 5.

(*l*) *Tr. de la tête.* §. 133.

(*m*) *Mem. Acad.* 1730.

menta plerumque superficies anterior refert segmentum sphærae, cuius diameter ad 6, rarissime ad 9, frequentissime ad $7\frac{1}{2}$ & octo lineas extenditur; posterior autem facies ad sphæram pertinet, cuius diameter $4\frac{3}{4}$, vel 5, vel $5\frac{1}{2}$ lineas aequat (n).

Quemadmodum autem figura & conuexitas, ita color & firmitudo cum increcente aetate sensim mutari incipiunt. In fetu quidem interdum non solum capsula (o), sed ipsa lentis substantia, vti corneae & humori vitreo contingit, rubello colore tincta mihi visa fuit, quae tamen in homine in lucem edito sumam statim pelluciditatem acquirit, & pellucidiſſima, purissima & omnino decolor ad eam vsque aetatem, qua homo incrementa capere definit, deprehenditur. Ab anno autem vigesimo quinto aut tricesimo sensim lens leuissimam flauedinem contrahere incipit, quae deinceps magis magisque crescit, vt septuagesimo aut octogesimo iam possit cum flauo succino comparari, coniuncto tamen cum flauedine splendore pellucido, cuius naturalis degenerationis primum omnino mentionem fecit PETITVS (p), quam deinde WINSLOWVS (q), MORGAGNIUS (r), HALLERVS (s), & plurimi recentiorum testimoniis suis & obſeruationibus probe confirmarunt. Flauedinis illius frequentissime vidi initium fieri primum in centro, hinc crescente aetate ad ambitum versus extendi, vt circumfusa nucleo flauo substantia mollior nulla flauedine infecta deprehendatur. Sed lens humana quoque flauescit, si in aere siccata fuerit, quod in aliis animalibus haud ita facile contingit. Ipsam illam flauedinem pen-

(n) Homini datam esse lentem planiorem, quam omnibus aliis, quae secui, animalibus, ostendi in obſeru. de differentia fabricae inter oculum hum et brut. *Comm. Gotting. Soc. T. IV.* Ad figuram lentis humanae proxime accedit lens vrfi, et post illam lens canis, felis, vti omnia animalia carnivora lentes planiores habent, quam ruminantia. Piscibus demum et auibus fere sphærica est.

(o) Capsulam in fetu rubellam quoque vidit PETIT. 1727. p. 247. 1730. p. 438.

(p) *Mem. Acad. 1726. p. 81.* 1730. p. 18.

(q) *Tr. de la tête. §. 234.*

(r) *Epiſt. XVIII. §. 26.*

(s) *Comm. Boerh. Tom. IV. §. DXXVII, not. b. Prim. lin. phys. §. DX,*

pendere crediderim a maiori firmitudine, quae iisdem gradibus ab anno tricesimo circiter augeri videtur, & pariter incipit a centro & demum ambitum versus producitur, ita ut flauedo & firmitudo aequali augmento cum incremente aetate intendi videantur (*t*). Incremento enim aetate tubuli tenuissimi concrescentes & rigidiiores sensim facti minus humoris admittere & fecernere videntur, qui squamulis, quibus lens crystallina composita est, interponatur, vti MORGAGNIUS laticem aqueum, qui inter capsulam, & lentem ipsam inueniri solet, in senescensibus decrescere iam obseruavit (*u*). Circa omnia illa autem, quae modo de diuersitate diametri, conuexitatis, coloris & firmitudinis pro diuersa aetate dicta sunt, tenendum est, naturae leges non adeo accurate hic obtinere, vt illa semper inter se pro incremento aetate respondeant (*x*). Saepe enim contingit, ut non solum nihil in colore, conuexitate, & interdum firmitudine discriminis inter iuniorum & senum oculos deprehendatur, sed etiam in uno eodemque homine vnius oculi lens ab anteriori magis conuexa reperiatur, dum lens alterius naturaliter constituta sit, & ipsa flauedo & firmitudo in altera lente maior, in altera minor appareat. A morte facile lens opacitatem contrahit, quam primum cadauer calorem naturalem amiserit; sed, monente iam PETITO (*y*), ad pelluciditatem reddit, si lens igni admota, aut calore manus tepefacta fuerit. Glacie concreta per omnem substantiam in summam opacitatem degenerat, & lactei fere coloris deprehenditur; regelatione substantia quidem exterior priorem fere pelluciditatem requirit, etsi plurimae bullae aereae illi vbiique admistae inueniantur, nucleus primum opacitatem contrahit (*z*), & tardius calore pelluciditas illi reddi potest. In spiritu vini lens statim opaca & lactea fieri, & successu temporis substantia exterior flauescere fere incipit.

§. II.

(*t*) Vid. MORGAGN. et PETIT.
loc. cit.

(*u*) loc. cit

(*x*) Vid. PETIT. 1730. MOR-
GAGN. ep. 18. §. 27. LOBE' §. 58.
61.

(*y*) Mem. Acad. 1727. p. 253.

(*z*) Sic etiam cataracta saepe a
centro incipit. MORGAGN. epist.
XVIII. §. 18.

§. II.

Fabrica lentis.

Lens enim illa crystallina composita est ex plurimis laminis fibi succedentibus, & squamarum cepae instar fibi incumbentibus, quam structuram lamellatam primus animaduertisse videtur STENONIS F. (a), qui non solum in pisces, sed etiam in animalium calidorum, & hominis oculo lentem ex lamellis esse compositam monet. Recentiori tempore in primis PETITVS (b) & MORGAGNIUS (c) accuratius in fabricam illam lentis inquisiuerunt (d). Facile lamellae illae in conspectum veniunt, quarum exteriores vel in recenti oculo bubulo sola acie scalpelli a se inuicem attolli & detrahi possunt. Melius tamen maceratio tam in aqua simplici, quam in aqua ex infuso succo citreo aut aceto acidiuscula fabricam illam prodit (e). Sic cum lentem humanaam in pura aqua per biduum macerassem, faciem anteriem primum striis ad perlæ colorem fere accedentibus, & a margine centrum versus conuentibus, in sena, & maceratione paulo longius protracta, in octona triangula aequicrura, inter se tamen inaequalia, diffusam vidi, ut facies illa stellæ figuram egregie referret. Sensim illa triangula iterum alia stria a margine incipiente, sed ad centrum nondum producta in duos triangulos minores aequales fere diuiduntur; lente demum ex aqua extracta, frusta illa triangularia, squamarum instar alia aliis imposita & scalpello attolli & detrahi possunt, sed & sola agitatione in aqua lentis superficies externa in tot segmenta facile secedit, quot triangula in eius superficie occurruunt (f). Quod si demum ipsum nucleum solidiorem longiori macerationi subiiciamus, & ipse sensim in segmenta triangularia diuiditur, quorum singula vltioribus macerationibus in bina iterum abundant,

(a) *Myol. Spon.* p. 104.(b) *Mem. Paris.* 1730.(c) *Epist. Anat.* XVII. §. 30. 31.

(d) Similia ad indagandam lentis fabricam instituerunt experimenta MAITREJEAN lib. cit. cap. X. III. CAMPERVERS d[icit] de qualib[et]dam ora-

li part. cap. II. §. III. et alii.

(e) Si lens glacie concreta, regelata & per medium discissa, aëri exposita fuerit, superficies eius exterior sponte in squamas deliçere incipit.

(f) Vid. MORGAGN. L.c. §. 30. 31.

eunt, quae ad intimam vsque substantiam lamellarum cepae instar a se inuicem attolli & diuelli facile possunt. Praeterea in dissecta lente aeri exposita videre mihi visus sum lineam per circulum lentis maximum decurrentem, quae lentis partem anteriorem a posteriori sic diuidit, vt segmenta partis anterioris segmentis posterioris non continua, sed illis accurate applicata videantur, ac si duae cupulae circulorum inaequalium sibi appositae fuissent. Etsi autem omnium animalium lentes tali modo in eiusmodi radios, in aliis alio modo factos, findantur, fabrica tamen humana in eo facile differt, quod radii semper a margine incipient, & sensim centrum versus producantur, ita tamen, vt multi eorum, qui triangula maiora in bina minora diuidunt, non semper illud attingant; cum in plurimis animalibus radii a centro versus marginem excurrant, & segmenta triangularia, in quae lens abit, ex centro dehiscere incipient (g). In piscibus, quibus nucleus lentis cornea fere est duritie, squamae illum constituentes sponte sine villa maceratione sese produnt, si scalpello acuto discindatur (h). Squamae illae secundum experimenta LEVVENHOECKII (i) fibris constant singulis, pulcherrimo ordine, alio in aliis animalibus, dispositis, & in vortices intortis, quorum tria centra sunt in plerisque quadrupedibus, duo in lepore & cuniculo, & itidem duo & axin quidem terminantia in piscibus; in homine autem teste PETITO (k) & WINSLOWO (l) res obscura est, nec experimenta hanc circa rem instituta satis docuerunt, quonam modo fibrae ibi intortae sint, quae squamas lentis componunt (m). Lens illa ex squamis eiusmodi factis composita non vbique eiusdem est consistentiae, sed substantia exterior mollior in omnibus animalibus circumfusa est nucleo

(g) Idem iam monuit PETIT.
Mem. Acad. 1730. p. 24. 25.

(k) Loc. cit. p. 25.

(h) Vide STENON. Spec. myo-
log. p. 104. et quos hoc citat III.
HALLERV Comm. Boerh. T. IV.
§. 527, not. a.

(l) Tr. de la tête. §. 233.

(i) Arc. nat. detect. p. 66. 72. 75.

(m) BOERHAAVIUS squamulis
lentis ex hypothesi Ruyshiana ex
meris vasculis conflatas esse credit.
Praelect. in Instit. T. IV. §. DXXIV.
p. 165.

nucleo duriori solidiori (*n*), quae inaequalis consistentia ab eo pendere videtur, quod squamulae exteriore crassiores quidem, sed simul ex fabrica intima moliores, &, intercedente inter singulas liquore aqueo, longius a se inuicem sint remotae; squamulae autem interiores, tenuiores quidem, sed solidiores, duriores, propiusque sibi iunctae esse videantur. Liquorem illum aqueum optime demonstrant bullae aëreæ, quae in lente regelata apparent (*o*). Quae enim lens congelata alba & opaca ubique fuerat, calore quidem glacie soluta pelluciditatem aliquam adquirit, sed innumerae in ea conspicuntur bullulae aëreæ, minimæ, ita dispositæ, vt, quae inter laminas exteriore intercedunt, maiores fere, rariores & inter se remotiores, in centro autem subtiliores, multoque densiori ordine congestæ fere videantur (*p*). Contingit nempe huic aquulae, quod omnibus aliis liquidis glacie concretis, vt conglaciatione particulae aëreæ elementares, nec elasticitatem suam exserentes, in bullulas nunc elasticae coënt, simulque molem corporis glacie concreti augeant. Ipsam autem illam aquulam contineri in interuallis cellulositatis subtilissimæ experimentis meis nixus crediderim; saepe enim accidit, cum in oculo bubulo alteram laminam exteriorem ab altera auellerem, vt tenuissima filamenta inter utramque se proderent, & trahentem leniter sequerentur (*q*), quae fila cellulosa efficiunt, vt laminae exteriore & in primis superficies lentis, quae capsulam contingit, vndique villosa & tomentosa esse videatur.

§. III.

(*n*) Vid. MORGAGNI *Adu. anat. VI. Animadu. LXXI.*

(*o*) Aquulae inter folia lentis mentionem iam facit III. HALLER, in *prim. lin. physiol.* §. DX,

(*p*) Bullulas in lente regelata quoque vidit PETIT. *Mem. Acad.*

1723. p. 53.

(*q*) Membranulas in lente vidit MORGAGNIUS *epist. anat. XVII.* §. 33.

§. III.

De Capsula lentis.

Lens demum crystallina continetur capsula peculiari, pellucidissima, quae illam vndique ambit. Pars huius capsulae anterior **GALENO** (r) quidem iam visa fuit; sed totum vestire humorem crystallinum negavit, arbitratus, quae eius pars vitreo humore inuehitur, prorsus sine munimento esse & tunicae expertem, quae quidem opinio **VESALIVM** (s), **VIDIVM** (t), **VESLINGIVM** (u), **STENONIVM** (x) aliosque habuit adstipulatores. Plurimi tamen alii viderunt, lentem esse etiam a tergo tunica amictam propria, vnum membraneum sacculum cum altera anteriori tunicae parte consciente, qua in re omnes fere recentiores facile consentiunt (y). Inter illos tamen non parum disputatur, vtrum capsula illa lentis crystallinae propria & peculiaris tunica, an potius aut retinacae aut vitreae sit propago. Vti enim supra iam vidimus, post nonnullos veteres nostro tempore inprimis **Cel. FERREIN** (z) capsulam lentis duabus laminis secedentibus partis retinae anterioris, quam crystallinam vocat, formatam esse asserit; **WINSLOWVS** (a) & plurimi Galli, qui cum illo sentiunt, praeter alios ad veterem illam opinionem redierunt, vitream membranam anterius in duas laminas diuidi, quae lentem comprehendant, eiusque capsulam efficiant. Ab utraque theoria diuersa est opinio, quam proposuit **PALVCCI**, qui partem posteriorem lentis a membrana vitrea, quam in duas diuidi negat, succingi, anterius autem obuolui membrana sua communi, super lentem producta, sibi persuadet, & vocabulum capsulae tribuit pelliculae tenuissimae, quae veram lentis

(r) *De usu part. L.X. c. 6.*(y) *Conf. MORGAGN. ep. anat.*(s) *De corp. hum. fabr. L. VII. c. 13.*(z) *XVII. §. 21.* vbi historiam huius rei fuse confignauit.(t) *De anat. corp. hum. L. VII. cap. 4.*(z) *Vid. super cap. de retina. §. IV.*(u) *Synt. anat. c. 15.*(a) *Libr. cit. §. 229. 235.*(x) *Myol. spec. p. 105.*

substantiam obuoluat (*b*). Quod si vero omnia accuratius perpendamus, capsula lentis tunica propria a vitrea distincta esse videtur, vti ex descriptione statim patebit.

Capsula autem illa in partem anteriorem & posteriorem optime diuidi potest. Portio anterior pellucidissima quidem (*c*), sed valde elastica & satis crassa est, cornea fere, in primis in animalibus maioribus, tenacitate, quae, nisi vi adhibita, acie scalPELLi pertundi non potest, vt vix satis mirari liceat, quomodo BRIGGSIVS (*d*) illam negare & VERHEYENIVS (*e*) circa illam dubitare potuerit. Multis enim modis & robore & crassitie superat non solum laminam exteriorem lentis, sed ipsam quoque tunicam vitream integrum, vt vix ac ne vix quidem ab altera tantum eius lamina adeo multum tenuiore repeti posse videatur (*f*). Pars autem posterior anteriori multo certe tenuior, mollior & infirmior est, quae in homine non ita luculenter, in bove facilius ostendi potest. In oculis enim bubulis capsulam illam, vnde ipsa substantia crystallina extrusa fuerat, specillo immisso, tanquam sacculum inanem, hinc aut illinc attollendo, facile demonstrare possumus; sed interdum quoque mihi contigit, vt humorem vitreum, integra membranula, qua includitur, a capsulae parte posteriore separare potuerim, qua præparatione satis apparuit, cellulositate vera vtramque tunicam arctissime inter se coniungi (*g*). Ut autem lens crystallina eo facilius & tutius in sua sede contineri possit, in capsulae partem anteriorem ultra circulum maximum,

(*b*) *Libr. cit. p. 29. 42.*

(*c*) PETITUS in homine illam partem anteriorem interdum minus pellucidam esse dicit, quam posteriorem, quod quidem discrimen obseruare non potui. Vid. *Mem. Ac. 1730. p. 437.* quae tota commentatio hic legi meretur.

(*d*) *Ophthalmogr. cap. 3.*

(*e*) *Anat. corp. hum. L, I, Tr. 4. c. 14.*

(*f*) Diuersa illa crassities idem dubium iam mouit MORGAGNIO *epist. cit. §. 26.* Qui illam partem anteriorem pro expansione tendinea processuum ciliarium habuerint, supra iam dixi. *Cap. de choroid. Sect. II. de process. ciliar. §. V. not. a.*

(*g*) *Conf. MORGAGN, epistol.* *XVII. §. 25.*

quod, consentiente Ill. HALLERO (*h*), certissimus affirmare ausim, immittitur zonula illa fibris brevioribus transuersis striata, ex tunica vitrea orta, quam supra nomine coronae ciliaris descripsi (*i*). Quae quidem insertio in partem anteriorem capsulae in primis contra eos pugnare videtur, qui capsulam lentis duabus lamellis tunicae vitreae secedentibus formari perhibent. Nisi enim capsula lentis propria toret tunica, per omne illud spatium inter circulum lentis maximum, ubi lamellam posteriorem tunicae vitreae adnecti affirmant, & insertionem zonulae modo dictae, siue coronae ciliaris lens nuda esse deberet, nec vlo modo impediri posset, quo minus flatus ex capsula in canalem Petitianum penetret, quod tamen nunquam contingit. Sed et ipsa illa portio capsulae inter insertionem zonulae & circulum maximum specillo attolli potest, vt optime inde appareat, nec lentem ab ea parte nudam esse (*k*). Num coronae ciliaris membranula super faciem anteriorem lentis producatur, nondum definire ausim, et si obseruatio WINSLOWI (*l*), qui capsulae partem anteriorem in duas laminas diuidi posse afferit, eiusmodi propaginem docere fere videatur. Ceterum capsula lentis summe pellucida est, vt ne arte quidem possit opaca redi, nisi spiritui nitri immergatur, nullo autem alio liquore inficitur, si experimentis PETITI fides, qui nec unquam ex morbo capsulam opacam factam se vidisse affirmat (*m*). Sed repugnant certe obseruationes aliorum, qui capsulam opacam ex morbo inuenient, quales historias MORGAGNIUS (*n*) & Ill. HALLERVS (*o*) in primis ex fide dignis auctoribus collegerunt.

Quemadmodum inter omnia folia lentis liquor aqueus continetur, ita multo luculentius aquula inter capsulam & ipsam sub-

CVIV

(*h*) *Comm. Boerhaav. T. IV. §. DXXIV. not. b.*

lenti peculiarem capsulam tribuunt,
a tunica vitrea extus forte vestitam.

(*i*) *Vid. cap. de humore vitreo. §. III.* Ne dubium supersit, iconem insertionem illam in partem anteriorem lentis exhibere visum est. *Vid. fig. canalis Petitioni. T. VII. f. 1.*

v. g. LOBE' *diss. cit. §. 48*

(*l*) *Tr. de la tete. §. 236.*

(*k*) *Discipuli ALBINI quoque*

(*m*) *Mem. Acad. 1730. p. 443.*

(*n*) *Epist. XVIII. §. 19. sqq.*

(*o*) *Comm. Boerk. Tom. IV. §. DXXIV. not. b.*

substantiam demonstrari potest, quae STENONI (*p*) in pisce carcharia iam visa, hoc seculo a MORGAGNIO (*q*) & PETITO (*r*) in aliis quoque animalibus indagata, & in primis a PETITO accuratori examini subiecta fuit. In omnibus fere adest animalibus pellucidissima, maiori copia in parte anteriori lentis, quae erupta capsula statim erumpit, qua demum in cadavere emissa capsula collabitur; illius autem secrezione in viuo homine inflammatione aut obstruktione vasculorum prohibita, lens ipsa sicca fit, opaca, & capsulae adhaeret (*s*), ut arctissime illi agglutinatur, si in spiritu vini seruata fuerit, ut capsula integra a lente vix unquam detrahi possit.

§. IV.

Vascula lentis.

Observationes meas circa vascula lentis factas hic addere visum est, quae cum minima sint, & in statu naturali liquorem tantum pellucidum vehere videantur, mirum non est, illa veteribus ignota plane fuisse; & GALENS non adeo imperite vascula lenti data esse negat (*t*), quae nempe conspici possint. Nec vix quemquam inueniemus, qui illa obseruauerit, antequam artificium, vascula materia ceracea replendi, innotuerit, & Anatomici subtiliora quoque vascula rimari coeperint, si ab Anglo illo ALLEN MOVENS discedamus, qui primus vasorum lentis inuentor, vasa a choroide lentem crystallinam adeuntia ex animalibus descripsit (*u*). Nostro tempore frequentiores occurserunt obseruationes vasorum lentis, postquam materiam ceraceam in subtilissimas vasculorum propagines adigere didicimus. Parum tamen tribuere velim vasis illis crystallini, quae HO-

VIVS

(*p*) *Liber. cit. p. 102, 141.*

(*s*) *Vid. PETIT. loco modo cit. p. 448.*

(*q*) *Aduers. anat. VI. Animadu. LXXI. et Epist. XVII. §. 32.*

(*t*) *De usu part. L. X. cap. I.*

(*r*) *Mem. Acad. 1730. p. 445. sqq. descr. art. oculi. p. 48.*

(*u*) *Quem citat III. HALLERVS*

VIVS (*x*) per processus ciliares adducit, & per ipsam substantiam interiorem lentis dispersa nimis ramosa & conspicua depingit, vt fides huius obseruationis non immerito a PETITO in dubium vocata fuisse videatur (*y*). RYVSCHIUS quidem vasa lentis olim negauerat (*z*); fidus tamen & simplex naturae scrutator illa admittit, serius in oue sanguine sponte plena reperta, &, vt eo maior foret experimento fides, arteriolae in parte posteriori sibi visae iconem exhibuit (*a*). Ipse quidem PETITVS (*b*) vascula ex ciliari corpore profecta, & per anteriorem lentis capsulae faciem ludentia describit, vasa tam in foetibus humanis, quam in fele & piscibus, quae non solum inflammatio, sed & ipsa injectio retexit. Nunquam autem quavis diligentia usus potuit ullum vas intra crystallinum inuenire, quin ne minimam quidem fibram in equorum, neque in magnorum piscium oculis, quae inter crystallinum eiusque tunicam duceretur. Quamobrem cum ANTONIO MAITREJEAN (*c*), qui iam ante illum vascula ipsam substantiam lentis adeuntia negauit, qualia tamen in capsula lentis agnoscit, PETITVS statuere maluit, ex omnibus corporis nostri partibus unum esse crystallinum, qui nullo modo per fibram aut vas aliquod proximis partibus continuetur; sed eius forte esse indolis, vt, imbibendo laticem per ea vascula in capsulam lentis illatum, & sub ea effusum, peculiari plane modo nutriti, & vegetantem tantum vitam viuere videatur. Sed recentiorum obseruationes euicerunt, vascula non solum ad capsulam deferri, sed per illam ad interiorem lentis substantiam penetrare. Sic ipse WINSLOWVS (*d*) affirmat, subtilissimas injectiones sibi aliquando sic successisse, vt vascula ipsam lentis crystallinae substantiam penetrantia inuenerit. In primis autem obseruationes ALBINI nobis de huius rei veritate persuadent, qui illa ex dupli fonte deriuat. In balaenae enim oculo iam olim

(*x*) Libr. saepe cit. p. et Tab. V.
f. 4.

(*a*) Thes. II. Arc. IV. Tab. I.
fig. 8.

(*y*) Loc. cit. p. 442.

(*b*) Loco cit. p. 438. sqq.

(*z*) Epist. probl. XIII. p. 10.

(*c*) Libr. cit. cap. XI.

(*d*) Tr. de la tete. §. 301.

olim testibus ill. HALLERO (*e*) & MOEHRINGIO (*f*), vascula ex processibus ciliaribus ad lentem venire, & a parte postica per eius substantiam ramosa sese distribuere vident & demonstravit; Recentiori autem tempore in ipso oculo humano felicissimis injectionibus detexit ramulum, ortum ab arteria centrali retinae, qui per ipsum humorem vitreum recta antrorum tendit, & in parte posteriori capsulae in multis ramos dividitur, quorum multi furculi ad interiora usque lentis se demergunt, cuius observationis Regia Medicorum Edinburgensium societas (*g*), & inter discipulos ALBINI LOBE' (*h*), ill. CAMPER (*i*), HEVERMANN (*j*) mentionem faciunt; ut Moeller (*k*) eandem fibra in fetu canino vilam fuisse affirmat. Nec alia vidisse videtur AMBROSIVS BERTRAND (*m*), qui describit arteriolas parum ramosas, quae a vasculis retinae per vitrei corporis cellulas ad lentem usque protrahantur; et si idem ille alia aliqua vascula ex interna parte vueae membrane in lentis crystallinae capsulam, eiusque superficiem anteriorem dederat. SENNAC (*n*) in oculo equino vasculum per lentis substantiam diffusum vidit. Illustr. HALLERVS (*o*) vascula ex processibus ciliaribus ad lentem ramosa delata se reperiisse testatur, & arteriam ex centrali natam agnoscit. Aliquoties mihi quoque contigit, ut in oculi vitulini conuenientate posteriori viderem arteriam fanguine plenam, quinque aut sex trunculis in ipsa capsula terminatam, quorum trunculus non in medio, sed proprius ad latus abruptus fuerat; & in oculis catulorum modo enixorum optime nunc video arteriam ex centrali ortam & sanguine rubro plenam, quae per medium humorem vitreum, cui in itinere tenuissimos ramulos tribuit, recta ad lentem desertur, & in parte posteriori capsulae in nonnullos ramulos dividitur; qui tenuioribus furculis in ipsam lentis

(*e*) Comm. Boerhaav. T. IV. §. DXXIV. not. g. et descr. art. oculi. p. 49.

(*f*) Diff. de r. p. 52.

(*g*) Med. Essays Vol. L p. 337.

(*h*) Diff. cit. cap. II. §. II.

(*i*) Diff. cit. cap. II. §. II.

(*j*) Physiol. T. II. p. 891.

(*k*) Diff. cit. n. XXI.

(*m*) Monente HALLERO descr. art. oculi. p. 43. 48. BERTRANDIS enim libro non sine dolore careo.

(*n*) Libr. cit. p. 694.


(*o*) Pr. lib. physiol. §. DXXII. et descr. art. oculi. l.c.

Lentis substantiam penetrant. Quas obseruationes egregie confirmat praeparatum elegantissimum arteriae lentis, quod in Thesauro anatomico LIEBERKÜHNII vidi, vbi vi felicissimae injectionis in parte posteriori capsulae innumeri fere apparent ramuli, in tenuissimos surculos diuisi, & radiorum instar ex trunco orti, qui proprius ad marginem lentem adiisse videtur (p). Optime autem placet obseruatio arteriolae lentis, in oculo infantis, cuius vasa cera optime erant repleta, summa voluptate mihi visae, quam prope marginem ad conuexitatem posteriorem delatam, duobus ramulis perforata capsula in ipsam substantiam lentis profunde se inmergentem certissime conspexi (q); et si asserere non audeam, vnde illa arteriola ad lentem peruererit, quae in lente iam deposita & ab humore vitreo soluta mihi occurrit. Cum autem obseruationes RYYSCHII, ALBINI, MOELLERI, & meae denique in oculis humanis, ouillis & caninis factae in eo consentiant, in parte posteriori capsulae ex trunco a margine remoto ramulos in omnem ambitum fuisse diffusos, ad credendum fere adducor, arteriolam illam ex centrali retinae ortam parti posteriori lentis inseruire, ut secundum experimenta PETITI, BERTRANDI & HALLERI, per ligamenta ciliaria ad partem anteriorem venire videntur. Venulas, quas adesse nemo dubitauerit, equidem nunquam vidi, & arteriarum comites esse crediderim (16).

(p) Iconem huius arteriae ab ipso humanissimo LIEBERKÜHNIO donatam exhibeo. Tab. VII. f. 2. 3.

(q) Nonnullas harum obseruationum iam attuli in epist. de vasibus subtillioribus oculi. p. 25.

(16) Suppl. C, V. §. 16.



CAPVT VI.

DE

HVMORE AQVEO.

§. I.

*Humoris aquei sedes in duas cavitates
diuisa.*

Supereft adhuc humor aqueus, qui continetur in spatio triangulari curuilineo, quod inter lentem, partemque vicinam corporis ciliaris, & inter corneam intercedit. Spatium illud diuiditur media iride in humore aqueo fluitante, in duas alias cavitates, quas cameras dicunt, quae per pupillae foramen inter se communicant, quarum posterior minor inter iridem & lentem anterior maior inter iridem & corneam intercipitur. In definienda harum cavitatum magnitudine multum a recentioribus laboratum & disputatum fuit, postquam opinio VESALII & aliorum veterum, qui dimidiam oculi partem humoris aqueo assignauerant, omnino iam obsoluerat. Cum enim ineunte hoc seculo ob illas de vera cataractae sede controuersias Anatomici quaererent, quanta esset anterior, quanta posterior humoris aquei camera; & plurimi ex posterioris camerae exilitate validum contra membranaceam cataractam argumentum peterent; WOOLHOVSIVS (a) in primis, cameram posteriorem maiorem esse statuens, Anatomicos excitauit, vt hanc in rem accuratius inquirerent. WINSLOWVS (b) ergo, HEISTERVS (c), PETIT (d), MORGAGNIUS (e) et HALLE-RVS (f) tum in oculis animalium, tum in oculis humanis con-

gela-

(a) In variis scriptis, e. e. differt.
de cataracta et glaucom. contra sy-
stema Briffaei &c.
(b) Mem. Acad. 1721. Tr. de la-
tete. §. 239.

(c) Compend. Anat. not. n. 51.
(d) Mem. 1723. 1728.
(e) Epist. anat. XVII. §. 18. 19.
(f) Comm. Boerhaav. T. IV. §.
DXXVI. not. a.

gelatis & recentibus experimenta instituerunt, quae omnia in eo consentiunt, cameram posteriorem constanti lege semper esse multo minorem quam anteriorem. Quin WINSLOWVS (*g*), SENNAC (*h*), Ill. LIEVTAVD (*i*), eo vsque sunt progressi, vt cameram posteriorem omnino negarent, ipsumque iridis tergum lenti contiguum incumbere, & inde antrorsum conuexum esse crederent. Etsi autem ipse PETITVS fateatur, vi congelationis situm partium intra oculum nimis mutari, neque facile esse, a glacie tuto concludere (*k*); optime tamen euicit, in statu naturali iridem semper spatio quodam a lente crystallina dirimi, nec vñquam illi absque medio inniti, nisi euaporata magna humoris aquae parte, qui humor a morte continuo & celeriter etiam in ipso frigore exhalat (*l*). Cum PETITO hic consentiunt MORGAGNIUS, HEISTERVS, Ill. HALLERVS, qui cameram posteriorem semper adesse inuenerunt, etsi illam multo quam anteriorem minorem esse, facile concedant. Nec certe proclue est intelligere, qui fieri posset, vt, cum iris tam crebro agitur & moueat, pigmentum atrum ab iridis tergo non abstergatur, si lentis faciei anteriori incumberet & inniteretur. Observationes denique, quibus, foramine pupillae membranula clauso, in posteriori camera magna pars aquae inuenta fuit, in primis in fetu, vbi morbus accusari non potest (*m*), cameram posteriorem adesse ita demonstrant, vt vix dubitationi locus relinqui videatur. Vix autem sine laesione iridis lens deponi posset, nisi inter vtramque partem spatiolum angustum interpositum foret, & accuratissimis demum mensuris reperit, camerae anterioris altitudinem circiter duas tertias partes lineae, posterioris vix quintam lineae partem attingere (*n*). Facile autem apparet, nunquam in illa difficultate experimenti, & varietate hominum certi quidquam determinari posse (*o*). In meis quidem

(*g*) 1721. p. 317.

(*h*) Anat. d'Heister. p. 693.

(*i*) Eff. Anat. 128. 131.

(*k*) Mem. 1723. p. 52.

(*l*) Mem. Acad. 1728. p. 298.

(*m*) vid. §. seq.

(*n*) 1721. p. 318. 1723. 1728.

(*o*) Certam & definitam huius camerae dimensionem vix posse constitui, fatetur MORGAGNIUS Epist. XVII. §. 19. et Ill. HALLERVS Comm. Boerh. T. IV. §. DXXVI. not. a. Inter icones, quae ad proportionem vtriusque camerae exprimentam,

dem experimentis camerae posterioris glaciem multo semper tenuorem, quam anterioris inueni, & facile video, altitudinem illius in homine viuo multo adhuc minorem esse debere, quum humor vitreus, multo magis quam aqueus, congelatus se expandat, & corpus ciliare & ipsam iridem antrorsum vrgeat, & a lente remoueat. Tota illa cauitas in adulto plerumque quatuor aut quinque circiter grana humoris aquei continet (p). In fetu plane aliter sese res habet (17). In illis enim cornea multo quam in adulto crassior & parum ab iride remota cauitatem humoris aquei ita diminuit, vt ad summum granum & diuidium, plerumque granum vnum, pondus illius attingat (q). In statu naturali cauitas illa semper plenissima, quae perpetuo & vi vndique aequa corneam antrorsum vrget & extendit (r); si vero in moribundis sensim deficiat, cornea flaccida collabitur, visus hebescit, & aegri queruntur, se nihil distincte, sed omnia quasi per nebulam videre posse.

§. II.

Natura et fontes humoris aquæ.

Humor ille aqueus in adulto homine semper est pellucidissimus, neque subsidens quidquam demittit, aut maculam concipit; in fetu autem turbida & rubella (s), vti cornea & humor vitreus eodem succo rubello turgent, quae intra mensem fere post partum, omnibus particulis turbidis depositis, sum-

mendam, factæ sunt, proxime ad fabricam humanam accedere videntur, icon Morgagniana ab HEISTERO Compend. anat. inserta T. IV. f. 19. illa a SHARP facta *Treatise on the operations of Surgery.* T. X. f. D.

(p) *Mem. Ac. 1728. p. 221. 1727. p. 248.*

(17) *Suppl. Cap. VI. §. 17.*

(q) *1727. loc. mod. cit.*

(r) *BOERHAAV. Prael. Acad. T. IV. §. DXXVI. p. 181.*

(s) *PETITVS Mem. 1727.* inquiren, cur infantes recens nati obscure videant, vnicæ crassitatem & flacciditatem corneæ minimæ copiae humoris aquei iunctam accusat. Sed omnino hic quoque considerari merentur, opacitas illius humoris, cornea, humor vitreus, et saepè capsula lentis succo rubello ebria. Praeterea in plurimis animalium majorum fetibus pupilla peculiari illa membranula, quam pupillarem dicunt, iridi continua clauditur, quam his

mam pelluciditatem acquirit. Nonnulli tamen in senibus hunc humorem paulatim opaciorem reddi viderunt (*t*). Fluidissimus demum est humor aqueus, qui celerrime per corneam in auras exhalat, neque ab igne, neque a vini stillatio liquore cogipotest. Simplicissimus ergo, & cum perspirabili Sanctoriano & lacrimis praे omnibus reliquis corporis humani liquidis maxime aqueus; ipsa tamen aqua paulo densior, nempe qui ex sanguine animali, cui in omnibus partibus viscidi & glutinosi quidquam inest, secernitur. Inde non adeo mirum, quod salia sibi admista habeat, qui salem lixiuum relinquit, si pars aquae in auras euolauerit (*u*). Adeo facile & cito gelu concrescit, vt non videam, cur BRISSEAV (*x*) illum congelari negauerit; Congelatione tamen multo minus quam humor vitreus expanditur, qui in maiori gelu aliquam partem cauitatis humoris aquei occupat, vt cornea summe inde expandatur. Vix vnquam tamen in vnam continuam molem concrescit, quae figuram huius cauitatis exprimat, sed semper plures massulae gelidae incertae figurae & magnitudinis inueniuntur, quae facilius quam segmenta gelida humoris vitrei calore solui posse videntur. Continuo fonte secernitur & renouatur, vt ex notissimis & plurimis illis observationibus apparet, quibus constat, humorem aqueum, qui per vulnusculum corneae inflictum effluxit, vt oculus collaboretur, intra quadraginta & octo horas, perfecte renasci, & oculum illo, vt antea, repletum inueniri (*y*). Circa fontes huius humoris ineunte hoc saeculo non parum disputatum est. Nvckius enim peculiares ductus, qui illum adferant, se inuenisse credebat, quod inuentum ita sibi placuit, vt peculiari libello de vasis illis secretoriis agere sibi videretur (*z*), vbi praeter alios Rvvschium (*a*) adseclam sibi habuit. Postquam autem ipso iam Nv-

CKII

his diebus quoque in fetibus quatuor caninis egregie vidi, et si illi palpebris conglutinatis nascantur.

(*t*) e. g. Nvck. cap. 3.

(*u*) vid. Comm. Boerh. T. IV. p. 177.

(*x*) Libr. cit. p. 12.

(*y*) Fusiorem huius rei historiam

vid. in Comm. Boerh. Tom. IV. §. DXXVI. not. f.

(*z*) Cui titulus *Tractatus de ductibus oculorum aquosis*. Huc quoque pertinet *defensio ductuum aquosorum*.

(*a*) Epist. XIII. p. II. Thes. II. Aff. I. n. 10.

CKII tempore CHROVET peculiari libello (*b*), ostenderat, dūctus illos esse arterias rubro sanguine plenas, & alii Anatomici hoc assertum obseruationibus suis confirmauerant; inuentum NVCKII nunc ab omnibus desertum est, & lis illa plane ob-soluit. Inprimis autem Ill. HALLERV^S (*c*) demonstrauit, NVCKIVM nihil aliud nisi arterias ciliares longas vidisse, quae in brutis animalibus, vt repetita experimenta me docuerunt, scleroticae partem corneae proximam perforant, & circulum in iride faciunt. Optime autem NVCKIVS (*d*) refutat glandulas, quibus nonnulli secretionem humoris aquei deberi crediderunt, quae ex solo ingenio factae, nulli vñquam Anatomicorum obseruatae sunt. ST. YVES (*e*) illum ex cellulis vitrei humoris & ipsa lente prouenire, & per tunicas harum partium exteriore transudare creditit (*f*). Sed inter humorem vitreum & came-ram posteriorem humoris aquei vbiique intercedit corpus ciliare ipsam lentem condescendens, vt ne minimum quidem adsit spa-tium, vbi poruli tunicae vitreae, si qui forent, in cauitatem hu-moris aquei liquidum deponere possint; & praeterea repugnat analogia reliquorum humorum aqueo similiūm, qui omnes ex vltimis arteriolis generantur (*g*). Et omnes fere nunc Anato-mici in eo consentiunt, vltimis villis arteriolarum secretionem illam perfici, quae quidem vascula secretoria plurimi certe, vti HOVIVS (*h*), DE LA CHARRIERE (*i*), LOBE' (*k*), HEVER-MANN (*l*), in anteriori facie iridis posuerunt. Etsi autem fa-eile concedam, aliqua ex parte fontes humoris aquei in iride esse; quod paucae illae guttulae humoris aquei suadent, quae in oculo fetus, cui foramen pupillae membrana pupillari adhuc clausum, in camera anteriori inueniuntur. Multa tamen sunt,

(*b*) *De tribus oculorum humoribus.*

(*c*) *Descr. art. oculi. p. 45.*

(*d*) *Loco cit. p. 100.*

(*e*) *Libr. cit. c. VI. p.*

(*f*) *Huic sententiae quoque fawet PETIT in PALFYN Anat. Chirurg. Tom. II. p. 431. & BONHOMME libr. cit. p. 144.*

(*g*) *Hanc quoque opinionem re-futat Ill. HALLERV^S Comm. Boer-haav. loc. cit. not. f.*

(*h*) *Libr. cit. p. 26.*

(*i*) *Anat. de la tête. p. 278.*

(*k*) *Diff. cit. §. 65.*

(*l*) *Physiol. T. II. p. 245.*

quae mihi persuadent, maximam partem humoris aquei ex villis arteriosis processuum ciliarium prouenire, vti Illustr. HALLERV^s (*m*) iam suspicatus est. In processibus enim ciliaribus multo plura semper deprehenduntur vascula, quam in iride, vt in eodem oculo vascula iridis rara & inter se remota appareant, cum processus ciliares iis plurimis & densissima serie sibi inuicem oppositis scateant, vt vix plura recipere posse videantur. Sed ipsi quoque flocculi longiores, quos vascula illa emittunt, in extremitate processuum ciliarium libera & lenti incumbente, albi, nec atro humore obfuscati, secernendo illi humoris multo aptiores esse videntur, quam flocculi iridis in parte posteriori atro muco obducti, in anteriori non adeo vasculosi, quam ex subtiliori cellulosa conflati. Praeterea adsunt obseruationes, quales adfert MERV⁽ⁿ⁾, BONHOMME^(o), & alii, quibus constitit, in adulto homine foramine pupillae membranula quadam clauso, in camera anteriori vix quidquam humoris aquei fuisse inuentum, cum camera posterior eodem liquore plena turgeret, & Ill. HALLERV^s (*p*) in oculo fetus, vbi membranam pupillarem demonstrauit, vedit bullam membraneam, quam impellebat humor aqueus, in camera posteriori satis magna copia effusus, qui pupillarem membranam, qua ab effluxu coercebatur, antrorum vrgeret. Hanc viam facile sequuntur liquores subtiliores anatomicorum, vti de oleo terebinthinae, cinnabari tincto, nulli facile, qui exercitiis anatomicis adfuit, ignotum erit, & idem alii de atramento narrant: sed & argentum viuum saliuationis causa adhibitum & sanguini immistum, teste WOOLHOVSIO, in cauitatem humoris aquei interdum exfudat (*q*), & ipsi mihi fere semper contigit, cum in animalibus maioribus, boue, veruece, sue, vasa oculi mercurio replerem, vt ille satis magna copia in humorem aqueum viam sibi faceret; etsi ipsa vascula iridis ad surculos tenuissimos vsque mercurio turgentia se sifterent. Quemadmodum autem perpetuos fontes, qui humorem aqueum fug-

(*m*) *Descr. art. oculi. p. 48.*

(*n*) *Mem. Acad. 1707. quae quoque citatur in PALFYN. Anat. loc. cit.*

(*o*) *Loc. cit. p. 144.*

(*p*) *Opusc. anat. p. 341.*

(*q*) *Conf. hic HALLERV^s locis citatis.*

fuggerant, adesse experientia docet; ita plurima demonstrant experimenta & obseruationes, eundem humorem aqueum magna ex parte venis bibulis iterum resorberi; & ipsum sanguinem in cauitatem humoris aquei effusum, & sensim discussum saepe a venulis illis excipi, ut huic humoris summa limpeditas restituantur (r). Venulas illas & in iride ad oram pupillae vsque & in processibus ciliaribus, in his quidem maiori copia, materia ceracea replere saepe mihi contigit, quae in processibus ciliaribus, interdum in fetu ipso sanguine rubro plena mihi visae sunt. Non solum autem per venulas superflua illa humoris aquei copia resorbetur, sed magna quoque pars exhalat in primis a morte per laminas corneae, & aquulam certe, qua cellulosa illis interposita semper est ebria, potius ex cauitate humoris aquei venire, quam ex ultimis vasculis corneae secerni crediderim, quum vascula corneae nondum certa fide visa sint, & ipsa cornea de epidemidis & vnguium classe, tantaeque secretioni omnino non apta esse videatur (s) (18).

(r) Plura vide in *Comm. Boerh.*, (s) Vid. *descr. art. oculi. p. 52.*
§. cit. not. n. (18) Suppl. C. VI. §. 18.

CAPVT VII.

DE ORBITA.

Absoluta descriptione & tunicarum & humorum, quibus bulbis oculi componitur, accedamus ad expositionem partium, quae illi circumpositae sunt, & ad illius motum, nutritiōnem & conseruationem pertinent. Quum autem omnes illae in communi osseo cauo ponantur, orbitae, quo nomine cauum illud insigniunt, historiam praemittere vīsum est, vt reliqua, in primis ortus & situs muscularum, eo facilius intelligi possint. Breuior hic ero, & ea tantum adferam, quae ad rem nostram faciunt, ne inani opera aliorum verba in librum nostrum trans ferre videamur.

§. I.

Caui orbitae descriptio.

Postquam omnes prioris aeui Anatomici accuratiorem orbitae descriptionem neglexerunt; WINSLOWVS primus extitit, qui in eius situm, & figuram diligentius inquireret (*a*), quem Ill. CAMPERVERS ita est imitatus (*b*), vt vterque vtilissima ex illo examine eliceret, quae & hic ybique conferri merentur.

Orbita ergo dicitur cauum ossium, ossibus nonnullis crani & faciei interpositum, fere conicum, cuius coni apex posterius, basis anterius in faciem hiat. Multum tamen a figura conica abludit orbita, nempe quae similis est cono recumbenti, & a quatuor lateribus oblique ac inaequaliter depresso & quasi complanato, in primis versus basin, vt pyramidalem potius figuram orbita exprimere videatur. In fetu & infante magis complanata est, cuius sectio transuersalis ellipsis fere refert, in adulto sectio illa ad figuram circularem propius accedit, ita tamen, vt dia-

(*a*) Mem. 1721, p. 312. et Tr. de la tête. §. 206. (*b*) Diff. de quibusdam oculi part. cap. I.

meter horizontalis perpendiculararem semper quodammodo superet. Basis extrema huius caui conici in priora ampliati, quae foras patet, & a parte superiori & inferiori, limbo osseo prominente iterum angustatur. Caua illa conoidea ita sibi sunt apposita, ut vertices coni in linea conuergente ponantur, & axis ad basin perpendicularis cum plano, quod corpus humanum in duas partes aequales, dextram & sinistram diuidit, angulum acutum intercipiat. Sectio nempe ad basin perpendicularis, quae cauum illud conicum in duas partes aequales, superiorem & inferiorem diuidit, triangulum refert aequilaterum, cuius apex in foramine optico est, alterum latus versus nasum, alterum tempora versus basi insistit, & axis perpendicularis extrorsum procurrit, diuergendo ab axi trianguli alterius orbitae. Vtriusque ergo trianguli latera interna in adultis pro parallelis fere sumi possunt; in fetu autem & ipsis subiectis adultis robustioribus a via parallela paululum deflectunt. In fetu enim, ubi cellulæ ethmoideæ nondum excauatae, ossa autem nasi & maxillaria iam formata sunt, latera illa interna anterius longius inter se distant, & posterius conuergunt; in robustioribus demum, ubi cellulæ ethmoideæ ampliores, posterius longius inter se sunt remota, & anteriora versus conuergunt. Facile quoque inde patet, marginem anteriorem orbitae a parte interiori prope nasum longius antrorum produci, ab exteriori vero eundem marginem retrorsum cedere, totumque cauum oblique resecto orificio in faciem patere. Praeterea triangulum illud ita situm est, ut vertex superiori loco ponatur, & basis paululum descendat; in fetu fabrica iterum differt, ubi accurate apex trianguli cum basi in eodem plano horizontali posita esse videtur. Basis ergo illa ita oblique sita est, ut a parte interiori anteriora versus producatur, & ab exteriori retrorsum cedat. Paulo propius nunc examinemus ipsum illud cauum conoideum, seu potius pyramidem ex quatuor lateribus inaequalibus compositam. Paries superior siue lacunar cauatum in arcum ita formatur, ut in medio altissimum ad vtrumque latus descendat. In adultis ab anterioribus ad posteriora in plano horizontali ponitur, ut foramen opticum parum sit inferius margine supercilii, in fetu autem idem lacunar ad planum ad lineam horizontalem valde inclinatum retrorsum

trorsum descendit. Pauimentum itidem a parte anteriori, exteriori, vbi pone marginem eminentem processus maxillaris ossis iugalis foueola infimum locum orbitae occupat, & introrsum & retrorsum oblique adscendit; vnde facile patet, si orbita sectione horizonti parallela diuidatur, foramen opticum in parte superiori situm esse, & centrum bulbi oculi in parte inferiore inueniri (*c*). In fetu iterum aliter se res habet, vbi pauimentum parum adscendit, situm in plano, quod ad lineam horizontalem proprius accedit, et si & ibi introrsum oblique adscendat. Paries ergo interna semper inferius magis extrorsum vrgetur, & pauimento orbitae ad angulum valde obtusum occurrit, quae tamen cum lacunari orbitae angulum fere rectum intercipit, si lacunar arcuatum in planum deductum esse fingas. Eodem modo paries externa cum lacunari ad angulum fere rectum iungitur, & cum pauimento ad acutum satis angulum accedit, ut paries illa inferius quoque introrsum vergit. Cauum ergo orbitae pyramide fere refert, ex quatuor lateribus inaequalibus compositum, cuius latus superius latissimum, inferius angustissimum, exterius quoque interiori multo latius deprehenditur. In homine undique clausum est, posterius tantum & exterius magnis fissuris interruptum. In animalibus autem plerisque paries externa maxima ex parte deficit, vbi sola membrana cauum orbitae a musculo temporali separatur.

§. II.

Ossa, quae orbitam componunt.

Primum os, quod ad orbitam formandam pertinet, & in primis eius lacunar constituit, est os frontis (*d*). Pars enim illius orbiculata, a parte priori & inferiori erigit utrimque superficia firma & arcuata, prope nasum obtusiora, ibi excipientia processus frontales ossis maxillaris, ut vix ibi ultra lacunar orbitae

(*c*) Idem quoque monuit Illustris CAMPERVS loc. cit. §. 9.

(*d*) Conf. hic vbiique ALBINI

descriptio horum ossium in libello utilissimo de ossibus corporis humani.

tae emineant; in exteriorem partem longe deorsum ducta, acuta, multum eminentia, ossibus malae iuncta. Ab illis superciliis retrorsum ducitur lamina tenuis, lata, solida, qua orbitam respicit, laeuis & excauata, alio in loco crassior, in alio tenuissima & pellucida, posterius angustior, qua cum ora anteriori processus superioris ossis sphenoidei iungitur. Non solum autem maximam partem lacunarum orbitae perficit, sed etiam in latere interno anterius deorsum ducta non parum descendit, ubi ossi vnguis & plano iuncta aliqua ex parte parietem internum format, & a parte externa, itidem deorsum ducta alae magnae ossis sphenoidei, & anterius adhuc magis descendens ossi iugali occurrit. Varia in hac ossis frontis parte adsunt foramina & depressiones. Primum anterius superciliis pars nafo propior, obtusior, semper insculptum sibi habet sulcum, interdum satis profundum, interdum leuiorem, qui saepe in verum foramen abit & vasa nervosque ad frontem emittit, cui vicina est leuis eminentia cum depressione pro trochlea. Ipsi demum laminae orbitariae in parte exteriori & anteriori impressa est soueola parum profunda, in omnibus, sanissimis licet cadaueribus semper asperiuscula (*e*), quae glandulam lacrymalem excipit. In ea demum parte, qua cum osse plano coniungitur, loco anteriori inuenitur semper foraminulum, in omnibus fere subiectis solidi ossi frontis proprium, per quod arteria & vena ethmoidea anterior & ramus nasalis rami ophthalmici nerui quinti paris ad narium interiora transmittuntur. Foramen enim ethmoideum posterius plerumque ossi frontis cum osse plano commune est, saepe tamen in solo osse frontis exsculptum, interdum duplex, possum in parte postrema laminae orbitariae, prope os sphenoideum. Omitto foraminula incerta pro arteriis ossis nutritiis.

Alterum os, quod fundum oculi, aliquam partem lacunarum, parietis internae, & externae constituit, est os sphenoideum.

(*e*) Monere hoc visum est, quod in libro nouissimo asperitas illa nimis acri sero glandulae lacrymalis

externam laminam osseam arrodentia tribuatur,

deum. Primum ad orbitam pertinent processus tenues, a basi latiori in acutum abeuntes, & recta fere in latus tendentes, qui facie sua ima & extrinseca oculorum cauis ita supereminent, ut partem posteriorem lacunarum orbitae perficiant, ab ea parte nesi ossi frontis, vti in latere interno ossi plano ipsum huius ossis corpus iungitur, & partem postremam parietis internae constituit. Processus illi tenues cum ipsa basi ossis sphenoidei consti-
tuunt foramina optica, quae incipiunt in crano foramine oblongo & complanato, ita vt pars superior planior, inferior magis femiorbicularis sit. Margo superior cuiuscunque foraminis optici in aciem procurrit, & cum parte rotunda inferiori & ipso corpore huius ossis vtrinque intercicit sulcum, cui dura mater cum neruo optico foramen subitura arcte adnectitur, qui nunquam autem, quod plarimi docuerunt anatomici, arteriam ophthalmicam excipit, quae arteria semper infra neruum per foramen opticum in orbitam penetrat, vt a fulco illo, quem pro diuerticulo huius arteriae habuerunt, ultra dimidiam lineam remota esse videatur (f). In fetu foramen illud multo magis in transuersum ductum, & magis irregulare ac in adulto est. Foramen illud in adulto per crassitatem ossis in priora & exteriora procedit, & simul paululum descendit, & tandem ad posteriora fundi orbitae patet orificio ita oblique resecto, vt paries superior & interior longius anteriora versus producantur, inferior autem & exterior citius desinant, & pars demum orae illius, quae fissuram sphenoideam respicit, omnium maxime fit postrema. Diuiditur foramen opticum osseo margine, lineam fere crasso, a fissura sphenoidea, quae ad latera baseos ossis multiformis, sub processibus huius tenuibus, inter eos & processus eiusdem laterales incipit principio quodammodo orbiculato; adscendendo autem in latus & paulum priora versus in rimam angustiorem contrahitur, & apposito tandem osse frontis terminatur. Principio illo orbiculato fissurae sphenoideae, in parte illius intima infra foramen opticum insculptus est fulcus, interdum satis profundus & fere

(f) Sic fulcum illum pro diuerticulo arteriae habere videntur AL- BINVS loc. cit. §. 57. et BOEH- MER, *Instit. Osteolog.* §. 234.

fere semicanalis, qui ab ea parte ossis sphenoidei, quae craniū cavitatem respicit, anteriora versus procurrit, & in itinere sensim auctus in fundum orbitae foras patet, qui recipit ligamentum commune, ex quo tres musculi oculi oriuntur. Per ipsam autem fissuram sphenoideam transeunt neruorum paria tertium, quartum, sextum, primus ramus quinti paris, vena ophthalmica & arteriola meningea ad orbitam (19). Parietis demum orbitae exterioris maximam partem constituit processus lateralis ex media basi enati, & in priora & exteriora versus producti facies interna, laeuiſſima, fere perpendicularis, ex angustiori initio lateſcens, ibi fere quadrangula aut rhomboidea, cuius latus posterius oblique positum ad fissuram sphenoideam pertinet, superius imposito osse frontis, anterius osse iugali terminatur, inferius autem fissura sphenoidea inferiori ab osse maxillari distat.

Parietem hanc externam demum perficit anterius pars ossis iugalis, concava, laeuis, lata, quae in lunae crescentis modum a priori gibba parte in orbitae cauum reflexa, sursum ad os frontis, retrorsum ad processum lateralem ossis sphenoidei, deorsum ad os maxillare progredivit, cum quo non solum in cauo orbitae, sed processu quoque suo sic dicto maxillari, eminente iungitur, & sic inprimis marginem anteriorem, a parte inferiori & exteriori maxima ex parte constituit. In hac parte ossis iugalis in orbita apparet foramen, quod in canalem dicit, qui neruum subcutaneum malae quinti paris emitit.

Pauimentum denique orbitae fere totum facit ossis maxillaris pars supra antrum Highmori, tenuis, plana, laeuis, plerumque solida, interdum ex duabus lamellis composita, quae inter processum maxillarem ossis iugalis, & inter os vnguis ex principio angustiori lateſcit, accliuis ad partem interiorem & posteriorem. Jungitur a parte interiori ossi vnguis, ossi plano, &

(19) Suppl. Cap. VII, §. 19.


& demum ossi palatino, quod exigua parte plana, laeui, portionem posteriorem pavimenti orbitae perficit. Os illud maxillare cum palatino separatur a processu laterali sphenoideo fissura sphenoidea inferiori, quae ampla in priora & exteriora ad os usque iugale procedit, fine latiori ampla terminata. Ab illa fissura ante eius finem anteriorem tanquam ramus secedit ductus infraorbitalis, in ipso osse maxillari exsculptus, qui primum superius patens in verum demum canalem osseum abit. In omnibus fere sceletis lamina illa ossea, quae ductui infraorbitali imposita est, futura ad oram anteriorem orbitae usque dirimitur, inter quam futuram & sulcum pro sacco lacrymali depresso in osse maxillari obseruatur, vnde musculus obliquus inferior originem dicit. Margo demum anterior paululum eminens ossis maxillaris ante os vnguis adscendit, vbi aliquam partem ductus lacrymalis facit, & sensim explanatus, cum processu ossis frontis iungitur, & marginem anteriorem parietis internae & ductus lacrymalis constituit.

Os enim vnguis, quod anteriorem partem parietis internae format, duplicem habet faciem, spina descendente acutiori diuisam, alteram minorem depresso, in sulcum exsculptam, qui ex planiori sensim profundior, in verum canalem osseum, ab osse maxillari factum, terminatur; alteram posteriorem maiorem, laeuem, planam, inter os frontis, planum & maxillare interpositam. Reliquam demum partem parietis internae perficit os planum, lamina nempe solida, tenuis, plana, polita, quadrangularis ossis ethmoidei, quae superius iuncta ossi frontis, posterius basi ossis sphenoidei, inferius palatino & maxillari, anterius ossi vnguis orbitam ab hoc quoque latere claudit.

Cauum illud vndique conuestitur propagine durae matris (20), quae cum neruo optico ex cavitate cranii egressa ad oram

(20) Suppl. Cap. VII. §. 20.

oram externam huius foraminis in duas diuiditur membranas; quarum altera ad neruum se applicans, vaginae in modum illi circumposita ad oculum vsque progreditur, altera ex eo diuisio-
nis angulo extrorsum reflexa, orbitam vndique obducit, & in illius verum periorum degenerat, et si illud ossibus orbitae mi-
nus valenter, quam alibi in corpore humano fieri solet, adhae-
ret, vt tamen inter illud periorum orbitae & reliquorum ossium
periorum nihil discriminis intercedere videatur.



CAPVT VIII.
DE
MVSCVLIS BVLBI OCVLI.

§. I.

Historia horum muscularum.

GALENVS (*a*), qui primum musculos bulbo oculi insertos in vnum tendinem coniungi docuit, de origine tamen illorum nihil omnino tradidit, & fabrica brutorum male ad corpus humanum translata, illo nempe musculo suspensorio constantissime adnumerato, septem musculos oculo tribuit, & obliquum superiorem ex magni anguli regione ducit (*b*). **VESALIVS**, et si saepe **GALENVM** reprehendat, quod animalia tantum se-cuerit, in eundem tamen errorem incidit, qui pessimo consilio ad fabricam brutorum eundem musculum suspensorium in oculo humano pinxit, & descripsit (*c*), vt hanc ob causam omnium, qui eo tempore vixerunt, Anatomicorum reprehensionem incurseret; in eo in primis taxandus, quod musculum illum, licet a **FALLOPIO** monitus, deserere tamen noluerit; primus tamen originem tam rectorum, quam obliqui superioris a nerui optici inuolucro, & dura matre orbitae descripsit, & **FALLOPII** obseruationibus excitatus trochleam addidit, & reliqua multum correxit (*d*). Optime autem meriti sunt de historia muscularum **FALLOPIVS** & **EVSTACHIVS**; quorum ille descriptione verum numerum senarium muscularum constituit, originem tam rectorum quam obliqui superioris & inferioris accurate indagauit, trochleam primus descripsit, in decursu inferioris autem omnino peccauit (*e*). Quae ille descriptione, **EVSTACHIVS** & adhuc

(*a*) *De usu part. L. X. c. 8.*

(*b*) *De musc. diff. cap. 5.*

(*c*) *De fabrica corp. hum. L. II.*

c. XI. L. VII. c. XIV. f. 1.

(*d*) *Examen obseru. Fallop. pag.*

781. edit. Albin.

(*e*) *Obseru. anat. p. 711.*

adhuc meliora quidem iconibus praesitit (*f*); verum nempe numerum, originem & insertionem muscularum ibi tradidit, trochleam ante **FALLOPIVM** sibi visam primus delineauit, verum decursum obliqui minoris sub inferiori recto & intra exteriorem, optime proposuit, declinatis **FALLOPII** & **VESALII** erroribus; circa subtiliora quoque sollicitus, diuersam longitudinem & directionem rectorum, illorumque & vtriusque obliqui veram insertionem expressit, tendines quidem muscularum breui ante insertionem latescere, nullibi tamen in vnam tunicam coniungi vidit. In vniuersum illius figurae ea fide & diligentia factae sunt, vt, si in lucem suo tempore prodiissent, vel recentiorum inuenta multa occupasse viderentur. **VIDVS VIDIVS** (*g*) post **EVSTACHIVM** trochleam primus pingit. **COLVMBVS** (*h*) autem musculos oculi mire confundit, & obliquum superiorem cum palpebrarum muscularis confundere videtur; tunicam innominatam ex tendinum vniione ortam in parte anteriori scleroticae finxit. **CASSERIVS** (*i*) tum ex homine tum ex plurimis animalibus musculos oculi & quidem in situ naturali offibus orbitae adfixos primus delineauit, fictitiam tunicam innominatam **COLVMBI** reiicit; male tamen rectos nimis posterius insertos, vti vtriusque obliqui decursum nimis ruditer representat. Parum est, quod post illa tempora ad hoc vsque saeculum Auctores addiderunt. **FABRICIVS** (*k*) tamen & **RIOLANVS** (*l*) vaginam tendinis obliqui superioris trochlea egressi habent, & **MOLINETTVS** (*m*) rariorem illum trochlearem accessorium musculum memorat. **BIDLOI** (*n*) figurae vix utiles esse possunt, quae musculos repraesentant ex orbita euulsos, illorum origine, directione & accurata insertione omnino neglecta; nec **VERHEYENIVS** (*o*), cuius tamen figurae in plurima compendia

(*f*) *Tab. Anat. XXXIX. f. 2.*
3. 4. 5.

(*g*) *De anat. Tab. 78. f. 3.*

(*h*) *De re anat. L. V. c. VIII.*
IX.

(*i*) *Pentaeith. de organo visus.*
T. I. II. III. IV. L. V.

(*k*) *De oculo. P. I. c. XI. P. III.*
c. XII.

(*l*) *Anthropol. L. 4. c. 4. in ad-*
ministr. anat.

(*m*) *Diff. anat. c. IV.*

(*n*) *Anat. corp. hum. T. XI.*

(*o*) *Anat. corp. hum. Tr. IV. c.*
XIV. Tab. XXVII.

pendia transierunt, ad ea, quae a prioribus accepit, quidquam adiecit. **COWPERVS** (*p*) veram tendentiam musculi vtriusque obliqui versus posteriora post **EUSTACHIVM** restituit, & illorum nouum usum inde deduxit, rectos quidem, vbi in tendines abire incipiunt, nimis angustos repraesentat, optime tamen exprimit, quam longe ipsorum tendines scleroticae iam inserti inter se distent. **VALSALVA** (*q*) diligentius ortum muscularum rimatus optime quidem obseruauit, musculos rectos prope originem omnes inter se coniungi, annulum autem moderatorem nerui optici, quem a fibris muscolosis prope ortum circa neruum circumductis, & inter se connexis effici tradidit, nullus post illum obseruare potuit. In figura adiecta (*r*) diuersam crassitatem, & latitudinem muscularum bene expressit. **MORGAGNIUS** in priori libro (*s*) fabricam trochleae, & directionem & insertionem vtriusque obliqui post **COWPERVM** accuratius indagauit, & vaginam tendinis obliqui superioris restituit. **WINSLOWVS** eadem fere propiori examini subiecit (*t*) & praeterea diuersam rectorum longitudinem & directionem verumque situm exposuit, illumque ex situ orbitae necessarium ostendit, omniumque partium fusiores dedit descriptiones (*u*). **MORGAGNIUS** demum in recentiori libro (*x*), quae alibi attigerat, confirmauit, & accuratius examinauit, ad decursum & insertionem omnium muscularum, & trochleae fabricam multa adiecit, vaginam cellulosam rectorum, eorumque diuersam longitudinem & crassitatem adnotauit, annulum moderatorem nerui optici **VALSALVÆ**, & tunicam innominatam **COLVMBI** cum **VALSALVA** refutauit, & omnia doctissima historia critica illustrauit. Ill. **LIEVTAVD** (*y*) musculos oculi non ex uno circulo circa neruum opticum oriri vidit, aliamque eorum originem ad dextrum latus huius nerui

- (*p*) *Myol. reform.* T. XXV. fig. 2. 3. 4. edit. 1724.
- (*q*) *Diff. Anat.* I. §. 25. II. §. 2. 3.
- (*r*) *T.* 3.
- (*s*) *Adu. Anat.* VI. animadu. 27. 28.
- (*t*) *Mem. Acad.* 1721. p. 311.
- (*u*) *Tr. de la tete.* §. 241. sqq.
- (*x*) *Epist. Anat.* XVI. §. 18. sqq.
- (*y*) *Eff. anatom.* p. 125. Tab. III. fig. 3.

nerui proposuit. Ill. **HALLERV**S (*z*) & originem & insertionem muscularum subtiliter rimatus multa hic accuratius definit. Figurae muscularum oculi de **CORCELLES** (*a*) speciosae quidem, sed minus accuratae sunt, minusque distincte & originem & insertionem repraesentant. Ante omnes hic eminet Ill. **ALBINVS** (*b*), qui accuratissimam descriptionem horum muscularum exhibuit, & omnia iconibus, quae veram fabricam optime repraesentant, summa fide illustravit.

§. II.

De muscularum origine communi ex fundo orbitae.

Superiori capite iam monuimus, **VESALIO** (*c*) laudem deberi, quod primus omnium originem muscularum oculi ex fundo orbitae descripscerit, quam demum originem a **FALLOPIO** (*d*) confirmatam omnes reliqui Anatomici facile acceperunt. Etsi autem inter se differant, quod alii cum **EVSTACHIO** (*e*) illas vnicē a vagina nerui optici, alii a periostio orbitae & ipso diuisionis durae matris angulo musculos illos deducant; in eo tamen omnes consentiunt, musculos illos ex uno circulo circa neruum opticum oriri, illumque neruum in orbitam intrantem complecti, quae quidem sententia ad nostra usque tempora obtinuit. Vix enim litem illam multum attendendam esse censeo, qua disputatur, num musculi illi a dura matre, an ab osse veniant. Hi enim musculi, ut omnes reliqui corporis humani periostio inseruntur, quod hic minus valenter ossi adhaeret, aliis autem in locis intimius cum osse coniunctum est, ut eodem iure ab ipsis ossibus, ut in aliis musculis fieri solet, quam a dura matre siue periostio origo illorum deduci posse videatur. Primus omniam

(*z*) *Comm. Boerhaav. T. IV. §. DXXX. Prim. lin. phys. §. DXII.*
 (*a*) *Icon. musc. capit. T. II. III.*
 (*b*) *Hist. musc. L. III. cap. XXIII. XXIV. XXV. Tab. musc. hom. XL.*

fig. *XVII-XXVI.*
 (*c*) *De fabrica corp. hum. L. II, c. XI.*
 (*d*) *Obseru. anat. p. 711.*
 (*e*) *Tab. XXXIX. f. 2. 5.*

omnium est III. LIEVTAUD (*f*), qui a communi via secedere affer-
mus ortum muscularum aliter, sed breuissime, ita proposuit, vt,
dum quaedam minora vitia vitauit, in alia maiora incurrere vi-
deatur. Docuit enim, quatuor musculos rectos conum formare,
cuius apex centro pupillae respondeat, ortumque ducere a
membrana, quae partem inferiorem foraminis laceri obturat,
obliquum vero maiorem non a fundo orbitae, sed ad latera ner-
ui optici oriri, vt inter illius & reliquorum muscularum origi-
nem nenuis opticus intermedius ponatur. Multo propius ad ve-
ritatem accedit III. ALBINVS (*g*), qui musculum attollentem,
adducentem, deprimenterem, obliquum superiorem & ex parte
abducentem, a margine foraminis optici deducit, & attollen-
tem totum, reliquos aliqua ex parte cum vagina nerui cohaere-
re affirmat. Multa tamen hic sunt, quae aliter sese habere, ex-
perientia me docuit; quantum vero eius descriptiones cum ob-
seruationibus meis conueniant, suis vbiique locis docebitur.
Generalia quaedam circa ortum horum muscularum praemittan-
mus. Superiori capite docuimus (*h*), foramen opticum ostio
ita oblique resecto in orbitam aperiri, vt paries illius ossea in
parte superiori & adhuc magis in parte interiori longius produ-
catur, in parte exteriori & inferiori citius terminetur, & ini-
tium rotundum fissurae sphenoideae posteriorem magis locum,
quam foramen opticum occupet. Quum autem dura mater,
cum neruo adlata vbiique ossibus immediate adhaereat, fieri
omnino non potest, quin angulus diuisionis, qua dura mater in
duas laminas secedit, ad latus superius & interius loco magis
anteriori ponatur, & dura mater ad oram inferiorem & exterio-
rem citius & posteriori magis loco in duas laminas diuidatur.
Ex hac ipsa autem structura patet, vel si, vti hucusque credi-
tum fuit, omnes musculi oculi ex illo diuisionis angulo oriен-
tur, illos oriri non posse in eodem circa neruum plano, & ne-
cessario adducentem & attollentem loco magis anteriori origi-
nem ducere, adducentem & deprimenterem loco multo posterio-

ri,

(*f*) *Eff. anat.* p. 125.

(*g*) *Explic. Tab. XI. musc. hom.*

f. XVII. XXVI.

(*h*) *Cap. VII. de orbita.* §. 2.

ri, & vel hanc ob diuersam originem alterum altero esse debere longiorem. Num autem omnes ex duplicatura durae matris circa neruum opticum oriantur, mox videbimus.

§. III.

De ligamento communi, unde oriuntur musculi adducens, deprimens, & abducentis caput alterum.

Superiori capite iam monui, principio orbiculato fissurae sphenoideae, in parte illius intima infra foramen opticum, esse insculptam crenam, & saepe semicanalem, qui ab ea parte ossis sphenoidei, quae cranii cauitatem respicit, anteriora versus procurrit, & in itinere sensim profundior in fundum orbitae foras patet, cuius nullibi mentionem factam fuisse video. Canalis ille recipit ligamentum, siue tendinem verum splendentem ortum ex durae matris illa parte, quae hic ossibus annexa vna cum neruis fissuram illam obturat, & in verum periostium degenerare incipit. Tendo ille loco plane recondito delitescit sub fasciculo, quem nerui per hanc fissuram in orbitam venientes, ope cellulosae componunt, vt, nisi omnibus illis remotis, in conspectum veniat, tota crassitie marginis ossei a foramine optico seiunctus (*i*). Sic in fulco longe ultra lineae spatium anteriora versus decurrit, &, ubi ad oram internam, qua principium rotundum fissurae sphenoideae orbitam respicit, peruenit, sensim paulo latior, tribus oculi musculis, adductor, depresso-ri & abductor, sed huic tantum ex parte, originem praebet (*k*).

In

(*i*) *Ill. ALBINVS* describit hoc loco ligamentum, quod a latere partis inferioris foraminis optici qua parte foramen illud respicit, quod mox infra illud sequitur, incipit, indeque pertinet ad oppositum sibi marginem foraminis illius, qua id rotundum est, iuxta marginem

inferiorem principii rimae, in quam abit. *Myol. Tab. XI. fig. 26. expl. sub lit. c.* Idem ligamentum, sed loco insertionis motum, pingit *eadem fig.*

(*k*) *ALBINVS* solum caput maius abducentis & exiguum partem deprimentis ex suo ligamento deducit.

In loco enim illo obscuro, multaque fluida fere pinguedine repleto, tendo modo dictus palmatim continuatur in quatuor propagines, quae ipsam muscularum carnem intercipiunt, vt inter extimam aliamque paulo interiore caro musculi abducentis, inter istam aliamque adhuc magis interiore, caro musculi deprimantis, & inter hanc & intimam caro adducentis contineatur, quarum propaginum illae, quae abducenti & deprimenti, & quae deprimenti & adducenti se interserunt, iterum se dividunt in duas partes, vt altera propago partim in abducentem, partim in deprimentem, & altera iterum partim in deprimentem, partim in adducentem progrediatur. Tendineae hae productio-nes, vt progrediuntur, latefcunt & extenuant se, caro autem intermedia muscularum mox a tendineo capite incipit, deinde sensim in itinere intumescit (*l*). Simile & analogum talis stru-turae exemplum habemus in communi tendineo illo principio ex osse humeri nato, vnde extensor communis digitorum, radialis breuior, vlnaris externus, anconeus & extensor proprius auricularis oriuntur, a cuius tendinei principii propaginibus, quae sepimentorum instar muscularis se interserunt, sensim se extenuantibus caro illorum muscularum oritur (*m*). Communi ergo illa origine perspecta, ad singulos musculos progrediamur, & primum dicemus de interiori siue adducente.

§. IV.

De origine musculi adducentis.

Carnem huius musculi modo docuimus contineri inter duas propagines tendineas, quarum altera exterior primum cum propagine tendinea musculi deprimantis connexa, recta fere a tendine communi antrorsum fertur, & in itinere parum interio-ra versus deflektit, nerui optici vaginae non cohaerens; altera autem, quae maxime intima & neruo optico proxima est, statim a communi suo tendine discedit, introrsum & paulum an-trorsum,

(*l*) *Vid. Tab. nostr. V. f. 3.*

(*m*) *Conf. accuratissimam descri-*

ptionem ALBINI Hist. muscul, L.

III Cap. CLIV.

trorsum, & deinde sursum ad latus internum nerui optici tendit ad eum usque locum, ubi fibrae huius musculi superiores cum fibris musculi attollentis cohaerent. Dum propago illa tendinea sub neruo optico introrsum gliscit, ad latus eius internum angulo diuisionis durae matris arctissime agglutinatur, ut vix a dura matre possit separari. Nulla autem fibra, exceptis supremis cum attollente cohaerentibus, nec ex diuisionis durae matris angulo, nec ex inuolucro nerui oritur, sed fibrae carneae omnes ex propagine illa tendinea oriuntur, ad quam dum proxime accedunt, & tendinescere nunc incipiunt, rectum suum iter paulo relinquent, & versus tendinem illum communem se se detorquent, ut omnes versus communem originem ferantur, vti fere Palmae, aut aliis plantae folia uno versu disposita, ad caulem vergunt; infimae autem ex propagine sua tendinea recta statim antrorsum decurrent (*n*). Annon VALSALVA forte musculi huius fibras carneas rectum iter relinquentes, & versus deprimentem inflexas vidit, quibus demum annulum suum effinxit, quum eiusmodi lineam tendineam, in quam fibrae carneae inflexae desinerent, neruo optico vndique circumiectam esse crederet (*o*)? Linea illa tendinea & inflexio fibrarum a parte interna neruum opticum respiciente optime respici potest, a parte externa autem fibrae carneae recta fere in lineam tendineam inserere se videntur. Ill. ALBINVS (*p*) originem huius musculi paulo aliter describit, cui duo capita tribuit, alterum crassum & tendineum, ortum ab inferiori parte foraminis optici & a proxima lateris eius, quo nasum respicit, cum neruo nihil cohaerens; quae fabrica descriptioni nostrae originis partis inferioris huius musculi optime respondet; alterum vero caput dicit esse gracile, cohaerens cum leuatore, attollente & obliquo maiori, & cum vagina nerui optici connexum. Interuallum autem, quod inter utrumque caput delineat (*q*), nunquam omnino

(*n*) *Vid. nosfir. Tab. V. f. 2.*

Ium illum ipse reiicit amicus MORGAGNIUS epist. cit. §. 23.

(*o*) *Dissert. anat. I. n. XXIV.*
XXV. Diff. II. n. 2. MORGAGN.
epist. anat. XVI, §. 18. Sed annu-

(*p*) *Tab. XI. f. XXV, explic.*
(q) Fig. cit. lit. b,

no obseruaui, sed semper partem inferiorem & superiorem per lineam illam tendineam inter se cohaerere, & vnum tantummodo caput, nullo modo diuisum, efficere animaduerti. Fibrae ergo omnes ortae a linea tendinea, eaeque inflexae, superiores autem & inferiores rectae, & cum vicinis musculis connexae, statim in musculum latum, reliquis crassiores intumescent, qui inter parietem internam orbitae, & neruum opticum recta antrorum decurrit, vt vtriusque oculi musculi adductores parallelo fere itinere progredi videantur, vti inferius statim fusius videbimus.

§. V.

De origine musculi deprimantis.

Inferior originem simplicem omnino habet, cuius fibrae nullibi intortae, sed recto itinere ab ortu antrorum feruntur. Fibras ergo suas carneas colligit, & quidem medias easque plurimas ab ipso medio tendine communi, laterales autem a tendineis propaginibus, quae sibi cum duobus vicinis musculis, adducente & adducente sunt communes, vt origo quidem huius musculi ab vtroque latere cum musculis illis sit connexa (r), nullibi tamen sub eorum principiis delitescat, vti Ill. ALBINO (s) visum est. Omnino autem latet sub vtroque ramo nerui tertii paris, sexto, & ramo nafali frontalis quinti, in vnum fasciculum coniunctis, quibus situ motis, origo inter vtrumque musculum modo dictum intermedia libere in conspectum venit; & optime tunc appareat, illam tota crassitie marginis osseae inferioris foraminis optici ab ipsa nerui optici vagina remotam esse, nec vnica quidem fibra cum illa cohaerere. Sic tectus musculus ramis in primis tertii paris, & neruo optico extrorsum flexo,

re-

(r) *Vid. Tab. nostr. V. f. 3.*

(s) ALBINVS praeterea docet, musculum hunc exigua tantum parte a ligamento sibi dicto oriri; alte-

ro autem et principio tendineo, et nihil quidquam cum neruo cohaerente ab inferiori margine osseo inter foramen opticum et fissuram sphenoideam. *fig. XXIV, not. a.*

recta antrorum decurrit, & in itinere paululum descendit, vbi-
que multa pinguedine suffultus.

§. VI.

De origine musculi abducentis.

Abducens in origine multo magis compositus est, & ma-
nifeste duo habet capita, quae in vnum ventrem demum con-
iunguntur, alterum maius inferius & posterius, alterum minus
superius & anterius. Caput maius (*t*) inferius oritur ex com-
muni illo tendine, fibrasque colligit, tum ex tendinea propagi-
ne inter illum & musculum deprimenterem intermedia, cuius ope
cum illo musculo indissolubili nexu coniungitur; tum ex ipso
communi tendine, tum ex tendinea illa productione, quae
omnium, quas communis ille tendo generat, extima est. To-
ta haec origo latet sub fasciculo illo, quem ramus vterque nerui
tertii paris, sextus, ramus nasalis quinti & multa denique cel-
lulosa constituunt, vti de origine deprimenteris diximus, & a va-
gina nerui optici longius adeo distat, quam origo deprimenteris.
Ab ipso autem ligamento communi tendinea propago extima ex-
trorsum, antrorum & sursum deflectitur, circumductus fasciculo
illo neruo modo dicto, & coniungitur, vbi super illum lunato
ductu adscendit, cum alia propagine tendinea capitis minoris;
Caput enim illud minus (*u*) oritur ex perostio orbitae, conue-
stiente illum marginem ossis multiformis, qui inter foramen ner-
ui optici & quod infra id sequitur, medius est, ita vt fibrae su-
premae & intimae huius capitatis, cum fibris exterioribus mu-
sculi attollentis connexae & cohaerentes, ex ipso quidem diui-
sionis angulo proueniant, satis tamen exteriora versus a neruo
optico

(*t*) Caput crassius ALBINI fig.
XXVI. explic. a. quod partim ab
inferiori parte foraminis optici, par-
tim a ligamento fibi dicto, partim a
proxima parte marginis fissurae sph-
enoideae oriri scribit.

(*u*) Caput gracilis ALBINI fig.
ead. lit. b. quod ab initio connecti-
tur cum attollente, vnaque cum eo
a foramine optico oritur, et cum
vagina nerui cohaeret.

optico remota, vt nulla capitis huius fibra vaginam illius nerui attingere possit, fibrae autem exteriōres desinant in lineam tendineam, quae orta ex dura matre, marginem superiorem principii rotundi fissurae sphenoideae conuestiente, super funiculum illum nerueum extrorsum & antrorsum decurrit, vt capiti maiori iungatur. Dum ergo duae illae lineae tendineae capitis maioris & minoris in arcum coniunguntur, & lunato ductu coeunt, medium inter se relinquunt interuallum, per quod, fasciculus ille ex neruis tertii, & sexti paris, & ramo nasalí quinti compositus, in cauum conicum a musculis oculi formatum ingreditur (x), cum quartus, reliqui rami quinti paris & vena ophthalmica, cauo illo exclusi, inter duram matrem & musculos iter suum prosequantur, sub quibus in fundo orbitae origo huius musculi ita latet, vt, nisi illis remotis, conspici non possit. Arcus ille tendineus coniunctione vtriusque capitis formatus, vbiique arcissime annectitur, firma & breui cellulosa, durae matri, reliquam fissurae sphenoideae partem, in rimam angustiorem contractam, obturanti, ex cuius arcus conuexitate reliquae fibrae mediae carneae huius musculi oriuntur, vt omnes illae fibrae ab ipsa statim origine antrorsum decurrant. Eadem nempe fere hic fabrica obtinet, ac in origine musculi adducentis. Cum enim vterque musculus a natura destinatus videatur, vt bulbum oculi recta ad suum latus, alter ad exteriōris, alter ad interius ducat, in vtroque autem origo infra nervum opticum sit; plurimae fibrae carneae non ad primam illam originem pertingunt, sed in lineam tendineam ex ligamento communi adscendentem desinunt, quarum illa in musculo adducente angulo diuisionis durae matris ad latus internum nerui optici adfigitur, altera autem, quae arcum format in musculo adducente, durae matri parietis externae orbitae annectitur,

qua

(x) Conf. Tab. V. f. 2. ALBIVVS itidem inter vtrumque caput adducentis pingit interuallum, per quod sextum et tertium neruum in cauum musculofum progredi scribit, nasalis nerui oblitus, cui certe nul-

la alia via relinquitur, explic. fig. 27. lit. k. Simile interuallum videtur vidisse VALSALVA, vbi in indignatorio annulum minorem pingit, et describit. Diff. anat. II. n. 2. T. 3. f. 1. 2. 3.

qua connexione directio ita mutatur, vt hi musculi oculum **non** versus primam originem, sed versus lineam tendineam, vnde fibrae eorum carneae veniunt, ducere possint. Similis ergo fere est hic mechanismus, ac in biuentre maxillae inferioris, tendine suo intermedio lata aponeurosi ossi hyoidi annexo, vt superius licet ortus maxillam tamen deorsum trahere possit. Fibrae ergo carneae in vnam carnem collectae, ab origine paulum extrorsum flexae, musculum constituunt, qui anteriora versus progressus, ad latus exterius bulbi oculi accedit.

§. VII.

De origine musculi attollentis.

Ex quatuor illis rectis supereft adhuc attollens, qui vti iam ab ALBINO (*y*) fuit obseruatum, oritur obliquo ortu partim a perioftio orbitae, quod marginem offis multiformis, inter foramen opticum & fissuram sphenoideam intermedium succingit, quae fibrae cum capite minori musculi abducentis ibi coniunctae, & loco magis posteriori prouenientes, vix cum vagina nerui optici cohaerent. Inde autem ex ipso fitu orbitae principium huius musculi obliqui super neruum opticum paulo antrorsum & introrsum vergit, & fibris demum interioribus cum parte superiori musculi adducentis confunditur. Fibrae illae ad ipsam supremam partem foraminis optici ex diuisione durae matris prouenientes, ex parte in vaginam nerui optici se inferunt (*z*), & impositum sibi habent leuatorem palpebrae, quem nunquam inter attollentem & obliquum superiorem intermedium vidi, vti plurimi libri Anatomici suadere videntur (*a*). Ex quatuor ergo musculis rectis oculi attollens solus is est, qui ex angulo

(*y*) *Hist. musc.* L. III. cap. 24. nerui illum cohaerere affirmat, fig. Tab. musc. XI. f. 23. 21. a. a. expl.

(*z*) Ipse ALBINVS cum vagina (*a*) v. g. WINSLOW. §. 285. EVSTACH, T. XXXIX, fig. II,

gulo diuisionis durae matris proprie ortus fibras inferiores in vaginam nerui immittat (b).

Ex data hac descriptione originis muscularum oculi, iteratis experimentis nata apparet, quam parum dici possit, musculos oculi oriri ex angulo diuisionis durae matris, & ipsa vagina nerui optici, ex uno fere circulo, quum solus attollens & adducens ope lineae tendineae vaginae illius cohaereat, deprimens autem & abducens tota origine ultra lineae spatium ab illa distent. Sed aequa peccat Ill. LIEVTAUD (c), qui omnes musculos ad dextrum latus nerui optici ex dura membrana oriri perhibet, ut apicem coni, quem formant, ultra tres lineas a foramine optico distare credit. Vidisse videtur originem trium muscularum, ex ligamento communi, quam tamen fabricam non ea, qua par est, diligentia indagauit; facile enim vidisset, neque superiorem neque adducentem ad dextrum latus nerui optici oriri, neque ipsum illud ligamentum, ad trium linearum distantiam a foramine optico seiunctum esse, quum apex coni musculos inter foramen opticum & ligamentum commune cadere videatur.

§. VIII.

Insertio muscularum oculi.

Quatuor illi musculi ab initio tenues & tendinei in itinere carnei facti intumescunt, & in media parte latiores evadunt.

Vbi

(b) Originem huius musculi vide in Tab. V. fig. 2. 3. Omnes ergo quatuor illi musculi in origine inter se cohaerent indissolubili nexu, attollens cum adductore, hic cum depressore, hic cum abductore, ut cauum conicum forment superius aliqua ex parte clausum, cuius basis ipse bulbus oculi est, eiusdem fere cum orbita figurae, latere interiori

breuiori, exteriori longissimo, in quo arteriolae ciliares, neruuli ciliares cum ganglio, & reliqui nerui musculos oculi adeentes continentur, a reliqua parte caui orbitae ferre seclusi.

(c) Opinionem illius de origine horum muscularum amplectitur PETIT in *Palfyn Anat. Chirurg. Tom. II. p. 417.*

V 2

Vbi ad bulbum oculi proprius accedunt, obduci incipiunt **vagina** **cellulosa**, sensim arctiori, & arctissime carni annexa, vt difficulter omnis auferri queat, quae cellulosa demum in parte anteriori bulbi, cum **vagina** tendinis obliqui maioris confusa in illam **cellulositatem**, quae scleroticae & coniunctiuae interposita est, degenerat (*d*). In media autem bulbi parte iterum angustiores facti & extenuati sensim abire incipiunt in tendines **tenues**, & carnea parte multo latiores fere quadrangulos (*e*), qui, dum circa bulbum trochleae instar se inflectunt, scleroticam paulo excauant, sinumque sibi parant, quo excipientur, vt si contra affixionem tendinum scleroticae partem disseces, illam ibi certe tenuiorem, ac in intersticiis tendinum deprehendas (*f*). Tendines illi in taenias latiores sensim expansi in parte anteriori bulbi longe ultra eius medietatem, in uno circulo, qui proximus corneae est, scleroticae inseruntur (*g*), vt omnes illae quatuor insertiones aequali spatio a cornea distent. Superius autem iam docuimus (*h*), nullibi tendines sese contingere, & in unam tunicam confluere, sed, licet versus finem semper latefcant, vel proxime tamen circa corneam, satis magno a se inuicem separari interuallo. In ipsa insertione cum sclerotica intimo nexu ita concrescunt, vt sine manifesta laceratione ulterius diuidi, aut ad corneam usque deduci non possint.

§. IX.

(*d*) Vaginam illam cellulosam iam attigit MORGAGNIUS epist. XVI.

§. 37.

(*e*) Vide fig. EVSTACHII et ALBINI loc. cit.

(*f*) Idem velle videtur PETIT, vbi affirmat, rectos adcumbendo oculum planiorem reddere, et sub illis scleroticae esse tenuiorem. Mem. Acad. 1726. p. 70. Cum quo consentit Ill. DE HALLER. Comm.

Boerh. T. §. DXXX. not. f.

(*g*) Multi certe insertiones rectorum nimis ad posteriora retrahunt, quod tenendum est in figuris CASSERII, SPIGELII, COWPERI, VERHEYENII, COVRCELLES. EVSTACHIANAE et ante omnes ALBINIANAE icones proxime ad naturae normam accedunt.

(*h*) Cap. I. de sclerotica, §. VIII.

§. IX.

*Diuersa singulorum muscularum directio, longitudo,
crasficies.*

Ex ipsa, quam superiori capite dedimus, orbitae osseae descriptione satis iam appareat, musculos rectos a latere interno orbitae ortos, diuersa directione ad oculi bulbum incedere debere. Causa nempe illa conoidea, quorum apices foramina optica ponuntur, ita sibi sunt apposita, ut latera interiora fere sibi sint parallela, axes autem illorum cauorum extrosum divergant. Foramen autem opticum, & principium rotundum fissurae sphenoideae, & ille sulcus in eius parte intima, qui ligamentum commune excipit, in ipso illo latere interno exsculpta sunt, ut centrum oculi ad distantiam semidiametri huius bulbi magis sit exterius, longiusque distet a plano, quod corpus humanum in partem dextram & sinistram diuidit, quam foramen opticum. Praeterea, si per centrum bulbi planum horizontale ducatur, quod orbitam in partem superiorem & inferiorem secat, primo statim intuitu appareat, non solum foramen opticum, sed ipsum sulcum ligamenti communis in parte superiori satis magno interuallo vltra id planum positum esse. Denique tenendum est, orbitae orificium anterius ita oblique resectum in faciem foras patere, ut margo exterior multum retrorsum cedat, interior vero longius anteriora versus progrediat. Quae cum ita sint, nerus opticus non solum oblique exteriora versus flecti, sed etiam non parum descendere debet (*i*), ut ad locum insertionis veniat, qui demum in parte interiori intra planum perpendiculare, per centrum bulbi ductum, bulbum adit. Quum autem muscularum origo sub neruo optico vix aut valde parum certe vltra planum perpendiculare, quod per orificium internum huius foraminis transit, in exteriorem partem secedere videatur, fieri non potest, quin musculi ab ipsa origine diuersa inter se directione ad locum insertionis pertingant;

(*i*) Nerum opticum foramine suo egressum non parum descendere iam monuit CAMPERVS in diff. de quibusdam oculi partibus. Cap. I. §.
9. f. 3.

gant; musculus ergo adducens recto, & itinere fere parallelo cum socio alterius oculi ad bulbi partem anteriorem perueniet, vt illius insertio a plano perpendiculari, per ligamentum commune ductum, vix in exteriora deflectere videatur. Abducens autem non potest non secundum directionem parietis externae orbitae extrorsum flecti, & propter obliquum & incuruum incessum nerui optici in arcum fere duci, cuius conuexitas parietem externam orbitae respicit. Attollens & deprimens in eodem fere plano perpendiculari incidentes ab origine paululum exteriora versus sedent, itinere fere cum axi orbitae parallelo (*k*). Omnes autem quatuor, & magis quidem deprimens & adducens descendunt, & deprimens per planum horizontale, quod per centrum bulbi ducitur, transire debet, vt ad locum insertionis multo inferiori loco positum peruenire queat. A diuersa hac directione diuersam eorum pendere longitudinem, facile patet. Quum locus insertionis abducentis a ligamento communi longissime omnium sit seiuinctus, insertio autem adducentis origini communi omnium proxima, sponte sequitur, abducentem esse debere longissimum, adducentem breuissimum; duo autem reliqui fere inter se sunt aequales, breuiores abducente, longiores adducente; plerumque tamen deprimens attollente longior esse videtur. Sic iam olim EVSTACHIVS (*l*) abducentem omnium longissimum & exteriora versus incuruum delineauit, & adducentem breuissimum eumque rectiorem, quod a MORGAGNIO (*m*), WINSLOWO (*n*), ALBINO (*o*), HALLERO (*p*) vnanimi consensu confirmatur; vti VALSALVA (*q*), COWPERVS (*r*), & ipse ALBINVS (*s*), deprimen-

tem

(*k*) Diuersam modo dictam directionem muscularum ab EVSTACHIO Tab. XXXIX. iam optime expressam, omnibus fere reliquis neglectam restituit WINSLOWVS Mem. Acad. 1721. p. 314. Tr. de latete. §. 242. 243.

(*l*) Tab. cit. f. 2. 3. 4. 5.

(*m*) Epist. anat. XVI. §. 24.

(*n*) Mem. 1721. et Tr. de la tete.

loc. cit.

(*o*) Hist. musc. L. II. c. XXIV.
et Tab. musc. XI. f. 17. 18. 19. 20.

(*p*) Comm. Boerh. T. II. §.
DXIII. n. f. Prim. lin. phys. §.
DXII.

(*q*) Vide MORGAGNI l. c.

(*r*) Myol. reform. T. XXV. fig.
3. 4.

(*s*) Tab. cit. f. 2. 3. 24.

tem attollente paulo longiorem figura & descriptione represe-
tant. Sed eodem modo multum discriminis inter musculos illos
in crassitie animaduertitur, &, consentiente MORGAGNIO,
WINSLOWO, & HALLERO (*t*) rectum adducentem omnium
crassissimum, & superbum tenuissimum & angustissimum inueni,
duos reliquos saepe inter se aequales, interdum abducentem de-
primeante crassiores me videre memini (*u*).

§. X.

*De origine, directione et insertione musculi obliqui
superioris.*

Originem huius musculi ex vagina nerui optici, quem
GALENVS (*x*) a cantho interno ortum descripscerat, primum
proposuisse videtur **VESALIVS** (*y*), etsi reliquam directionem,
& trochleam, per quam fertur, parum notam haberet, prius-
quam a **FALLOPIO** (*z*), cui inuentum trochleae hiusque mus-
culi per illam circumductionis debetur, admonitus & edoctus
fuisse (*a*). **COLVMBVS** partem tantum posteriorem ad troch-
leam vsque notam habuit, quam sub nomine tertii musculi pal-
pebrarum describit, trochleam autem, & huius musculi per il-
lam transitum plane ignorat (*b*). Eodem tamen tempore cum
VESALIO & **FALLOPIO** **EVSTACHIVS** (*c*) optime originem,
transitum per trochleam, hiusque fabricam delineauit, quin
immo veram tendinis a trochlea inde versus posteriora directio-
nem melius ipso **FALLOPIO** proposuit, & plurima certe occu-
passet, nisi tabulae eius ad nostra vsque tempora latuissent. **CAS-
SERIVS** (*d*) quidem non solum ex homine, sed aliis quoque
ani-

(*t*) Vide loc. cit.(*u*) Diuersam longitudinem **Tab.**
V. f. 2. et crassitatem *f. 3.* exprimere
studui.(*x*) *De musc. diff. cap. V.*(*y*) *De corp. hum. fabr. L, II,*
c. XII.(*z*) *Obseru. anat. p. 712,*(*a*) *In examine obseru. Fallop. p.*781. trochleam, & huius musculi
per illam transitum bene describit.(*b*) *De re anat. L. V. c. VIII.*(*c*) *T. XXXIX. f. 2. 3. 4.*(*d*) *Pentaeith. de organo visus,*
T. II. IV.

animalibus fabricam huius musculi depinxit, cuius tamen icones neque diligentiam neque accurationem EVSTACHII asse-
quuntur. Post illa tempora in omnibus libris Anatomicorum occurrit, quorum plurimi post EVSTACHIVM aliosque veteres cum WINSLOWO (*e*) ortum illum proponunt, ex diuisionis durae matris angulo inter adductorem & leuatorem palpebrae & attollentem. Ill. LIEVTAUD (*f*) illum ad parietem internam orbitae sic oriri scribit, vt inter eius & reliquorum ortum ner-
vus opticus medius intercedat. Ill. tamen ALBINVS proxime ad verum accedit, qui illius originem ad latus internum leuato-
ris palpebrae superioris in ora superiore foraminis optici ponit (*g*), et si autem altera icona illum in origine attollenti aliqua ex parte incumbentem pingat (*h*), illum tamen subtus excursu quo-
dam tendineo cum nerui vagina cohaerere scribit, et altera fi-
gura omnino ex neruo ortum delineat (*i*). Observations meae circa originem huius musculi factae ita certe se habent, vt ne-
que cum ALBINIANA neque aliorum vlla descriptione satis conueniant, quae nempe omnes in eo consentiunt, illum vnice ex dura matre parietis internae orbitae venire. Semper enim retro futuram, qua os sphenoideum cum ossis ethmoidei parte plana coniungitur, loco tamen a foramine optico ad duas fere lineas remoto, & magis anteriori obliquo initio fibris tendineis a dura matre ita oritur, vt fibrae illius, quo sunt inferiores, eo magis anterius, eoque remotiores a foramine optico incipient, quo autem superiores, eo posterius nascantur, eoque proprius ad foramen opticum accedant, & supremae tendineae fere ad diuisionis durae matris angulum pertingant. Nunquam tamen vel vnicam fibram ex ipso diuisionis angulo accipit, nec vlo modo inuolucrum nerui vllibi attingit; cum vbique inter originem huius musculi & neruum musculus adductor ex neruo & peri-
ostio orae interioris foraminis optici annexus interponatur. Angustissimum triangulare illud spatium inter vtrumque muscu-
lum

(*e*) Vid. loc. cit. §. 245.

(*h*) Tab. XI. f. 17. 27.

(*f*) Vid. loc. et fig. cit.

(*i*) f. 22. et expl. lit. a.

(*g*) Hist. musc. L. II. c. XXIII.

Ium intermedium repletur pinguedine fere fluida, quae indagationem verae originis huius nerui difficillimam reddit (*k*). Fibrae illae tendineae ex lato, sed pertenui principio collectae, mox carneae factae musculum constituunt teretem, gracilem, in medio intumescentem, parieti internae, qua os frontis cum plano coniungitur, incumbentem, qui sensim oblique adscendens multa cellulosa inuolui incipit & abit in tendinem teretem, per trochleam traiectum. Is vero circa hanc cartilaginem se deorsum curuans, cum elapsus ex ea est, retrorsum simul & in latus externum descendit ad superiorem & posteriorem partem globi oculi (*l*), ad quem appropinquans planior euadit, latecit, & extenuatur, & paulo post medium summam partem bulbi oculi, tectus attollente, versus musculum exteriorem trianguli fere fine, fibris radiatim dispositis, in scleroticam inseritur (*m*), loco paulo anteriori & ab insertione nerui optici remotiori, quam tendo dilatatus obliqui minoris, qui posteriori magis loco scleroticae se immittit, ita quidem ut pars tendinis obliqui minoris anterior respondeat parti mediae tendinis obliqui maioris (*n*). Trochlea dicta primum & optime descripta a FALLOPIO, & post illum a VESALIO delineata, sed extra situm mota in libro edito a VIDO VIDIO, cum figura EVSTACHII, quae prius tamen facta videtur, adhuc lateret, a CASSERIO primum in situ naturali ossi affixa expressa (*o*), orbiculus est, qui constat ex tenui cartilagine, fere quadrangulari, per transuersum excavata, & semicanalis assimili, quem vtrinque sustinent & in

(*k*) Eandem fere iam dedimus descriptionem in *Comm. Soc. Scient. Gott.* T. III. *Obseru. de tunicis & musculis oculorum.* §. XIII. f. III.

(*l*) Veram insertionem obliqui maioris in posteriori oculi parte, ab EVSTACHIO et CASSERIO loc. c. bene delineatam, restituit COWPERVS in *Myol. reform.* T. XXV. f. III. cum plurimi alii ante illum et ipse FALLOPIVS illam insertio-

neum nimis ad anteriora traherent, ut iam monuit MORGAGNIUS epist. XVI. §. 36.

(*m*) Vide EVSTACHII *Tabul.* XXXIX. fig. 4. *Comm. Boerh.* T. IV. §. DXXX. *not. i.* ALBINI *hist. musc.* L. II. §. XXIII. *Tab. musc.* XI. f. 22.

(*n*) Vid. iconem huius musculi, T. V. f. 4.

(*o*) De his omnibus vide loca citata.

orbiculum integrum perficiunt ligamenta, ossi frontis affixa ad fulcum prope semicanalem, per quem nerus frontalis exit (*p*). Tendinem, quem in ipso transitu multa cellulosa laxiori huic orbiculo annexit, trochlea egressum vndique comitatur vagina cellulosa, laxa, obsequiosa, lubrica (*q*), quae orta ab orbiculo & vicino osse frontis cum illo ad globum oculi descendit, ubi cum cellulosa bulbo circumposita & cum rectis allata confunditur, & in omni hoc itinere tendini plano vndique, laxius licet, adhaeret, ut tam orbiculus mobilis, quam vagina illa cellulosa tendinem motum omnino sequi debere videatur. Praeterea **MOLINETVS** (*r*), **KVLMVS** (*s*) & **ALBINVS** (*t*) alium memorant muscolum gracillimum, comitem maioris, qui in eius vaginam cellulosa evanescere videatur, quem nunquam equidem vidi.

§. XI.

De musculo obliquo inferiori.

Musculus obliquus inferior communi fere cum superiori fato ab iisdem auctoriis inuentus, & primum delineatus fuit. Oritur loco a reliquis remoto statim pone marginem inferiorem leuiter eminentem orbitae, qua in faciem foras patet, ab isthmo ossis maxillaris, inter foramen ductus lacrymalis & laminam osseam in plurimis subiectis fissura diuisam, quae ductum infraorbitale tegit, interposito, depressione leui et interdum asperiuscula. Principium huius musculi tendineum & angustum breui abit in muscolum latiore, qui oblique extrorsum & retrorsum progrediendo inter tendinem depressoris & orbitam decur-

(*p*) Vid. praeter figuram Eustachii MORGAGNIVM *Adu. VI. Animadu. 77.* WINSLOW. §. 246. HALLERVM et ALBINVM *i. c.*

(*q*) Vaginam illam dictam iam olim FABRICIO & RIOLANO restituit MORGAGN. *Adu. VI. Animadu. 77. Epist. anat. XVI. §.*

37. confirmatam ab ALBINO *Hist. musc. L. II. c. 23. WINSLOWO, §. 245. Ill. HALLERO Comment. Boerh. loc. cit.*

(*r*) *Diss. anat. cap. 4.*

(*s*) *Annotat. ad Tab. anatom. IX, n. l.*

(*t*) *Hist. musc. loc. cit.*

decurrit, inde magis ad posteriora vergens ad externum oculi latus, inter ipsum bulbum & ventrem abductoris adscendit, & inter hunc musculum & attollentem (*u*), fine tenui, tendineo, & latiusculo, fibris posterioribus longius adscendentibus, se immittit in oculi partem posticam, e regione fere obliqui maioris, ut plurimis tamen fibris propriis, quam ille, ad neruum optimum accedere videatur (*x*). Decursum huius musculi verum, nempe primum inter orbitam & deprimentem, & demum inter globum oculi & abductorem, solus inter veteres EVSTACHIVS bene proposuit, cum VESALIVS (*y*) illum vndique ossi attensem illos musculos non subire, FALLOPIVS (*z*) autem inter oculum & chordas vtriusque musculi latitare doceret. Neque ullum inuenio, qui errores illos aut descriptione aut figura correxerit, aut vera docuerit, nisi figuram VERHEYENII (*a*) huc referre velis, vbi in oculo ex orbita cum musculis euulso, obliqui inferioris verum decursum delineare videtur. Nec COWPERVS (*b*) iconismo veram fabricam expressit, nec BOERHAAVIUS (*c*), nec ipse WINSLOWVS (*d*) satis luculentiter verum huius musculi iter describunt, quorum ille in abductore, hic in depresso verum tradidit, neuter tamen de vtroque monuit, et si vtrumque illud non ignorasse facile patet. MORGAGNIUS (*e*) ergo esse videtur, qui in primis iterum diserte monuerit, musculum illum primum inter depressoris tendinem et orbitam, & progrediendo eundem inter oculum & ventrem abductoris duci; quod demum ab Illustr.

HAL-

(*u*) Vid. ALB. T. XI. 19. 20.(*a*) Anat. corp. hum. T. XXVII.

f. 4.

(*x*) Hanc insertionem magis posteriorem, quam obliqui maioris, iam expressit EVSTACHIVS, Tab. 39. f. 5.

(*b*) Myol. reform. T. 25.(*y*) Exam. obseru. Fallop. p. 781.(*c*) Instit. med. §. 530.(*z*) Obseru. anat. p. 711.(*d*) Tr. de la tete. §. 247. 248.(*e*) Epist. anat. XVI. §. 34.

-AD-

HALLERO (f), ALBINO (g), COVRCELLES (h), aliisque recentissimis, tam descriptione, quam iconibus egregie confirmatur. Ceterum monendum adhuc esse duxi, musculum hunc multa cellulositate cum utroque musculo in primis depresso cohaerere.

(f) *Comment. Boerk. T. IV. §. explic.*

DXXX. not. l.

(h) *Vide icones muscularum capi-*

(g) *Tab. musc. XI, fig. 19. 20. tis, Tab. III,*



LINKE (f) et alii (g)

et al. IV. A. 1. 3. 7. (h)

LEWIS (f) et alii (g)

et al. V. A. 1. 3. 7. (h)

LOPEZ (f) et alii (g)

et al. V. A. 1. 3. 7. (h)

MARSHALL (f) et alii (g)

et al. V. A. 1. 3. 7. (h)

MATTHEWS (f) et alii (g)

et al. V. A. 1. 3. 7. (h)

CAPVT IX.

DE

NERVIS OCVLI.

§. I.

Historia neruorum oculi.

GALENVS neruos opticos ad originem persecutus, illos exoriri docet (*a*), vbi vterque ventriculus anterior ad latera definit, ipsumque ventriculorum velut thalamum propter illos neruos extitisse, quam appellationem thalami neruorum opticorum ab illo inuestigam Anatomici ad nostra vsque tempora seruarunt. Neruos opticos secundum HEROPHILVM meatu, per quod spiritus ex cerebro ad oculum veniant, pertundi scribit (*b*). Praeter par oculorum motorium, quod secundam coniugationem vocat, cuius partem quandam singulis oculorum musculis transmitti scribit (*c*), neruos reliquos oculi ignorauit. VESALIVS etsi vbique GALENVM redarguere velit, in historia tamen neruorum oculi parum profecit. Neruos opticos ad eiusdem lateris oculos pertingere, nec inter se decussari, nonnullis observationibus demonstrauit (*d*), male autem eos in exterius oculi latus inseri scribit (*e*). Communi cum GALENO errore tertium nostrum par septem suis oculi musculis inseruire credit (*f*). Par quartum, cuius nec veram originem nec finem vidi, proponit nomine radicis gracilioris paris tertii; oriri autem credit a latere baseos cerebri, & in progressu pessime in quatuor diuidit ramos, frontalem, infraorbitalem & nasalem quinti,

(*a*) *de usu part.* L. X. c. III.

(*d*) *De corp. hum. fabr.* L. IV.

(*b*) *De Hipp. et Plat. decret.* L.

c. 4.

VII. c. 4. *de usu part.* L. X. c. XII.

(*e*) *Ibid.* & L. VII. c. 14.

(*c*) *De loc. aff.* L. IV. c. II.

(*f*) *Loc. cit.* L. IV. c. 5.

quinti, & alium, qui ad musculum temporalem abeat, insertionis in trochleatorem plane ignarus (g). Sextum par nomine radicis gracilioris quinti sui paris recenset, cuius quidem & distinctam originem & foramen proprium bene obseruauit, crasso autem errore ramum quinti massetericum & temporalem quendam ramum propaginis illius esse credit (h). **COLVMBVS** (i) **GALENVM** secutus tertium par ad omnes oculi musculos dicit. **FALLOPIVS** primum, cum **EUSTACHII** opus lateret, neruos oculi in verum ordinem redegit, & illorum origines & fines bene definiuit (k). Optime enim monuit, neruum secundum, quod nobis tertium par, in cavitatem oculi delapsum, ramum emittere, qui neruum opticum adscendens ad levatorem palpebrae & attollentem abit. Reliquam autem eius partem ad obliquum inferiorem & deprimentem dicit. Quartum & sextum par primum in parium dignitatem constituit, utriusque originem bene vidit, & illud octauum sibi dictum in solum trochleatorem, hoc nomine quarti in indignatorium, totum ferme inseri, cum aliqua dubitatione docuit. Nec ciliares illius industriam effugerunt. **EUSTACHIVS** adhuc ulterius est progressus. Non solum originem, decursum & finem neruorum oculi, aequa ac **FALLOPIVS**, optime tenuit, sed multa quoque addidit, **FALLOPIO** praeteruisa. Originem optici ex thalamis (l), eius decursum, & insertionem non in medium, sed interius latus oculi optime proposuit (m), foramen in hoc neruo restituit (n). A sexto radicem ad intercostalem descendere primus inuenit (o), nec ciliares a nasali quinti ortos se latere ostendit (p). **CASSE-**
RIVS cum **GALENO** quidem solum tertium nostrum par ad musculos oculi pertinere credit, ciliares tamen, quos tactrios appellat, a reliquis distinctos, nouisse videtur (q). Etsi autem
FAL-
molibati & molardostini molardostini comisi tibicib volvuntur
 itinup

(g) loc. cit. c. 6. f. 1.

(h) loc. cit. c. 8. f. 1.

(i) De re anat. L. 8. c. 3.

(k) Obseruat. anat. p. 733. 735.

737. et Albin.

(l) T. XVII. f. 5. 6.

(m) T. XXXIX. f. II. IV.

(n) T. XL. f. 1. 2. 3. 11. 12. Of-
ficium exam. p. 227.

(o) T. XVIII. f. 2.

(p) T. XVIII. f. 1. 3. 5. lit. t,
expl. Albin.

(q) Pentaeith. L. V, c. XVI,

FALLOPII animaduersionem CARCANVS (*r*) & VIDIVS (*s*) obseruationibus suis confirmauerint, multi tamen, FALLOPIO meliora docente neglecto, veterem doctrinam GALENI & VESALII in plerisque iterarunt. Sic FABRICIVS ab AQPEN-
DENTE (*t*), PLATERVS (*u*), VESLINGIVS (*x*), CASPAR BARTHOLINVS (*y*), & alii solum tertium par ad omnes oculi musculos deducunt, cui RIOLANVS (*z*) & MARCHETTI (*a*) sextum par ad abductorem missum addunt. BAVHINVS (*b*) & SPIGELIVS (*c*) in tertio pari Fallopio bene adstipulati, in quarto illum deferentes peccant, quem nomine tertii paris ex frontali, nasali, infraorbitali & vero pathetico componunt, ramumque ad trochleatorem propaginem tantum huius nerui, quem sibi finixerunt, esse docent; sextum par, FALLOPII quartum, eiusque veram in indignatorium insertionem, BAVHINVS a FALLOPIO quidem fausto omine recepit, alio autem ordine pro octauo pari recenset. Primus ergo est WILLISIVS (*d*), qui post FALLOPIVM in enumerandis & describendis nervis oculi veritatem iterum restituit. Sic tertii ramos quatuor ad musculos, quos iam dixit FALLOPIVS, deducit, ramo tamen ad leuatorem palpebrae praeteruiso, & in quarto pari cum eodem Fallopio consentit. Sextum totum in indignatorium desinere docet. Cum EVSTACHII opus nondum in lucem protractum fuisset, gloria illi quoque debetur, quod a nullo monitus primus radicem a sexto ad intercostalem inuenerit. Ordinem, quo neruos recenset, omnes hoc tempore Anatomici adhuc seruant. Neruuli a tertio pari emissi plexum rotundum efficere credit, vnde surculi ad oculum abeant, sed etiam surculos a ramo ophthalmico quinti paris ad vueam venientes vidit. Icone origines neruorum optime exhibuit. Mirum ergo fere videri

(*r*) *Anatom. L. II.*

(*z*) *Anthropol. L. IV. c. II.*

(*s*) *De anat. corp. human. L. 2.*

(*a*) *Anat. p. 213.*

c. 3.

(*b*) *Theatr. anat. L. 3. c. 20, 21,*

(*t*) *De oculo P. I. c. XI.*

23.

(*u*) *De corp. hum. strukt. T. 48.*

(*c*) *De hum. corp. fabr. L. VII.*

(*x*) *Syntagma. anat. C. XV.*

c. 2.

(*y*) *Instit. anat. L. III, c. VIII,*

(*d*) *Cerebri Anatom. C. XXI. et XXII,*

videri potest, quomodo alii post illum iterum in priores errores incidere potuerint. Sic THOMAS BARTHOLINVS (*e*), DIERMERSBROECK (*f*), DIONIS (*g*), obseruationes WILLISII negligentes, quartum par cum infraorbitali & ophthalmico ramo quinti confundere, & fabricam illam ex BAVHINI opinione proponere, tertium autem par solum omnibus oculi musculis praeter indignatorum ramos distribuere maluerunt. BARTHOLINVS tamen & DIONIS sextum par ad abducentem conseruunt. TAVVRY (*h*) breuiter quidem, sed sine errore, neruos oculi recenset; vti BRIGGSIVS (*i*), BLANCARDVS (*k*) WILLISIVM omnino sequuntur. VERHEYENIVS (*l*), qui secundum & quartum par nouit, parum accurate loquitur, dum praeter propagines quinti nonnullos tantum surculos a sexto accedere docet. VIEVSSENIUS (*m*) non solum Willisianam animaduersionem confirmauit, sed etiam aliqua ex parte corredit. Tertii paris distributionem melius WILLISIO describit, quem orbitam ingressum, & ramo ad utrumque leuatorum emisso, in duos diuidi ramos dicit, quorum interior minor ad adducentem, exterior crassior ad deprimentem & obliquum minorem abeat. Duplicem originem neruulorum ciliarium a secundo & quinto pari & plexulum inde formatum dixit. VIEVSSENII fere verba SIMON PAVLLI (*n*) & DE LA CHARRIERE (*o*) retinent. RYVSCHIVS neruulos ciliares, quibus primum nomen illud imposuit, abscissos, per choroidem decurrentes descripsit & primus in situ delineauit (*p*), & nonnullas ad reliquorum historiam obseruationes addidit (*q*). Post optimam descriptionem WILLISII VALSALVA (*r*) non sine insigni errore neruos oculi proposuit. Tertium nempe par in quatuor diuisum

ramu-

(*e*) *Anat. reform. de nervis, cap. II.*

(*f*) *Anat. corp. hum. L. III. c. VIII.*

(*g*) *Demonstr. Anat. corp. hum. VII. p. 350.*

(*h*) *Anat. raisonn. p. 320.*

(*i*) *Ophthalmogr. C. V.*

(*k*) *Anat. ref. p. 176.*

(*l*) *Anat. c. h. Tr. IV. c. XIV.*

(*m*) *Neurogr. univ. L. III. C. III.*

(*n*) *Annot. ad Hornii microcosm. p. 176. 177.*

(*o*) *Anat. nouv. de la tête. p. 212.*

(*p*) *Epist. XIII. T. XVI. f. 11. 12.*

(*q*) *Thef. VII. n. 10.*

(*r*) *Diff. anat. I. T. 3. f. 2.*

ramulos, qui ad quatuor musculos rectos abeant, & neruulos ciliares ex eodem ortos, & cum neruo optico ad bulbum progressos delineat. In schedis in dubitatione se esse significat, num obliquus maior neruum habeat a motorio pari an a pathetico (s)? MORGAGNIUS (t) in aduersariis in origines nerorum & decursum in cranii adhuc cauitate inquisiuit, quas origines accurationi examini denuo SANTORINI (u) subiecit. PETITVS (x) solum par sextum & neruulos ciliares est persecutus, vt tamen in hac descriptione eam accurationem, qua in reliquis experimentis partium oculi se commendat, vix inueniamus. Sextum nempe in itinere per duplicaturam durae matris ramulos ab intercostali accipere & ab illo in orbitam ingressos surculos emitti scribit, qui se adiungant fibrillis ex ganglio ortis, & cum illis nomine neruorum ciliarium oculum adeant. Fusius & diligentius WINSLOWVS (y) neruos oculi describit, vt in primis in tertio parum, quod addi possit, relinquere videatur. A BOERHAAVIO (z) monitus insertionem nerui optici versus nasum confirmauit. Fibrae a pathetico in itinere emissae, atque surculi a nasali ad attollentem & leuatorem palpebrae omnium, qui secuti sunt, Anatomicorum industriam omnino effugerunt. WINSLOWI descriptionem ST. YVES (a), TAYLOR (b), CASSEBOHM (c), PLATNERVS (d), & PETIT (e) omnino sequuntur, vt verba fere retineant. Surculos tamen suspectos a pathetico & nasali modo dictos PETITVS omittit, PLATNERVS autem & TAYLOR fibras sexti ciliaribus immistas a PETITO seniori receperunt. BONHOMME (f) iconem quidem de-

(s) MORGAGN. epist. XVI. §.

42.

(t) Adu. Anat. VI. Animad. 20.

27.

(u) Obseru. anat. C. III. §. 15.

(x) Mem. Acad. Sc. 1727. p. 10.

(y) Expos. anat. T. III. Tr. des nerfs.

(z) vid. instit. med. §. DXXV. et Prael. acad. T. IV. p. 120.

(a) Tr. des malad. des yeux. P. I. C. IV.

(b) Nouv. anat. de l'oeil C. XIV. p. 49.

(c) Meth. sec. p. 646.

(d) Progr. de vulneribus superciliorum, p. 170. sqq.

(e) Edit. Palfyn. anat. chir. T. I. P. IV. C. II.

(f) Cephalotom. Tab. 10.

dit neruorum oculi, quae tamen potius ad descriptionem, quam ad naturam facta fuisse videtur, cum & originem neruorum ex basi cerebri & illorum in musculos insertionem repraesentet. Ipsa figura neruorum parum certe utilis esse potest, quos extra situ naturalem positos, a partibus vicinis diuulsos, delineat, nec sine adiectis erroribus. Ganglion ophthalmicum male tanquam corpusculum ouale, nec melius ramum ad adductorem super attollentem, & neruulos ciliares nimis crassos omnes super opticum incidentes exhibit. Ante illum eosdem neruos oculi iconē proposuit LE CAT (g), quae figuram BONHOMMII parum cedit. Omnia certe nimis ruditer expressa, minusque accurate definita, & nonnulli rami tertii paris, vt ad leuatorem palpebrae, & obliquum minorem omnino sunt omissi. Illustr. LIEVTAUD (h) in tertio pari Winslowum secutus in pathetico & sexto pari non parum certe peccat. Quinti enim ramum nasalement foramen suum ingressum pro ramo pathetici, musculum superiorem obliquum perforante, habet, & reliquos ramos nasalement, quos in orbita emittit, a sexto dedit. Ganglii ophthalmici nullam mentionem facit. Orbiculus ciliaris ex sola cellulosa conflatus sibi videtur plexus nerueus ex neruulis ciliariis compositus, vnde ramuli ad iridem, processus ciliares, aliasque partes vicinas abeant. Recentiori libro MORGAGNIUS (i) ad illa, quae olim tradiderat, multum adiecit. Nerui optici vniōnem & insertionem in latus interius oculi, illius & reliquorum in primis sexti & quarti origines accuratiū examinavit, fines illorum nouis obseruationibus constituit, & neruulos ciliares optime est prosecutus, quos ex solo fere tertio pari deducit. Optime autem, vti de reliquis Anatomiae partibus meritus est Ill. HALLERVS (k), qui iam ante CATIVM & BONHOMMIVM neruos oculi in situ & ganglion ophthalmicum omnium primus delineauit, accuratissima eorum descriptione adiuncta, veras eorum origines & diuisionem obseruationibus confirmauit, & ganglii duplēcēm a tertio & nasali quinti, radicem

ner-

(g) *Tr. des sens. Tab. III.*(h) *Ess. anat. p. 431. 435.*(i) *Epist. anat. XVI,*(k) *Comment. Boerh. T. IV. §.**DXVI. Prim. lin. phys. §. DXIV.**DXV. Fasc. anat. I. T. VI,*

neruulosque ciliares ad finem in iridem usque egregie in lucem constituit. Cel. denique MECKELIVS (*l*) in ramos quinti paris ad orbitam venientes diligentissime inquirens, historiam in primis ganglii ophthalmici & neruorum ciliarium plurimum observationibus suis auxit, neruulosque in primis ciliares in meliorem ordinem redegit.

§. II.

Neruorum opticorum iter et insertio.

Oriuntur hi nerui ex illis colliculis, in interiori & posteriori parte ventriculi anterioris sive tricornis sitis, quos ab ipso iam GALENO thalamos horum neruorum vocare solent, accidentibus nonnullis fibris ab ipsis natibus venientibus. Ab hoc ortu per cornu inferius ventriculi tricornis flectuntur extrorsum, & in ipsa basi cerebri introrsum ad se mutuo accedentes vergunt, ubi plurimas accipiunt fibras ex cruribus maioribus medullae oblongatae (*m*). Ex ipsa demum substantia medullari emergentes, planiusculi, antrorsum introrsum pergentes, dum uterque ad comparem alterius lateris accedit, multa substantia medullari inter se cohaerent, ut tamen non misceantur, sed dexter dextrum, sinister sinistrum oculum adeat. GALENVS (*n*) olim iam perspexit, neruos illos ibi tantum cohaerere, non decussari, qua in re plurimos tum ex veteribus tum ex recentioribus sibi habet consentientes; & certe rem illam satis confirmare videntur observationes, quibus constitit, eiusdem lateris oculum laborasse, cuius lateris neruus tenuior aut vitiatus & retro & ante coniunctionem inuentus fuerit; neque visum simplicem turbatum fuisse, cum nerui non iuncti animaduerterentur (*o*). Coniunctio illa neruorum, quae multam arachnoide-

am

(*l*) *Diff. de neruo quinti paris.*

(*m*) Consentit illi HALLERVUS
prim. lin. phys. § CCCLXXI.

(*n*) *De usu part. L. X. c. 12.*

(*o*) Observationes, quae huc pertinent, collegerunt MORGAGNI ep. XVI. §. 14. et HALLERVUS Comm. Boerh. loc. cit. not. d.

am tanquam pontem instratam sibi habet, formam fere litterae **X** mihi semper repraesentare visa fuit, eadem figura, qualem **EUSTACHIVS** (*p*), **WILLISIVS** (*q*) & **RVVSCHIVS** (*r*) icone proposuerunt, vt corpus illud ex vtroque neruo sibi iuncto conflatum alterutro neruo semper latius, & interdum aequa fere latum, quin latius ac duo nerui simul sumti, esse, & prope ad figuram quadratam accedere videretur. Nunquam autem videre me memini figuram, qualis a **VIEVSSENIO** exprimitur (*s*), qua vterque neruus ad alterutrum non accedens, sed per substantiam medium tanquam per vinculum quoddam alterutri iunctus pingitur (*t*). Intimam tamen substantiae medullaris mixtionem hic fieri fere suadent obseruationes, quae docent, alterutri lateris neruo laeso, aut eiusdem thalamo vlcere erofo, oculum non eiusdem, sed alterius oppositi lateris laborasse et doluisse, visumque ibi turbatum fuisse (*u*). Neruus opticus complanatus ab illa coniunctione sub instrata sibi arachnoidea antrorum & extrorsum oblique tendens sic ad foramen suum properat, vt illi in itinere occurrat plica durae matris, in aciem procurentis, quae ossi arcte annexa foramen illud subit, & vndique conuestit. In ipso autem per illud foramen itinere directionem aliquantum mutat, & antrorum quidem & paululum deorsum, sed vna magis extrorsum progreditur, quod parte superiori foraminis optici effracta facile apparet, ita vt cum parte nerui in crano contenti angulum constituat. In illo transitu per crassitatem ossis neruus paulo contractior, durae matri foramen opticum inuestienti multa cellulosa adnectitur, qua obnupta arteria ophthalmica ad latus inferius nerui optici in orbitam prorexit. Ad oram autem internam foraminis optici dura mater in duas diuiditur laminas, quarum altera ossibus annexa in periostium orbitae degenerat, altera vaginae in modum neruum arcte complectitur, qua inuolutus neruus ille multo magis extenua-

(*p*) *Tab. XXXIX. f. 2.*

§. 13.

(*q*) *Anat. cerebr. T. I.*

(*u*) *Eiusmodi obseruationes in*

(*r*) *Epist. T. XIII.*

Morgagni. Epist. XIII. §. 19. et

(*s*) *Tab. V.*

Comm. Boerh. T. IV. §. DXVI.

(*t*) *Conf. MORGAGNI epist. XVI.*

not. e.

tenuatus (*x*) iterum a priori via deflectitur, vt antrorum & extrorum quidem progrediendo, leuiori tamen versus exteriora, quam in foramine suo declinatione, in orbita iter suum prosequatur; qui praeterea, vti in foramine optico, versus inferiora paulum descendere pergit, vt locus insertionis in bulbum oculi semper multo sit inferior, ac primus illius in orbitam ingressus (*y*). Sic nervus opticus deorsum, antrorum & extrorum progreditur, latens primum sub musculo attollente, sub quo sensim prorepit, vt illo tandem euadat exterior, ad trium fere linearum a bulbo distantiam, arcu facto, versus tempora conuenio, introrum flexus sensim sub musculo attollente iterum se abscondit, illoque tectus semper descendendo ad bulbum properat, cuius parti interiori, & inter inferiorem & superiorem mediae inseritur. Insertionem hanc ad internum latus pertinere, contra VESALIVM, qui in exteriori latere posuerat (*z*), iam olim iconem monuit EVSTACHIVS (*a*); cuius libro nondum viso PLEMPIVS (*b*) diserte eandem defendit, quam, a WIL-
LISIO (*c*) impugnatam, & reliquis omnino fere neglectam, restituuit BOERHAAVIVS (*d*), a quo WINSLOWVS monitus eandem accepit (*e*), quam etiam omnes nostro tempore Anatomici retinuerunt. VERHEYENIVS (*f*) & post illum CASSEBOH-
MIVS (*g*) insertionem hanc praeterea ad inferiorem oculi plagam accedere scripserunt, quod ita sese semper habere nondum satis certe animaduertere licuit. Nulla mihi nota est icon, quae flexionem & viam hanc nerui optici iuste repraesentet. Etsi enim figurae EVSTACHII, VALSALVAE, ALBINI & WINS-
LOWI (*h*) viam in orbita & in primis Winslowiana flexionem
illam

(*x*) Conf. LE CAT *Traité des Sens.* T. VII. f. 1. p. 151.

(*y*) Idem iam monuit CAMPE-
RVS diff. cit. Cap. I. §. 9. f. 3.

(*z*) *Libr. IV. cap. libr. VII. c. 14.*

(*a*) *Tab. XXXIX. f. 2 - 5.* &
Tab. XL. f. 1. 2. 3.

(*b*) *Libr. cit. c. 19.*

(*c*) *De anima brut.* C. XV. p.
122.

(*d*) *Inst. med.* §. DXXV.

(*e*) *Mem. Acad.* 1721.

(*f*) *Anat. Tr. IV. c. 14.*

(*g*) *Meth. sec. p. 316.*

(*h*) *De illis vide §. super. et Mem.*
Ac. 1721.

illam exteriora versus optime exhibeant, nemo tamen ad diuersam directionem in crassitie ossis satis attendisse videtur.

§. III.

Fabrica nerui optici.

Superius iam monui, duram matrem ad oram externam foraminis in duas se geminare laminas, quarum altera in periorum orbitae abit, altera autem vaginae in modum neruum complexa, cum illo ad bulbum oculi progreditur, quae iterum in duas facile diuidi potest laminas, & scleroticae demum annexatur (*i*). Interiori huic laminae arcte annexitur ope multae cellulosa subtilioris ipsa substantia nerui optici, qui in eo ab omnibus reliquis aliis neruis corporis humani differt, quod a pia matre inuolucrum natum sit, quod omnes eius funiculos medullares oboluunt, & in unum teretem neruum coniungat. In reliquis autem neruis, qui in itinere in plures ramos diuiduntur, pia mater singulos funiculos inuoluit, quibus iunctis dura aliqua cellulosa inuolucrum generale praefstat. Sed etiam in neruo optico pia mater, quae externam nerui superficiem aequaliter & teretem reddit, vnde intra substantiam nerui demittit propagines cellulosas, quae singulos funiculos medullares vaginae peculiari oboluunt, & inter se connectunt. Funiculi enim illi in toto itinere nulla divisione finduntur, aut secedunt, sed eodem numero, quo ex cerebro proueniunt, ad retinam pertingunt, in toto itinere parallelo ductu inter se incedentes. Quae quum ita sint, non adeo mirum videbitur, neruum ex striis parallelis compositum apparere, si medulla stringendo omnis expressa fuerit; quum cellulosa structura, quam pro membraneis canaliculis alii viderunt (*k*), vnicce preparationi debeatur. Dum enim substantiam medullarem exprimunt, & aerem in vacuas vaginulas immittunt, fieri non potest, quin ten-

nuis-

(*i*) *Vid. cap. I. de sclerot. §. V.*

(*k*) e. g. *MERY Mem. Academ.*

1712. *COWPERVS Anat. of hum.*

body.

nūissima illa structura multum patiatur, & vaginulae, flatu' resolutae, disiectae, in cellulosum habitum fingantur (*l*). Vti autem externam nerui superficiem plurima vndique vascula pingunt, quae intra craniī cavitatem ab ipsis surculis carotidis (*m*), intra orbitam autem ab arteriae ophthalmicae ramulis accedunt, ita in neruo prope oculum per transuersum disciffo, appetat foraminulum, vacuus nempe porus arteriae centralis, praeter poros illos minimos, a dissectis vasis infinitis secundum vaginas cellulosas repentinibus (*n*). Pori autem vacui in medio neruo nullum reperitur vestigium supra insertionem ipsius arteriae centralis, vbi neruus solidus plane appetat, vt inde facile diuersae opiniones **GALENI**, qui neruum foramine pertundi afferit, & **VESALII**, qui foramen illud negat, conciliari posse videantur (*o*).

§. IV.

Descriptio nerui tertii paris.

Neruus tertii paris, veteribus vt **VESALIO**, **FALLOPIO** aliisque secundum par dictus, oritur ex cruribus cerebri pone eminentias mammillares, vbi crassissimae illae columnae compressae, in quas vniuersa cerebri medulla colligitur, retrorsum coēentes, recta superficie sibi applicantur, ante protuberantiam annularem, vnde nullae tamen fibrae ad eos accedere mihi vivae sunt (*p*). Singuli illi nerui originem trahunt fibris multis diffusis, ex latere interno, quo duo illa crura sese contingunt, prouenientibus, satis profunde, vt fibrae, quo sunt interiores, eo profundiori loco nascantur, & nonnullae ad ipsam commissuram anteriorem pertingere videantur. Fibrae illae diffusae, in

(*l*) Conf. **MORGAGN.** ep. XVII.
§. 38. 39.

(*m*) Quorum mentionem iam feci in epist. de vasis subtilioribus oculi, p. 27.

(*n*) Vid. **HALLER.** deser. arter. ac, p. 38. 42,

(*o*) Historiam pori huius nerui optici vid. in **MORGAGN.** ep. XVII. §. 45. & Comm. Boerh. T. IV. §. XVI. not. h.

(*p*) **VIEVSSENIVS** inde fibras ad hunc neruum deducit, *Libr. III. c. II.* p. 167.

ipsa origine sibi proxime vicinae & fere contiguae (*q*), inter arteriam cerebri posteriorem, alterutrum nempe caudicem vertebralis bifidae, & arteriam cerebelli superiorem, ex trunco arteriae vertebralis natam (*r*), in utroque latere colliguntur in unum neruum teretem, neruo sexti paris duplo maiorem, qui inde a suo compari extorsum secedens sub alterutro caudice arteriae vertebralis anteriora versus ad duplicaturam durae matris progressus. Inter icones figura EVSTACHII, WILLISII, RIDLEYI & RYYSCHII optime veram originem horum neruorum exprimunt. Sic sub tunica arachnoidea progressus offendit foramen in dura matre ad latus processus clinoidei posterioris (*s*), per quod loco editiori, ac reliqui orbitae nerui, ingreditur interuallum illud utriusque laminae durae matris a se inuicem secedenti interiectum, & compositum partim ex sinu cauernoso, sanguine pleno, partim ex vaginis cellulosis neruos ambientibus, septulisque illos distinguentibus, quo exceptus inter laminam superiorem durae matris & receptaculum antrorum progressus & simul parum descendit, in toto hoc itinere septo posterius crassiori, anterius extenuato distinctus a neruo quarti paris, quem exterius, & ophthalmico quinti paris, quem inferius & exterius sibi habet appositum, quum sextus cum receptaculo multo sit inferior & in alio plane strato (*t*). Dum autem progressiendo descendere pergit, cum ramo frontali quinti paris & pari quarto se decussat (*u*), quibus inferior & in progressu omnino tectus, vagina cellulosa ab utroque seclusus ad orbitam properat, quam perforata dura matre, inter tendinem communem trium muscularum rectorum oculi, & ramum nasalem ophthalmici quinti paris subit, quibuscum ope multae cellulose in unum fasciculum unitus, per interuallum inter utrumque caput musculi abducentis interceptum, cauum conicum a musculis oculi

(*q*) Quin VIEVSSENIVS origines inter se coalescere docet, loc. cit.

(*r*) Vid. RYYSCH. Epist. Tab. XIII. III. HALLERI Fasc. VII. art. cerebri T. I. explic. p. 11.

(*s*) Vid. III. HALLERI icon ba-

seos cranii lit. p.

(*t*) Situm neruorum in receptaculo optime expressit BERRETINI T. XXI. f. 2. 3. RIDLEY. T. II. HALLER. Tab. cit.

(*u*) Vid. EVSTACHII T. XVIII. fig. I.

oculi formatum subit, ita, ut nerus tertii paris sit interior, sexti inferior, & ramus nasalis quinti exterior. Antequam autem orbitam intrauerit, in ipso interuallo celluloſo durae matris in duos iam diuiditur ramos, alterum superiorem minorem, alterum inferiorem maiorem, qui primum sibi proxime vicini & inter se cohaerentes, quam primum nerus interuallum musculi abducentis superauerit, a se discedunt, quorum minor & superior super nasalem ramum quinti & neruum opticum ad muscolum attollentem & leuatorem palpebrae adscendit, inferior autem isque maior, trunco e directo continuatus infra neruum opticum iter prosequitur (x).

Minor ergo ramus nero optico primum exterius adiacens inter originem musculi attollentis & neruum nasalem adscendit, & primum musculo illi aliquot praebet ramulos, qui in faciem eius inferiorem, in parte posteriori, si musculum in duas partes aequales diuidas, sese demergunt; reliqua pars huius rami superioris longe ad latus internum huius musculi, cui multa cellulosa annexitur, procurrit, & demum in leuatorem palpebrae desinit (y). Nunquam autem me videre memini, musculum attollentem ramulo hoc leuatoris palpebrae perforatum, aut huius ramum ab ipso trunco ortum fuisse (z).

Alter maior & inferior ramus, tectus nero optico, incumbens musculo deprimenti recta progreditur, post emenſum aliquot linearum interuallum subito in tres diuiditur ramos, quorum alter interior ad musculum adducentem, medius ad deprimentem, & exterior ad obliquum minorem procedit (a).

In-

(x) Eandem diuisionem habent
EVSTACHIVS T. XVIII. f. 1. 3.
VIEVSSENS p. 167. HALLER
con. bas. cran. explic. n. 34.

(y) Vtrumque pingit EVSTA-
CHIVS T. XVIII. f. 1. 3. 4.

(z) Hanc sententiam profert
WINSLOW Tr. des nerfs. §. 20.
HEISTER compend. anat. p. 162.

(a) Hanc fabricam habet WINS-
LOW. §. 21. et pingit ill. HALLE-
RVS loc. cit.

Interdum bifariam finditur, & ramo ad adducentem edito, truncus integer per lineae & ultra spatum progressus, in duos demum abit ramos (*b*), quos modo diximus, si nempe ramus obliqui minoris ramo deprimentis in origine arctius annexatur. Quaecunque autem adsit diuisio, ramus internus a trunco statim oblique introrsum secedit, infra neruum opticum, & in musculum adducentem se immittit. Ramus medius neruo optico subiectus, in trunci fere directione pergit, & itidem in musculum deprimentem multis fibris distribuitur, proxime priori paulo tenuior, ut ipse musculus deprimens adducenti crassitie cedit. Tertius denique ramus, qui fere semper edit radicem ad ganglion ophthalmicum, inter musculum abducentem & deprimentem longissime procurrit, & bulbo oculi tectus mediae parti obliqui minoris, loco tamen fini quam initio propiori, ad angulum fere rectum inseritur.

§. V.

Iter nerui quarti paris.

Neruus quarti paris aliis Patheticus, VESALII gracilior radix nerui tertii paris, in parium dignitatem adseritus a FALLOPIO (*c*), cui octauum par dicitur, & COLVMBO (*d*) nomine noni paris, neglectus & confusus cum primo ramo quinti a reliquis (*e*), restitutus a WILLISIO (*f*), gracillimus, oritur a linea transuersali, quae pedunculos a cerebello ad nates & testes vnit (*g*), radice aut simplici aut duplici (*h*), post breue tamen

emen-

(*b*) Talia pingit EVSTACHIVS,
f. 1. 3. 4. et habet VIEVSSENS p.
167.

(*c*) *Obseru. anat.* p. 738.

(*d*) *De re anat.* L. VIII. c. III.

(*e*) *Conf.* §. 1.

(*f*) *Anat. cerebri* c. 21.

(*g*) Veram originem huius nerui
primum describit FALLOPIVS loc.
cit. et EVSTACHIVS, ossium exam.
p. 205. edit, BOERH, quorum hic

verba icone illustravit, T. XVII. f.
2. Eandem pingit BERRETTINI T.
XXI. f. 1. accuratius definiunt WIL-
LISIVS T. 3. VIEVSSENS T. 9.
et 10. SANTORINI *Obseru. anat.*
Cap. III. §. 15. MORGAGNI epif.
XVI. §. 43. 44. et ill. HALLERV
Comment. Boerh. §. DXVI. not. o.
Prim. lin. phys. §. 371.

(*h*) Vtramque fabricam in eodem
homine fibi obseruatam delineat Ill.
HAL-

emensum spatium in vnum coniuncta. Non raro tamen continet, vt nenuis in itinere in duos sindatur funiculos, qui breui iterum in vnum truncum coëunt, quod ipse interdum vidi (i). Ab illa origine extrorsum circa crura cerebri flexus ad basin crani descendit, & antrorum ad foramen in dura matre ad latus exterius nerui tertii paris decurrit. Inde inter laminam duram matris superiorem & sinum petrosum superiorem introrsum vergit, & ad tertium par proprius accedit, quo exterior super receptaculum antrorum fertur (k), vagina cellulosa speculiari a nenuo tertii paris, septo autem satis crasso a receptaculo seicutus (l). In ipso illo transitu orbitae nunc proximus paulum descendit, & ad nenuum frontalem a latere interno arctissime se applicat, cum quo leuiter adscendens supra funiculum, quem tertium, sextum par, & nasalis quinti constituant, perforata dura matre orbitam ingreditur. Ab ipso ingressu ad latus internum rami frontalis quinti oblique introrsum & antrorum super utrumque leuatorem delatus sensim ramum frontalem comitem deserit, & ad musculum trochleatorem properat, cuius mediae fere carni multis ramis infertur. Omnes meae denique observationes in eo consentiunt, nenuum hunc ab EVSTACHIO (m), FALLOPIO (n), WILLISIO (o), VIEVSENNO (p), MORGAGNIO (q), & Ill. HALLERO (r) plurimisque recentioribus optime ita pingi atque describi, vt sine ullo ramulo ad alium musculum dato, vnicce in trochleatorem absumatur; neque unquam illum cum frontali ramo coniungi, quae WINSLOWI est suspicio (s), qui praeterea scribit, ab hoc nenuo in itinere in

vtro-

HALLERVS icon. anat. cerebri T.
3. SANTORINI triplici surculo
hunc nenuum ortum vedit l. c.

(i) Similem habet observationem
RUVSCHIVS Thes. VII. n. 10.
HALLER. l. c.

(k) Situm huius nenui in recep-
taculo optime exhibit Ill. HALLE-
RVS icon. bas. crani.

(l) VIEVSENIVS nempe p. 16.
affirmat diserte, nenuum hunc per-

receptaculum transire, & in medio sanguine lauari, ad cuius opinionem WINSLOWVS quoque accedere videtur, Tr. de la tête, §. 139.

(m) Tab. XVIII. f. I. III. V.

(n) Loc. cit.

(o) Loc. c. p. 113.

(p) L. c. p. 168.

(q) Epist. XVI. §. 45.

(r) Comm. Boerh. l. c.

(s) Vid. tr. des nerfs, §. 27.

vtroque latere plurimos secedere ramulos, vel inde iam summe suspectos, quod nullum musculum, in quem abeant, memoraret (*t*). Evidem nunquam simile quid vidi, & plurimi quoque Galli WINSLOWVM hac in re deserunt (*u*).

§. VI.

Iter nerui sexti paris.

Neruus sexti paris, cuius veram originem & finem primus recte dixit FALLOPIVS, cui quartum par dicitur, & post BAVHINVM restituit WILLISIVS (*x*), a protuberantiae annularis & corporum pyramidalium finibus oritur, origine tamen satis varia & inconstanti, vt saepe in eodem homine origo lateris dextri ab origine sinistri lateris differat (*y*). Ea tantum afferam, quae ipse vidi. Cadauer fuit, in quo illum ortum vidi ex ipso corpore pyramidali ab utroque latere dupli radice, altera simplici & fere maiori, altera pluribus fibrillis composita, in unum funiculum unitis, vt duo trunculi duplicitis illius originis ad radicem intercostalis usque distincti procurrerent (*z*). In altero corpore inueni ortum itidem dupli radice, sed ex pontis Varolii parte posteriori, versus latus externum, inter illum pontem & corpora oliuaria. Inprimis in homine adulto diuersas utriusque lateris origines huius nerui animaduerti. Altero enim in latere ortus fuit duobus surculis, quorum interior minor erumpebat ex ponte Varolii ad lineae spatium ante illius finem, exterior maior ex eodem ponte, sed posterius proxime ad ortum corporum pyramidalium. In altero latere origo fuit multis fibris inter se distinctis, quorum intimae ex ponte ortae

ad

(*t*) BONHOMME surculos ad levatorem palpebrae dicit, p. 71. quos nemo vidit.

(*u*) v. g. PETIT in edit. Palfyn. SENNAC. et alii.

(*x*) De his vide §. I.

(*y*) Plures obseruationes circa originem huius nerui vide apud MOR-

GAGN. epist. XVI. §. 47. & SANTORINI p. 66.

(*z*) Similem habet obseruationem III. HALLERVUS Comm. Boerh. T. IV. §. DXVI. not. g. & Rvysch. Thes. VII. n. 10. WINSLOW, Tr. des nerfs, §. 77.

ad duas fere lineas ante illius finem, exteriores adhuc ex ponte quidem, sed quo exteriores, eo posteriores, ut postremae ex ipso angulo inter pontem & corpora pyramidalia, & nonnullae ex ipsis corporibus pyramidalibus aduenirent. Sic nenuus aut simplex aut ex duobus trunculis sibi adcumbentibus & in receptaculo demum vnitis compositus infra neruum quintum, magis tamen ad interiora duplicaturam durae matris intrat (*a*), a primo ingressu in hedera posteriori partis petrosae ossis temporum adscendit, & simul exteriora versus vergit, & in ipsum sinum cauernosum sanguine plenum se demergit, in quo carotidi ex canali egressae & secundum sellam equinam flexuose antrorum incuruatae, multa molli cellulosa adhaerens, radicem intercostalis edit (*b*). Quo dato in medio sanguine ad latus exterius carotidis antrorum delatus rubellus, & balneo sanguinis calidi parum tumidus (*c*), carotidem introrum & sursum flexam sensim deserit, & supra originem venae ophthalmicae ex sinu cauernoso prouenientis in orbitam penetrat, nenuorum extimus, & cum ramo nasalium quinti paris & nenuo tertio, cuius ramo inferiori, interius multa cellulosa adnectitur, in unum fasciculum iunctus & per interuallum musculi abducentis in cauum musculosum ingressus, statim musculum illum abducentem adit, cuius faciei interiori multis ramis inferitur. Vti de quarto pari dictum est, de hoc quoque obseruationes meae me docuerunt, praeter radicem ad intercostalem in toto itinere ne minimum quidem surculum emitte.

§. VII.

(*a*) Vide Ill. HALLERI icon. bas. cranii.

*Tab. adiuncta Diff. de quinto pare
nenuorum cerebri.*

(*b*) Vide originem intercostalis pictam ab Ill. HALLERO icon. bas. cran. lit. s. et a Cel. MECKELIO in

(*c*) Multum tamen mole augeri non videtur, vti PETITVS credidit Mem. 1727. et Tab. add,

§. VII.

Duplex radix, situs, et figura ganglii ophthalmici.

Supersunt adhuc describendi celebres illi neruuli ciliares, ex ganglio ophthalmico orti, ad historiam nerorum oculi perficiendam. Nemo enim, credo, hic facile quaeret descriptio nem primi rami quinti paris, cuius omnes fere rami orbita iterum egrediuntur, vt ad propositum meum non pertineant, cuiusque praeterea plena iam & fusissima data est descriptio a Cel. MECKELIO, vt vix, quod addi possit, superesse videatur. Vnice ergo leuiter hic attingam ramum sic dictum nasalem huius primi rami quinti paris, qui & radicem longiorem ad ganglion ophthalmicum, & praeter illam vnum alterumue neruulum ciliarem emittit. A primis Anatomiae temporibus illorum neruulorum iam a CAROLO STEPHANO (*d*) mentionem factam fuisse videmus, eosdemque vidit CASSERIVS (*e*), qui illos vocat nerulos tactrios, qui iuxta neruum opticum procedentes scleroticae implantantur, nec tamen originem eorum subiicit. Sed iam ante illum FALLOPIVS (*f*) tum ex neruo tertii paris, tum a ramo nasalium quinti fibras ad oculi membranas abeuntes describit, a quo VIDVS VIDIVS (*g*) furculos ex utroque fonte modo dicto, LAVRENTIVS (*h*), BAVHINVS (*i*) & SPIGELIVS (*k*) fibras ex neruis motoriis ortas acceperunt. Etsi autem iam WILLISIVS (*l*) simile quid ganglii ophthalmici vidisse videatur, qui fibras per tunicam scleroticam in vueam tendentes venire asserit ex plexu rotundo & paruo nerui motorii, radicem tamen a quinto pari ad ganglion illud omisit, cum tamen furculi alii a ramo huius paris ophthalmico ad vueam pertingentes sibi prae teruisi non fuerint. Nec meliora certe docuit VIEVSSENIVS (*m*).

Dupli-

(*d*) *De diff. part. corp. hum.*
L. III. c. X. f. 1. ad lit. c. & fig.
cap. XI. ad lit. I.

(*e*) *Pentaepl. L. V. Sect. I. c. 15.*
(*f*) *Obseru. anat. p. 733.*
(*g*) *De anat. corp. hum. L. II. c. 3.*

(*h*) *Anat. L. VII. c. 2.*
(*i*) *Theatr. anat. L. 3. c. 20.*
(*k*) *Hist. anat. corp. hum. L. IV.*
c. 17.
(*l*) *Cerebri anat. c. 21.*
(*m*) *Neurogr. L. III. c. III. p. 170.*

Duplicem quidem plexuli, quem dicit, neruorum ciliarium originem, & a quinti paris ramo nasalis & a neruo tertio bene vidit, in eo tamen longius a vero discessit, quod pluribus & nasalibus rami & tertii paris surculis plexulum formari scribat, & ex illo, praeter surculos ad membranas oculi, binos quoque ramulos ad musculos adducentem & deprimentem deducat. SCHACHERO ergo debetur gloria, quod primus veram fabricam & originem huius ganglii descripsiterit (*n*). Tertium enim neruorum par ramulum quandam de se spargere docet, qui cum ramculo quintae coniugationis commixtus ganglion efformat, ex quo plurima prodeuntia filamenta, ac neruum opticum circumligantia per scleroticam atque interiora distribuuntur. Post illum PALFYNVS (*o*), PETITVS (*p*), WINSLOWVS (*q*), illud conseruarunt, Ill. autem HALLERVS (*r*) primus iconem illius dedit in situ naturali, qui cum Cel. MECKELIO (*s*) descriptionem illius multis obseruationibus ornauit. Icones, quas dederunt LE CAT (*t*) & BONHOMME (*u*), rudiores sunt minusque accuratae.

Ganglion ergo illud omnium fere in corpore humano minimum, rubellum, fere quadratum (*x*), longius tamen quam latius, vtroque latere compressum, ab interna parte, qua neruum opticum spectat, planiusculum, ab externa conuexum, adfident extero lateri nerui optici aliquot lineas ab eius ingressu, cui neruo multa cellulosa iungitur, & pinguedine multa fluidiori inuolutum, sub communi origine musculi attollentis & capitis minoris musculi abducentis, illique subiecto adipe ita latet, vt, nisi musculo abducente prope ortum discisso, rite obseruari non possit.

(*n*) *Diff. de cataracta*, Lips. 1701.
§. 9.

(*o*) *Anat. chirurg.* T. I. P. IV.
e. II. p. 407. 409. edit. Petit.
(*p*) *Mem. acad.* 1727. p. 10.
(*q*) *Tr. des nerfs*. §. 22. 23. de la
zete, §. 302, 303.

(*r*) *Icon. bas. cranii.* vid. quoque
Comm. Boerh. loc. c. lit. p.

(*s*) *Diff. cit.* §. 47.
(*t*) *Tr. des Sens.* T. III.

(*u*) *Cephalot.* T. X.

(*x*) Parum accurate lenticulare il-
lud ganglion apppellant PALFYN,
BONHOMME, WINSLOW,

possit. Duplici fere semper gaudet radice, alia longiori & graciliiori, alia breuiori & latiori. Breuior ne lineam quidem longa, sed latiuscula, plana, robustior oritur a ramo tertii paris, ad musculum obliquum inferiorem misso, quam originem equidem semper constantem inueni (*y*), aut, si ramus ille cum ramo deperimentis longius cohaereat, a trunco, quem duo rami illi constituunt, quae fabrica Ill. HALLERO (*z*) occurrit. Quod si enim a ramo obliqui inferioris oritur, proxime tamen semper adsidet diuisioni, vbi ramus ille a trunco communi secedit. A prima statim origine directe sursum fertur, vt longe lateri inferiori ganglii se immittat. Simplex semper est, nec vnquam contigit videre plures fibrillas a ramo illo tertii paris ortas, vti VIEVSENIVS affirmat (*a*), quem hac in re omnes recentiores omnino deserunt.

Altera radix longior, multo tenuior, fere semper simplex, prouenit a ramo nasali nerui ophthalmici quinti, nata iam extra orbitam, vt ab origine sex ultra lineas procurrat, priusquam ganglio inseratur (*b*). A prima origine distincta, cum trunculo, cui ope cellulositatis inferius arcte adhaeret, orbitam intrat, & fasciculo nerueo saepe dicto iuncta, inter trunculum & neruum sexti paris per interuallum musculi abducentis cauum conicum musculosum ingreditur, quam ingressa neruum sexti paris transit, & a trunculo, qui introrsum super neruum optimum fertur, secedens, ganglii lateri posteriori superius se immittit (*c*). Haec quidem frequentissima est fabrica. Semel tamen duos surculos a nasali ortos & ganglio infertos me videre

(*y*) Eandem originem habent WINSLOW. *des nerfs*, §. 22. PLATNER *diff. de vulneribus superciliorum* p. 171. MECKEL *l. cit.* §. 48. HALLERVS *l. c.*

(*z*) *Comm. Boerh. l. c. lit. n. I-con. bas. cran. not. 39. Prim. lin. phys. §. DXV.*

(*a*) *Loc. cit. p. 167.*

(*b*) EVSTACHIVS iam et FALLOPIVS surculos a ramo nasali ad oculi membranas abeuntes viderunt. Dici autem non potest, vtrum radicem ganglii longiorem, an ciliares ipsos ex nasali venientes viderint.

(*c*) *Conf. WINSLOW., HALLER., MECKEL. l. c.*

videre visus sum. Interdum vtraque radix & breuior & longior ex tertii paris neruo prouenit, quod rarius quidem contingit, qualem tamen fabricam ab Ill. HALLERO (*d*) in lectionibus anatomicis publice demonstratam videre me memini, quæ etiam MORGAGNIO (*e*) & Cel. MECKELIO (*f*) occurrit. Optime hoc ganglion in conspectum venit, si discisso capite minori musculi adducentis, & pinguedine subiecta caute diuisa, fasciculus ille nerueus quaeratur, cuius ductum sequendo facillime illud *in situ* naturali inuestigare licet. Neque vnquam quaerentⁱ ganglion illud mihi defuit, quod GVNZIO (*g*) interdum contigisse videtur. Quid sibi velit LOBE', non intelligo, qui a neruo tertii paris vna cum ramulo quarti paris in fundo orbitae plerumque duo vel tria ganglia parua, lenticularia, formari scribit (*h*). Nunquam simile quid occurrit.

§. VIII.

Neruuli ciliares ex ganglio illo orti.

Ex illius ganglii latere anteriori oriuntur neruuli ciliares, semper multo plures, ac aliis visum fuit, alii crassiores, alii tenuiores, ordine constanti, quem in omnibus, quotquot dissecui, cadaueribus, obseruare contigit, omnibus licet aliis praeteriusum (*i*). Omnes nempe neruuli ciliares, qui ex ganglio ophthalmico nascuntur, inde semper proueniunt in duos collecti fasciculos, neruo optico adhaerentes, statim ab origine distinctos, eo maiori autem inter se disiunctos interuallo, quo

(*d*) *Vid. praeterea Prim. lin. phys.*
§. DXV.

(*e*) *Epiſt. XVI. §. 59.*

(*f*) *Loc. cit. §. 48.*

(*g*) *Libr. de humoribus purgandis, p. 223.*

(*h*) *Diff. cit. §. 35.*

(*i*) PETITVS quidem iam nervos in fasciculos circa neruum opticum colligi docet, qui perforata

sclerotica ad iridem pertingant, vt omnino pateat, illum hoc nomine nihil aliud nisi ipsos neruos voluisse, quorum tres, quatuor, ad nouem usque se vidisse affirmat. MECKELIVS cum Illustr. HALLERO numerum frequentissimum quaternarium constituit praeter ciliarem ex ramo nasali, illisque propria nomina imposuit, §. 49.

longius procedunt (*k*). Optime duo illi fasciculi in situ naturali in conspectum veniunt, si dissecato capite minori abducentis, eoque musculo situ moto & exteriora versus reclinato, pinguedo subiecta caute acie scalPELLi diuidatur, vt aditus ad neruum opticum & fasciculos illos nerui lateri exteriori adhaerentes libere pateat, omnia tamen in situ naturali relinquantur. Quod si autem, vti vulgo fere fieri solet, pinguedo illa muscularis & neruo optico interposita, volsella sensim auferatur, vsque dum nerui & vascula vnice supersint, fieri vix potest, quin administratione illa, situ naturali plane turbato, neruuli illi ita inter se distrahantur, vt singuli & inter se longe diuisi ex ganglio illo oriri videantur.

Fasciculum ergo superiorem, ad latus exterius & superiorius nerui optici decurrentem componunt, vt primo quidem intuitu videtur, neruuli tres, prope originem cellulositate in speciem taeniae latiusculae coniuncti, sibique proxime vicini, & prope ingressum nerui optici demum paulo a se inuicem secedentes, quorum neruulus supremus in dorso nerui optici decurrit (*l*), inferior ad latus externum, & tertius denique loco intermedio, omnes neruo arcte annexi. Sed multo plures sunt neruuli, quibus ille fasciculus componitur, ac primum apparent. Vt ergo quidem superior & inferior huius fasciculi surculus plerumque simplex, & inferior paulo fortior obseruatur, intermedium autem accuratori examine, aut si scalpello ita stringatur, ac si in taeniolam illum explicare velis, frequentissime iterum ex tribus aliis tenuissimis fibrillis, a prima origine distinctis, sibi parallelis, & ope cellulofae in vnum filum coniunctis compositum obseruaui, quae, nisi attentius inspiciantur, facillime pro filo simplici haberi possunt. Non eadem tamen distributionis lex in omnibus obtinet. Interdum enim neruulus inter-

me-

(*k*) Num simile quid vidit MECKELIVS, vbi docet, se aliquoties duos tantum ramos simplices ex ganglio prodeuntes obseruasse, in

plurimos demum ramos minores diuisos? §. 51.

(*l*) Idem esse videtur ciliaris exterior superior MECKELII, §. 49.

medius in duas tantum secedit fibrillas, interdum tres surculi, quibus neruulus ille est conflatus, paulo maiores, primo intuitu in oculos statim incurruunt, ut fasciculus superior non ex tribus, sed ex sex statim surculis compositus appareat; quae si ad sit fabrica, fasciculus tunc inferior, ex paucioribus, & tenuioribus fibrillis plerumque constat. Omnes fasciculi huius superiores surculi primum inter se paralleli, & cellulosa in taeniam iuncti, ad partem posteriorem bulbi oculi delati sensim a se inuicem secedunt, & scleroticam alii neruo optico propiores, alii versus medium partem, diuersis locis perforant, & in toto itinere aut omnes aut plurimi cum arteriola ciliari superiori, vinculo celluloso, arctissime ita connectuntur, ut difficillime ab illis separari, & minus cautum facile fallere possint, & impedian, quo minus vera illorum distributio & egregius ille ordo rite conspici queat.

Fasciculus inferior, maior, ex pluribus semper compositus surculis, primum superiori proxime vicinus, prope oculum ad lineae fere spatium a superiori disiunctus, vbi nervus opticus nudus apparet, decurrit ad latus nervi optici exterius & inferius, inter illum nervum & musculum abducentem, ortus ex ganglio inter fasciculum superiorem, & insertionem radicis brevioris. Sex fere semper surculi conspicui ad illum componendum faciunt, cellulosa tela inter se iuncti, quorum plurimi nervo optico paralleli, decurrunt, et si illi non omnes adeo arte adhaereant, quorum autem nonnulli, ut in superiori contingit, iterum in duas tresue fibrillas secedunt, quae iunctae vnum tantum surculum simplicem mentiuntur (*m*).

Surculus quidem superior, lateri exteriori nerui optici
arcte adhaerens simplex plerumque ad oculum fertur, nonnulli
autem sunt ex sequentibus, sine vlo tamen constanti ordine,
qui in duas tresve iterum abeunt fibrillas, tenuissimas, vt de-

(m) Ad fasciculum hunc inferiore-
rem tres reliqui neruuli ciliares ME-

superiori fasciculo dictum est. Vnus semper fasciculi huius inferioris surculus, quem modo secundum, modo tertium esse comperi, diuerso plane a reliquis decursu, ab ipsa statim origine fasciculum deserit, & a reliquorum via secedit, qui neruo optico adhaerentes ad scleroticam properant. Ille autem surculus semper extrorsum versus musculum abducentem decurrit, & longissimo tractu per pinguedinem aberrans ad oculi demum partem posteriorem peruenit, & scleroticam versus medium bulbi partem sub musculo abducente perforat (*n*). Decursum huius ramuli icone exhibere visum est, cum constans in omnibus oculis obseruatus mihi fuerit. Superiores quidem fasciculi huius inferioris surculi ad latus externum nerui optici, cui arcte adhaerent, procurrunt, neruo illi & inter se paralleli, inferiores autem sensim infra illum introrsum tendentes se demergunt, eoque plane testi ad bulbum oculi porro pergunt, ductu tamen satis inter se parallelo. Qui autem infimo demum loco oritur, & insertioni radicis breuioris proximus (*o*), ab ipsa statim origine infra neruum opticum, cui arctissime vbique adhaeret, se subducit, & vasculis ciliaribus implicitus, sub neruo optico introrsum migrat, ad latus autem internum nerui optici iterum in conspectum venit, vbi in latere eius superiori & interiori plerumque cum neruulo ciliari ex ramo nasali oriundo coniungitur. Interdum tamen ille neruulus solus, nec vlli iunctus, a latere interno nerui optici ad scleroticam properat, & tunc illius vicem supplet surculus quidam, quem ex ordine tertium esse vidi, fasciculi inferioris, qui in exteriori nerui optici latere infra fasciculum superiorem transit, & neruulo ciliari ex nasali oriundo iungitur.

Praeter neruulos enim ex ganglio ophthalmico oriundos scleroticam adeunt, vonus & interdum duo surculi, nati ex ramo nasali rami ophthalmici, vbi ille oblique super neruum opticum

(*n*) MECKELIVS quoque tenuiores surculos in pinguedine extrorsum aberrantes, et longissimo tra-

ctu ad scleroticam peruenientes vidit, §. 51.

(*o*) Est neruulus ciliaris interior superior MECKELII,

cum interiora versus transit, qui in omni itinere arctissimo nexu adhaerent in dorso nerui optici, recta antrorum delati, quorum alter, si duo adsint, isque interior cum ciliari infimo neruo ganglii in latere interno, aut exterior cum surculo oblique adscendente fasciculi inferioris in latere superiori nerui optici coniungitur, alter autem indiuisus ad oculum procurrat. Si unus modo adsit, in dorso nerui optici plerumque cum fasciculi inferioris surculo infimo ad latus interius nerui adscendente anastomosi facta coniungitur (*p*). PETITVS (*q*) surculos quosdam a sexto pari neruulis ciliaribus se adiungere credit, quos autem nulla recentiorum industria confirmauit, neque unquam simile quid vidi. Ganglion autem diserte tantum ex ramo tertii & quinti paris componit. Omnes illi neruuli ciliares, (si unicam anastomosin inter nasalem, & surculum fasciculi inferioris excipias), indiuisi, nulla diuisione in ramulos fissi, vnicce secedentes, qui cellulosa fabrica antea iuncti fuerant, singuli, distincti, ad bulbi partem posteriorem pertingunt, & tot certe neruuli, neque plures, neque pauciores, scleroticam perforant, quot ex ganglio ophthalmico proueniunt; Nullibi autem plexum inter se faciunt, aut anastomosi inter se iunguntur (*r*), quod evidentius adhuc appareat, si ex oculi interioribus retrorsum versus originem illos prosequi velimus. Easdem enim fibrillas nerueas, alias maiores, alias tenuissimas singulas & indiuisias ad originem

ex

(*p*) Praeter EVSTACHIVM, qui T. XVIII. f. 1. ciliarem ex ramo nasalium ortum ita exhibet, ut neruulo modo dicto melius, quam radici longiori respondere videatur, FALLOPIVM certe surculos illos nasalium vidisse fere mihi persuadeo, qui docet, p. 734. a nasalium, cum per transuersum inter musculos declinat, aliquot tenuissima filamenta disseminali per pinguedinem, quorum quaedam iuxta neruum opticum ad oculi tunicam percurrent, quae quidem verba vix radici longiori

conueniunt. Sed etiam VIEVSSENIVM eundem vidisse crediderim, ubi p. 171. dicit, nasalem dare primo surculum, qui supergredisus neruum opticum, e regione canthi majoris oculi scleroticam subeat, post quem neruulum illum, interdum duplicem, aliis neglectum restituit CEL. MECKELIVS, §. 49. 51.

(*q*) Mem. Acad. Sc. 1727.

(*r*) Neruulos ciliares plexum inter se formare docet VIEVSSENS p. 170. et CEL. MECKELIVS, §. 49.

ex ganglio vsque perducere poterimus, quas ex sclerotica exire animaduertemus. Quae quum ita sint, non facile cuidam mirum videbitur, neruulos ciliares ex ganglio oriundos plures semper mihi visos fuisse, ac alii animaduerterunt. Dum enim obseruationes meas inter se conferam, quatuordecim circiter ex ganglio oriri comperi, in duos fasciculos ita distributos, vt sex ad fasciculum superiorem, & reliqui ad inferiorem pertineant, quorum tenuiores nonnulli in vnam fibrillam maiorem iungi, superius monui, vt pauciores, ac reuera sunt, adesse videantur. Ipsa autem naturae inconstantia, quae in eiusmodi subtillioribus nullibi certis legibus se adstringit, satis vetat, quo minus certi quid circa constantem illorum numerum determinari possit. Non adeo multum abludunt, quae de numero illorum habet MECKELIVS, qui, licet quatuor surculos ex ganglio natos frequentius reperiri dixerit, singulos tamen in duas tresue fibras secedere ante insertionem in scleroticam docuit, vt decem ad duodecim bulbi partem posteriorem subire videantur (s).

Neruuli hi ciliares circa ingressum nerui optici tela cellulosa fortiori irretiti, & arteriolis ciliaribus impliciti scleroticam subeunt, alii haud ita procul ab nerui optici insertione, alii autem ad bulbi medium propiores, quod interuallum inter horum & nerui optici insertionem transuersum digitum saepe aequare memini (t), nec illam directe perforant, sed oblique inter laminam accessoriā, piae matris nerui optici propaginem, & veram scleroticam proprie sic dictam ad longitudinem aliquot linearum decurrentes prope medium fere bulbi partem in interna eius superficie apparent (u), quo in transitu frequentissime comites

(s) RVSCHIVS sex septemque plerumque vidit, *Thes. anat. II. Aff. I. n. 7.* monuit tamen alibi, in aliis esse numerosiores, in aliis pauciores, *n. 16.* Eosdem delineat, *Ep. XIII. f. II.* PETITVS tres, quatuor, ad nouem numerat, *p. II.*

(t) PETITVS et MECKELIVS neruulos ciliares in varia a nerui optici insertione distantia scleroticam subire docent. *M. Ac. Sc. 1727. p. 10. diff. cit. §. 52.*

(u) Obliquum hunc decursum veterque modo dictus obseruauit, *l. c.*

mites sibi habent surculos tum arteriosos tum venosos. Sic inter scleroticam & choroidem iridem versus decurrent in taeniolas latiores expansi (*x*), duabus interdum fibrillis in vnum filum iunctis, & excepti sulcis scleroticae faciei internae insculptis (*y*), itinere parallelo rectissimo, plerumque indiuisi & non ramosi, vsque dum ad orbiculum ciliarem pertingant. Interdum tamen contingit, vt nonnulli neruuli vicini & parallelo ductu antrorum delati fibrillis oblique transuersis inter se iungantur. Nullos autem hoc in decursu ramulos ad choroidem emitte, in illamque desinere, certissimus repetito accuratori examine post RYVSCHIVM (*z*) affirmare ausim. Neruuli hi ciliares in externa choroidis facie decurrentes quatuordecim circiter inueniuntur, quem tamen numerum interdum paululum excedunt, interdum paululum infra illum subsistunt, alii latiusculi, taeniolas albas repraesentantes, quorum fere quatuor ad sex reperio, alii tenuissimi, & visum fere effugientes, alii sibi proxime vicini, alii satis magno interuallo inter se disiuncti. Vbi ad orbiculum ciliarem perueniunt, in duos diuiduntur ramulos maiores bifurcata diuisione, qui cellulosa tela orbiculi ciliaris tecti circa originem iridis ludunt, & sensim in ramulos minores abeunt, ad iridem delati, vbi vasculis minimis interpositi, serpentino flexu ad annulum minorem excurrunt, & in iride magnam partem fibrarum radiatarum albarum, quae vasis eius interpositae sunt, efficiunt. MANFREDI (*a*) & post eum ST. YVES (*b*) singulos neruulos ciliares in duos sic findi ramos perhibent, vt alter

(*x*) Neruulos ciliares in choroidis exterioris facie decurrentes, multi pro ligamentis habuerunt, vti MOULINS. Vid. *Ast. erud.* 1684. *M. Dec.* (MANFREDI apud MANGEV. *Biblioth. anat.* p. 189. *ic. I.*) BLANCARD. *Anat. ref. cap. XII.* p. 306.

(*y*) Sulcos illos neruulis respondentes in oculo bubulo iam animaduerterunt BLANCARD. *loc. cit.* et MORGAGNI, *Epist. XVI.* §. 59.

(*z*) *Thes. anat. I. Aff. II. n. VII.* not. 3. Afieclae autem theoriae Mariottiana multas fibrillas in choroidem abire docent, e. g. LE CAT, *Tr. des sens*, p. 154. TAYLOR, *Tr. anat. oc.* p. 52. nec aliter sentire videtur Ill. GVNZIVS lib. de humoribus purgandis Hippocr. not. 94. p. 224.


(*a*) Vid. MANGEV. *Biblioth. anat.* p. 189. *ic. I.*

(*b*) *De morbis oculi*, p. 23.


alter ad iridem, alter ad processus ciliares abeat, & ill. **HISTERVS** (*c*) plurimas fibrillas illis impertiri docet; qua in re omnes fere, quibus processus ciliares musculosi videntur, sibi habet consentientes. Sed post saepius repetitam huius fabricae indagationem fere crediderim, omnes, in quos diuiduntur, horum neruulorum surculos, orbiculum ciliarem, si ille auferatur, sequentes, vnicare in iridem definere, nec vnicam forte fibrillam ad processus ciliares pertinere, quos ex meris vasculis esse conflatos, nec musculosi quid habere, omnes meae obseruationes satis mihi persuadent (*d*) (*21*).

(*c*) *Diff. de choroid.*, §. 28.

(*d*) *Vid. superius cap. de iride, §.*
IV.
(*21*) *Suppl. Cap. IX. §. 21.*



CAPVT



CAPVT X.
DE
ARTERIIS OCULI.

§. I.

*Descriptio arteriae ophthalmicae eiusque
ramorum.*

Inter omnes oculi partes nulla fere est, cuius historiam ita exactam perfectamque habemus, quam arteriarum oculi, quarum descriptionem plenissimam, plurimisque obseruationibus nixam Ill. DE HALLER a recentissimis temporibus dedit (*a*), vbi omnia ita iam occupauit, vt vix, quid addi possit, superesse videatur. Taediosum sane foret, obseruationes illius ex libro in librum transferre, neque tamen hanc partem nimia breuitate tractare licet, ne opus hoc, quod suscepimus, mancum & hiunc foret. Eam ergo hic descriptionem arteriarum oculi addam, qualem obseruationes meae mihi suggerunt, quae cum descriptione Ill. HALLERI facile comparari potest, vt, quantum utraque inter se conueniat, inde appareat. Ramos ophthalmicae maiores saepius & vterius persecuturo ipsa fata mea obstituerunt, quae eam cadauerum copiam mihi non fecerunt, quae ad illorum historiam repetitis vicibus indagandam requirebatur. Decursum autem ultimorum in choroide & iride propaginum miramque fabricam, quam ibi componunt, superius, cum de choroide agerem (*b*), ita iam proposui, vt sine taedio repeti non posse videantur. Breuiter ergo illa tantum attingam, quae ad

(*a*) In historia nempe arteriarum oculi fasc. VII. icon. anat. inserta.

(*b*) Cap. I. de choroide Sect. I. II.
III.

ad confirmanda aut illustranda superius dicta facere posse crediderim.

Arteria ophthalmica oritur ex arteria carotide, qua fede ex receptaculo versus posteriora & anteriora se confluet, vnde statim sub neruo optico lateri exteriori propior per crassitatem ossis incedit, intra vaginam neruo a dura matre datam, in omni hoc itinere multa cellulosa irretita (c). Nunquam autem ego quidem vidi, arteriam hanc per sulcum in parte superiori foraminis optici exsculptum ad orbitam penetrasse. Hoc in transitu nonnullos praebet surculos durae matri & ipsi substantiae nerui optici, cum vasculis a carotide datis, in superficie nerui anastomosi iunctos. Orbitam ingressa in duobus subiectis primum statim emisit arteriam centralem, & reliqua demum vasa, ea serie, quam in duobus oculis accuratius adnotatam hic exhibebo.

In primo ergo exemplo ipsa centralis omnium primum nata praebuit arteriam ciliarem inferiorem, porro centralem, tunc ex trunco nata fuit arteria ad latus exterius nerui optici, quae super arteriam centralem transuersim incedens, descendit, in duos statim ramos diuisa, quorum alter abiit in ciliarem exteriorem maiusculam, octo fere ramulis bulbo insertam, alter ramos musculo depressori & abducenti misit, inter vtrumque musculum anteriora versus progressus. Deinde ophthalmica dedit lacrymalem, quae edito ramulo neruo frontali ad glandulam suam delata in eius vicinia cum ramo perforante arteriae temporalis profundaie iuncta fuit. Inde ophthalmica in cauo musculofo super neruum opticum introrsum procedens, edidit arteriam ciliarem interiorem superiorem, deinde ex ordine muscularum inferiorem, in primis ad musculum depressorem & adducentem delatam, supraorbitalem, ramulos ad obliquum superiorem & duram matrem, ethmoideam posteriorem retrorsum flexam, ethmoideam anteriorem, & tarream.

In

(c) Conf. BERRETINI Tab. anat. XXI. fig. VI. ad lit. h, HAL. LERI icon. bas. cranii fasciculo icon. anat. I. insert, ad lit. f,

In altero oculo. Ophthalmica, quam primum sub neruo in orbitam venit, edidit muscularem inferiorem, trunco dimidio fere aequalem, vnde natae fuerunt, primum centralis, post illam ciliaris inferior interior, rami ad musculum adducentem, & deprimentem & denique ad musculum obliquum inferiorem. Musculari illa inferiori edita, truncus ophthalmicae iunctus fuit anastomosi sat magna cum arteria altera accessoria, quae proposito arteriae meningae cum ramo primo nerui quinti paris allata fuit, multis in itinere per duplicaturam durae matris surculis emissis, ad neruos in transitu illo vicinos, duramque meningem. Anastomosi cum arteria illa facta truncus praebet ciliarem exteriorem superiorem, quae in duos ramos diuisa fuit, quorum alter in plures minores surculos solitus scleroticam perforauit, alter tenuior in primis ad nerui tunicam abiit. Inde oblique super neruum introrsum progressus in itinere dedit supraorbitalem, nerui frontalis comitem, ramos ad neruum opticum & originem musculi obliqui superioris, ad musculum attollentem, & ethmoideam posteriorem, tunc antrorsum delata, ethmoideam anteriorem, palpebralem anteriorem & superiorem. Arteria autem accessoria post factam anastomosin cum trunco in lacrymalem abiit, quae in itinere primum praebuit arteriolam ciliarem tenuissimam, ramum ad musculum attollentem, & abducens. Prope glandulam ramum, qui, perforato osse temporum cum temporali profunda iunctus fuit, glandula autem superata in duos ramos bifida abiit, quorum alter ad tempora superficiis excurrit, alter ad palpebram superiorem missa fuit, ad constitendum cum propagine trunci ophthalmicae arcum tarseum (d). Ad decursum ophthalmicae addere quoque visum est, illam quoque sub neruo optico progressam animaduersam mihi fuisse.

§. II.

(d) Conf. hist. arter. oculi, pag. 38. lqq.

§. II.

Arteriolae ciliares breues.

Propius nunc accedamus ad historiam arteriarum ciliarium, quarum fines in iride & processibus ciliaribus superius iam descriptissimus. Dum omnes meas obseruationes in iis quoque cadaueribus factas, vbi reliquorum ramorum ophthalmicae seriem prosequi non licuit, inter se conseruo, ex omnibus illis elicio, frequentissime mihi visas fuisse duas arterias ciliares maiores, alteram exteriorem & superiorem, alteram interiorem & inferiorem (*e*), quibus accedit una altera arteriola tenuior, quae gracillima in paucissimos tantum surculos in scleroticae parte posteriori diuiditur. Ciliarium maiorum aut utraque, aut alterutra tantum ex trunco nata fuit, cum altera plerumque ex musculari inferiori, tunc in illis subiectis grandiori proueniret. Tenuiores origine varia modo ex ophthalmica, modo ex lacrymali, modo ex musculari inferiori ortas animaduerti. Utique ciliaris maior, exterior, & inferior, quae interdum centralem edit, serpentinis flexionibus secundum neruum procedens aut in medio itinere, aut, quod saepius fere contingit, proprius ad bulbum oculi in plures diuiditur ramulos, editis in itinere nonnullis ad inuolucrum nerui furculis minoribus. Arteriolae autem, quas voco tenuiores, plerumque sine vlo fere ramo & restringenti tramite super neruum incedentes ad bulbum perueniunt. Semper autem surculi aliquot ciliarium & maiorum & tenuiorum in cellulosa, quae inuolucrum nerui cum sclerotica coniungit, utrinque ramum edunt, qui cum similibus surculis aliorum ciliarium iuncti circulum efficiunt, fini nerui optici circumpositum, in quem surculi quoque ex ipsa pia matre nerui optici aduenientes inferuntur, ex quo circulo ramuli enati perforata sclerotica cum reliquis choroidem adeunt (*f*). Arteriolae enim ciliares in

(*e*) Sic duos trunculos maiores ciliares habet III. HALLERV icon. bas. cranii, fasc. I. tab. art. facial. explic. vasor. III. p. 15. arter. oculi tab. f. 2. explic.

(*f*) Circuli illius primum mentionem feci in epist. de vas. subtilioribus oculi p. 27. et illum quoque pingit HALLER. tab. art. oculi, f. 4. ad lit. i.

in parte posteriori scleroticae in plures finduntur surculos, ut quindecim, viginti & ultra ramuli scleroticam perforent, alii autem tenuiores scleroticae exteriorem faciem pingant, in medio fere bulbo propaginibus arteriarum ciliarium anteriorum iuncti. Qui autem scleroticam perforant, duorum sunt ordinum, aliae plures & posteriores, quae ciliares breues dicuntur, aliae multo pauciores, anteriores, quarum numerus binarium raro excedit, quae longae dicuntur.

Ciliares breues siue posteriores, saepe ultra viginti, nervo optico quidem propiores, quam arteriolae ciliares longae, diuersa tamen ab illius ingressu distantia, scleroticam fatis recto itinere perforant, aliae maiores, aliae minores. Omnes ab ingressu arbuscularum similes, ad acutos angulos ramosi, per choroidem antrorum pergunt, ita ut rami inde enati densissima serie sibi appositi paralleli fere inter se decurrant. In itinere frequentissime ramis transuersis inter se vniuntur. In externa facie choroidis pone orbiculum ciliare frequentioribus, quam in posteriori parte choroidis, anastomosibus inter se coniunguntur; Nunquam tamen in homine elegantissimam illam fabricam obseruauit, quam in oculis animalium, vti veruecis aut bouis animaduertere licuit, vbi omnes arteriolae ex choroide aduenientes ad oram posteriorem orbiculi ciliaris transuersis ramulis in eodem fere plano ita inter se vniuntur, ut circulum constituant, quem surculi laterales ex ciliaribus longis transeuntibus emissi perficiunt, ex quo circulo plurima vascula serpentina ad alterum circulum in ipsa iride fluitante positum, & a ciliaribus longis factum, abeunt, ut nullus ramulus ullius arteriae ciliaris posterioris in iridem peruenire queat, nisi qui circulo illi posteriori choroidis immissus fuerit (g). In homine autem vix nisi vestigium huius circuli animaduersti; multa tamen sunt, quae suadent, circulum ibi quoque adesse, sed multo subtiliorem,

(g) Circulum illum in oculis animalium descripsi et delineatum dedi in *Observationibus de differentia fa-*

bricae inter oculum humanum et brutorum. Comment. Soc. Reg. Scient. Gotting. T. IV.

tem, in quem, modo fata permittere velint, accuratius & saepius inquirere est animus. Ab eo inde loco plurima vascula, tecta cellulositate orbiculi ciliaris, sed multum extenuata, circulum iridis adeunt, cui in ambitu immittuntur, ut alia cum ciliaribus anterioribus communicant.

Arteriolae enim ciliares breues antrorsum delatae in exteriori facie choroidis sensim extenuatae & rariores apparent; quae sensim ab anteriori illa facie secedunt, & concavam choroidis faciem petunt, ubi trunculi plurimi sibique paralleli, multo magis, quam in posteriori parte conspicui incedunt, & ad oculum denique in plicas processuum ciliarium producuntur. A concava autem illa facie omnia illa vascula teguntur reticulo subtilissimorum vasorum, unde innumeri secedunt flocculi, quae illam faciem vnde villosam, & in plurimis animalibus pulchris coloribus fulgentem reddunt, cuius fabricae superius fusorem dedi descriptionem (h).

§. III.

Arteriolae ciliares longae & anteriores cum circulo iridis.

Alter ordo ciliarium longarum est, quae NUCKIO (i) & HOVIO (k) fontes aut ductus aquos dicuntur, melius descriptae a CEL. FERREIN (l), accuratissime examinatae ab ILLUSTR. HALLERO (m), propagines sunt, ut priores, arteriarum ciliarium trunculorum, & scleroticam, ut neruuli, quorum perpetuae sunt comites, oblique perforant, ut ad duarum linearum a

neruo

(h) Cap. de choroide *Sect. I. §. VI. VII. et Sect. II. §. VI.* conf.

HALLERI quoque *hist. arter. oculi*, p. 48.

(i) *De duct. aquos. c. I. Tab. VI. f. I.*

(k) *Libr. saepe cit.*

(l) *Mem. Acad. Sc. Par. 1741. p. 379.*

(m) *Hist. art. oculi*, p. 45. sqq

neruo distantiam in interiori facie scleroticae ex illius substantia demum emergant. In homine vix vñquam vltra duas vidi, singulas in vtroque latere, cum in animalibus vtrinque binae sibi vicinissimae parallelae animaduertantur. Arteriolas illae, exterius breuibus impositae, neruulis arctissime iunctae, recta anteriora versus decurrent, nonnisi paucis & minimis ramulis ad choroidem emissis. In ea sede autem, vbi choroides cellulositate orbiculi ciliaris obducitur, quaelibet arteriola longa in ramos duos maiores diuaticatur, qui ad obtusissimum angulum descendunt, & oblique antrorsum delati, in margine exteriori iridis similibus ramis ex diuisione alterius arteriolas longae natis occurunt, vnde circulus maior iridis nascitur. Ex ipso autem angulo bifurcationis, & ex vtroque ramo arteriae longae oriuntur multi rami, qui in principio iridis simili modo diuaticantes occurunt arteriis ciliaribus anterioribus, illisque iuncti annulum interiorem efficiunt, qui vtrumque caudicem cuiuslibet arteriae longae inter se connectit. Duplex ergo maxima ex parte est circulus iridis, compositus ex annulo exteriori & interiori (n). Exteriorem annulum constituunt bini ramuli arteriarum longarum, qui a se inuicem secedentes comparibus ramulis arteriae longae alterius lateris inseruntur, qui annulus exterior maxima ex parte cellulositate obducitur. Annulus autem interior componitur ex plurimis arteriolis ciliaribus anterioribus, & ramis ex vtroque caudice arteriarum longarum enatis, quorum rami laterales inter se iuncti in annulum vndique clausum & continuum confluunt, vnitum cum duobus ramulis arteriarum longarum, vbi sibi inuicem inseruntur. Sed hic quoque annulus interior multis in locis iterum aliqua ex parte duplex est, cum saepe duo surculi longe paralleli decurrent, priusquam inter se vniuantur; Vndique ille flexuosus serpentino ductu incedit, ipsam oram exteriorem iridis vndique legit, vt maxima ex parte statim in oculos incurrat, cornea vndique abscissa, et si cellulositas orbiculi ciliaris nondum ablata fuerit (o).

Prius-

(n) Vid. tab. art. oculi, f. 5. 6.

(o) Ill. HALLERVM primum fu-

isse, qui circulum arteriosum ex homine pinxerit, reliquorum autem ico-

Priusquam autem ad describendas propagines ex circulo iridis prouenientes accedam, dicendum adhuc esse videtur de arteriis ciliaribus anterioribus. Nempe rami arteriosi musculos sequentes emittunt duos tresue surculos, qui cum tendinibus muscularum ad scleroticae partem anteriorem corneae proximam perueniunt, vbi in plures finduntur ramulos, quorum tenuiores per omnem ambitum scleroticae dispersi partem inprimis eius anteriorem pingunt, maiores autem per arcus saepe inter se iuncti alii corneae propiores, alii remotiores scleroticam perforant. Sed interdum ad illos vidi accendentem vnum alterum ue surculum, natum ex arteria palpebrali superiori, per coniunctiuam huc delatum, qui cum reliquis arteriolis anterioribus, quibus vix mole cedere visus est, scleroticam perforauit. Omnes illi surculi arteriosi per cellulosam orbiculi ciliaris antrorsum delati maxima ex parte circulo iridis se immittunt, & in primis multum ad perficiendum annulum interiorem faciunt, non nulli ipsum circulum praetergressi, continuo iridem adeunt, aliquot autem ramuli in parte pallida choroidis cellulosa testi propaginibus arteriarum breuum ibi inseruntur (*p.*)

Ex circulo ergo interiori, qui a posteriori parte arterias ciliares longas, & anteriores, & ramulos breuum recipit, ab anteriori facie prouenient vascula iridis, quae parallelo ductu incedentia, sed flexuosa tamen ad annulum iridis minorem tendunt, ad cuius oram maiora, instar vasorum mesentericorum, per arcus inter se iunguntur, qui tenuiora a facie concava recipiunt. Tantum autem abest, vt omnia ex circulo maiori orta vasa ad oram annuli minoris per arcus inter se coëant, vt plura sine vlla maiori anastomosi cum vicinis inter arcus recta ad annulum minorem tendant, vbi in minores surculos diuiduntur, quibus accedunt ramuli ex conuexitate arcuum orti. Omnia illa vascula in annulo minori ita inter se iunguntur, vt, si in oculo

iones ad fabricam animalium pertinere, docui in *Observ. de differ. fabricae &c. T. IV. Comment. Soc.*

Sc. Gott.

(*p.*) *Conf. hist. art. oculi. p. 46. f. 4.*

oculo post felicissimam repletionem decursum illorum examines, facile appareat, alia quidem recta ad oram interiorem pupillae venire, alia autem in alterutrum latus deflecti, & itinere cum ora pupillae parallelo decurrere, quae surculos recta ad pupillam tendentes recipient, & crebris anastomosibus cum illis iunguntur, vnde (*q*) in fetu vascula tenuiora ultra oram iridis producta ope tenuissimae interpositae cellulositatis membranam sic dictam pupillarem formant (*r*).

§. IV.

Arteriae retinae ex centrali ortae.

Neruus opticus in ipsa iam cauitate cranii prope coniunctionem plurimos accipit surculos tenuissimos ex ipso trunco carotidis ortos, qui in pia matre substantiae eius medullari circumposita ludentes cum neruo ad orbitam pertingunt, & ibi cum aliis surculis ab ophthalmica ortis communicant. In omni enim itinere neruus opticus a vicinis ramis plurimos accipit surculos, interdum non ita paruos (*s*), qui in utroque eius iuuolucro recurrentes inter se iunguntur, & demum nonnullis ramulis circulo arterioso circa nerui optici insertionem in bulbum posito immittuntur, ubique autem tenuissimas propagines in substantiam nerui demittunt, quae in cellulositate funiculis medullaribus circumposita delatae, & dissectae, porosam nerui fabricam efficiunt. Semper autem arteriola maiuscula ad medium axin nerui penetrat & veram centralem constituit (*t*). Ortam illam vidi ex trunco ophthalmicae ante omnes reliquos ramos, ex alterutra ciliari, & ex musculari inferiori, quae surculis ad duram matrem & piam meningem nerui emissis oblique substantiam illius

(*q*) Vid. sup. cap. de chorioide.
Sect. III. §. IV.

(*r*) Ill. ALBINVS, praeter alios supra dictos, membranam pupillarem quoque describit et pingit Acad. Annot. L. I. cap. VIII. Tab. I. f.

13. 14.

(*s*) Vide icon. bas. cranii et Tab. art. oculi, f. 2.

(*t*) Arteriam illam optime descriptam in neruo optico pingit Illustr. HALLERVS tab. art. oculi, fig. 47.

illius perforat, & per medianam fere axin ad oculum delata, cum substantia medullari per medium porum maiuscum laminae cribrosae ad retinam pertingit, quae non repleta in neruo diffe-
cto medio & illa lamina porum relinquit, sub nomine pori optici veteribus iam notum (*u*). Ab illo ingressu in ramos maiuscum sanguine plenos magnis angulis quaqua versum diuiditur, qui sanguinei & ramosi ad anteriorem terminum retinae pertin-
gunt. In oculo arteria centralis duos maiores ad oram anterio-
rem retinae mittit ramos, qui ibi ad magnum angulum diuari-
cati longe oram illam legunt, sibique occurrentes circulum cir-
culo iridis similem constituunt, vnde plurimi surculi ad partem posteriorem retinae, vix ullus anteriorem versus terminum de-
currit (*x*). In homine autem eiusmodi circulum nondum vidi,
et si anterius nonnullos ramulos transuersim incedentes me vi-
dere meminerim, ut vix desperem, repetita experimenta simi-
lem in homine fabricam forte olim ostendere posse. Arteriolae
retinae vnicce in interiori retinae facie decurrunt, nudae fere,
qua humorem vitreum contingunt, & teguntur, qua choroidem
respiciunt, multa medulla nervi optici intermedia, per quam quidem
pellucent, minus tamen conspicuae apparent, in primis si retina
pulposa, aut spiritu vini & morte obscurior reddit a fuerit (*y*): si
vero faciem internam retinae per humorem vitreum adspicias,
tenuissimi & ultimi surculi libere & optime in oculos incurront.
Interdum tamen unum alterumue ramulum ad exteriorem fa-
ciem retinae perforata medulla emergentem vidi, qui breui ad
interiore faciem iterum rediit. Ab arteria denique centrali
perforata lamina cribrosa, ramus praeterea discedit, qui per
medium humorem vitreum, cui tenuissimos in itinere surculos
exhibit, ad faciem posteriorem lentis peruenit, in cuius capsula
in plurimos ramulos diuiditur (*z*).

§. V.

(*u*) Forum illum a Vesalio rele-
ctum restituit et expressit EVSTA-
CHIVS Tab. XL. in omnibus fere
figuris, et in examine ossium, edit.
Boerk. p.

(*x*) Circulum illum ex oculo deli-
neauit in Comm. Soc. Scient. Gotti-

gens. T. IV. obstruat. de differen-
tia fabricae &c. supra cit.

(*y*) Vid. sup. cap. de retina. §. III.

(*z*) III. ALBINVS arteriolam il-
lam describit et delineavit in modo
citat. Annot. acad. Tab. I. f. 4. 5.
cap. VII,

§. V.

*De corneae vasculis sed suspectis, et reliquis
ophthalmicae ramis.*

Non quidem dubito, fore multos, qui credent, me nimis breuem in historia arteriarum oculi fuisse. Sed alia, quae ipse non vidi, consulto omisi, vti vascula corneae aliis dicta, quae nunquam neque ope injectionis ceraceae, neque in fetu sponte manifesta, vti mihi de arteriis lentis contigit, obseruare potui. In animalibus quidem maioribus, vt bove & veruece, vascula adsunt ex arteriolis ciliaribus anterioribus orta, quae longe originem corneae accurate legunt, sed neque ibi ipsa vascula corneae substantiam adeuntia, reperire potui. Sed etiam describendi & ad finem usque deducendi forte supererant alii ophthalmicae rami, vti supraorbitalis, qui nerui frontalis comes, in frontem exit; ethmoidea anterior, quae per foramen ethmoidicum anterius narium interiora adit & nonnullos surculos in caueam crani emisso per duram matrem eiusque falcam dispergit; palpebralis inferior & superior, ortae ex ophthalmica a trochlearie tendine iam egressa; nasalis demum & frontalis ramus, & rami illi accessorii auxiliares, qui ab arteriis infraorbitali, temporali & exteriori & profunda veniunt, & magnis anastomosibus cum ramis ophthalmicae iunguntur. Sed omnem illorum historiam III. HALLERVS plenissimam iam tradidit, quae ab omnibus hic consuli meretur (*). (22).

(*). *Fasc. VII. Hist. arter. oculi, saepe cit.*(22) *Suppl. C. X. §. 22.*

CAPVT XI.

DE

VENIS OCULI.

§. I.

Historia venarum oculi.

Venarum oculi historia parcissima est, & obscura apud omnes fere Auctores illarum notitia. Vix enim ullus fusiorem aliquam illarum dedit descriptionem, aut accuratius in illas indagavit, quum omnes fere credere videantur, venas vbique eundem cum arteriis habere decursum, vt quae de arteriis dicantur, de venis quoque valere possint. **GALENVS** (*a*) & alii ex vetustioribus tam choroideam, quam retinam arteriis & venulis esse refertam scriperunt, circa truncum & decursum illorum plane silent. **VESALIVS** primus esse videtur, qui truncum venae cognouerit, quam ad angulum oculi internum ortam in cranii caueam venire scribit. **FALLOPIVS** (*b*) autem vltterius hic progressus est, qui probe vidit venam facialem, ubi ad angulum oculi internum venerit, quandam insignem partem de se emittere, quae per musculos & oculi membranas exteriores spargitur, & venae ethmoideae posterioris nerui comitis mentionem fecit, nec alterum finem incognitum habuit, ubi alibi docuit, ex iunctis duobus petrosis sinubus ad sellam Turcicam oriri venulas, quae ad oculi orbitam pertingant (*c*). Qui post illum sunt secuti, ad nostra vsque tempora vix quidquam addiderunt, persuasi, venas vbique comites esse arteriarum, vt quae **RIDLEVVS** (*d*) & ipse **SANTORINI** (*e*) de insertione venae ophthalmicae in finum

(*a*) De usu part. l. 10. c. 2,(*d*) Anat. of the brain, p. 45.(*b*) Obs. anat. p. 728.(*e*) Obs. anat. c. III. §. 27.(*c*) Loc. cit. p. 734.

finum cauernosum locuti industriam Fallopii parum vincant; posterior tamen illarum exitum per fissuram sphenoideam accuratius definiuit. WILLISIVS (*f*) tamen iam olim arterias, venosis propaginibus vbiique stipari tradidit. STENO (*g*) quidem longe ante illos venulis ad choroidem pertingentibus radiorum instar ibi expansis nomen vasorum vorticoforum imposuit; nihil tamen praeter nomen habet, & aequo minus ac alii nouit, vasa illa vorticosa solis effici venulis, quod quidem inuentum Illustr. HALLERO seruatum suisse videtur. Etsi enim omnes reliqui Anatomici nomen illud a STENONE receperint, omnes tamen vnanimi consensu in ea fuerunt opinione, vasa illa vorticosa propagines esse arteriarum, venarum nulla mentione facta. RVSCHIVS, qui communi quidem errore vasa vorticosa arteriosa esse credidit, ex balaenae oculo pingit circulum venosum iridis (*h*), quem pro arterioso habuit, a quo longe tamen differt, in quem a choroide innumeri surculi confluunt, & vnde in iridem propagines abeunt, qualem quidem fabricam in oculo bubulo adesse, in homine autem plane aliter rem se habere obseruauit. HOVIVS (*i*) quidem bene vidit, circulum illum a RVSCHIO pictum esse venosum, quem autem pro illo nobis exhibet, ita certe sese habet, ut magis ex ingenio fictus, quam ad naturam delineatus esse videatur. Venulae illae subtilissimae processuum ciliarium & choroidis nimis sunt suspectae. WINSLOWVS (*k*) in venarum descriptione breuissimus venas ophthalmicas prope insertionem in receptacula vocat sinus orbitarios, nec quidquam addidit, quorum sedem Illustr. LIEVTAUD (*l*) accuratius definire studet inter par sextum & neruum ophthalmicum. HEISTERVS (*m*) venas choroideae breuiter describit ex oculo bubulo mercurio repletas. Reperit ibi anastomoses & iuga more arteriarum in ligamento ciliari facta, & circulum veno-

(*f*) *De brutorum anima, C. XV.*
p. 125.

(*g*) *Cap. can. carch. dissert. edit.*
Flor. p. 83. Belg. p. 106.

(*h*) *Thef. II, Aff. I. T. I. f. 6,*

(*i*) *De circulari humorum motu
in oculis, T. 5. f. 1.*

(*k*) *Tr. de la tete, §. 300. et §.
29.*

(*l*) *Eff. anat. p. 387.*

(*m*) *Diff. de choroid. §. 26,*

nosum arterioso similem, vnde ramuli maiores eodem loco, quo arteriolae intrantes scleroticam perforant & retia vasorum in orbita constituunt, & inde ad vtramque venam iugularem sanguinem reuehunt. In oculis humanis venas non indagauit.

HEVERMANNVS (*n*) affirmat, **A**LBINVM venas cera repleuisse, plura autem non affert. In strangulatis tamen vedit anastomoses venarum circa bulbum oculi. **C**el. **H**EBENSTREIT (*o*) habet venam orbitariam, per fissuram sphenopalatinam ex orbita exeuntem, diuersam a singularibus venis, quae ad basin caluariae retrouertuntur, & sanguinem internum oculi reuehunt, quae quidem descriptio cum obseruationibus meis nullo modo congruit. **F**ERREIN (*p*) venulas iridis cera repletas, sub circulo arterioso ad venas maiores choroidis redire vedit. Venae ophthalmicae historiam multum auxit Ill. **H**ALLERV^S (*q*), qui iam animaduertit, contra vulgarem opinionem, venam hanc arteriae non esse satis similem, et si pariter ciliares sed medias omnes, & nasales, & meningeam per fissuram ossis sphenoidis alis interiectam ad duram matrem remittat. Optime monuit, venam illam sinus nomen ferre non posse, illamque paucioribus maioribus truncis medium scleroticam perforare, nec vena centralis retinae industriam illius effugit (*r*). Inprimis autem summa laudem meretur, qui primus vasa vorticosa vnice esse venosa docuit (*s*). Eo magis autem ad indaganda vasa venosa oculi excitatum me fuisse fateor, quod **H**EISTERV^S, **L**OB^E, **H**EVERMANN, **H**EBENSTREIT & alii de extricandis illis fere desperare, & dubitare videantur, an omnino repleri possint.

§. II.

(*n*) *Physiol. T. II. §. 762.*

(*q*) *Fasc. III. icon. arter. faciet,*

(*o*) *Progr. de vasis sanguiferis
oculi.*

not. 26.

(*p*) *Mem. Acad. R. So. 1741. p.
381.*

(*r*) *Phys. prim. lin. §. DXX.*

(*s*) *Fasc. VII. icon. art. ophthal-
mic, p. 47.*

§. II.

Descriptio trunci venae eiusque ramorum.

Vena ophthalmica, **VESALIO** (*t*), & **FALLOPIO** (*u*) iam dicta, oritur, (ita loqui fas esto) ex receptaculo loco plane recondito infra arteriam carotidem, vbi ex osleo canali egressa transuersa antrorsum pergit, & inde, sub processibus clinoideis anterioribus introrsum adscendit, tecta ibi origine neruis tertii & sexti paris. Ab illa inde origine inter neruum sexti paris & durae matris laminam alteram cranio firmissime ibi annexam antrorsum pergit, & simul paululum descendit, vt infra neruum sexti paris emergat. Hanc in primis partem **WINSLOWVS** (*x*), & eum secuti **LIEVTAVD** (*y*), **GARENGEOT** (*z*), sinum orbitarium vocare videntur, nimis tamen paruam, nimis a fabrica reliquorum sinuum diuersam, quam vt illud sinus nomen mereri posse videatur. Vix enim totam venam ophthalmicam velle videntur, quum ex orbita allatas venas in sinum illum orbitarium inferi affirment. **SANTORINI** (*a*) autem primum seu superius emissarium hanc venae ophthalmicae originem appellat. Postquam ergo illa sub neruo sexto in conspectum venit, ad latus externum fasciculi neruorum, qui per rotundam partem fissurae sphenoideae in orbitam penetrant, antrorsum & sursum pergit, & caput superius & minus musculi abductoris conscendens cum ramo ophthalmico nerui quinti paris & neruo pathetico, exterior in orbitam pertingit. Haec quidem fabrica est frequentior. Interdum tamen vena in duos ramos iam fissa fuit, antequam in orbitam peruenit. Sic res se habuit in utroque latere hominis adulti. Altero in latere ramus maior, exterior, ad latus externum & superius oculi abiit, minor autem inter musculum abductorem & inferiorem loco recondito in orbitam peruenit, & ramo cum superiori iunctus, musculo in primis inferiori ramum dedit, & ciliares demum inferiores praebuit. Altero autem in latere ramus eodem modo ante ingressum

(*t*) *De corporis hum. fabr.* L. I.
s. 12. (*u*) *Obseru. anat. loc. cit.*
(*x*) *Tr. de la tête, §. 29.*

(*y*) *loc. cit.*
(*z*) *Splanchnol.* T. II. p. 232.
(*a*) *Obseru. anat. Cap. III. §. 27.*

ingressum in orbitam a trunco secedens, infra tendinem communem trium musculorum rectorum in orbitam progressa muscularis vicinis ramos exhibuit, & nasalem posteriorem genuit. Truncus autem musculo exteriori incumbens orbitam ingressus primum dat ramulum ad duram matrem fissurae sphenoideae superioris, qui in cranium rediens per duram matrem lacunar orbitae tegentem dispergitur; & ramos ad musculum exteriorem & superiorem, & nasalem posteriorem, quae supra musculum attollentem & leuatorem ad foramen orbitarium posterius prooperat. Tunc plerumque a trunco secedit ramus magnus inferior, qui in plurimos ramulos diuiditur, quorum alii musculum interiorem & inferiorem, & obliquum minorem adeunt, alias ad scleroticam abit, quem ciliarem inferiorem vocare possis, cuius loco interdum duo adsunt ciliares, alias fundum orbitae perforat, vt infraorbitali venae iungatur, alias ad latus externum cum lacrymali, alias ad internum cum interiori ramo anastomosin habet. Praeterea semper ex inferiori ramuli aliquot minores neruum opticum adeunt, aucti quibusdam surculis a trunco ipso venientibus, qui partim vaginam nerui adeunt, partim cum arteriolis & neruulis ciliaribus procurrunt, & surculis minimis in scleroticae substantiam emissis, cum neruulis uno saepe foramine scleroticam perforant, quorum alii, ramulis retrorsum euntibus vasorum vorticorum inseruntur, alii in venulas ciliares longas abeunt.

Post inferiorem oritur lacrymalis, qui ramulos dat ad musculos superiorem & exteriorem, ramum anastomoticum cum inferiori, & aliū similem, qui ramulo ex trunco oriundo inseritur; ciliarem, quae autem interdum distincta ex ipso trunco venit; ramum arteriae socialis, qui perforato osse ad musculum temporale peruenit, & venae temporali profundiori iungitur; ramulos ad glandulam lacrymalem; ramos palpebrales, qui cum ramis ex trunco ad angulum internum ortis arcus tarseos faciunt; & aliū, qui ad tempora excurrit.

Ramo

Ramo illo lacrymali edito truncus introrsum transversus pergit, & musculo superiori subiectus in conum a musculis formatum se immergit, quo in itinere, dum bulbi partem posteriorem praeterlegit, fere semper praebet ciliarem superiorem maiorem, & ramulos aliquot ad musculum superiorem & leuatorem palpebrae.

Ad latus demum internum bulbi oritur ramus interior, qui, ramis ad musculum interiorem & obliquum superiorem datis, in fundum orbitae se demergit, plerumque ciliarem praebet tertiam; ramum denique utrumque anastomoticum, alterum minorem trunco insertum, alterum maiorem inferiori iunctum. Ramus ille interior semel mihi visus est magnus trunco fere aequalis, qui ad latus internum ad fundum orbitae descendit, ramulum emisit anastomoticum cum inferiori, inter musculos & periostium iterum adscendit aliquot insulis factis, ethmoideam anteriorem praebuit, & prope trochleam venae trunco iterum iunctus fuit.

Inde ad latus internum oculi truncus antrorsum progressus, quartam praebet ciliarem; anastomoticum cum lacrymali, & alium cum interiori, ramulos ad leuatorem & superiorem, prope trochleam ethmoideam anteriorem, arteriae sociam. Ad angulum demum internum diuiditur in palpebrales, cum lacrymalibus arcus tarsofacientes; frontalem profundum, dorsalem nasi, cum simili vena alterius lateris in glabella iunctam, & in facialem venam demum continuatur. Ex hac ergo apparet descriptione venas ophthalmicas non adeo esse similes arteriarum, ut plurimi crediderunt Anatomici, qui hac opinione abdusti venas omnino neglexerunt. Etsi enim rami maiores cum arteriis quodammodo conueniant, saepissime tamen diuersum ab illis tenent decursum, minores autem ramuli & ciliares nihil fere cum ciliaribus arteriolis commune habent. Inprimis autem obseruatu dignum videtur, omnes ramos maiores ramis satis magnis anastomosi patula ita inter se iungi, ut circulum constituant, bulbo oculi laxe circumductum, & sanguis liberrime ex

vna in alteram venam transire possit, quae communicatio nunquam deesse mihi visa fuit (*b*). Nonnullas recensere visum est varietates, quarum prima sumta fuit ex infante, vbi in altero latere sic se habuit ramus inferior, vnde ciliaris inferior; ramuli ad musculum abducentem, inferiorem, obliquum minorem; ramus anastomoticus cum ramo interno; ramus lacrymalis; ciliaris altera; ramus interior magnus, trunco fere aequalis, qui in latere interno ad fundum orbitae descendit, infraorbitali inferiori iungitur, inter musculos & periostium iterum adscendit, ciliarem internam & anteriorem nasalem praebet & trunco infra trochleam iterum iungitur; ciliaris ex trunco; ethmoidea anterior; rami palpebrales & nasales.

In altero latere ethmoidea posterior; ciliaris superior; ramus inferior, vnde musculares & ciliaris secunda; lacrymalis; ramus ad musculum superiorem; interior, vnde ciliaris tertia; ciliaris quarta; ethmoidea anterior; rami palpebrales & nasales.

Alia series. Ramuli ad durara matrem & musculos externum & superiorem; ramus inferior, vnde duae ciliares; lacrymalis; communi origine cum lacrymali ciliaris tertia; ramus interior; ramuli ad musculum superiorem; ciliaris quarta; ethmoidea anterior, rami, ut in priori.

Alias ordo. Rami ad musculos externum & superiorem; ramus inferior, vnde prima ciliaris; lacrymalis, vnde secunda ciliaris; ciliaris tertia; ramus interior; ciliaris quarta; ethmoidea anterior,

§. III.

(*b*) Sic etiam HEISTERVS de cho-
roid §. XXVII. et HEVERMANN
Physiol. 2. Tom. venas in orbita
multis anastomosibus inter se iungi
docent.

§. III.

*Venulae ciliares in vasa sic dicta vorticosa
abeuntes.*

Propius nunc accedamus ad venulas ciliares (*c*), quae plerumque 4 aut 5 trunculis bulbum adeunt, ut in quois latere venula ciliaris adueniat, quorum quidem inferior, interdum duplex oritur ex ramo inferiori, exterior aut ex ramo lacrymali, aut ex trunco, communi fere origine cum lacrymali, interior ex ramo interiori, & superior ex ipso semper trunco. Venula ciliaris exterior, reliquis semper maior dupli interdum oritur radice, quarum altera ex lacrymali, altera ex trunco neruum opticum transgressa aduenit.

Quatuor hi trunculi ad medium bulbi partem allati in cellulosa, qua oculus ambitur, semper flexione serpentina facta ludentes in duos tresue ramos, alterum maiorem, duosue minores, diuiduntur, qui paulum a se inuicem secedentes, sibi tamen satis vicini scleroticam oblique perforant, in posteriori parte, si oculum in duo haemisphaeria diuidas, & instar nerorum ad duas interdum lineas inter laminas scleroticae decurrent, priusquam in interiori eius superficie appareant (*d*). Scleroticam autem nunc subituri per cellulosam exteriorem plurimos spargunt ramulos, qui partim antrorum, maxima autem ex parte posteriora versus decurrentes, scleroticam egregie pingunt, & circa ingressum nerui optici venulis cum neruis ciliaribus allatis iunguntur. Etsi ergo quatuor tantum sint trunculi, vascula tamen fere semper duodecim circiter reperio, scleroticam perforantia, cum RYVSCHIVS & alii sex tantum numerent; alia maiora quatuor aut quinque, quae vasa illa vorticosa pulcherrima conspicua edunt, alia minora, quae vortices minores, minus

(*c*) Quatuor quoque numerat Ill. HALLER VS *Fasc. VII.* p. 47. RYVSCHIVS, sex facit, *Thes. II.* ab init.

(*d*) Bina interdum vascula saepe sibi proxima, ut uno foramine vtantur. Ill. HALLER, habet *Fascie. VII.* p. 47.

nus pulchras, minusque perfectas efficiunt, vt inde tantum imitamentum maiorum esse videantur. Quin nonnulla ex illis vasculis venosis ciliaribus, tenuissima, & vix conspicua, sine ullo vortice directe antrorum decurrent, & ramos tantum laterales ad choroidem demittunt (e).

Venulae illae ciliares radiatim diuisae sunt vasa vorticosa **STENONIS**, vbi solum tamen nomen adest, vt dubitare adhuc liceat, an ille eadem vasa, quae nunc dicuntur vorticosa, voluerit. Eadem vasa videtur vidisse **MAITREJEAN** (f), vbi docet, chorodi esse intertextas plurimas fibras, quae vortices faciant, & quas non incongrue cum spiralibus plicis epidermidis in apice digitorum conspicuis comparauit. Ab illo **STENO-**
NE nomen illud omnes receperunt Anatomici, et si, vt superius iam monuimus, vasa illa vorticosa ab arteriolis ciliaribus effici crediderint. Primus illa nomine arteriarum pinxit **RVVSCHI-**
VS (g) tum chorodi instrata, tum singula, & separata satis bene, sed nimis arbuscularum similia, qui optime quoque ea describit, vbi docet (h), choroidem mediam sex perambulare vascula, quae ramulos innumeros sursum versus neruum optimum & deorsum versus vueam demittunt. A **RVVSCHIO** Ill.
HEISTERVS (i) iconem suam defumisit, & descriptionem. Melius fere placet icon **BONHOMME** (k), quae magis ad naturam accedere mihi videtur, sed nimis pauci sunt rami, nimisque ruditer expressi. Felicissime autem duo vasa vorticosa delineata reperies ab Ill. **HALLERO** (l), et si, illis non ita intentus, ac arteriis exprimendis, eandem perfectionem quaesiuisse non videatur. Post **RVVSCHIVM** autem omnes fere, qui eum sunt secuti Anatomici, illorum faciunt mentionem, vbi arterias scle-

roti-

(e) Omnia semper sunt sanguine plena, vti **MORGAGNI** epist. anat. **XVII.** n. 2. et Ill. **HALLERO** l. cit. iam docuerunt.

(f) *Tr. des maladies de l'oeil*, p.

24.

(g) *Epiſt. XIII. T. 16. f. 8. 9. 10.*

(h) *Theſ. II. Aſſ. I. n. 1.*

(i) *Difſ. cit. icon.*

(k) *Cephalot. T. XIV. f. 3.*

(l) *Fasc. VII. T. art. oculi, fig.*

5. aa.

roticam perforantes in ramos, a centro versus peripheriam radiatim recurrentes diuidi affirmant, vt stellas aut arbusculas fere exhibeant. Ill. HALLERVS autem, postquam alibi iam monuerat (*m*), venas instar arteriarum in choroide arbusculas arteriosis similes sed maiores efficere, in libro recentissimo (*n*), vasa illa vorticosa vnice ad venas pertinere docuit, nihilque simile arteriis contingere. Quae res cum adeo facile sit obvia, & primo statim intuitu, arteriis & venis repletis, in oculum incurrat, concludi inde fere posse videtur, vix ullum eorum, qui vasa vorticosa arteriosa dixerit, venas unquam solas repleuisse. Quicunque autem vasa illa vorticosa a vasculis radiatim expansis formata fuisse dixerunt, minus certe accurate loqui mihi videntur, vt ex descriptione mea, icone illustrata satis patet. Venula nempe quaelibet ex quatuor illis maioribus, quae in primis pulchriora illa vasa vorticosa faciunt, vbi ad choroidem oblique accesserit, intra breuissimum spatium, numerosissimos emittit ramulos, densissime congestos, sibique proxime vicinos, vt ex uno fere puncto orti videantur, qui omnes fere versus alterutrum latus decurrunt, & unus & alter ramus versus alterum latus tendit. Trunculus ergo eiusmodi ramulos versus alterutrum latus tantum fundens formam potius repraesentat fontis salientis versus plagam quandam oblique directi, & radios aquæ per laminam cribrosam transmittentis, aut aspergilli laxioris aut secundum MAITREJEAN (*o*) plicarum spiralium epidermidis, quae in apice digitorum obseruantur. Neque enim arbusculas referunt, vtrinque ramos ramosos fundentes, variis sub angulis, & repetita ramificatione, sed tot fere sunt trunculi, quot radii vorticis apparent, qui sub acutissimis demum angulis ramulos emittunt pauciores, sibique parallelos. Qui omnium primi a venula ad choroidem adueniente, oriuntur trunculi, ad angulum cum trunculo retrogradum, vti loqui solent, sine ulla fere in arcum flexione retrorsum plurimi, proxime sibi vicini, ductu inter se parallelo feruntur; alii vero inter hos & anteriores nati pri-

(*m*) *Phys. prim. lin. §. DXX.*
(*n*) *Hist. arter. oculi. p. 47.*

(*o*) *Loc. cit.*

primum arcu facto ad trium linearum longitudinem & ultra transuersi per choroidem incedunt, & inde demum retrorsum flexi recta via densissime congesti, & inter se & cum prioribus paralleli versus ingressum nerui optici feruntur, vt multae originem choroidis attingant, vbi maxima ex parte in choroidem sensim desinunt, nonnullis autem inferuntur venulae quaedam minimae, quae cum arteriolis ciliaribus posterioribus scleroticam perforant, ortae pleraequa a ramulis rami inferioris, neruum opticum adeuntibus. Plurimi etiam ex illis, trunculis transuersum decurrentibus vasis vorticosi in ramulos minores diuisi frequentibus anastomosibus iunguntur cum ramulis similibus vasis vorticosi vicini, quas etiam anastomoses egregie depinxit Illustr. **HALLERV**s (*p.*). Vortices enim illos maiores ita fere semper dispositos reperi, vt bini & bini latere, quo ramos fundunt, se inuicem respiciant, & ramos transuersos sui similibus occurrentes sibi tendant. Trunculi autem ex vortice nati anteriores alii, vt de posterioribus dictum est, post decursum per exteriorem choroidis faciem transuersum iter mutant, & in contraria prioribus directione antrorsum feruntur, ductu cum illis parallelo, qui loco magis anteriori nati statim sine ullo arcu facto & in eadem fere cum trunco directione copiosissimi ad orbiculum ciliarem pergunt. Paucissimi denique ex altero latere trunci orti, versus alteram plagam incedunt, & partim in choroide euanescent, partim anastomosin cum vicino vasculo vorticoso minori habent, de quibus dicendi nunc locus est.

Superius nempe iam dixi, quatuor quidem aut quinque plerumque adesse trunços venosos, qui conspicua pulchriora illa vasa vorticosa efficiunt, plura tamen adesse vascula venosa, ad decem & duodecim usque, eodem modo medium scleroticam perforantia, quorum alia maiora, vortices efficiunt, qui maiores quidem imitantur, sed minus sunt perfecti, minusque pulchri, & ramos ex alterutro latere edunt, quos statim directe aut antrorsum aut retrorsum mittunt, maioribus illis semper vicinis;

(*p.*) *Tab. art. oculi, fig. cit.*

cinis; Denique alia sunt adhuc minora, quae ne vortices quidem faciunt, sed arbusculas tantum formant, ramos utrinque fundentes; alia denique tenuissima recta antrorum abeunt, paucissimis & minimis in itinere ramulis ad choroidem emissis. Omnes illae venae, quarum propagines maiores, vasa illa vorticosa maiora, pulchriora, sub nomine arteriolarum reliquis nota; minores autem aut vortices imperfectos & rudes aut arbusculas faciunt, in eodem fere circulo scleroticam medium perforant,

§. IV.

Venulae ciliares longae et anteriores.

Praeter ea autem nonnulla alia vascula venosa, reliquis plane intacta, perforata sclerotica, choroidem adeunt, quorum alia arteriolas ciliares longas, in circulum iridis abeuntes, ab Ill. HALLERO optime descriptas (*q*), imitantur, alia comites se praebent arteriolis ciliaribus anterioribus, prope corneam scleroticam perforantibus. Venulae ergo ciliares longae ortae a surculis minimis, a trunco & ramo inferiori neruum opticum adeuntibus, neruorum perpetuae comites, scleroticam, in eodem circulo cum ciliaribus longis, penetrant, non absque ramis in eam immisis, & neruulo cuidam maiori arctissime annexae, cum illo semper per unum idemque foraminulum transmituntur, quarum numerus, ut arteriarum, semper exiguus est, & plerumque eodem modo duas tantum vidi, moles autem, contraria ac in arteriolis ratione, vasculis vorticosis multo semper minor est. Venulae illae ciliares longae, neruulo suo semper arctissime adhaerentes, aut interdum duobus neruulis minoribus interceptae, exterius vorticosis impositae, recta longitudinem choroidis metiuntur, & nonnisi paucos & minimos ramulos, vorticosis insertos, in eam membranam emittunt. In ea autem alba molli cellulositate, quae choroidis & scleroticae vinculum est, & orbiculus ciliaris vocatur, quaelibet venula longa in duos diuaticatur ramos, qui ad obtusissimum angulum descendunt,

(*q*) Hist. arter. oculi loc. 6.

dunt, & longe originem iridis legentes, in vascula demum minora iridis, cum surculis vorticoforum, & venularum anteriorum abeunt.

Venulae illae ciliares anteriores simillimae sunt arteriolis sui nominis. Nempe ramuli venosi musculos quatuor rectos comitati, ad lineae a cornea distantiam, eo loco, quo tendo scleroticae infigitur, surculos quosdam emittunt, duos tresue ex eodem musculo ortos vidi, qui tendinem deserunt, & in scleroticae anteriorem excurrunt, vbi cum vicinis coëunt in arcus conuexos, arcibus mesentericis simillimos, ex quorum conuexitate oriuntur alii ramuli minores, qui, eodem numero ac arteriolae, inter originem corneae, & insertionem tendinum scleroticae perforant, alii corneae propiores, alii paulo remotiores, & per cellulosam telam & orbiculum ciliarem ad originem iridis perueniunt. In cellulo illo circulo surculos quosdam emitunt laterales, vicinis vorticoforum propaginibus insertos, ipsi autem trunculi iridem cum reliquis adeunt.

Ad eandem nempe iridem accedunt numerosissimi surculi, qui a vasibus vorticosis maioribus & minoribus orti antrorum decurrent. Surculi illi anteriores, quos vasa vorticosa edunt, in minores iterum ramulos sub acutissimis angulis diuiduntur, quorum alii in choroidem profundius se demergentes processus ciliares adeunt, quos in infante recens nato sanguine plenos vidi; alii autem & plurimi quidem per telam cellulosam ad iridem properant.

§. V.

Num circulus venosus iridis in homine adsit?

In illa autem cellulositate iridis choriodi obducta, molli, lubrica, in qua latet circulus arteriosus, circulum quoque venosum, arterioso similem adesse, omnes fere recentiores, qui circuli arteriosi mentionem fecerunt, vnanimi ore adfirmant.

Primus pinxit Rvvschivs (*r*) circulum quendam perfectum, vndique clausum, & vueam ambeuntem, in quem innumera a choroide vascula sese immittunt, densissime congesta, & vnde tenuissimi surculi copiosissimi in iridem disperguntur. Etsi vero ipse Rvvschivs hunc circulum ab arteriolis confitum esse assereret, ex ipso tamen eius sermone satis appareat, illum venulas vorticosas pro arteriolis habuisse, & Hovivs recte monuit (*s*), circulum illum esse venosum, qui Rvvschivs acriter accusat, quod circulum venosum pinxerit, eumque tamen non cognouerit. Quam longe autem circuli illius icon a fabrica circuli arteriosi, tum hominis tum animalium omni ex parte abludit, optime tamen exprimit fabricam circuli venosi, qualem in maioribus animalibus, bobus & ouibus, venulis oculi mercurio repletis, frequentissime obseruaui. Inprimis in oculo bubulo, mercurio in venulas adacto, vidi circulum Ruyschiano simillimum, in quem innumeræ venulae a choroide confluunt, & a quo tanquam communi fonte venulae iridis oriuntur (*t*). Num autem in homine eadem fabrica obtineat, paulo post videbimus. Multo certe magis a fabrica in oculis brutorum animalium mihi visa abludit icon Hovii (*u*), qui loco circuli venosi vas pingit peramplum, toti oculo ad originem iridis circumductum, in quod tanquam sinum ophthalmicum, innumeræ venulae tenuissimæ, tam ex choroide, quam ex iride confluunt, & ex quo tria vascula venosa maiora, sanguinis reuectioni destinata, & scleroticam potentia, nascuntur. Repetitis autem experimentis vidi, in bove venosos truncos choroidis vasis vorticosis similes, vtrinque ramis copiosissimis ad choroidem emissis, anteriora versus ad acutos angulos densa serie plurimos edere ramulos, qui versus vtrumque latus secedentes in vnum circulum quidem confluunt, fabrica in eo non absimili a circulo arterioso hominis, nisi quod hic duo tantum rami in vtroque latere, ad circulum autem venosum constituendum plurimi ramuli faciant

(*r*) *Thef. II. Aff. I. n. I. T I. f. 6.* sum egregie descripsit III. HEISTER.

(*s*) *Epist. apologet. p. 197.*

(*t*) *Ex bove circulum illum veno-*

de choroid. §. XXVI.

(*u*) *Tab. 5. fig. 1.*

ciant (x). Recentiores tamen omnes post HOVIVM & RVSCHIVM circulum quendam venosum recepisse, videntur, cum venas & decursu & directione arteriis similes esse opinentur, et si ex analogia potius quam propria obseruatione illud afferere videantur, quod ipsi fatentur HEVERMANN, LOBE', HEBENSTREIT, WINSLOW & alii (y), cum omnes fere expositionem venarum oculi intactam reliquerint.

Cum ergo circulum venosum *vbi*que receptum & ab HOVIO & RVSCHIO delineatum viderem, illumque in oculis bulbis egregie formatum ipse obseruasse, vix dubitaui illum in homine quoque reperiri, in primis cum circulus arteriosus brutorum cum humana fabrica sic satis conueniat. Omni ergo diligentia adhibita, omnique patientia, ad illum indagandum accessi, ad quam indagationem in primis elegi oculos infantum, quorum venulas cera ita replere mihi contigit, ut & iridis venulae plurimae cera egregie rubentes conspicuae redderentur. Quod quidem experimentum in oculis infantum fere semper felicissime mihi successit, ut fere mirum videatur, cur HEBENSTREIT, HEVERMANN, HEISTER, illas in homine vix posse repleri, docuerint. Etsi autem primis experimentis me circulum quendam venosum vidisse mihi viderer, repetita tamen experientia meliora & veriora docuit, mihi satis superque persuasit, nunquam in homine circulum venosum, perfectum, continuum reperiri, humanamque fabricam a brutorum fabrica hac in re esse diuersissimam. In homine enim surculi anteriores a vasis vorticosis nati, recti, per cellulositatem orbiculi ciliaris procedunt, nec unquam instar longarum diuaricati, sed immutati in iridem, sibi paralleli sub circulo arterioso procurrunt, nec ullibi circulum continuum constituunt, in quem, ut in animalibus contingit, prius confluant, quam ipsam iridem adeant; in iride autem serpentinae cum neruulis & arteriolis procurrunt, ad annulum minorem pupillae circumpositum, ut singulae venulae

(x) Conf. quae dixi in *Comment. Soc. Sc. Gott.* T. IV. de differen-
tia fabricae.
(y) Vid. loc. cit. §. 1,

ex chorioide per illam cellulositatem ad iridem deduci possint. Interdum tamen maiusculi surculi in cellulosa tela ad valde acutum angulum diuisi, primum aliquot ramulis ad originem iridis oblique incedunt, & post breue iter in iridem recti excurrunt; vti quoque, surculi iisque maiores a vorticosis vasis nati, in cellulositate hinc & inde ramulos minimos laterales edunt, qui proximis inferuntur, & hac ratione inter illos anastomosin quan-
dam efficiunt; vti ybique vasculis sibi valde vicinis contingit.

Vasculis demum illis, e chorioide ad iridem pergentibus se immiscent venulae ciliares anteriores, quae perforata sclerotica per cellulosam telam recti, cum prioribus paralleli ad iridem perueniunt, in illa cellulositate ramulis quibusdam vtrinque emissis, qui vicinis surculis transuersim inosculantur.

Alia autem adsunt, quae fallere possunt, vt circulum te videre credere possis, & quae mihi primum imposuerunt, vt circulum me videre viderer. Illae nempe venulae longae, arteriolis similes, cum neruulis suis huc adlatae eodem modo ac arteriolis contingit, in cellulositate finduntur, & quaelibet venula longa ea in sede diuaricatur in duos ramos, qui ad obtusissimum angulum discedunt, & ad duas fere lineas flexuosi originem iridis legentes, surculos tenuiores plurimos, rectos per iridem excurrentes emittunt, a tergo autem multos surculos a choroide excipiunt. Nullibi autem contingit, vt ramuli duo, in quos quaevis venula ciliaris longa diuaricatur, sibi occurrentes continentur, & hac ratione circulum arterioso similem constituere possint, sed breui in iridis ramulos abeunt, & copiosissimi semper surculi paralleli a vasis vorticosis venientes in spatio vasorum longis interiecto, sineulla mora in iridem perueniunt. Neque FERREINIUS (z), et si circulum arteriosum, vnde arteriolae iridis nascantur, optime nouit, circuli venosi ullam facit men-
tionem,

(z) M. A. R. Sc. 1741, p. 381.

tionem, sed venulas iridis infra circulum arteriosum ad venas sanguineas choroidis redire tradit, qui ipse quoque venulas iridis repleuit, et si earum repletio difficillima sibi videatur, quam, nisi saepius repetito experimento, ex voto sibi successisse testatur.

§. VI.

Venula centralis & retinae.

Supereft ex venis oculi venula centralis nerui optici, quae ob peculiarem originem propriam certe meretur considerationem.

Plurimi certe, qui retinae vasra agnouerunt, illam arteriosis & venosis vasculis pingi affirmant, & iam olim GALENVS (*a*), retinam habere venas & arterias, totam ipsam pertexentes, diserte tradidit, nemo autem quod sciam, de venae centralis decursu & origine fuit sollicitus, cum omnes sibi persuaderent, venas oculi vbique esse arteriarum comites. Diserte tamen primus illius meminit Ill. HALLERV (*b*), qui ex venis internis oculi venam centralem nerui optici, similem arteriae retinam adire scribit, quem secutus MOELLERV (*c*) in homine quidem vnam, in animalibus autem maioribus, plures, tres quatuorque adesse affirmat.

Venula ergo centralis nerui optici origine sua fere semper differt a reliquis venulis oculi partes alias adeuntibus. Rarissime enim illa ipsius trunci venae ophthalmicae propago deprehenditur, sed fere semper nascitur distincta & singularis ex ipso receptaculo, & statim ab origine a trunco secedens sola proreptit periostio instrata, quod infra tendinem communem trium musculorum rectorum, reliquam partem rotundam fissurae sphenoideae superioris inuestit, plane ibi tecta fasciculo neruorum,

per

(*a*) Vid. loc. cit. §. I.

(*b*) Prim. lin. Physiol. §. DXX.

(*c*) Diff. de retina, §. 22.

per illam rimae sphenoideae rotundam partem oculum adeuntium, ut nisi omnibus illis neruis remotis conspici nequeat. Semel tamen inter plurimas obseruationes mihi visa est oriri in orbita ex ipso trunco venae, neruum opticum oblique transcurrentis; cuius loco ex receptaculo, via, qua alias venula centralis aduenire solet, alia allata est venula trunculo distincto, quae, minimis in pinguedinem vicinam surculis emissis, inter musculos prope originem adhuc inter se connexos & periosteum in ethmoideam posteriorem abiit. Quoties autem venula centralis a receptaculo distincta oritur, orbitam infra tendinem illum communem muscularum intrat, & tecta communi origine musculi interioris & exterioris procurrerit, quo in itinere ramulos minimos periostio & pinguedini largitur, vbi autem musculus inferior ab exteriori secedit, venula illa statim ad neruum opticum post exitum ex foramine optico extrorsum flexum adscendit, & primum quidem ad aliquot linearum spatium inter ipsas laminas vaginae nerui procurrerit, ramulis in illam vaginam emissis, qua demum perforata ad digitii minoris transuersi longitudinem in superficie nerui decurrit, per vaginam illam cera repleta pellucens, vbi multi surculi ex illa nascuntur, externam nerui faciem pingentes; sensim autem prope bulbum in substantiam nerui se demergit, & in eius centro, arteriolae comes, procurrerit, cui iuncta laminam cribrosam perforat, & in origine retinae in multos diuiditur ramulos, qui socii propaginum arteriosarum in interiori facie retinae decurrentes in omnem ambitum, ad anteriorem usque retinae finem, disperguntur. Ramuli hi venosi per retinam dispersi, pauciores quidem sed ampliores arteriolis mihi visi sunt, quod in primis in infante, vbi cera erant repleti, egregie apparuit, & ad credendum fere adducor, vascula sanguine plena, in retina humana & aliis & mihi frequentissime visa, forte potius propagines venosas quam arteriosas fuisse (23).

(23) Suppl. Cap. XI, §. 23.

CAPVT XII.**DE
PALPEBRIS.****§. I.***Fabrica palpebrarum.*

Oculo, qui ab omni reliquo latere orbita defenditur, ab anteriori parte praefixa sunt palpebrae, quae sunt plicae cutaneae, quas cutis faciei tenerior facta efficit. Cutis nempe vti a margine superiori orbitae osseae ante globum descendit, ita ab inferiori adscendit, vt duae lunulae inde formentur, longa incisura diuisae, quae & a latere nasal, ad angulum sic dictum maiorem, & a latere tempora versus ad angulum minorem inter se vniuntur. Vbi cutis palpebrae superioris ab orbitae margine superiori descendere incipit, ibi pulposior & tumidula emittit densam seriem pilorum imbricatorum, qui a parte nasal tempora versus inclinati vtrinque arcum formant, ab initio crassiori, in acutiores finem terminatum; Arcus illi supercilia dicuntur, quae in primis inseruiunt, vt umbram oculo superponant, sudsisque flumen a fronte delapsum ab oculo auertant. Ad angulum internum in ea cute sedent plurimae glandulae sebaceae, quales in naso, aliisque partibus cutis, vbi frictio metuenda est, inueniuntur. Lunula cutanea palpebrae superioris maior & latior, inferioris autem angustior animaduertitur. Cutis illa in aciem procurrent a margine extremo contra se ipsam reuoluta, & vestigia relegens prioris laminae, tenerima & summe extenuata, vt subtilissima vascula per illam pelluceant, ante oculi globum iterum ducitur, vnde continua ad scleroticam transit, cui anterius coniunctiuae nomine cellulofitate interposita, & de-

nique

nique ipsi corneae insternitur (a). Coniunctiuam & internam palpebrarum membranam verae cutis esse continuationem, introrsum suscepiae sensimque degenerantis, docet vel ipse culter anatomicus, in primis adiuuante maceratione, cuius ope continuitatem ostendere licet. Epidermis eam vbiique sequitur super corneam vsque, vti superius iam docuimus (b).

Vtraque autem palpebra in eo margine, quo se continent, intra duplicaturam cutis interceptum habet cartilagineum arcum, qui tarsus dicitur, tenuem, latiusculum, in superiori palpebra latiore, & fere lunatum, vbi segmentum circuli chorda terminatum refert, vt arcus segmenti marginem orbitae superiorem, chorda autem palpebram inferiorem respiciat in inferiori angustiorem, cuius duo margines longe paralleli inter se procurrunt, vterque tamen tempora versus gracilescit, altero fine nasum versus latiori. Ad limbum extremum vtriusque palpebrae non pertingunt, sed marginem illum crassiusculum, & conuexum facit tumor cutis ibi solidioris & fere callosae, qui margo tumidulus edit multiplici ordine, plerumque triplici aut quadruplici plurimos pilos, qui cilia dicuntur, extrorsum repandos, & ita flexos, vt superne primum descendant, deinde in arcum, cuius conuexitas hiatum oculorum respicit, flexi, adscendendo finiantur, inferiores primo adscendant, deinde arcu facto, cuius conuexitas priori obuersa, extrorsum flectantur (c). Palpebrae superioris cilia longiora, & densiora sunt, inferioris autem breuiora, & rariora, in vtriusque autem palpebrae medio itidem longiora & versus vtrumque angulum breuiora & rariora obseruantur, vt prope vtrumque angulum plane deficiant. Palpebris ergo clausis vtriusque palpebrae cilia se decussant, & vmbram & obscuritatem oculo addunt. Nunquam autem illa ex ipso cartilagine proueniunt, sed vnicce cuti inhaerent, & cum illa semper a cartilagine abscedunt, orta ex latere exteriore

(a) Vid. Ill. HALLERI Prim. lin.
Physiol. §. 496.

(b) Vid. super, cap. I, de sclero-
tica §. 13.

(c) Conf. Comment. Boerh, Tom.
IV. §. DVIII.

xiori huius limbi. Margo enim tumidulus cutaneus palpebrarum ita factus est, vt conuexitas arcus corneae conuexitatem respiciat, vnde non potest non palpebris clavis inter utrumque limbum conuexum palpebrarum & conuexum globum oculi relinquere spatium triangulare curuilineum, vacuum, in quo lacrymae coaceruari, & contractione palpebrarum versus angulum internum determinari possunt (*d*).

Duplicaturam illam, quam plica cutanea palpebrarum efficit, praeter cartilagineum tarsum, & musculos statim dicendos, replet cellulositas, in quam ligamenta tarsea resoluuntur. Ligamenta illa lata tarsea, **WINSLOWVS** (*e*) describit orta ex periostio orbitae, vbi ad oram externam in pericranium abit, utriusque palpebrae cartilaginibus tarsi inserta; omnes autem reliqui Anatomici ita de illis silent, vt commune illud silentium ligamenta illa dubia reddere posse videatur. Excitatus ergo **WINSLOWI** descriptione in hanc rem inquirere mihi visum fuit, & obseruationes saepissime repetitae me docuerunt, durae matris propaginem, quae orbitae parietes periostii loco conuestit, vbi ad oram orbitae exteriorem venerit, reuera in duas diduci laminas, quarum altera ossi manet annexa, & in ipsum periostium faciei abit, altera vero ab ipso orbitae margine exteriori vndique in palpebram se demergit, & in duplicatura illa cutis tarsum versus dicitur. Lamina illa ab initio satis crassa, & fibris, vti fere processus falciformis durae matris, instructa, vbi quibusdam foraminibus pertunditur, quibus vasa & nerui ex orbita in faciem exeunt, progreditur pone orbicularis, hac productione tanquam septo a leuatore in superiori palpebra separatum; nunquam autem integra ad tarbos pertingit, sed, priusquam ad illos perueniat, sensim tenuior & laxior facta in ipsa palpebra resoluitur in cellulosam illam laxam, inflabilem, quae utramque plicam illam cutaneam separat, & in morbis interdum

enormi

(*d*) *Comm. Boerh. loc. cit. §. 513.* 1734.
not. a. *PETIT. Mem. Acad. Paris.*

(*e*) *Tr. de la tête. §. 271.*

enormi aquae copia turget. In superiori palpebra & ad angulum internum multum fortior est, quam in inferiori & tempora versus. Etsi ergo quidem ligamenti tarsei, quos cartilagini nunquam attingit, nomen vix mereri videatur; velum tamen praebet orbitae praefixum, quod cauum orbitae perficiat, & oculum eo melius defendat; & septi instar vasa palpebrarum interiora ab exterioribus ita secludit, vt arcus tarsei pone illud septum, superficialia autem vasa orta ab ophthalmica orbitam nunc egressa, temporali externa & ab infraorbitali, ante illud ponantur (f).

§. II.

Musculus leuator palpebrarum.

Palpebrae illae duos habent musculos, quibus pro lubitu a se inuicem deduci, & aperiri, & oculo iterum obduci possint. Priorem motum in palpebra superiori perficit eamque eleuat proprius musculus, leuator palpebrae dictus, qui oritur ex sola dura matre ad oram superiore foraminis optici, ita vt ne vnica quidem fibra vaginam nerui optici attingat; Interposito enim vtroque musculo, attollente oculi & adducente, vbi principiis inter se cohaerent, vndique ab illa vagina secluditur, quibus musculis incumbens, illorumque fibris in origine nixa, tenui & tendineo principio incipit. Inde parti interiori musculis attollentis impositus gracilis musculus antrorsum progreditur, sensim latescens & extenuatus, cuius fibrae naso propiores, magis reftae procurrunt, exteiiores autem arcu ad tempora concauo extrorsum flectuntur, vt exteriorem finem tarsi attingant. Super bulbum oculi incedens sensim in aponeurosin tenuissimam abit, quae circa globum oculi se demittens ad marginem superiore tarsi pertinere, illique longe inseri dicitur. Membranea autem illa expansio leuatoris palpebrae mihi quidem ante cartilaginem ad limbum vsque palpebrae duriori cute factum procurrere visa fuit,

(f) Videſis, quae de his ligamentis iam dixi *Comment. Soc. Sci-* ent. *Götting. Tom. III. §. XV.*

fuit, fibris intimis musculi orbicularis arctissime adnexa, vti a posteriori facie cartilagini tarsi breui cellulositate adhaeret. Ab utroque latere in primis ab interiori expansio illa aponeurotica lacertulo tendineo fortiori limitatur, cui & ipsi carneae parti adhaeret arctissimo nexu cellulosa, quae cum ligamento tarsoe coniungitur. Bene illum musculum Arabibus iam notum (*g*) iam delineat **EUSTACHIVS** (*h*), optimam autem eius iconem exhibet **ILL. ALBINVS** (*i*), descriptione accuratissima illustratam.

§. III.

Musculus orbicularis palpebrarum.

Palpebras autem ad se adducit, oculumque obuoluit musculus latus, late & orbitae & palpebris instratus, a cantho majori ortus, & circa oram caui ossiei longe circumductus. Diuidit optime potest in duas partes, continuas tamen, neque separabiles, quarum altera cauum orbitae circumiens ossibus faciei instrata est, altera proprius ad palpebras pertinet. Partis exterioris fibrae plurimae proueniunt ad canthum internum a ligamento lato, plano, robusto, quod ortum a processu frontali ossis maxillaris ex transuerso ad commissuram palpebrarum dicitur; aliae in parte superiori ossi frontis, in inferiori autem ossi iugali & maxillari inferuntur. Omnes illae fibrae in lacertos congestae, & in oualem fere formam, cuius maior ambitus tempora, angustior autem nasum respicit, dispositae circa ambitum orae orbitae ducuntur. Lacerti huius partis exteriores ad tempora & in primis in gena longius ab orbita distant, vt ultra ossis iugalis marginem interdum descendant, in pinguedine ibi natantes & interuallo quodam distincti; in parte superiori autem margini orbitae propiores inter se minus distant, & frontali incumbentes cum fibris superciliaris iunguntur. Ad canthum

in-

(*g*) Vide historiam huius musculi
apud **MORGAGNIUM** epist. **XVI.**
§. 19.

(*h*) **Tab. XXXIX.** f. 2.
(*i*) **Tab. musc. XI.** f. 17. **Hist.**
musc. L. II. c, XXII.

internum plurimae fibrae lacertorum extimorum ligamentum supercandunt, ea non parti vlli affixa, & fibris musculi frontalis & leuatoris narium occurunt & necuntur.

Partis interioris palpebris obductae lacerti minores & compactiores sunt, in arcum minorem flexi, quorum intimiores, & ciliis propiores recti fere decurrent, qui ad canthum minorem ligamento inseruntur, ad exteriorem autem in angulos acutos conueniunt & sese decussant. Ipsum limbum vtriusque palpebrae inuestit fasciculus robustior, ex fibris rectioribus compositus, cartilagini tarso arctissime annexus, qui multis proprio nomine musculus ciliaris dicitur. Hanc diuisionem iam habuit olim RIOLANVS (*k*) conseruatam ab ALBINO (*l*) aliisque, WINSLOWVS (*m*) autem in quatuor musculos diuidit. Icones optimae sunt SANTORINI, WALTHERI, ALBINI.

§. IV.

Glandulae sebaceae palpebrarum, Meibomianae dictae.

Ad palpebras adhuc pertinent glandulae sic dictae Meibomianae, quae in sulcis faciei posteriori cartilaginum tarsi insculptis dispositae sunt. Glandulosi sunt plexus, secundum longitudinem tarso transuerso innati, et si non omnem tarsum, quam late est, occupant, cuius pars superior illis plerumque libera est. Compositi sunt ex plurimis folliculis sebaceis, rotundis, exiguis, serie dupli vel triplici secundum longitudinem canali intermedio adnatis, in quem sebum secretum edere videntur. Fatendum tamen est, mihi nunquam duictum communem, in quem omnes folliculi conuenirent, visum fuisse, qui forte folliculis tectus inter illos & tarsum incedit, nisi ille plane desit,

(*k*) *Anthropol. L. V. c. IX.*
 (*l*) *Hist. musc. L. II. c. XXI.*

(*m*) *Tr. de la tête, §. 290.*

desit, & folliculi tantum apertis osculis inter se communicent, vt ultimus demum per orificium in limbo palpebrae sebum edat. In margine enim extremo palpebrarum ea facie, quae globum oculi respicit pone cilia tot animaduertuntur orificia parua, vix conspicua, in eadem linea disposita, vna serie, interdum duplicita, quot plexuli glandulosi adsunt, per quae orificia breuissimo ductu sebum suum excernunt. In superiori palpebra in medio tarso sunt longissimi, sed graciliores, & versus finem superiorem angustiores, alii recta adscendent, alii serpentinis flexionibus incedunt; versus extremitatem autem vtramque tarsi sensim breuiores, & rectiores sunt, sed latiores, & superiori fine versus medium tarsum inclinati. Interdum longioribus breuiores sunt intermisti, aut, qui in itinere duo fuerant, prope orificium in vnum confluunt, aut in itinere inter se vniuntur aut simplex prope orificia in duos diuiditur. Interdum unus alterue plexulus vicinum medio tarso propriorem superscandit, introrsum flexus, fine incuruo. Alii in itinere in isthnum contracti, versus finem iterum latescere videntur. In palpebra inferiori breuiores sunt pro mole tarsi, sed latiores & rectiores, & magis parallelo itinere inter se incedunt. Laterales versus medianam partem tarsi, vt in superiori palpebra fine vltiori se inflectunt, breuiores, qui vtrique cantho sunt propiores. Inter punctum lacrymale & seriem glandularum spatium aliquod tarsi liberum supereft, quod non attingunt. Interdum in primis in inferiori palpebra nonnulli folliculi insulas constituunt, a reliquis plexulis seiunctas, illisque interpositas, & tenuissimo tantum isthmo cum illis cohaerentes. Succum edunt, vt reliquae glandulae sebaceae, in viuo aut recens mortuo sebaceum, mollem et limpidiorem, in vetusto concretum & in vermiculos formatum, si orificio exprimitur. RVSCHIVS eiusmodi vermiculos expresos pro materia ceracea ex arteriis transudante habuit, & folliculos glandulosos negauit (*n*), quem autem omnes reliqui Anatomici deserunt, CASSERIVS (*o*) quidem glandulas has iam delineauit, etsi in textu nihil de illis habeat. MEIBOMIVS autem

(*n*) *Thef. X. n. 124. Epift. resp.*
anat. ad BOERHAAVE.

(*o*) *De org. vij, T. I. f. 3. 4.*

tem primus peculiari epistola bonam illarum dedit descriptionem, iconē ornatam (*p*), quarum memoriam, a reliquis fere negletam, iterum restituit MORGAGNIUS, iconē addita (*q*), qui primus illas in glandularum sebacearum ordinem adseruit, qui & omnes, qui illum sunt secuti, praeter RVSCHIVM, facile sibi consentientes habet. Post MORGAGNIVM VATERVS (*r*) aliam exhibet figuram, vbi autem nimis varie, nimis confuse dispositae apparent, historiam autem illarum in primis WINSLOWVS (*s*), GVNZIUS (*t*) & Ill. HALLERVUS (*u*) optimis animaduersionibus illustrarunt.

(*p*) *Epist. ad Langellotum de vasculis palpebrarum nouis*, 1666.

(*q*) *Aduers. anat. I. p. 12. T. IV.*

fig. I.


(*r*) *Miscell. Berol. Cent. III. T.I.*

(*s*) *Tr. de la tete*, §. 279.

(*t*) *De humoribus purg. lib. Hippocr. p. 188.*

(*u*) *Comment. Boerh. Tom. IV.*

§. DXI, not. a, *Prim. lin. physiol.* §. 494.



CAPVT XIII.
DE
VIIIS LACRYMARVM.

§. I.*Glandula et caruncula lacrymalis.*

Super anteriorem partem bulbi semper effunditur liquor aqueus, limpidus, euaporabilis, lacryma dictus, qui inde per ductus lacrymales ad faccum lacrymalem abit, & porro ad narium interiora defertur. Eum maxima certe ex parte exhalare videntur arteriae coniunctiuae tunicae & membranae internae palpebrarum, quae argumento iniectionis aquosae naturam imitantis aqueum semper humorem stillant; partim etiam in homine, vt in multis animalibus certa fide contingit, creditur depolare glandula conglomerata, molliuscula, quae in recessu cauo ossis frontis tempora versus sedet. Glandula illa versus exteriorem angulum crassior, versus interiorem extenuata componitur ex plurimis lobis cellulositate inter se coniunctis, interposita multa pinguedine, quibus tamen nullum peculiare inuolucrum fortius obducitur. Ex illa glandula in boue aliisque animalibus conspicui ductus descendunt, qui in facie interiori palpebrae superioris orificiis patulis, setam minorem recipientibus se apriunt (*x*). In homine autem hucusque accuratissimorum Anatomicorum aciem omnino ductus illi effugerunt; neque mihi hac in re illis feliciorem esse contigit, etsi omni diligentia varia que administratione in illos inquisuerim. (24)

Lacry-

(*x*) Conf. BIDLOI *T. XI. f. 3.* *not. e.*

5. Historiam horum ductuum vide (24) Suppl. Cap. XIII. §. 24.
in *Comm. Boerh. T. IV. §. DXII.*

Lacrymae illae in spatio triangulari curuilineo inter tumidum limbum palpebrarum & globum oculi relicto collectae versus canthum maiorem perpetua motitatione palpebrarum propelluntur. Ibi palpebris se interponit agmen glandulosum, oblongum, quod caruncula lacrymalis dicitur, ex plurimis folliculis sebaceis compositum, qui, ut aliis eiusmodi folliculis contingit, saepe pilos edunt, & compressae vermiculum sebaceum per porum minimum emittunt. Ante eam tertia fere palpebra oculo obuertitur, a superiori ad inferiorem ducta, semilunaris, cuius concavitas tempora respicit, facta ex duplicatura coniunctivae, in homine minima, ut leue fere imitamentum palpebrae tertiae animalium, quam pro lubitu ope peculiaris musculi oculo obducunt, esse videatur.

§. II.

Canaliculi lacrymales.

Ante carunculam lacrymalem ad finem interiorem tarsi in utriusque palpebrae margine eminet papilla rotunda, in cuius apice animaduertitur semper foramen unum maiuscum, in statu fano semper apertum, quod satis facile setam recipere potest, & punctum lacrymale dicitur. Vti inter ultimum osculum glandularum Meibomianarum & hoc foramen spatium quoddam relinquitur, liberum, quo glandulae illae non pertingunt, ita quoque punctum lacrymale non eadem serie cum orificiis glandularum positum est, sed ad anteriora magis accedit, ut, quum orifica glandularum globo oculi obuersa sint, puncta lacrymalia sibi ex aduerso opposita se inuicem respiciant.

Puncta haec lacrymalia ducunt in duos canaliculos, nomine canarium lacrymalium, qui ad se inuicem accedentes communi receptaculo, quod saccus lacrymalis dicitur, inseruntur. Canaliculus palpebrae superioris in itinere versus saccum nasalem non parum descendit, ut ad angulum acutum iungatur, cum canaliculo inferiori, qui magis transuersalis decurrit, & dum

dum cera turgebat, paulum fere adscendere mihi visus fuit. Eum quidem decursum plurimi recentiorum optime proponunt (*y*). A prima autem origine non statim ea, quam modo diximus, directione feruntur. Canalis enim superior, ab orificio ad lineae longitudinem recta adscendit, & tunc angulo facto descendere incipit; vti inferior prius recta descendit, & tunc ad angulum rectum in directionem transuersalem flectitur, quem quidem decursum in omnibus experimentis, vbi canaliculos lacrymales per orificium inferius ductus nasalis cera repletos examinaui, constantem immutata naturae lege obseruaui. Miror autem fere, cur ab omnibus aliis angulus ille directionis praeteruisus fuerit, qui in administrandis chirurgicis operationibus non adeo parui momenti, & attentione dignus certe esse videtur, dum stilum aut tubulum siphonis Anelliani ad referandum iter obstructum illorum canalium immittimus.

Canaliculi illi ad se inuicem accedentes ante insertionem in saccum lacrymalem in vnum ductum iungi certe videntur, qui ductus communis transuerso itinere ultra lineae spatium procurrens faciei anteriori non penitus summo sacci nasalis immittitur. Simplex certe orificium ibi semper obseruaui; non possum tamen, quin fatear, interdum me videre mihi visum fuisse ductum communem, ex duobus canaliculis compositum distinctum fuisse septo tenuissimo, vt duo canaliculi sibi quidem appositi & vnum ductum mentientes procurrerent, uno tamen osculo, cum septum ante insertionem deficeret, in saccum nasalem se aperi-
rent.

Decurrunt illi canaliculi in facie posteriori palpebrae sola membrana interna testi, omni autem reliqua ex parte musculus orbicularis illos obuoluit, & arctissime illis adnascitur, vt diffilime, & vix, nisi summa attentione adhibita, sine illorum laesione auferri possit; inde pone ligamentum canthi maioris ductus

(*y*) E. g. MONROO *Edimb. Soc. HALLERI prim. lin. physiolog. S. III. p. 281. WINSLOW. §. 345. DI.*

ductus communis ad saccum nasalem progreditur, & in faciem anteriorem facci ita inseritur, vt satis magna pars interior, oculo propior, infra illam insertionem promineat; vti supra insertionem saccus finem coecum habet. Constant autem illi canaliculi ex membrana tenuissima, intus alba & laeui; in qua etsi hic illi poruli minimi adesse videantur, multum tamen differt a tunica interna, rubra, pulposa facci nasalis.

§. III.

Soccus lacrymalis.

Soccus lacrymalis nempe dicitur receptaculum oblongum ovali fere figura, situm in sulco osseō proprio, ex fossa ossis unguis & processu frontali ossis maxillaris factō, utriusque ossi firmissime annexus. Latet intra & retro musculum orbicularem eiusque ligamentum, cuius musculi multae fibrae illi adnasci videntur. Ab anteriori nempe facie obducitur fortiori ligamentosa membrana, cui musculus insternit, qua remota vera demum figura facci nasalis in conspectum venit. Ipse enim saccus propri conficitur ex membrana exteriori tenui, neruea, alba, & alia distincta interiori, rubra, vasculosa pulposa, vera nempe continuatione membranae pituitariae, vti ipsum quoque saccum muco nasalí repletum interdum vidi. Optime figura & situs huius facci apparet, si cera per orificium inferius repletus fuerit, qua administratione usus semel optime miram aliisque nondum dictam fabricam hic mihi videre contigit. Ex hocce enim sacco, &, vti videbatur, ex ipso ductu communi canaliculorum, multa prodibant vascula, quorum nonnulla non adeo parua fuerunt, cera itidem plena, quae per membranas vicinas ludentia versus vtramque palpebram decurrebant, in itinere in nonnullos minores ramulos diuisa. Finem tamen certum illorum detegere non potui. Vascula sanguifera venosa quis dixerit, cum in toto capite solus ductus lacrymalis cera repletus fuisset. Annon esse videntur sinus minores, in palpebrarum faciem internam patentes, quibus, praeter puncta lacrymalia, pars lacrymarum resorpta in saccum transcolari, & deferri potest. Nostra cum ob-

feruatione optime conuenit animaduersio GVNZII (z) qui in oculo, vbi foraminum nullum vestigium inueniri potuit, atten-
tiori examine circa carunculam & vbi membrana sedet, quae
crescenti lunae comparatur, multa minutissima foraminula de-
texit; & alios quoque vidit, quos in alterutra palpebra, puncto
lacrymali occluso, nullus tamen lacrymae cursus infestauit, vt
ipse inde iam concluderet, esse interdum exiguae aliquas fistu-
las, circa carunculam apertas, quae exceptam lacrymam in fac-
cum nasalem duderent. Occasione data faepius hanc in fabri-
cam inquiram. (25)

§. IV.

Ductus nasalis in narium interiora apertus.

Ipse saccus ex situ fossae ossis vnguis oblique positus leui-
ter antrorum & extrorum progreditur, sensim angustatus. Vbi
autem perfectum canalem osseum ingreditur, directionem mu-
tat, & in ipso osse, angulo facto, retrorum fertur, vbi liga-
mento fere interdum constrictus esse videtur, sic parte quadam
antri Highmori tectus, deorsum & retrorsum delatus definit
tandem sub osse spongioso inferiori, loco anteriori, vbi illud ab
osse pronascitur, & in nares ibi patet orificio ita oblique resecto,
vti fere vreteres in vesicam se immittunt, quod orificium praet-
erea aliqua ex parte clauditur plica membranea semilunari, li-
bera, vt aliquam valuulae speciem exhibere
videatur. (26)

(z) *Libr. cit. p. 188.*

(25) *Suppl. Cap. XIII. §. 25.*

(26) *Suppl. Cap. XIII. §. 26.*



EXPLICATIO FIGVRARVM.

TAB. I. FIG. I.

Origo tunicarum oculi; facies interna choroidis.

- a. Nervus opticus discissus.
- b. Vaginae nervi optici lamina exterior.
- c. — — lamina interior.
- d. Pia mater nervi optici.
- e. Arteria centralis.
- f. Pars laminae cribrosae, per quam substantia medullaris nervi optici transit. p. 94.
- g. Sclerotica posterius crassior, ubi cum vagina nervi optici connectitur.
- h. Circulus laminam cribrosam ambiens, unde pia mater nervi optici reflectitur, et in
- i. Laminam interiorem scleroticae abit. p. 10.
- k. Arteriae parallelae, quae in choroidis facie interna apparent.
- l. Reticulum vasculosum obscure adumbratum, quo arteriae choroidis obducuntur.
- m. Plicae processuum ciliarium albæ.
- n. Iris.
- o. Connexio scleroticae cum cornea.

FIG. II.

Reticulum choroidi instratum microscopio plurimum augente visum. p. 41.

- a. Arteriolae choroidis faciei internae.
- b. Reticulum vasculosum.
- c. Magnitudo naturalis huius portionis choroidis, cuius icon hic fistitur.

TAB. II. FIG. I.

Tres tunicae oculi altero ex latere ablatae, ut humores in situ naturali in conspectum veniant.

- a. Nervus opticus.

- b. Tres tunicae oculi reflexae.
- c. Humor vitreus.
- d. Lens crystallina.
- e. Retina humori vitreo subiecta.
- f. Retinae terminus anterior. p. 103.
- g. Corporis ciliaris pars posterior striata.
- h. Plicae processuum ciliarium, radios albos referentes.
- i. Locus, vbi ab utroque latere lentis radii albi a lente distantes apparent. p. 54. not. b.
- k. Pupilla per lentem pellucidam conspicua.

FIG. II.

Annulus processuum ciliarium lente visus, parum augente.

Cap. II. Sect. II. §. IV.

- a. Pars scleroticae.
- b. Pars choroidis.
- c. Ora ferrata, quae annulum a reliqua choroide distinguit.
- d. Pars posterior annuli striata.
- e. Pars anterior ex plicis processuum ciliarium composita.
- f. Plicarum pars anterior, latior, eminens.
- g. Plicae nonnullae extremo bifido terminatae.
- h. Plicarum pars posterior, quam plures radiculae constituunt.
- i. Iridis facies posterior, vuea dicta, striata.
- k. Pupilla.

FIG. III.

Plicae tres processuum ciliarium, quorum fabrica vasculoſa microscopio plurimum augente fistitur.

- a. Arteriolae innumerae parallelae, in facie interna choroidis conspicuae.
- b. Vasculum maiuscum in margine eminente decurrens.
- c. Arcus, per quos vascula in apice plicae inter se iunguntur.
- d. Reticulum vasculoſum.
- e. Iridis facies posterior.
- f. Magnitudo naturalis huius portionis, quae lente aucta delineata fuit. vid. cap. II. sect. II. §. VI.

TAB.

TAB. III.
Arteriae et venae oculi.

FIG. I.

Arteriae oculi. Cap. X. §. I.

- A. Palpebra superior.
- B. Musculus obliquus superior cum trochlea.
- C. Musculus abducens.
- D. Musculus deprimens.
- E. Musculus adducens.
- F. Pars anterior musculi attollentis abscissa.
- G. Glandula lacrymalis.
- H. Bulbus oculi.
- I. Ambitus corneae.
- K. Nervus opticus.
- L. Nervi quinti paris primus ramus abscissus.
 - a. Arteria ophthalmica.
 - b. Ramuli ad duram matrem nervi optici in foramine opticum.
 - c. Arteriola accessoria cum primo ramo quinti paris orta a meninga, & lacrymali ramo inserta.
 - d. Ramus lacrymalis.
 - e. Ramuli ad musculum abducentem.
 - f. Arteriola ciliaris tenuissima, orta a lacrymali, & in sclerotica definens.
 - g. Ramus muscularis inferior.
 - h. Ramus illius maiusculus, unde oritur arteria centralis nervo optico tecta, &
 - i. Ciliaris inferior interior.
 - k. Ramus ad musculum adducentem & obliquum inferiorem.
 - l. Ramus ad musculum deprimentem.
 - m. Arteria ciliaris exterior.
 - n. Huius ramus tenuior, qui inprimis per superficiem scleroticae dispergitur.
 - o. Surculi ciliares scleroticae perforantes.
 - p. Surculus ad scleroticae.
 - q. Circulus arteriosus circa transitum nervi optici per crassitatem scleroticae.
 - r. Ramus ad musculum attollentem abscissus.

- f. Ramuli ad duram matrem nerui optici.
- t. Ramus supraorbitalis nerui frontalis comes.
- u. Arteria ethmoidea posterior.
- x. Ramus ad musculum adducentem.
- y. Ramus ad musculum obliquum superiorem.
- z. Arteria ethmoidea anterior.
- r. Truncus infra trochleam ex orbita emergens, & in ramos palpebrales, aliquosque anteriores diuisus.
- 2.2.2. Ramuli cum musculis rectis oculi allati, qui prope cornem abeunt in
- 3.3.3. Arteriolas ciliares anteriores, sclerotica perforantes.

FIG. II.

Arteriae ciliares longae et breues; circulus iridis.

Cap. X. §. II. III.

- a. Sclerotica reflexa.
- b.b. Duae arteriolas ciliares longae.
- c.c. Rami duo maiores, in quos quaevis arteriola longa diuariatur.
- d.d.d. Ramuli ex utroque ramo bifurcationis enati & ad circulum interiorem abeuntes.
- e.e. Circulus interior,
- f. isque duplex nonnullis in locis.
- g.g. Arteriolas ciliares anteriores, in circulum interiorem insertae.
- h.h.h. Arteriae ciliares breues.
- i.i.i. Mutua inter illas anastomosis pone orbiculum ciliarem.
- k.k. Surculi in circulum iridis abeuntes.
- l.l. Arteriolas iridis.
- m.m. Arcus, quibus circa annulum minorem iridis inter se iunguntur.
- n. Surculi ex illis arcubus versus pupillam tendentes.

FIG. III.

Portio annuli minoris iridis, ope microscopii visa et delineata. p. 82. 200.

- a.a. Arcus, quos arteriolas iridis constituunt circa annulum minorem, in praecedente figura litt. m.m. designati.

b.b.

b.b. Ramuli ex illis arcubus versus pupillam tendentes.

c.c. Ramuli in annulo minori iridis transuersim decurrentes, & duetu cum ora pupillae parallelo, quos nonnulli pro fibris orbicularibus iridis habuisse videntur. p. 82.

FIG. IV.

Venae oculi. Cap. XI. §. II.

- A. Portio palpebrae superioris obiter delineata.
- B. Glandula lacrymalis.
- C. Musculus abducens.
- D. Pars posterior musculi attollentis discissi.
- E. Pars anterior.
- F. Pars posterior leuatoris palpebrae discissi.
- G. Pars anterior.
- H. Musculus obliquus superior cum trochlea.
- I. Nervus opticus foramen opticum ingressus.
- K. Nervus quarti paris.
- L. Nervi quinti paris primus ramus.
 - a. Truncus venae ophthalmicae ex receptaculo proueniens.
 - b. Venula ethmoidea posterior.
 - c. Ramulus ad nervum opticum.
 - d. Venula ciliaris superior.
 - e. Surculi tres scleroticam perforantes.
 - f. Ramuli per scleroticam ludentes.
 - g. Ramus inferior muscularis.
 - h. Ramus lacrymalis.
 - i. Ramus inter lacrymalem & inferiorem anastomoticus.
 - k. Truncus super bulbum incedens.
 - l. Ramulus ad musculem attollentem.
 - m. Ramus interior.
 - n. Ramus ex trunco, insertus
 - o. Ramo anastomotico inter truncum & lacrymalem.
 - p. Ciliaris interior.
 - q. Ethmoidea anterior.
 - r. Truncus ex orbita exiens, communicans cum
 - s. palpebrali superiori et
 - t. nasalis.

- u. Venula ciliaris anterior ex ramo musculari orta et sclerotica perforans.

TAB. IV. FIG. I.
Iridis fabrica & neruuli ciliares.

- a. Neruus opticus.
- b. Sclerotica reflexa.
- c. Neruuli ciliares alii maiores anterius in ramos diuisi.
- d. Alii minores, vix ramosi. p. 191.
- e. Vascula duo venosa maiora, obiter expressa.
- f. Foramen in sclerotica, per quod vasculum venosum transit.
- g. Vasculum venosum minus.
- h. Orbiculus ciliaris.
- i. Annulus maior iridis. vid. cap. II. sect. III. §. III.
- k. Fibrae iridis parallelae serpentinae.
- l. Fibrae maiores per arcus inter se iunctae, quorum plurimae circulum minorem iridis constituant.
- m. Annulus iridis minor, interior.
- n. Fibrae rectae ex conuexitate arcuum ad pupillam tendentes.
- o. Pupilla.

FIG. II.
Venuiae choroidis et iridis. Cap. XI. §. III. IV.

- a. Vagina nerui optici a dura matre, discissa & reflexa.
- b. Neruus opticus.
- c. Venula centralis in nerui superficie decurrens, & prope oculum in substantiam nerui se demergens.
- d. Scleroticae quatuor anguli reflexi.
- e. Anguli corneae.
- f. Circulus niger, qui corneam a sclerotica distinguit.
- g. Foraminula scleroticae prope corneam pro transitu vasculorum ciliarium anteriorum, arteriarum & venarum.
- h. Foraminulum maius pro vase vorticoso.
- i. Duo vase vorticosa maiora, ab altero latere in plurimos ramulos diuisa.
- k. Ramuli retrorsum eentes, quorum nonnulli occurruunt.

- i.l. Venuis ciliaribus posterioribus, prope insertionem nerui optici scleroticam perforantibus.
- m. Ramuli anteriores iridem adeuntes.
- n. Vas vorticorum minus, minus elegans.
- o. Venula accessoria intermedia, utriusque vasi vorticoso maiori iuncta, in plurimos ramulos diuisa. p. 214.
- p. Venula ciliaris longa. p. 215.
- q. Nervulus ciliaris venulae longae perpetuus comes.
- r. Duo ramuli, in quos venula ciliaris longa sub cellulositate orbiculi ciliaris diuaricatur.
- f.f. Venulae tres anteriores ciliares abscissae.
- t.t. Ramuli laterales, quibus venulae ex choroide in iridem transeuntes inter se communicant.
- u. Venulae iridis serpentinae parallelae.
- x. Lamella anterior iridis reflexa.
- y. Pupilla.

TAB. V.

Musculi bulbi oculi.

FIG. I.

Musculi cum leuatore palpebrae superioris.

- a. Bulbus oculi.
- b. Nervus opticus in cauo musculofo.
- c. Nervus opticus extra orbitam abscissus.
- d. Portio durae matris, quae a nervo optico abscedit, ut in periorum ostium orbitae abeat.
- e. Leuator palpebrae superioris ex angulo divisionis durae matris ortus, & in latam aponeurosin terminatus.
- f. Musculus attollens, magna ex parte leuatore palpebrae tectus.
- g. Obliquus superior per trochleam inflexus.
- h. Insertio obliqui inferioris.
- i. Musculus deprimens.
- k. Musculus abducens capite duplice ortus. p. 152.
- l. Caput superius minus.
- m. Caput inferius.

- n. Interuallum vtrique capiti interpositum, per quod nerui in fasciculum collecti transmittuntur. p. 153.
- o. Primus ramus nerui quinti paris.
- p. Huius primi rami, ramus lacrymalis abscissus.
- q. Ramus frontalis abscissus.
- r. Ramus nasalis.
- s. Rami nasalis furculus, qui radicem longiorem ganglii ophthalmici constituit.
- t. Neruus tertii paris.
- u. Neruus sexti paris.

FIG. II.

Musculi oculi sine leuatore palpebrae.

- a. Bulbus oculi.
- b. Neruus opticus intra orbitam.
- c. Neruus opticus extra orbitam.
- d. Portio durae matris, quae in periostium abit.
- e. Leuator palpebrae prope originem abscissus.
- f. Musculus obliquus superior per trochleam inflexus.
- g. Musculus attollens.
- h. Tendo eius prope insertionem dilatatus.
- i. Musculus adducens.
- k. Vterque musculus modo dictus prope ortum inter se connexus, vt inde pateat, leuatorem palpebrae in origine ad vaginam nerui optici non pertingere, sed vtrique musculo esse impositum. p. 225.
- l. Musculus deprimens.
- m. Musculus abducens.
- n. Caput superius cum attollente connexum.
- o. Caput inferius.
- p. Interuallum vtrique capiti interpositum.

FIG. III.

Tendo communis, vnde musculi abducens, adducens et deprimens originem ducunt. Cap. VIII. §. III.

- a. Neruus opticus prope ingressum abscissus.
- b.

- b. Septum osseum diffractum, forami optico, et fissurae sphenoideae initio rotundo interiectum.
- c. Dura mater abscissa, vbi in perioustum orbitae abit.
- d. Musculus attollens, ex diuisione durae matris ortus, abscissus.
- e. Leuator palpebrae superioris abscissus.
- f. Tendo communis, vnde tres musculi adducens, abducens & deprimens oriuntur.
- g.g.g. Propagines tendineae ex ligamento communi ortae, ad musculos suos abeuntes.
- h. Musculus abducens.
- i. Musculus deprimens.
- k. Musculus adducens.

FIG. IV.

Musculus obliquus superior. Cap. VIII. §. X.

- a. Nervus opticus situ motus & deorsum inflexus, vt origo obliqui superioris eo melius in conspectum veniat.
- b. Musculus abducens abscissus.
- c. Interuallum utriusque capiti huius musculi interiectum.
- d. Musculus attollens prope ortum abscissus.
- e. Insertio huius musculi in bulbum oculi.
- f. Leuator palpebrae abscissus.
- g. Musculus adducens abscissus.
- h. Origo musculi obliqui superioris ex periostro parietis internae orbitae.
- i. Tendo per trochleam inflexus.
- k. Trochlea.
- l. Tendo prope insertionem sensim dilatatus.
- m. Insertio obliqui inferioris.

FIG. V.

Musculus obliquus inferior. §. XI.

- a. Bulbus oculi.
- b. Musculus abducens.
- c. Musculus deprimens.

- d. Obliquus inferior ex ora anteriori orbitae ortus.
e. Insertio huius musculi in bulbum oculi.

TAB. VI.

Nerui oculi.

FIG. I.

Nerui bulbi & muscularum oculi.

- A. Bulbus oculi.
- B. Glandula lacrymalis.
- C. Musculus abducens.
- D. Musculus attollens.
- E. Leuator palpebrae.
- F. Musculus deprimens.
- G. Musculus adducens.
- H. Obliquus superior.
- I. Trochlea.
- K. Pars musculi obliqui inferioris.
- L. Carotidis decursus in receptaculo.
- M. Carotis in cauitatem cranii penetrans.
- N. Arteria ophthalmica ex carotide orta.
- a. Neruus opticus foramen suum transiens.
- b. Neruus quinti paris in cauitate cranii.
- c. Nerui quinti paris ramus tertius.
- d. Eiusdem ramus secundus.
- e. Ramus primus.
- f. Primi rami e. ramus frontalis in duos ramos iterum diuisus.
- g. Primi rami e. ramus nasalis.
- h. Rami g. ramuli ciliares super neruum incidentes. p. 189.
- i. Rami e. ramus lacrymalis.
- k. Neruus quarti paris.
- l. Neruus sexti paris duplex in receptaculo.
- m. Radix duplex nerui intercostalis a sexto pari.
- n. Sexti paris insertio in musculum abducentem.
- o. Truncus nerui tertii paris.

- p. Tertiī paris ramus superior, minor.
- q. Rami p. ramuli ad attollentem musculum.
- r. Rami p. ramulus ad leuatorem palpebrae.
- f. Tertiī paris ramus inferior maior.
- t. Rami f. ramus ad musculum adducentem.
- u. Rami f. ramus ad musculum deprimentem.
- x. Rami f. ramus ad obliquum inferiorem.
- y. Ganglion ophthalmicum, nexus cum neruo optico solutum, & ad exteriora reuolutum, vt diuisio nerui paris tertii pateat.
- z. Radix breuior ganglii ophthalmici, a neruo obliqui inferioris.
- 1. Ganglii radix longior a ramo nasali quinti paris.
- 2. Neruorum ciliarium fasciculus superior, quem quatuor hic neruuli faciunt. p. 186. sqq.
- 3. Fasciculus inferior.
- 4. Fasciculi inferioris ramulus extrorsum a reliquis secedens.
- 5. Ramulus alterutri surculo h. h. ex neruo nasali orto insertus, ad latus externum nerui optici infra fasciculum superiorem adscendens.
- 6. Fasciculi inferioris neruus ciliaris inferior interior.

FIG. II.

Ganglion ophthalmicum cum neruulis ciliaribus.

Cap. IX. §. VII. VIII.

- A. Musculus attollens paulo reuolutus, vt facies inferior, cui neruus inseritur, pateat.
- B. Leuator palpebrae.
- C. Portio carnea trochleatoris.
- D. Tendo trochleatoris cum trochlea.
- E. Portio musculi adducentis, cum ramo nerui tertii paris.
- F. Portio deprimentis cum ramo nerueo, quem insertum sibi habet.
- G. Musculus abducens ab interna facie visus.
- H. Insertio obliqui inferioris.
- I. Portio palpebrae superioris obiter expressa.
- a. Neruus opticus.

- b. Nervus quarti parisi abscissus.
- c. Nervus sexti parisi musculo suo insertus.
- d. Nervus tertii parisi.
- e. Ramus superior.
- f. Rami e. surculi ad musculum attollentem.
- g. Rami e. ramus ad levatorem palpebrae.
- h. Nervi tertii parisi ramus inferior.
- i. Ramus ad deprimendum.
- k. Ramus ad musculum adducentem, uterque obiter expressus.
- l. Ramus ad musculum obliquum inferiorem.
- m. Nervi quinti parisi ramus frontalis abscissus.
- n. Eiusdem ramus nasalis.
- o. Nervuli duo ciliares ex nasalibus orti.
- p. Ganglion ophthalmicum lateri exteriori nervi optici annexum.
- q. Radix longior a ramo nasalibus quinti parisi.
- r. Radix brevior a nervo l. musculi obliqui inferioris.
- s. Fasciculus nervorum ciliarium superior ex tribus nervis compitus.
- t. Fasciculus inferior maior.
- u. Surculus semper extorsum flexus & longo ambitu ad bulbum accedens.
- x. Fasciculi huius ramus inferior interior, alterutri ramo ex nasalibus orto insertus.

TAB. VII.

FIG. I.

Membranula coronae ciliaris, cuius ope lens crystallina cum vitreo iungitur, & canalis Petilianus flatu turgens.

Cap. IV. §. III.

- a. Humor vitreus.
- b. Lens crystallina.
- c. Annulus serratus ex pigmento nigro conflatus, anteriori parti humoris vitrei & coronae ciliari instratus.
- d. Bullulae, in quas membranula coronae ciliaris, flatu immisso, eleuatur.
- e. Vulnusculum, per quod flatus immisus fuit.

FIG.

FIG. II. III.

Arteria lentis crystallinae in facie eius posteriori conspicua,
& quidem fig. I. magnitudine naturali, & fig. II.
microscopio aucta. vid. cap. V.

§. IV.

FIG. IV. V. VI.

Tres figurae lentis crystallinae ex hominibus diuersae ae-
tatis, et quidem fig. IV. ex infante recens nato, fig. V. ex
infante aliquot annorum, fig. VI. ex homine adulto viginti
circiter annorum, vt inde pateat, lentem semper esse
eo conuexiorem, quo propior homo est origini.
vid. cap. V. §. I.

FIG. VII.

Lens crystallina, quae in aqua macerata in squamas trian-
gulares dehiscere incipit. p. 118.

FIG. VIII.

Glandulae sebaceae Meibomianae, a facie posteriori palpe-
brarum visae. Cap. XII. §. IV.

- a. Tarsus palpebrae superioris.
- b. Tarsus palpebrae inferioris.
- c. Canthus internus.
- d. d. Plexus glandulosi, qui vulgo glandulae Meibomianae dicun-
tur.
- e. e. Orificia illorum plexuum in margine extremo palpebrarum.

FIG. IX.

Insertio leuatoris palpebrae superioris.
p. 226.

- a. Canthus oculi internus.
- b.

- b. Palpebra inferior.
- c. Aponeurosis musculi leuatoris palpebrae.
- d. Glandulae Meibomianae per aponeurosin conspicuae.

FIG. X.

Viae lacrymarum.

- a. Orificio glandularum Meibomianarum.
- b. Membranula semilunaris ante carunculam lacrymalem.
- c. Caruncula lacrymalis. cap. XIII. §. I.
- d. d. Puncta lacrymalia.
- e. e. Duo canaliculi prope saccum nasalem inter se conjuncti. §. II.
- f. Saccus lacrymalis.



Tab. I.

Fig. 1.





Fig. 2.



J.P. Kaltenhofer del. ad nat. et sc. cum sequent.



Digitized by srujanika@gmail.com

Tab. II.




Fig. 2.





Fig. 1.







Fig. 2.



Tab. III.

Fig. 3.




Fig. 1.





Fig. 4.



Wadd

500

Tab. IV.




Fig. 2.







Fig. 1.



Tab. V.

Fig. 2.




Fig. 3.




Fig. 5.






Fig. 4.





Tab.VI.






Fig. 2.





Tab. VII.

Fig. 8.




Fig. 1.




Fig. 4.



Fig. 5.



Fig. 6.



Fig. 7.



Fig. 3.




Fig. 2.



Fig. 9.





Fig. 10



W. A. & C.



